

## Ukiumoortumik naatsorsuutit pillugit inatsisip Kalaallit Nunaannut atuutsinneqalernissaanut peqqussut pillugu nalunaarut

Ukiumoortumik naatsorsuutit pillugit inatsisip Kalaallit Nunaannut atuutsinneqalernissaa pillugu peqqussut nr. 625, 23. juni 2008-meersup, inatsit nr. 1287, 19. december 2012-imeersumi §7-ip aamma peqqussut nr. 487, 14. maj 2018-imeersup kingunerannik allannguutitalerlugu maanna nalunaarutigineqarpoq.

### Immikkoortoq I

#### Inatsisip atorineqarfia, tunngaviusumik piunasaqaatit il.il.

#### Kapitali 1

#### *Inatsisip atorineqarfia il.il. Suliffeqarfiit ilaatinneqartut*

§ 1. Inatsit manna atuutissaaq suliffeqarfinnut inuussutissarsiutit ingerlatanut tamanut, taamaattoq tak. imm. 3.

*Imm. 2.* Inatsit manna naapertorlugu suliffeqarfik inuussutissarsiutit ingerlatatut naatsorsuunneqassaaq nioqqutissianik, piginnaatitaaffinnik, aningaasanik, sullissinernik assigisaannilluunniit nalinginnaasumik akissarsiutigalugu, akiliisitsisarluni ingerlatsiguni. Taamaattorli suliffeqarfik, suliffeqarfittut inuussutissarsiutit ingerlatatut tamatigut naatsorsuunneqartassaaq, inatsisinit makkuninnga ilanngullugu pineqaruni; piginneqatigiiffiit pillugit inatsimmit, kunngip peqqussutaatigut Kalaallit Nunaannut atuutsinneqalersumit, Suliffeqarfiit inuussutissarsiutit ingerlatat ilaat pillugit inatsimmit Kunngip peqqussutaatigut Kalaallit Nunaannut atortussanngortinneqartumit, imaluunniit inatsisiliat allat taamatut atuutsit allat naapertorlugit inuussutissarsiutit ingerlanneqaruni. Tamanna atuuppoq suliffeqarfiit inatsisini taaneqartuni piunasaqaataasunit pineqanngivinnerat imaluunniit ilaannakortumik pineqarnerat apeqquaatinnagu.

*Imm. 3.* Inatsit suliffeqarfinnut makkununnga atuutinngilaq,

- 1) naatsorsuuserinermut maleruagassai aningaasaqarnermik suliffeqarfinnut inatsisitigut imaluunniit taakku malillugit aalajangersagaappata,
- 2) Kalaallit Nunaanni Namminersornerullutik Oqartussat naatsorsuuserisoqarfiat il.il. pillugit Inatsisartut inatsisaannut ilaappata, kommunalbestyreseqarnej aamma nunaqarfinni aqutsisoqarnej il.il. pillugit Inatsisartut inatsisaat naapertorlugu nalunaarummut ilaappata imaluunniit
- 3) (Kalaallit Nunaannut atuutilersinneqassanngilaq).

#### *Ukiumoortumik nalunaarusiaq*

§ 2. Suliffeqarfiit § 3, imm. 1-imi taaneqartut ukiut naatsorsuusiorfiusut tamaasa inatsit manna malillugu ukiumoortumik naatsorsuutiniq saqqummiussisassapput. §§ 9 a, 18, 22, 78, 102 imaluunniit 109 naapertorlugit allanik malittarisassaqaanngippat, ukiumoortumik naatsorsuusiata saniatigut makkua ilanngullugit saqqummiunneqartassapput;

- 1) ingerlatseqatigiiffissuarmut (koncern) pigineqarluni aqunneqartup, ukiumoortumik naatsorsuutai (ingerlatseqatigiiffissuup naatsorsuutai),
- 2) suliffeqarfiup ilaata immikkoortortap ataatsip, suliffeqarfik pillugu aamma suliffeqarfiup ilaa immikkoortortaq ataaseq, ingerlatseqatigiiffissuarmut (koncern) pigineqarluni aqunneqartoq, pillugu pisortat aqutsisut nalunaarusiaat aamma
- 3) pisortat aqutsisut atsiornertat.

*Imm. 2.* Tak. § 14 naapertorlugu, taaneqartut saniatigut suliffeqarfik piunasaquni ilassutinik nalunaarusiorsinnaatitaavoq.

*Imm. 3.* Naatsorsuutit, nalunaarusiat oqaaseqaatillu imm. 1-imi 2-milu eqqartorneqartut ataatsimut taaguutaat tassaavoq »ukiumoortumik nalunaarusiaq«.

*Imm. 4.* Naatsorsuutit, suliffeqarfiup nammineq atugassaannarmisut naatsorsuusiai, inatsit manna malillugu ukiumoortumik nalunaarusiaanngillat. Inatsit manna naapertorlugu, suliffeqarfik ukiumoortumik naatsorsuutininik nalunaarusiaanngitsunik saqqummiussaqaassappat, taakkua ukiumoortumik nalunaarusiatut taaguuserneqaqqussaanngillat, tamannalu ilusaasigut taamatullu imarisaasigut takuneqarsinnaassaaq, taamaasilluni ukiumoortumik nalunaarusiarlu paarlaanneqarsinnaaqqunagit.

### *Suliffeqarfinnik ingerlatseriaatsit pineqartut*

§ 3. Suliffeqarfiit makkua inuussutissarsiutitut ingerlatsisut, §§ 4-6-imut malittarisassat malillugit saqqummiussinngitsoornissamut immikkut ittumik akuerisaasimangikkunik, inatsimmi matumani malittarisassat malillugit ukiumoortumik nalunaarusiamik saqqummiussisussaataapput:

- 1) Aktieselskabit, partnerselskabit, ((inummit ataatsimit arlalinilluunniit aningaasaliinikkut akisussaaffiqeqarluni niuernermik ingerlatseqatigiiffik/-fiit) (kommanditaktieselskabit)) aamma piginneqatigiiffiit anpartsselskabit,
- 2) Interessentskabit (Soqutigisaqaqatigiiffiit; inunnit marlunnit imaluunniit arlalinitt aningaasaliinikkut piginneqatigiiffiit) kommanditselskabinilu soqutigisaqartutut piginneqataasut (interessenter) taamatullu piginneqataasutut aningaasalersuisut (komplementarer) tamarmik, makkuusut;
  - a) aktieselskabit, partnerselskabit (assigiinngitsunik pisussaatsisutut aktiaateqarlutik ingerlatseqatigiit, kommanditaktieselskabit), anpartsselskabit ingerlatseqatigiiffiilluunniit inatsimmut assingusumik malitaqarlutik ingerlatsisut, imaluunniit
  - b) soqutigisaqaqatigiilluni piginneqatigiiffinni (interessentskaber) imaluunniit kommanditselskabini soqutigisaqartutut piginneqataasut taamatullu piginneqataasutut aningaasalersuisut tamarmik litra a-mit ilanngullugit pineqartut, (litra: naqinneq kisitsimmut naleqartitamut taarsiutaq)
- 3) aningaasaateqarfiit inuussutissarsiutitut ingerlatat, tak. aningaasaateqarfiit inuussutissarsiutitut ingerlatat pillugit inatsimmi Kunngip peqqussutaatigut Kalaallit Nunaannut atortussanngortinneqartumi § 1, imm. 2 naapertorlugu, taamaattoq takukkit. imm. 3-5, aamma
- 4) suliffeqarfiit killilimmik akisussaaffillit, suliffeqarfiit inuussutissarsiutitut ingerlatat ilaat pillugit inatsimmit pineqartut, Kunngip peqqussutaatigut Kalaallit Nunaannut atortussanngortinneqartumi § 3-mit (suliffeqarfiit suleqatigiiffiillu killilimmik akisussaaffillit) aamma § 4-mit (andelsselskabit killilimmik akisussaaffillit) pineqartut, taamaattorli suliffeqarfik inatsimmi tassani § 4 naapertorlugu, akuerisamik ilanngunneqartussaangikkuni.

*Imm. 2.* Suliffeqarfik inatsimmi matumani ilanngullugu pineqartoq, imm. 1 malillugu ukiumoortumik naatsorsuutininik nalunaarusiornissamut immikkut akuerisamik saqqummiinissaminut pisussaaffeqanngitsoq, suliffeqarfiup nammineq kisimi atugassaannarinngisaanik ukiumoortumik nalunaarusiamik, suliffeqarfiup nammineerluni kajumissutsiminik saqqummiinissaq toqqaruniuk, naatsorsuutit klassianni A-mi malittarisassani tak. § 7, imm. 1, nr. 1, minnerpaamik malitassaraa.

### *Suliffeqarfiit aalajangersimasut inuussutissarsiutitut ingerlatat ilaat pillugit inatsimmi, Kunngip peqqussutaatigut Kalaallit Nunaannut atortussanngortinneqartoq. Pineqartut immikkut akuerisamik saqqummiussinngitsoorsinnaanerit*

§ 4. Suliffeqarfiit, suliffeqarfiit ilaat aalajangersimasut inuussutissarsiutitut ingerlatat pillugit inatsimmi, Kunngip peqqussutaatigut Kalaallit Nunaannut atortussanngortinneqartumi, § 3-mit (suliffeqarfiit peqatigiiffiillu killilimmik akisussaaffillit) aamma § 4-mit (andelsselskabit killilimmik akisussaaffillit) pineqartut, inatsit manna malillugu ukiumoortumik nalunaarusiamik akuerisamik saqqumiussinngitsoorsinnaaapput, taamaattoq tak. imm. 4-7, suliffeqarfik ukiuni naatsorsuusiorfiusuni marlunni malittuinnarni piffissami oqimaaqatigiissitsiffimmi amerlassutsit makkua arlaannik marlunnik qaangiisimangikkuni aatsaat:

- 1) Naatsorsuutininik oqimaaqatigiissitsinerup katinnerisa 7 mio. kr. sinnersimangippatigut,
- 2) ilanngaattissat ilanngaatigereerlugit kaaviiartitat 14 mio. kr. sinnersimangippatigut, aamma
- 3) ukiup naatsorsuusiorfiup ingerlanerani suliffeqarfimmi ulloq naallugu sulisartut amerlassusaasa agguaqatigiissillugu 10-t qaangersimangippatigut.

*Imm. 2.* Imm. 1-imi angissutsinik naatsorsuinermi § 7, imm. 3 aamma 4 atuutsinneqassapput.

*Imm. 3.* Suliffeqarfiup imm. 1 malillugu akuerisamik saqqummiussinngitsoorsinnaaneq toqqaruniuk, taava saqqummiussinnginnissamik nalunaarummik, § 145 naapertorlugu, Erhvervs- og Selskabsstyrelsimut nalunaaruteqassaaq.

*Imm. 4.* Taamaattorli imm. 1 malillugu akuerisamik saqqummiussinngissinnaaneq, suliffeqarfimmut ingerlatseqatigiiffissuarmut koncernimik piginnittumut, ingerlatseqatigiiffissuit naatsorsuutaat pillugit inatsit manna malillugu saqqummiussisussaataasumut, naatsorsuutitik saqqummiussinngissinnaatitaaneq atuutinnigilaq, tak. § 7, imm. 5.

*Imm. 5.* Suliffeqarfimmut, Kalaallit Nunaanni imaluunniit nunami allami EU/EØS-imut ilaasortaasumi niuerfittut maleruagassaqartitaasumi aningaasaatit ilaannik peqartunut, akiitsoqarnermut sakkussaateqartunut imaluunniit pappialanik nalilinnik allanik peqartunut imm. 1 atorneqassanngilaq.

*Imm. 6.* Imm. 1 malillugu ukiumoortumik naatsorsuutit pillugit nalunaarusiamik akuerisamik saqqummiussinngitsoorsinnaatitaanermut suliffeqarfiup inatsimmit pineqartunut ilaasup, suliffeqarfiup nammineq kisimi atugassaannarinngisaanik saqqummiussinissaq toqqaruniuk, naatsorsuutit klassianni A-mi malittarisassat minnerpaamik malitassarai, tak. § 7, imm. 1, nr. 1.

*Imm. 7.* Sulliffeqarfiup ukiumoortumik naatsorsuutitik nalunaarusiap, imm. 5 naapertorlugu nammineq kajumissuseq malillugu saqqummiunneqartussap, Erhvervs- & Selskabsstyrelsi aqutugalugu tamanut saqqummiinissaq kissaatiguniuk, saqqummiussinngitsoorsinnaatitaaneq pillugu nalunaarumminut, imm. 3 naapertorlugu taaneqartumut ilanngussatut (bilag) ilanngullugu, sulliffeqarfik ukiumoortumik nalunaarusiamik styrelsimut nassitsissaaq. Taamaattorli ukiumoortumik nalunaarusiortarneq pillugu malittarisassani § 7, imm. 1-mi nr. 2 naapertorlugu, naatsorsuutit klassianni B-mi malittarisassanit pineqartunut nalunaarusiap ilanngunneqarnissaa suliffeqarfiup toqqarsimappagu, taava suliffeqarfik ukiumoortumik nalunaarusiaminik akuerisamik nassiussinngitsoorsinnaatitaavoq.

*Interessent- aamma kommanditselskabit ilaasa saqqummiussinngitsoorsinnaatitaanerat*

**§ 5.** Interessent- imaluunniit kommanditselskabi, § 3, imm. 1, nr. 2-mi pineqartoq, ukiumoortumik nalunaarusiamik saqqummiussinngitsoorsinnaatitaavoq taarsiullugulu § 146, imm. 1 naapertorlugu saqqummiussinngitsoornermik nalunaarut nassiussinnaallugu, imaassimappat;

- 1) suliffeqarfiup naatsorsuutai tamakkiisumik patajaallisarsimappata, pisussaaffinnik agguassilluni patajaallisaaikkut imaluunniit naatsorsuutitigoortumik pigisanut naliliussanik naatsorsuinikkut annertussusiliinikkullu ingerlatseqatigiiffissuup naatsorsuutaanut, soqutigisaqartutut piginneqataasumit piginneqataasutulluunniit aningaasalersuisumit tassungaluunniit taarsiullugu suliffeqarfiit piginnittuisa ilaannit saqqummiunneqarsimasunut, ilanngunneqarsimappata,
- 2) soqutigisaqartutut piginneqataasoq piginneqataasutulluunniit aningaasalersuisoq nunami maani angerlarsimaffeqarpat imaluunniit nunami EU-mut ilaasortaasumi imaluunniit nunami allami, EU-mit isumaqatigiissusiorfigineqarsimasumi, imaluunniit Kalaallit Nunaannit isumaqatigiissusiorfigineqarsimasumi angerlarsimaffeqartoq ilanngullugu, nunap inatsisaanit pineqarpat,
- 3) ingerlatseqatigiiffissuup naatsorsuutai inatsimmi matumani malittarisassat malillugit suliarineqarsimappata imaluunniit interessentitut piginneqataasut, komplementaritut piginneqataasutulluunniit aningaasalersuisoq imaluunniit ingerlatseqatigiiffik suliffeqarfimmik piginnittuusoq pineqartoq nunami allami angerlarsimaffeqarpat, Europa-Parlamentip aamma Rådip peqqussutaat 2013/34/EU kingusinnerusuk allannguutitalik kiisalu malittarisassat taaneqartut malillugit naatsorsuutit kukkuneriorsiorneqarlutillu tamanut saqqummiussaasimappata aamma
- 4) ingerlatseqatigiiffissuup koncernip naatsorsuutaani pineqartuni, interessentskabip imaluunniit kommanditselskabip paragraffimut matumunnga innersuussuteqarluni ukiumoortumik naatsorsuutitik nalunaarumminik saqqummiussinngitsoornini paasissutissiissutigisimappagu.

*Imm. 2.* Interessent- imaluunniit kommanditselskabi, § 3, imm. 1, nr. 2-mut ilaasoq, nammineq ukiumoortumik nalunaarusiaminik saqqummiussinngitsoorsinnaavoq taarsiullugulu § 246, imm. 2 malillugu saqqummiussinngitsoornermik nalunaarut nassiussinnaallugu imaappat;

- 1) suliffeqarfimmik soqutigisaqartutut piginneqataasut (interessenter) piginneqataasutulluunniit (komplementarer) aningaasalersuisut ilaat ataaseq nunami maani angerlarsimaffeqarpat, aamma
- 2) soqutigisaqartutut piginneqataasoq (interessenti) piginneqataasutulluunniit (komplementari) aningaasalersuisoq interessents- imaluunniit kommanditselskabi sinnerlugu ukiumoortumik nalunaarusiap saqqummiuppagu tamatumunngalu ilanngullugu, inatsit manna naapertorlugu nammineq ukiumoortumik nalunaarusiaminut ataatsimoorussamut ilanngullugu kukkuneriorsiortillugulu tamanut saqqum-

miuppagu, imaluunniit ukiumoortumik nalunaarusiat immikkoortut marlungorlugit saqqummiuk-kunigit.

*Imm. 3.* Interessent- imaluunniit kommanditselskabi, § 3, imm. 1, nr. 2 naapertorlugu pineqartoq, nunami maani angerlarsimaffeqanngitsunik soqutigisaqartut piginneqataasunik piginneqatilik piginneqataasutulluunniit aningaasalersuisulik nammineq ukiumoortumik nalunaarusiaminik saqqummiussinngitsoorsinnaavoq taarsiullugulu § 146, imm. 3 naapertorlugu saqqummiussinngitsoornermik nalunaarummik nassiusinnaalluni imaassimappat;

- 1) soqutigisaqartut piginneqataasut piginneqataasutulluunniit aningaasalersuisut ilaat nunami maani, nunami EU-mut ilaasortaasumi imaluunniit nunami allami, EU-mi isumaqatigiissusiorfigineqarsimasumi, imaluunniit Kalaallit Nunaannit isumaqatigiissusiorfigineqarsimasumi angerlarsimaffeqartoq ilanngullugu nunap inatsisaanit pineqarpat, aamma
- 2) soqutigisaqartut piginneqataasoq piginneqataasutulluunniit aningaasalersuisoq interessent- imaluunniit kommanditselskabi sinnerlugu ukiumoortumik nalunaarusiamik saqqummiussippat, tassungalu ilanngullugu taanna, nr. 1-imi inatsisinut eqqartorneqartunut naapertuuttumik nammineq ukiumoortumik nalunaarusiaq (ingerlatseqatigiiffissuartut) ataatsimoorussamik ukiumoortumik nalunaarusiap ilaatut ilanngullugu imaluunniit ukiumoortumik nalunaarusiat taakku immikkoortut marlungorlugit kukkunersiortillugillu tamanut saqqummiuppagit.

*Imm. 4.* Interessentskabip kommanditselskabillu imm. 2 aamma 3 naapertorlugit akuerisamik saqqummiussinngitsoorsinnaatitaanermik atuisut, suliffeqarfiup ukiumoortumik nalunaarusiamik saqqummiussimasup aqqa, CVR-normua imaluunniit nalunaarsorneqarnerup normua kiisalu angerlarsimaffia, qinnuigineqarneq malillugu tamanut nalunaarutigisassaraat.

*Imm. 5.* Interessent- aamma kommanditselskabinut, Kalaallit Nunaanni imaluunniit nunami allami EU/EØS-imut ilaasortaasumi niuerfittut maleruagassaqartitaasumi, aningaasaatit ilaannik peqartunut, akiitsoqarnermut sakkussaateqartunut imaluunniit pappialanik nalilinnik allanik peqartunut imm. 1-3 atorneqassanngilaq.

*Suliffeqarfiit suliassaqaarnatik uninngasut ingerlatseqatigiiffimmit pigineqartut saqqummiussinngitsoorsinnaatitaanerat*

**§ 6.** Suliffeqarfik ingerlatseqatigiiffimmit pigineqartoq, ukiumi naatsorsuusiorfiusumi suliassaqaarsimanani uninngasimasoq, ukioq pineqartoq pillugu ukiumoortumik nalunaarusiamik saqqummiussinngitsoorsinnaatitaavoq taarsiullugulu § 146, imm. 4 naapertorlugu, akuerisamik saqqummiussinngitsoorsinnaatitaanermik nalunaarut nassiusinnaallugu, imaassimappat;

- 1) suliffeqarfiup pigisap naatsorsuutai tamakkiisumik akiliissinnaassuseqarnermi suliffeqarfissuup, naatsorsuutaani suliffeqarfimmit piginnittumit saqqummiunneqartuni ilaassapput,
- 2) ingerlatseqatigiiffissuaq suliffeqarfimmik piginnittoq (modervirksomhed) imaluunniit ingerlatseqatigiiffissuaq suliffeqarfimmik piginnittoq suli qulliunerusoq (den højere modervirksomhed), nunami maani, nunamut EU-mut ilaasortaasumut imaluunniit nunami allami, EU-mit isumaqatigiissusiorfigineqarsimasumi, imaluunniit Kalaallit Nunaannit isumaqatigiissusiorfigineqarsimasumi angerlarsimaffeqartoq ilanngullugu, nunap inatsisaani ilanngullugu pineqarpat,
- 3) ingerlatseqatigiiffissuup naatsorsuutai inatsimmi matumani malittarisassat naapertorlugit suliarineqarsimappata imaluunniit ingerlatseqatigiiffik suliffeqarfimmik piginnittoq pineqartoq nunami allameertuuppat, Europa-Parlamentip aamma Rådip peqqussutaat 2013/34/EU kingusinnerusukkut allannguitalik malillugu suliarineqarsimappata, aammalu malittarisassat taaneqartut malillugit kukkunersiorneqarlutillu tamanut saqqummiunneqarsimappata,
- 4) suliffeqarfiup ingerlatseqatigiiffimmit pigineqartup ukioq naatsorsuusiorfiusoq pineqartoq pillugu suliffeqarfiup ingerlatsineranut peqataasut tamarmik, suliffeqarfimmit periuserineqartoq pillugu isumaqataanertik uppernarsarlugu nalunaarsimappata,
- 5) ukioq naatsorsuuseriffiusoq pillugu, suliffeqarfiup pigineqartup, ukiumoortumik nalunaarusiaminik nassiusaqaarnissaata tungaanut aamma piginnittup kapitali 19 aamma 20-mi malittarisassat malillugit, nalunaarusiamik taassuminnga tigusaqaarnissami tamanullu saqqummiussinissami tungaanut, ingerlatseqatigiiffiup suliffeqarfimmik piginnittup, suliffeqarfiup pigisami ukiumi naatsorsuusiorfiusumi pisussaaffii piusut piffissamilu pisussaaffigilikkat illersorini uppernarsarlugu tamanut nalunaarutigisimasavaa aamma

6) suliffeqarfiup pigineqartup paragraffi taanna innersuussutigalugu ukiumoortumik nalunaarusiaminik akuerisamik saqqummiussinngitsoornera, ingerlatseqatigiiffissuup naatsorsuutaani pineqartuni paasisutissiissutigineqassaaq.

*Imm. 2.* Suliffeqarfik ukiumi naatsorsuusiorfusumi uninngasutut isigineqassaaq suliassaminik toqqaannartumik toqqaannanngikkaluamilluunniit inuussutissarsiutigalugu ingerlatsisimanngikkuni, suliffeqarfimmik allamik aningaasaliissuteqarsimanikkut piginneqataassuteqanngikkuni aamma annaasaqataaratarsinnaasunik annanniarluni iliuseqarniarsimanngikkuni.

### *Naatsorsuutit klassinut immikkoortitigaaneri*

§ 7. Ukiumoortumik nalunaarusiat suliarineqartarnerat pillugu inatsimmi matumani malittarisassat, naatsorsuutit klassiitut A-mut, B-mut, C-mut aamma D-mut immikkoortitigaapput, tak. immikkoortut II-V. Suliffeqarfiup naatsorsuutaasa, naatsorsutit klassiat sorleq malitassarissaneraa pillugu aalajangiinermi, ataani allassimasut najoqqutassatut atuutissapput:

- 1) Suliffeqarfiit inatsimmit matuminnga pineqartut § 3, imm. 1 malillugu ukiumoortumik nalunaarusiaminik pinngitsooratik saqqummiussisussaataaerermik pisussaaffiligaanngitsut, namminnerli kajumissutsiminik ukiumoortumik nalunaarusiaminik saqqummiussisinnaasut, tak. § 3, imm. 2, naatsorsuutit klassianni A-mi immikkoortoq II-mi malittarisassanik malinnissapput.
- 2) Suliffeqarfiit mikisut § 3, imm. 1 malillugu ukiumoortumik nalunaarusiaminik saqqummiussisussaataaerermik naatsorsuutit klassianni B-mi immikkoortoq III-mi malittarisassanik malinnissapput.
- 3) Suliffeqarfiit akunnattumik angissusillit angisuullu § 3, imm. 1 malillugu ukiumoortumik nalunaarusiaminik saqqummiussisussaataaerermik naatsorsuutit klassianni C-mi immikkoortoq IV-mi malittarisassanik malinnissapput.
- 4) Aktianik piginneqatigiiffiit, naalagaaffiup aktianik piginneqatigiiffiutaannut maleruagassanik, kunngip peqqussutaatigut Kalaallit Nunaannut atuutsinneqalersumik malinnittunut, suliffeqarfiillu Kalaallit Nunaanni imaluunniit nunami allami EU/EØS-imut ilaasortaasumi niuerfittut maleruagassaartitaasumi, aningaasaatit ilaannik peqartunut, akiitsoqarnermut sakkussaateqartunut imaluunniit pappialanik nalilinnik allanik peqartut, kiisalu § 3, imm. 1 malillugu ukiumoortumik naatsorsuutinik saqqummiussisussaataaerermik, qanoq angitiginertik apeqqutaatinnagu immikkoortoq V-mi naatsorsuuserinermut immikkoortukkuutaarinermut D malissavaat, taamaattoq tak. § 7 a.

*Imm. 2.* Suliffeqarfiup naatsorsuutaasa naatsorsuutit klassiannut sorlermut malinnittussaananeramik aalajangiinarnermi, angissusissanut killissarititaasut makkua malinneqassapput:

Suliffeqarfiit mikisut: Ukiuni naatsorsuusiorfusumi malittuinnarni marlunni suliffeqarfiup naatsorsuutaanik oqimaaqatigiissitsinermi (balancesum), angissusissat uku arlaannik marlunnik qaangiisimanngitsut:

- Naatsorsuutinik oqimaaqatigiissitsinerup katinneranni 44 mio. kr.
- Ilanngaattissat ilanngaatigereerlugit kaaviiartitat 89 mio. kr. aamma
- Ukiup naatsorsuuseriffiusup ingerlanerani piffissaq tamakkerlugu sulisut agguaqatigiissillugu amerlassusaat 50.

Suliffeqarfiit akunnattumik angissusillit: Suliffeqarfiit mikisuunngitsut, ukiuni naatsorsuusiorfusumi malittuinnarni marlunni suliffeqarfiup naatsorsuutaanik oqimaaqatigiissitsinermi (balancesum) angissusissat uku arlaannik marlunnik qaangiisimanngitsut:

- Oqimaaqatigiissitsinermi aningaasat katinnerat 156 mio. kr.
- kaaviiartitat ilanngaatigereerlugit 313 mio. kr. aamma
- Ukiup naatsorsuiffiup ingerlanerani piffissaq tamakkerlugu sulisut agguaqatigiissillugu amerlassusaat 250.

Suliffeqarfiit angisuut: suliffeqarfiit mikinatillu akunnattumik angissuseqanngitsut.

*Imm. 3.* Imm. 2-mi angissusininik naatsorsuinermi makku atuutissapput:

- 1) Naatsorsuutinik oqimaaqatigiissitsinerup katinnera, pigisat nalillit tamarmik katinnerissavaat.
- 2) Ilanngaattissat ilanngaatigereerlugit kaaviiartitanut tunngasut ilanngussa 1, C, nr. 13-mi nassuiarneqarput. Ukioq naatsorsuusiorfusooq qaammatinit 12-init sivikinneruppat imaluunniit siviluneruppat ilanngaattissat ilanngaatigereerlugit kaaviiartitat tassunga naapertuuttumik annertusineqassapput imaluunniit annikillisinneqassallutik, taamaaliornikkut piffissami qaammatinik 12-inik sivilissuseqartumi aningaasat annertussusissaannut naapertuuttumik aningaasat annertussusilerneqassallutik.

3) Piffissaq tamaat sulisorisat agguaqatigiissillugu amerlassusaannik naatsorsuineq malittarisassat aktieselskabit pillugit inatsimmi, Kunnigip peqqussutaatigut Kalaallit Nunaannut atortussanngortinneqartumi, § 143 naapertorlugu aalajangersarneqartut sapinngisamik malillugit ingerlanneqartassaaq.

*Imm. 4.* Suliffeqarfiit aningaasanik niuernikkut isertitaat imaluunniit aningaasaliissuteqartarnikkut isertitaat minnerpaamik kaaviiartitatut ilanngaaserikkatut annertussuseqarpata, tak. ilanngussaq 1, C, nr. 13, imm. 2-mi annertussusiliussanut killiliussat naatsorsorneranni kaaviiartitat ilanngaaseriikkat aningaasanik niuernikkut isertitanik kiisalu aningaasaliissuteqartarnikkut isertitanik ilallugit atussavaat. Naliliutinik nalimmassaanerit iluanaarfiusut § 38, imm. 1-imut ilaasut, kiisalu illuutinik aningaasaliiffigisanik tunisinermi iluanaarutit aningaasaliissuteqartarnermi isertitatut isigineqarput.

*Imm. 5.* Imm. 1-mi aalajangersagaq apeqqutaatinnagu suliffeqarfissuit ingerlatseqatigiiffissuarnik piginnittuusut, § 109 naapertorlugu ingerlatseqatigiiffissuaq pillugu naatsorsuutini saqqummiussaatitaasut immikkoortoq 1, nr. 4 naapertorlugu naatsorsuutit klassiat D malittussaasimangikkunikku, ukiumoortumik nalunaarusiornerminni minnerpaamik naatsorsuutit klassianni C-mi malittarisassat malitassaraat. §§ 111 imaluunniit 112 malillugit ingerlatseqatigiiffik piginnittuusoq ingerlatseqatigiiffissuurtut naatsorsuutiminik saqqummiussinngitsooruni, taamaattoq ingerlatseqatigiiffissuup piginnittuusup imm. 2, nr. 1-mi piumasagaatit eqqutikkunigit, ukiumoortumik nalunaarusiornermini naatsorsuutit klassianni B-mi malittarisassat malissinnaavai.

*Imm. 6.* Immikkoortuni imm. 1-mi aamma imm. 5-mi malittarisassat naapertorlugit malinninnissaraluaminut taarsiullugu, (naatsorsuutit klassiini) suliffeqarfiup minnerpaamik malitassarisaani, immikkoortuni tulliuttuni klassimi ataatsimi imaluunniit klassini arlalinni malittarisassanik tamanik imaluunniit ilaannaannik aqqissuussamik aalajangersimasumillu malinninnissaq, suliffeqarfiup malissallugu toqqarsinnaavaa.

#### *Naalagaaffiup aktianik piginneqatigiiffiutaasa piginneqartigiiffiit pigisaannut atuutinngitsut*

**§ 7 a.** Inatsimmi matumani naalagaaffiup aktianik piginneqatigiiffiutaannut malerugassat immikkut ittut, aktianik piginneqatigiiffiit naalagaaffiup aktianik piginneqatigiiffiutaannut maleruagassanik malinnittut piginneqatigiiffiit pigisaannut atorneqassanngillat, tak. piginneqatigiiffiit pillugit inatsimmi, kunnigip peqqussutaatigut Kalaallit Nunaannut atuutsinneqalersumi § 351.

## Kapitel 2

### *Ukiumoortunik nalunaarusiamik saqqummiussisussaatitaanerup iluani aqutsisut akisussaaffii*

**§ 8.** Suliffeqarfiup aqutsisui, tak. ilanngussaq 1, A, nr. 6, suliffeqarfik pillugu ukiumoortumik nalunaarusiussapput.

*Imm. 2.* Inatsisinut atuuttunut allatulluunniit piumasagaataasinnaasunut naapertuuttumik ukiumoortumik nalunaarusiap suliarineqartarnissaanut suliffeqarfinni akisussaallutik aqutsisoqarfiini aqutsisooqataasut ataasiakkaat tamarmik akisussaaqataapput. Ukiumoortumik nalunaarusiamik suliaqarnerminnut atatillugu, tak. §§136 aamma 137 naapertorlugit, malittarisassat nalinginnaasut atuuttut aammattaq mianerinissaat nakkutigisisassaraat. Naatsorsuutit pillugit ukiumoortumik nalunaarusiap kukkunersiorneqaqqaarnissaa aammattaq piumasagaataappat, piffissaagallartillugu kukkunersiorneqaqqaarlunilu akuersissutigineqaqqaarnissaa, aqutseqataasut ataasiakkaarlutik tamarmik immikkut akisussaaqataaffigaat. Ukiumoortumik nalunaarusiap, inatsit malillugu piffissaliussatut aalajangersarneqartut iluini Erhvervs- aamma Selskabsstyrelsimut nassiunneqartarnissaa, suliffeqarfiit qullersaqarfiini pisortatut aqutseqataasut ataasiakkaat tamarmik immikkut akisussaaqataaffigaat.

**§ 9.** Ukiumoortumik nalunaarusiaq suliarineqareerip, aqutsisuutitanut akisussaasunut ilaasortat tamarmik atsiussavaat, atsiornertillu ullulerlugu. Aqutsisut oqaaseqaataannut atatillugu atsiussapput, taamaattoq tak. § 9 a, atsiornermikkut nalunaarutigalugu,

- 1) ukiumoortumik nalunaarusiaq inatsisini, taamaattoqarpallu pitsaassutsikkut piumasagaatit kiisalu taamaattoqarpat malittarisassani isumaqatigiissutaasinnaasuniluunniit piumasagaatit malillugit suliarineqarsimanersoq, aamma
- 2) ukiumoortumik naatsorsuutit, taamaattoqarpallu suliffeqarfissuarmut naatsorsuutit, suliffeqarfiup suliffeqarfissuullu naliliutaannik akiitsuinillu, aningaasaqarnikkut inissisimaneranik angusaanillu eqqortumik takutitsinersut.

*Imm. 2.* Ukiumoortumik nalunaarusiaq digitalimik atsiorneqarpat, tak. § 153 c, atsiornerup atsiornerullu ullulernerata aqutsisut oqaaseqaataannut atatillugu pinissaanik imm. 1-imi piumasagaat atorunnaassaaq. Atsiortulli aqqa aqutsisut nalunaarutaannut atatillugu erseqqissumik takuneqarsinnaassaaq.

*Imm. 3.* Suliffeqarfinnut, Kalaallit Nunaanni imaluunniit nunami allami EU/EØS-imut ilaasortaasumi niuerfittut maleruagassaqartitaasumi aningaasaatit ilaannik peqartunut, akiitsoqarnermut sakkussaateqartunut imaluunniit pappialanik nalilinnik allanik peqartunut kiisalu aktianik piginneqatigiiffinnut naalagaaffiup aktianik piginneqatigiiffiutaannut maleruagassanik, kunngip peqqussutaatigut Kalaallit Nunaannut atuutsinneqalersumik malinnittunut, tak. piginneqatigiiffiit pillugit inatsimmi § 351, aqutsisut oqaaseqaataat suliffeqarfimmi ineriartorneq pillugu, aamma piginneqatigiiffissuarmut naatsorsuutit suliarineqarsimappata, piginneqatigiiffissuup ingerlatai aningaasaqarnikkullu atugarisai, ukiumoortumik angusat, suliffeqarfiup aningaasaqarnikkut inissisimanera kiisalu suliffeqarfiit piginneqatigiiffissuup naatsorsuutaanut ilaasut ataatsimut isigalugit aningaasaqarnikkut inissisimanerat pillugit eqqortumik takutitsisumik nassuiaammik imaqarnerseq aqutsisut oqaaseqaataanni aqutsisut nalunaarutigissavaat. Aarlerinaatit pissutsillu nalornilersitsisut pingaarnepaat suliffeqarfiup, piginneqatigiiffissuarmullu naatsorsuutit suliarineqarsimappata, piginneqatigiiffissuup maanna tikiligaasa allaaserineqarnerannik aqutsisut nalunaarutaat imaqarnerseq aqutsisut ilanngullugu nalunaarutigissavaat. Suliffeqarfinnut taakkununga aqutsisut oqaaseqaataanni, aqutsisutut oqartussatut akisussaasunut ilaasortat ataasiakkaat aqqi suliffeqarfimmullu atatillugu suliaat allanneqassapput.

*Imm. 4.* Suliffeqarfinnut akiitsunut sakkussanik Kalaallit Nunaanni imaluunniit nunami allami EU/EØS-imut ilaasortaasumi niuerfittut maleruagassaqartitaasumi niuerutaasinnaasunik, ataasiakkaarlugillu nalilersorneqarnerminni minnerpaamik 100.000 euronik naleqartunik, imaluunniit ullormi tunniunneqarnerminni minnerpaamik 100.000 euronik naleqartunik tunniussisartunut imm. 3-mi aalajangersagaq atuutissanngilaq, akiitsunut sakkussat euro atornagu allamiut aningaasaat atorlugit tunniunneqarsimappata, taamaattoq tak. imm. 5.

*Imm. 5.* Suliffeqarfinnut akiitsunut sakkussanik Kalaallit Nunaanni imaluunniit nunami allami EU/EØS-imut ilaasortaasumi niuerfittut maleruagassaqartitaasumi niuerutaasinnaasunik, ataasiakkaarlugillu nalilersorneqarnerminni minnerpaamik 50.000 euronik naleqartunik, imaluunniit ullormi tunniunneqarnerminni minnerpaamik 50.000 euronik naleqartunik 31. januar 2010 nallertinnagu tunniussisunut imm. 3-mi aalajangersagaq atuutissanngilaq, akiitsunut sakkussat euro atornagu allamiut aningaasaat atorlugit tunniunneqarsimappata.

*Imm. 6.* Ukiumoortumik naatsorsuutit kukkunersiorneqarsimangippata, tak. § 135, imm. 1, oqaaseqatigiit pingajui, tamatumunnga piumasagaatinik suliffeqarfiup eqqortitsisimanera pillugu aqutsisuutitat akisussaasut aqutsisut oqaaseqaataanni nalunaaruteqassapput.

*Imm. 7.* Aqutsisut ukiumoortumik nalunaarummut ilassutaasunik nalunaarutininik ilanngussaqaarsimappata, nalunaarutininut taamatut ittunut najoqqutatut akuerisaasunut sinaakkusiussat iliuiini nalunaarutaat eqqortumik takutitsisumik nassuiaataanersog aqutsisuutitatut akisussaasut nalunaarutigissavaat.

**§ 9 a.** Piffissami ukiumoortumik nalunaarusiap akuerineqarfiani suliffeqarfimmi aqutsisuutitat akisussaasut ataasiinnarmik ilaasortaqaarpata, ukiumoortumik nalunaarummi aqutsisutut oqaaseqaataa suliffeqarfiup ilaatinngissinnaavaa, aatsaalli suliffeqarfik naatsorsuuserinermi klasse D-mut ilaangippat. Suliffeqarfiup styrelsip digitalimik nalunaaruteqartarfia aqqutigalugu ukiumoortumik nalunaarummik Erhvervsstyrelsimut nalunaarutiginninnera, aqutsisinut ilaasortap ukiumoortumik nalunaarummik akuersisimaneranut uppenarsaatitut isigineqassaaq.

*Imm. 2.* Suliffeqarfiup ukiumoortumik nalunaarutaa aqutsisut oqaaseqaataannik imaqanngippat, tak. imm. 1, nalunaarutit § 9, imm. 6-imi 7-imilu pineqartut aqutsisut nalunaarutaanni nalunaarutigineqassapput.

**§ 10.** Aqutsisooqataasoq ukiumoortumik nalunaarusiamut tamakkiisumik imaluunniit ilaannakortumik isumaqataannikkaluaruniluunniit aamma aalajangiunneqartutut imaqarluni akuersissutigineqarneranut akerliugaluaruniluunniit pinngitsoornani ukiumoortumik nalunaarusiamut uppenarsaalluni atsiortussaati-taavoq. Taamaattorli aqutseqataasutut atsiornerminut aamma aqutsisut uppenarsaallutik oqaaseqaataannut atsiogataanerminut atatillugu, aalajangersimasumik tamakkiisuusumillu allagaqarluni tunngavilersuuteqarnermigut akerliunini ersersissinnaatitaavaa.

*Ukiumoortumik naatsorsuusiorfiusussami aggersumi naatsorsuutitik  
kukkunersiuisitsinngitsoorniarneq pillugu paasissutissiisussaataaneq*

**§ 10 a.** Ukiumoortumik naatsorsuutit kukkunersiorneqarsimappata, ukiumut naatsorsuusiorfiusumut tulliuuttumut ukiumoortumik naatsorsuutit kukkunersiorneqannginnissaannik ataatsimeersuartut, imaluunniit suliffeqarfiup assigisaanik akuersisartui § 135, imm. 1, oqaaseqatigiit pingajuannik eqqortitsisut aalajangersimanersut aqutsisut oqaaseqaataannut tak. § 9, atatillugu oqaatigineqassaaq.

*Imm. 2.* Suliffeqarfiup ukiumoortumik nalunaarusiaa aqutsisut oqaaseqaataannik imaqanngippat, tak. § 9, imm. 1, paasissutissat imm. 1-imi taaneqartut aqutsisut nalunaarutaanni tunniunneqassapput.

**Kapitali 3**

*Ukiumoortumik nalunaarusiamut tunngaviumik piumasaqaatit*

*Eqqortumik takussutissiinissaq*

**§ 11.** Ukiumoortumik naatsorsuutit, taamaattoqarpallu piginneqatigiiffissuarmut naatsorsuutit suliffeqarfiup piginneqatigiiffissuullu naliliutaanik, akiitsuinik, aningaasaqarnikkut inissisimaneranik angusaanillu eqqortumik takutitsissapput. Aqutsisut nalunaarutaat pissutsinik nalunaarummi pineqartunik eqqortumik takutitsisumik nassuiaammik imaqassaaq.

*Imm. 2.* Inatsimmi matumani aalajangersakkanik atuineq imm. 1-imi taaneqartutut eqqortumik takussutissiinissamut naammassimanngippat, ukiumoortumik naatsorsuutini, imaluunniit suliffeqarfissuarmut naatsorsuutini paasissutissanik ilassutaasunik ilanngussisoqassaaq.

*Imm. 3.* Inatsimmi matumani §§-ini 19-21, 23-76, 79-101, 103-107 aamma 115-134 aalajangersakkanik atuineq pisuni immikkut ittuni imm. 1-imi piumasaqaataasunut akerliussappata, taakku piumasaqaatinik taakkuninnga eqqortitsisinnaajumalluni saneqqunneqassapput. Taamatut saneqqutsineq nassuiaatini ukiut tamaasa paasissutissiisutugalugu nalunaarutigineqartassaaq, tassani malittarisassanik sanequtsinerup suliffeqarfiup imaluunniit ingerlatseqatigiiffissuup pigisaanut nalilinnut akiligassaanullu aningaasaqarnikkut inissisimaneranut angusaanullu sunniutai, tassunga aningaasanngorlugu sunniutaata angissusaa sapinngisamik ilanngullugu, aalajangersimasumik tamakkiisumillu tunngavilersukkamik paasissutissiisutigineqartassaaq.

*Imm. 4.* Taamatuttaaq inatsimmi matumani tak. § 136 naapertorlugu malittarisassat killissarititaasut iluiniittunik atuinermi, imm. 1-3- mi piumasaqaatit atuupput.

*Pitsaassusissatut piumasaqaatit*

**§ 12.** Ukiumoortumik naatsorsuutit piginneqatigiiffissuarmullu naatsorsuutit eqqortumik takutitsissappata, aqutsisullu nalunaarutaat nassuiaammik eqqortumik takutitsisumik imaqarsinnaassappat, tak. § 11, imm. 2- mi 3-milu maleruagassat eqqortinneqassapput.

*Imm. 2.* Ukiumoortumik nalunaarusiaq imatut suliarineqarsimassaaq naatsorsuutitik atuisut aningaasaqarnermut tunngasunik aalajangiiniarnerminni tunngavissaminnut tapertarisinnaassallugu. Naatsorsuutitik atuisut pineqartut tassaapput inuit ataasiakkaat, suliffeqarfiit, kattuffiit pisortallu oqartussaasut il.il., aningaasaqarnermut tunngasunik aalajangiiniarnerminni ukiumoortumik nalunaarusiamik nalinginnaasumik kalluarneqartussatut naatsorsuutigineqarsinnaasut, tassungalugu ilaapput suliffeqarfimmi maanna peqataasut peqataalerumaarsinnaasullu, akiitsoqarfigisat, sulisut, sullitat, peqatitut suleqatigisat, najukkami inuiaqatigiit avatangiiserisat kiisalu oqartussat tapiissuteqartartut aammalu naalagaaffimmi pisortat karsiannik aqutsisut. Aalajangiinerit pineqartut makkununga tunngapput:

- 1) naatsorsuutitik atuisup nammineq pigisaminik inissitsiterineranut,
- 2) suliffeqarfiup pigisaanik pisortat aqutsisut ingerlatsinerannut aamma
- 3) suliffeqarfup pigisaanik (ressourcer) sulisuinillu agguataarinermut.

*Imm. 3.* Ukiumoortumik nalunaarusiaq pissutsinik naatsorsuutitik atuisunut nalinginnaasunik pingaaruteqartunik paasissutissiisusanngorlugu suliarineqarsimassaaq, tak. imm. 2. Aammattaaq naatsorsuutitik atuisunit nalinginnaasumik naatsorsuutigineqarsinnaasunut tunngatillugu, paasissutissat tutsuiginartuusapput.

*Tunngaviumik piumasaqaatit*



**§ 13.** Ukiumoortumik nalunaarusiaq tunngaviusumik piumasaqaatit ataanni allassimasut malillugit suliarineqassaaq:

- 1) Ersarissumik paasiuminartumillu suliarineqarsimassaaq (ersarissuseq).
- 2) Pissusiviusut naammassisassanit pingaaruteqavissutut oqaatigineqarsinnaanngitsunit salliutillugit mianeriniarneqassapput (imaqassuseq).
- 3) Pissutsit pingaaruteqartut tamarmik, pingaaruteqanngitsutut isigineqarsimanngikkunik, ukiumoortumik nalunaarusiamut ilanngunneqassapput (pingaaruteqassuseq). Pissutsilli pingaaruteqanngitsutut isigineqartut arlallit ataatsimoortillugit pingaaruteqartutut isigineqarpata, taakku ilanngunneqassapput.
- 4) Suliamik ingerlatsinerup, unitsinneqartussaasimanngikkuni imaluunniit ingerlaannarsinnaasutut naatsorsuutigineqarsimanngikkuni, ingerlaannarnissaa (going concern) naatsorsuutigineqarsimassaaq. Suliaq taamaatikkiartuaarneqassappat klassilersuineq inissitsiterinerlu kiisalu naatsorsuutitut ilanngusuneq annertussusilersuinerlu taamaatitsiartuaarnermut tassunga naapertuuttumik ingerlanneqassapput.
- 5) Naliliutit allannguutaat sugaluarterluunniit, nammineq aningaasaatinut angusanillu naatsorsuinermut sunniutai apeqqutaatinnagit, ersersinneqassaaq (arlaannaannulluunniit attuumassuteqanngissuseq).
- 6) Nuussinerit, pisut naliliutillu allannguutaat pineri naapertorlugit akiliinissap qaqugu pinissaa apeqqutaatinnagu naatsorsorsuutitut ilanngunneqartassapput (piffissakkarineq).
- 7) Naatsorsuutitut ilanngussuinermi periutsit annertussusiliinermilu tunngavigisat pissutsinut assigiiaartunut assigiissumik atorineqassapput (assigiissaarineq).
- 8) Nuussinerit, pisut naliliutillu allannguutaat tamarmik immikkut naatsorsuutitut ilanngunneqarlutillu annertussusilersorneqassapput, soorluttaaq pissutsit ataasiakkaat imminnut ilanngaatigitillugit naatsorsorneqarsinnaanngitsut (nalililiutit tamakkiisut).
- 9) Ukiup naatsorsuusiorfusup aallartinnerani oqimaaqatigiissitsineq ukiup naatsorsuusiorfusup siuliata naanerani oqimaaqatigiissitsinermit naapertuuttuussaaq (nalinginnaasumik ataqatigiissitsineq).

*Imm. 2.* Ukioq naatsorsuusiorfusoq, inissitsiterineq klassilersuinerlu, patajaallisaanermi peruserineqartoq, naatsorsuutitut ilanngussuinermi peruserineqartoq annertussusiliinermilu tunngavigineqartoq kiisalu aningaasat atorineqartut ukiumiit ukiumut allanngortinneqarsinnaanngillat (piviusumik ataqatigiissitsineq). Allanguinerli pisinnaavoq taamaaliornikkut eqqortumik takussutissiinissaq anguneqarsinnaappat imaluunniit naatsorsuutit klassiitut nutaanut, inatsisit allanngornerinut, inatsisiliornermut tunngatillugu nutaamik malittarisassiornermut imaluunniit § 136 malillugu nutaanik tamanut atuuttussanik ileqqussiornermut atatilugu ikaarsaariarnermi malittarisassat nutaat eqqortinneqarnissaanni allannguinissaq pisariaqarpat. § 11, imm. 3, oqaaseqatigiit aappaat assigisaanik atorineqassaaq.

**§ 14.** Assersuutigalugu sulliviup isumaginninnikkut akisussaassuseqarnera, ilisimasanut sulisorisanullu tunngasut, avatangiisinut tunngasut kiisalu ileqqorissaarnissamut tunngasumik anguniakkat taakkualu malitseqartinneqarneri pillugit ilassutitut nalunaarusiat, nalunaarusianut taamaattunut tunngasumik male-ruagassianut nalinginnaasumik akuerisaasunut killissarititaasut iluini, nassuiaat eqqortumik takutitsisuussaaq. § 12, imm. 3-mi pitsaassusissanut piumasaqaatinut, aammalu nalinginnaasumik pissusiviusut naapertorlugit oqilisaassinerit atorineqarsimappata, § 13, imm. 1-imi aamma 2-mi tunngaviusumik piumasaqaatinut eqqortitsisuussapput.

*Imm. 2.* Nalunaarusiat suliarineqarnerini periutsit annertussusilersuinermilu tunngaviit atorineqartut ilassutitut nalunaarusiami takuneqarsinnaassapput.

**§ 15.** Ukioq naatsorsuusiorfusoq qaammatinik 12-inik sivisussuseqartassaaq, pinerillu tamaasa ukiumi ulloq aalajangersimasooq aallartittarlunilu naasassalluni. Ukioq naatsorsuusiorfusoq tulleeq aallartittassaaq ukiumi naatsorsuusiorfusumi qaangiuttumi oqimaaqatigiissitsinermit ulluliuunneqartup aqaguani.

*Imm. 2.* Piffissaq naatsorsuusiorfusoq siulleq qaammatinit 12-init sivikinnerusinnaavoq sivisunerusinnaalluniluunniit, taamaattorli sivisunerpaamik qaammatini 18-ini.

*Imm. 3.* Ukioq naatsorsuusiorfusoq allanngortinneqarpat piffissaq allanngortitsiviusooq qaammatinit 12-init sivisunerusinnaanngilaq. Piffissarli allanngortitsiviusooq qaammatit 18-it tikillugit sivisussuseqarsinnaavoq, tamanna suliffeqarfanni arlalinni ukioq naatsorsuusiorfusoq assigiilersinniarlugu ima pisoqarneratigut ukiup naatsorsuusiorfusup allanngortinneqarnissaa pisariaqarpat

- 1) ingerlatseqatigiiffissuarmik pilersitsisoqarpat,
- 2) sullivimmi allami aqutisoqatigiinni peqataalermik pilersitsisoqarpat imaluunniit
- 3) kattuttoqarpat.

Oqaaseqatigiit aappaanni taaneqartutuut qaammatit 18-it tikillugit piffissamik allannortitsinermut piumasaqaataavoq, pissutsinik pineqartunik pilersitsineq piffissap allannortitsinerup nalaani pisimassasoq, pissutsit ingerlatseqatigiiffiup nakkutigisinnaangisai pissutigalugit piffissap taassuma iluani ingerlatseqatigiiffiup ukioq naatsorsuuseriffiusup allannortinnissaa periarfissaqarfisimangikkuniuk.

*Imm. 4.* Ukiup naatsorsuuseriffiup allannortinnissaanik aalajangerneq ima piffissaagallartigisumik pissaq, tamanna pillugu Erhvervs- og Selskabsstyrelsimut nalunaarneq nassiuuneqarsinnaassalluni piffissap allannortitsiiffiup naanerata kingorna kingusinnerpaamik qaammatit 5-t sapaatillu akunneri 3-t qaangiutinnginneranni styrelsimit tiguneqareersimassalluni. Taamaattoq aktianik piginneqatigiiffinnut, naalagaaffiup aktianik piginneqatigiiffiutaannut maleruagassanik malinnittunut, tak. piginneqatigiiffiit pillugit inatsimmi, kunnigip peqqussutaatigut Kalaallit Nunaannut atuutsinneqalersumi § 351, aamma suliffeqarfinnut Kalaallit Nunaanni imaluunniit nunami allami EU/EØS-imut ilaasortaasumi niuerfittut maleruagassaqartitaasumi niuerutaasinnaasunik pappialanik naliliutilinnut piffissaliussaq qaammatinik sisamanik sapaatit akunnerinillu pingasunik sivisussuseqarpoq. Oqaaseqatigiit suilliit imaluunniit aappaat malillugit piffissarititaasoq qaangiutereersoq nalunaarutiginninneq tiguneqarpat, nalunaarsortinniarneq itigartinneqassaaq.

*Imm. 5.* Suliffeqarfiit piginnittuusut suliffeqarfiillu pigineqartut qulakkiissavaat suliffeqarfiit pigineqartut suliffeqarfiillu piginnittuusut assigiimmik ukiumoortumik naatsorsuuserifeqarnissaat, tamanna pissutsit suliffeqarfimmik piginnittuusumit suliffeqarfimmillu pigineqartumit aquneqarsinnaangitsut ajornartitaasimassanngippat.

**§ 16.** Naatsorsuutitut ilanngussuinerit, annertussusilersuinerit aningaasanngorlugillu paasissutissiinerit danskit koruuniat imaluunniit euro atorlugu ingerlanneqassapput. Taamaattorli ingerlatseqatigiiffiup tamatumunnga taarsiullugu aningaasat nunap allap aningaasaannut allassinnaavai, ingerlatseqatigiiffiup taamatullu ingerlatseqatigiiffissuup attuumassuteqarfignigut.

#### Kapitali 4

##### *Ukiumoortumik nalunaarusiap immikkuualuttortaanik tulleriinnilersuineq il.il.*

**§ 17.** Ukiumoortumik nalunaarusiaq immikkuualuttunik naatsorsuutit klassiitun atasiakkaanut maleruaganeqartunik imaqartinneqassaaq, tak. §§ 18, 22, 78 aamma 102, taamatullu ingerlatseqatigiiffissuit naatsorsuutaat pillugit immikkuualuttunik taamaaqataannik imaqartinneqassalluni. Naatsorsueriaatsit atorneqartut pillugit nassuiaat ataatsimoortillugu inissinneqassaaq. Nammineq aningaasaatigisat nikerarnerisa naatsorsorneqarnerat naatsorsuutit inissitsiterneqartarnerattut imaluunniit nassuiaatit ataanni inissinneqassaaq.

*Imm. 2.* Suliffeqarfik piginnittuusooq aamma ingerlatseqatigiiffissuaq pillugit aqutsisut nalunaarusiaat ataatsimoortunngorlugu suliarineqarsinnaavoq suliffeqarfimmik piginnittuusumut ingerlatseqatigiiffissuarmullu tunngasumik paasissutissat assigiinngitsut ataatsimoortumik nalunaarusiami immikkut inissinneqarsimappata.

*Imm. 3.* Ilasutitut nalunaarusiat, ukiumoortumik nalunaarusiamut ilanngunneqartut, inatsisit malillugit immikkuualuttuliuunneqartussaataasut malillugit tassani immikkoortillugit inissinneqassapput.

## **Immikkoortoq II**

### **Naatsorsuutit klassiat A**

#### Kapitali 5

##### *Ukiumoortumik nalunaarusiat suliarineqartarnissaat*

##### *Aalajangersakkat nalinginnaasut tamanut atuuttut*

**§ 18.** Suliffeqarfik, naatsorsuutit klassiat A malillugu ukiumoortumik nalunaarusiamik saqqummiussisoq, aqutsisut oqaaseqaataannik, naatsorsuutitik oqimaaqatigiissitsinermik, angusat naatsorsorneqarnerannik nassuiaatinillu imalimmik ukiumoortumik nalunaarusiamik suliaqassaaq, tassunga ilanngunneqassaaq naatsorsuuseriaaseq atorneqartoq pillugu nassuiaat. Kukkuersiuisooq naalagaaffimmit akuerisaq imaluunniit kukkuersiuisooq nalunaarsorneqarsimasooq ukiumoortumik nalunaarusiamut oqaaseqaammik imaluunniit uppersaammik atsiuisimappat oqaaseqaat imaluunniit uppersaat tassunga ilanngunneqassaaq. §§-ini 11-miit 17-imut malittarisassat atuutissapput.

### *Klassilersuineq inissitsiterinerlu*

§ 19. Suliffeqarfiup pigisat nalillit pisussaaffiillu, naatsorsuutit klassianni ilanngullugit naatsorsorneqartussat, kiisalu sulianik ingerlatsinermik aallartitsinerup nalaani nammineq aningaasaatigisat naatsorsuutit aallarnerlugit ammaalluni oqimaaqatigiissinneqarnerat ilanngutissavai. Inatsisini allanik aalajangersaasoqarsimatinnagu suliffeqarfiup suliai piffissami pilersitsiviusumi aallartinneqarsimasutut piffissamiluunniit siusinnerusumi, inuussutissarsiutigalugu suliap suliffeqarfimmu ilanngullugu naatsorsuunneqarfianut, aallartinneqarsimasutut naatsorsuunneqassapput.

*Imm. 2.* Ammaanermi oqimaaqatigiissitsinermi naliliutit pisussaaffiillu tigusinermi periususooq imaluunniit kattussinermi periususooq malillugu nalilernerqassapput, tak. §§ 122 aamma 123. Periuseq toqqarneqartoq naliliutinut pisussaaffinnullu tamanut tulleriinnilersugaasumik allannguutitaqanngitsumillu atorneqassaaq.

*Imm. 3.* Angusanik naatsorsuinermi inissitat sulliviup suussusaa suliallu annertussusaaq malillugit klassilersorneqassapput. Oqimaaqatigiissitsinermi minnerpaamik takutinneqassapput ilanngusaaq 2-mi, skema 1-imi pingaarnertut aamma ruumamiut kisitsisaat atorlugit inissitat pingaarutillit naatsorsukkallu. Inissitsiterinikkuttaaq takutinneqassapput inissitat, sullivimmi peqataasut aallarniutitut aningaasaliissutaannik aammalu sinneqartooruteqarnermi peqataassutaannik amigartooruteqarnermiluunniit peqataassutaannik takutitsinissamut pisariaqartinneqartut.

*Imm. 4.* Suliffeqarfiup inummit ataatsimit arlalinnilluunniit inuttut pigineqartup naliliutit, pisussaaffiit kiisalu isertitat aningaasartuutillu inuussutissarsiormik ingerlatanut attuumassuteqanngitsut ilanngullugit naatsorsorpagit, taakkua imatut immikkoortiterneqassapput, oqimaaqatigiissitsinermi aamma inernerit allattorsimaffianni inuussutissarsiormik ingerlatanit avissaarsimatinneqassallutik.

### *Naatsorsuutininut ilanngussuineq annertussusiliisarnerlu*

§ 20. Suliffeqarfiup pigisai nalillit pisussaaffigisaalu kiisalu isertitai aningaasartuutigisaalu, suliffeqarfiup suussusia annertussusialu mianeralugit, maleruagassat nalinginnaasumik akuerisaasut naapertorlugit aaqqissuussamik tamatigullu naatsorsuutininut ilanngunneqarlutillu annertussusilerneqartassapput.

*Imm. 2.* Suliffeqarfiup, piginnittumit ataatsimit arlalinnilluunniit pigineqartup, piginnittup pigisai nalillit pisussaaffiilu, kiisalu isertitai aningaasartuutillu inuussutissarsiutigalugu suliarineqartumut attuumassuteqanngitsut, naatsorsuutininut ilanngutinngitsoorsinnaavai.

### *Paasissutissat*

§ 21. Naatsorsuutininut ilanngussuinermi periaaserineqartut annertussusiliinermilu tunngavigineqartut (nalilersuineq) ukiumoortumik nalunaarsiap immikkuualuttortaani tamani inissitani atorneqartut suliffeqarfiup nassuiaatigissavai.

*Imm. 2.* Suliffeqarfiup makkua immikkuullarissumik paasissutissiissutigissavai

- 1) pisussaaffigileratarsinnaasatut ilimagineqarsinnaasut,
- 2) qularnaveeqqusiissutit (pantsætninger) pigisallu nalillit atorlugit qularnaveeqqusiinerit allat,
- 3) nammineq aningaasaatitut aallarniutitut aningaasaliissutigisat erniaat,
- 4) piginnittunut suliffeqarfimmiluunniit peqataasunut allanut qanoq annertutigisumik agguaaassisoqarsimannersooq agguagarsisitsisoqarsimanersorluunniit,
- 5) amigartoorneq qanoq matussuserneqarsimannersooq, aamma
- 6) agguaaassinerit agguagarsisitsinerilluunniit aningaasannorlugit allatulluunniit tunniunneqarsimanersut.

*Imm. 3.* Suliffeqarfiup, piginnittumit ataasiinnarmut imaluunniit aappariinnit ataatsimoorullugu pigineqartup, aammalu pigisanik nalilinnik, pisussaaffinnik, pisussaafiuleratarsinnaasunik imaluunniit qularnaveeqqusiussanik, inuussutissarsiutigalugu sulianut attuumassuteqanngitsunik, pigisalimmik aappariinnilluunniit piginnitseqartup immikkut paasissutissiissutigissavai

- 1) pigisat nalillit pisussaaffiillu pineqartut naatsorsuutininut ilanngutinngissimanerlugit,
- 2) pisussaaffiuleratarsinnaasut pineqartut naatsorsuutininut ilanngutinngitsoorlugilluunniit paasissutiginnitsoorsimanerlugit,
- 3) qularnaveeqqusiussat pineqartut paasissutiginnitsoorsimanerlugit, aamma
- 4) piginnittup aapparisaatalu akunnerminni aningaasaatigisaannut tunngasut qanoq mianeriniarneqarsimanersut.

### **Immikkoortoq III**

## Naatsorsuutit klassiat B

### Kapitali 6

#### *Ukiumoortumik naatsorsuutit pillugit nalunaarusiat*

#### *suliarineqartarnissaa Aalajangersakkat nalinginaasut*

§ 22. Suliffeqarfik naatsorsuuserinermi immikkoortiterinermi klasse B-mut ilaatinneqartoq, ukiumoortumik nalunaarusiussaaq, minnerpaamik aqutsisut oqaaseqaataannik, taamaattoq tak. § 9 a, imm. 1, oqimaaqatigiissitsinermik, inernerit allattorsimaffiannik, allattukkanik, taamaattoq tak. § 22 b, imm. 1, kiisalu aqutsisut nalunaarutaannik imaqartumik. Kukkunersiuisoq akuerisaq kukkunersiuusut oqaaseqaataannik allatigulluunniit nalunaarummik ukiumoortumik nalunaarummut ilanngussisimappat, tak. §§ 135 aamma 135 a, kukkunersiuusut oqaaseqaataat imaluunniit nalunaarut ukiumoortumik nalunaarummut ilaatinneqassaaq. §§ 11-17, § 19, imm. 1, 2 aamma 4, § 20, imm. 2, §§ 22 a, 22 b aamma 23-77 atorineqassapput, taamaattoq tak. § 137.

*Imm. 2.* Suliffeqarfiup piginnittup paasissutissaatai ingerlatseqatigiiffissuullu paasissutissaataat assigiippata, suliffeqarfiup piginnittuusup nammineq ukiumoortumik nalunaarusiaminut aqutsisullu nalunaarusiaannut, nammineq paasissutissaatini ilanngutinngitsoorsinnaatitaavai.

*Imm. 3.* Sullivik, naatsorsuutit klassiani A-mi pineqartoq, naatsorsuutit klassianni B-mi malittarisassat naapertorlugit ukiumoortumik nalunaarusiamik siullermeerluni saqqummiussinermi oqilisaassinerit makkua atorsinnaatitaavai:

- 1) Pigisanik nalilinnik, naatsorsuutit klassiat A malillugu naatsorsuutininut ilanngunneqartussaannigitsunit imaluunniit naatsorsuutit klassianni B-mi annertussusiliinermi tunngavigisamit allaanerumik tunngavilerlugit naatsorsuutininut ilanngunneqartussaasunik, naatsorsuutininut ilanngussinermi pigisap nalillip ukiup siuliani ullormi oqimaaqatigiissitsiviusumi (balance) nalingata saniatigut aningaasartuutit tamaasa ilanngullugit tamaat akiatut
- 2) isigineqarsinnaavoq. Ukiup siuliani pigisamik nalilimmik naatsorsuutininut ilanngussinermi periuserineqartoq annertussusiliinermilu tunngavigineqartoq nassuiaatini paasissutissiissutigineqassapput.
- 3) Ukiumoortumik naatsorsuutini inissitanut, naatsorsuutininut ilanngussinermi periutsimik aammalu annertussusiliinermi tunngavigisamik allannguinermi sunnerneqartanut tunngatillugu ukioq naatsorsuusiortuusoq sioqqullugu piffissani § 24 malillugu kisitsisit sanilliussissutaasut periutsit manna tikillugu atorineqartut malillugit naatsorsorneqarsinnaapput.

*Imm. 4.* Suliffeqarfiup § 22 b-mi atuutsinneqannginnissamut aalajangersakkat ataaseq arlallilluunniit siullermeertumik atorunnaarpagit, naatsorsuutininut allattukkanut § 37-p atorineqarneratigut sunnerneqartanut suliffeqarfiup periuseq maannamut atugaasoq malillugu ukioq naatsorsuiffiusoq sioqqullugu piffissanut suliffeqarfiup § 24 malillugu angusat allattorsimaffiannut kisitsisit assersuutaasut naatsorsorsinnaavai.

#### *Suliffeqarfeeqqanut atuutsitsinnginneq*

§ 22 a. Suliffeqarfeeqqat § 22 b-mi atuutsitsinnginnermut aalajangersakkat atorsinnaavaat, taamaattoq tak. imm. 3. Suliffeqarfeeqqanik oqarnermi suliffeqarfiit mikisuaqqat naatsorsuuserinermi immikkoortiterinermi klasse B-mut inissinneqarsimasut pineqarput, ukiuni naatsorsuiffiusuni tulleriinni marlunni piffissami oqimaaqatigiissitsiffiusumi annertussutsit tulluuttut ilaannik marlunnik qaangiinngitsut:

- 1) Oqimaaqatigiissitsinerup katinnera 2.700.000 kr.-nik annertussuseqartoq
- 2) Kaaviiartitat ilanngaasereerlugit 5.400.000 kr.-nik annertussuseqartut
- 3) Ukiup naatsorsuiffiusip ingerlanerani sulisut piffissaq tamaat sulisartut agguaqatigiissillugit 10-nik amerlassuseqartut.

*Imm. 2.* Imm. 1-imi annertussutsinut killiliussat naatsorsorneranni § 7, imm. 3 aamma 4 assigisaanik atorineqassapput.

*Imm. 3.* Imm. 1-imi annertussutsinut killiliussat eqqortinneqarsimagaluarpataluunniit, § 22 b-mi atuutsitsinnginnissamut aalajangersakkat suliffeqarfinnit tulluuttunit atorineqarsinnaanngillat:

- 1) Suliffeqarfiit suliffeqarfinni allani aningaasaatit ilaannik pigisaqartut, aamma suliffeqarfiit taakku ilaasa ataatsip arlallilluunniit ingerlatsinikkut aningaasaqarnikkulluunniit aqunneqarneranut annertuumik sunniuteqartut.
- 2) Suliffeqarfiit naliliutiminnik pappialanik nalinnut pigisanullu aalaakkaasunut imaluunniit naliliutinut allanut inissiinissamik taamaallaat suliaqartut, aningaasaliissuteqarnermi aarlerinaatit agguanneqarissaat taa-

maallaat siunertaralugu piginneqatigiiffimmullu peqataatitamik naliliutaannik ingerlatsinermikkut pineqartut aningaasaqarnikkut iluaqutissaqalersittarlugit.

3) Suliffeqarfiit suliffeqarfinnut imm. 2-mut ilaatinneqartunut atasut, aalaakkaasunik aningaasaateqartut, suliffeqarfiit imminnut atasut aningaasaatit ilaannik tamakkiisumik akilerneqareersunik, aningaasaliissuteqarnermut suliffeqarfinnit taakkunanga akilerneqarsimasunik pissarsinissaq kisiat siunertarippassuk.

4) Suliffeqarfiit, piffissami oqimaaqatigiissitsiffiusumi, aningaasaqarnikkut sakkussat saniatigut pilersitat pillugit isumaqatigiissuteqarnerup kinguneranik pisinnaatitaaffeqartut imaluunniit pisussaaffeqartut.

**§ 22 b.** Suliffeqarfeeqqat, tak. § 22 a, ukiumoortumik naatsorsuutit suliarineranni allattukkaminni tullittut pillugit paasissutissiinissamut ilaatinneqanngillat:

1) Naatsorsuusereriaaseq atorneqartoq pillugu paasissutissat, tak. § 53.

2) Akiitsut, piffissap oqimaaqatigiissitsiffiusup kingorna ukiut tallimat sinnerlugit qaangiutereerneranni akilerneqartussat pillugit paasissutissat, tak. § 63.

3) Immikkut ittumik allattukkat aalajangersimasut pillugit paasissutissat, tak. § 67 a, nr. 1 aamma 2.

4) Ukiumi naatsorsuiffiusumi piffissaq suliffiusussa q tamakkerlugu sulisut agguaqatigiissillugu amerlasusaat pillugit paasissutissat, tak. § 68.

*Imm. 2.* Suliffeqarfik imm. 1-imi ilaatitaannginnissamut aalajangersakkanik ataatsimik arlalinnilluunniit atuisoq, tamanna pillugu allattukkani paasissutissiissaaq.

*Imm. 3.* Ukiumoortumik naatsorsuutini imm. 1-imi ilaatitaannginnissamut aalajangersakkat ataaseq arlalinnilluunniit atorneqarsimappata § 11, imm. 2 aamma 3 atorneqassanngillat.

*Imm. 4.* Suliffeqarfinnut imm. 1-imi ilaatitaannginnissamut aalajangersakkanik ataatsimik arlalinnilluunniit atuisunut §§ 37-38 atorneqassanngillat.

*Klassilersuineq inissitsiterinerlu aamma aalajangersakkat tamanut atuuttut*

**§ 23.** Naatsorsuutini oqimaaqatigiissitsineq angusanillu naatsorsuutit ilanngussaq 2 naapertorlugu skematut ilusilerlugit inissitsiterneqassapput, skema 1 imaluunniit 2 aamma skema 3 imaluunniit 4.

*Imm. 2.* Inissitat immikkoortillugit tulleriinnilersuinerlu skemani allassimasoq naapertorlugu allatorneqassapput. Inissitat, araberit kisitsisaannik taaguusersukkat (1, 2, 3 il.il.), immikkoortiterneqarsinnaapput. Inissitat, imarisamikkut inissitanit pioreersunit matussusiivigineqanngikkunik, araberit kisitsisaannik nutaanik ilassusiivigineqarsinnaapput, taamaattoq tak. imm. 6.

*Imm. 3.* Araberit kisitsisaannik taaguusersorlugit inissitat eqikkarneqarsinnaapput, taamatut eqikkaaneq paasiuminarnerulersitsissappat, taamaattoq tak. imm. 6.

*Imm. 4.* Araberit kisitsisaat atorlugit inissitsiterineq taaguusersuinerlu naleqqussarneqartassapput, tamanna sulliviup immikkut pissuseqarnerata pisariaqalersippagu.

*Imm. 5.* Erhvervsstyrelsi ilanngussaq 2 allanngortissinnaavaa, tassungalu ilanngullugu skemanik immikkut ittunik atuuttussanngortitsisinnaalluni imaassimappat, suliffeqarfik tamatuminnaga pisariaqartitsippat, suliffeqarfiup ilusilersugaanermigut aamma aningaasaatinik inissitassamik pisariaqartitsinera skemanik naleqqussaaneq pillugu inatsimmi malittarisassatigut naammassineqarsimanngippata imaluunniit niuerfinni atugassarititaasut nunanulluunniit tamalaanut atuuttussanngortinneqarsimasut allannguuteqarnerisa kingunerisaattut.

*Imm. 6.* Ukiumoortumik nalunaarusiat il.il. digitalimik pisariaqarfiini nalunaarutigisinnaanissaanut, imm. 2, oqaaseqatigiit aappaat pingajuallu kiisalu imm. 3 aamma 4 naapertorlugit oqimaaqatigiissitsinermut angusallu allattorsimaffiannut immersugassanut avaqqutsisinnaanermut periarfissanik killiisunik Erhvervsstyrelsi maleruagassiorsinnaavoq.

**§ 24.** Ukiumi naatsorsuusiortiffiusumi qaangiuttumi aningaasartaliunneqarsimasut oqimaaqatigiissitsinermik angusanillu naatsorsuutini inissitat ataasiakkaat nalaanni tamani allatorneqassapput. Inissitat ukiup siuliani inissitanut naleqqiunneqarsinnaanngippata, taaneqartut kingulliit naleqqussarneqassapput. Naleqqiussisinnaannginnerli suliffeqarfimmit suliarineqartartut allannguuteqarsimanerannik pissuteqarpat suliffeqarfiup kisitsisit naleqqiussisutaasut naleqqussanngitsoorsinnaavai.

*Imm. 2.* Oqimaaqatigiissitsinermik angusanillu naatsorsuutini inissitat aningaasartaqanngitsut ukiumi qaangiuttumi naatsorsuutit inissitanik taamaattunik ilaqarpata aatsaat ilanngunneqassapput.

*Imm. 3.* Kisitsisit naleqqiussisutaasut inatsimmi matumani atuuttussanngortinneqarsimappata imm. 1 aamma 2 nassuiaatit pillugit paasissutissanut aamma atuutissapput.

## *Oqimaaqatigiissitsineq*

§ 25. Oqimaaqatigiissitsinermi ilanngunneqassapput pigisat nalillit naatsorsuutininut ilanngunneqartut, pisussaaffiit naatsorsuutininut ilanngunneqartut, tassunga ilanngullugit pisussaaffiit immikkoortitat, aammalu nammineq aningaasaatigisat, pigisat nalillit pisussaaffiillu pineqartut assigiinngissutigisaat. Akiligassat tassaapput nammineq aningaasaatit aammalu pisussaaffiit naatsorsuutininut ilanngunneqartut katinnerat.

§ 26. Pigisanit nalilinnit kaaviiartitat ataanni pisassarisat, ukioq naatsorsuusiorfiusoq qaangiutereersoq uki-oq ataaseq sinnerlugu qaangiuttoq akilerneqartussaataasut, piffissami sivisuumi akilerneqarfissalikkatut naatsorsuunneqassapput. Taakku araberit kisitsisaannik taaguuserlugit, paasissutissat taamaaqataat nassuiaatini paasissutissiissutigineqarsimangippata, inissitat ataasiakkaat ataanni immikkut klassilersorneqassapput.

*Imm. 2.* Pisussaaffiit, ukiup naatsorsuusiorfiusup qaangiunneratigut ukiup ataatsip qaangiutinnginnerani akilerneqartussaataasut akilersupallagassaapput. Pisussaaffiit allat piffissami sivisuumi akilersugassaapput. Pisussaaffiit piumasaqaatit pineqartut naapertorlugit araberit kisitsisaat atorlugit inissiivinnut ataasiakkaanut, paasissutissat taakku taamaaqataat nassuiaatini paasissutissiissutigineqarsimangippata, klassilersorneqassapput.

§ 27. Aningaasartuutit kingusinnerpaamik ulloq oqimaaqatigiissitsiviusoq akilerneqartut, ukiunullit tullit-tunut attuumassuteqartut, pigisanit nalilinnit kaaviiartitat ataanni piffissanik killiliissutitut inissitassanngorlugit akissaatitut inissisimasuussapput. Isertitat ukiumut naatsorsuusiorfiusumut attuumassuteqartut, ullorli oqimaaqatigiissitsiviusoq qaangiutereersoq aatsaat akilerneqartussanngortussat, pisassarisatut inissisimasuussapput.

*Imm. 2.* Akiliutit kingusinnerpaamik ulloq oqimaaqatigiissitsiviusoq akilerneqartut, ukiunili tulliuuttuni isertitarisassanut attuumassuteqartut, pisussaaffiit ataanni piffissanik killiliissutitut inissitassanngorlugit akissateqarfimmi inissisimasuussapput. Aningaasartuutit ukiumut naatsorsuusiorfiusumut attuumassuteqartut, ukiunili tulliuuttuni aatsaat akilerneqartussaasut, akiligassatut pisussaaffittut akissateqarfimmi inissisimasuussapput.

## *Angusanik naatsorsuutit*

§ 28. Angusanik naatsorsuineri ilanngunneqassapput isertitat aningaasartuutillu naatsorsuutininut ilanngunneqartut.

§29. Angusanik naatsorsuutini sulianut agguakkani “Tunisassiornermi aningaasartuutit” ataanni inissitani aningaasartuutit, tunisassiornermi kaaviiartitaqarnerup anguneqarnissaanut peqataaqataasimasut, naatsorsuutininut ilanngunneqassapput.

*Imm. 2.* Angusanik naatsorsuutini sulianut agguakkani “Tunisassiornermi aningaasartuutit”, “Agguaassinermut atasumik aningaasartuutit” aamma “Allaffissornermut aningaasartuutit” ataanni inissitani pigisanik nalilinnik nalikilliliinerit naleerutsitsinerillu aamma sulisunut aningaasartuutit, sulianut taaneqartunut attuumassuteqartut, ilanngullugit naatsorsorneqassapput.

§ 30. (Atorunnaarsinneqarpoq.)

§ 31. Suliffeqarfiup sinneqartoorutaasa sumut atorneqarnissaat imaluunniit amigartoorutit qanoq matususerneqarnissaat pillugu aqutsisut siunnersuutaat angusat naatsorsornerannut atatillugu inissinneqassaaq. Iluanaarutininut aqutsisut siunnersuutaat nammineq aningaasaatini immikkut allattukkatut »Sinneqartoorutit amigartoorutilluunniit nuunneqartut« ataanni takuneqarsinnaassaaq, tak. ilanngussaq 2, immersugassaq 1 imaluunniit 2.

*Imm. 2.* Ukiumi naatsorsuiffiusumi immikkut ittumik sinneqartoorutininik agguaassisoqarsimappat, tamanna angusat sumut atorneqarnerisa allattorsimaffianni immikkut takuneqarsinnaassaaq. Ukiup naatsorsuiffiusup naanerani immikkut ittumik sinneqartoorutininik agguaassisoqarsimappat, tamanna angusat sumut atorneqarnerisa allattorsimaffianni immikkut takuneqarsinnaassaaq.

§ 32. Suliffeqarfiup naatsorsuutaani aningaasatit nalunaarsorsimaffiini allattukkat makkua eqikkarlugit allattorsinnaatitaavai tassungalu taarsiullugu imatut taaguusersorsinnaallugit “Tamakkiisumik iluanaarutit” imaluunniit “Tamakkiisumik annaasat”:

- 1) Ilanngussaq 2, skema 3-mi allatassat nr. 1-5, aamma
- 2) Ilanngussaq 2, skema 4-mi allatassat nr. 1-3 aamma 6.

*Imm. 2.* § Allatassanut Imm. 1 naapertorlugu ataatsimut eqikkakkarlugit allattorsimasanut tunngatillugu, § 11-mi, imm. 2 atuutsinneqartassanngilaq.

*Imm. 3.* Ukioq siulleq suliffeqarfiup imm. 1-imik atuiunnaarfia, allatassanut eqqartorneqartunut tunngatillugu kisitsisit sanilliussissutissat, tak. § 24, ilanngunneqanngissinnaapput.

## Kapitali 7

### *Naatsorsukkanut ilanngussineq annertussusiliinerlu*

#### *Nalinginnaasumik aalajangersakkat*

**§ 33.** Suliffeqarfiup siunissami iluanaaruteqarluarnissaa ilimanaateqarluaraangat pigisallu nalillit nalingat tutsuiginartumik annertussusilerneqarsinnaagaangat, pigisat nalillit (aktiver) naatsorsuutininik oqimaaqatigiissitsinermut ilanngullugit nalunaarsorneqartassapput. Taamaattorli pigisamut nalilimmut piginnittussaatitaanermut tunngatillugu, suliffeqarfimmut ajunaarutaasinnaanera iluanaarutaasinnaaneraluunniit apeqqutaatinagu, ilanngussaq 1, C, nr. 1-mi pigisat nalillit suuneri qanorluunniit nassuiaaserneqarsimagaluarpata, pigisat nalillit suliffeqarfiup piginngisai, suliffeqarfiup naatsorsuutaanik nalunaarsuinerlut ilanngutinngitsoorneqarsinnaapput. Aammattaaq suliffeqarfiup suliniutit ineriartortsinniakkani aamma suliffeqarfiup nammineq ilumini pigisat nalillit pilersitani tigussaasunik takussutissartaqanngitsut nalunaarsunngitsoorsinnaatitaavai, assersuutigalugu piginnittussaatitaanermut uppersaatait (patent), piginnaatitsissutillu taaneqartunut assingusut allat. Suliffeqarfiup nammineq ilumini pilersitani tigussaasunik takussutissartaqanngitsut allat, (immaterielle aktiver) suliffeqarfimmut nalunaarsorlugit naatsorsuusiukkanut ilanngullugit nalunaarsorinnaatitaanngilai.

*Imm. 2.* Pisussaaffiit immikkoortinneqarallartut imm. 1 apeqqutaatinnagu aatsaat aningaasaqarnikkut suliffeqarfimmut iluaqutissanik kinguneqarnissaat annerusumik ilimanaateqalernat, ilanngullugit naatsorsuunneqarsinnaapput.

*Imm. 3.* Pisussaaffiliussap (forpligtelse) siunissami suliffeqarfimmut aningaasatigut iluanaarutaasinnaanera qularnaatsumik ilimagineqarsinnaagaangat aamma pisussaaffiliussap naleqassusaa tutsuiginartumik nalilerneqarsinnaagaangat, naatsorsuutininik oqimaaqatigiissitsinermut ilanngullugu nalunaarsorneqartassaaq.

*Imm. 4.* Pigisat nalillit pisussaaffiillu annertussusiinik naliliinermi naatsorsuutinullu ilanngullugit nalunaarsuinermit, naliliinermut tassunga tunngasinnaasut tamaasa mianerineqartassapput, tassunga ilaapput ajunaarutaasinnaasutut annaasaqaataasinnaassutullu siumut naatsorsuutigineqarsinnaasut, ukiumoortumik nalunaarusiap suli suliarineqalinninnerani naliliinerit saqqummersut aamma kingusinnerpaamik ullormi naatsorsuutininik oqimaaqatigiissitsivimmi (balance) naliliinerit nalunaarsukkat eqqornerinik imaluunniit eqqunnginnerinik tunngavilersukkamik uppersaateqartassapput.

**§ 34.** (Atorunnaarsinneqarpoq)

**§ 35.** (Atorunnaarsinneqarpoq)

**§ 35 a.** Aktianik piginneqatigiiffiit piginneqatigiiffiillu kiisalu peqatigiilluni piginneqatigiiffiit, piginneqatigiiffiit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 206, imm. 2, aamma § 214, imm. 1 malillugit attartortitsisut, qularnaveeqqusiisut allatigulluunniit aningaasaqarnikkut ikiuuttut, aningaasat attartortitamik, qularnaveeqqusiussamik allatigulluunniit aningaasaqarnikkut ikiuutimik naleqataat allattukkanit ”Sinneqartoorutit nuunneqartut”-nit imaluunniit nammineq aningaasaatit ataanni, iluanaarutininut atorneqarsinnaasunit allattukkanut ”Avammut attartortitanut qularnaveeqqusiinernullu sillimmatit”-nut nuussavaat. Pissamaatit taakku suliffeqarfiup amigartooruteqarneratigut nungutinneqarsinnaanngillat allatigulluunniit annikillisinneqarsinnaanatik. Attartukkalli, qularnaveeqqusiinerit allatigulluunniit aningaasaqarnikkut ikiuunnerit annikillisinneqarsinnaanatik atorunnaarsinnaralluunniit peqatigalugu pissamaatit annikillisinneqarsinnaapput atorunnaarsinneqarluutilluunniit.

*Imm. 2.* Piginneqatigiiffiit pillugit inatsimmi, kunngip peqqussutaatigut Kalaallit Nunaannut atuutsinneqalersumi §§ 206 aamma 210 unioqqutillugit qularnaveeqqusiinerit, qularnaveeqqusiinerit piginneqatigiiffimmut pituttuisuuppata, qularnaveeqqusiinerit imm. 1-mut ilaassapput, tak. piginneqatigiiffiit pillugit inatsimmi kunngip peqqussutaatigut Kalaallit Nunaannut atuutsinneqalersumi § 215, imm. 3.

**§ 35 b.** Aktianik piginneqatigiiffiit piginneqatigiiffillu, suliffeqarfiup aningaasaataat nalunaarutigineqartunik taamaattoqarpallu qaavatigut naliliussamik tamakkiisumik akiliuteqarsimangitsut, tulliuutunik iliuseqassapput

- 1) suliffeqarfiup aningaasaatai akilerneqanngitsut qaavatigullu naliliussat akilerneqanngitsut pisassamittut naatsorsuullugit, tak. ilanngussaq 1, C nr. 1-imi, tak. imm. 2-mi naliliutit nassuiaataat, imaluunniit
- 2) ilanngussaq 1, C, nr. 1-imi naliliutit nassuiaataa apeqquaatinnagu suliffeqarfiup aningaasaataasa akilerneqanngitsut aamma taamaattoqarpat qaavatigut naliliussat akilerneqanngitsut nalingisa annertoqataat suliffeqarfiup aningaasaataanit aamma qaavatigut naliliussamit erseqqissumik ilanngaatilugit, tak. imm. 3.

*Imm. 2.* Inernerit ilanngaatitaqanngitsut saqqummiunneqarneranni, tak. imm. 1, nr. 1, suliffeqarfiup aningaasaataasa akilerneqanngitsut aamma taamaattoqarpat qaavatigut naliliussat akilerneqanngitsut allattuiffimmit ”Sinneqartoorutit nuunneqartut”-nit imaluunniit allattuiffimmit allamit, nammineq aningaasaatit ataanni sinneqartoorutinut atorsinnaasumit allattuiffimmut ”Suliffeqarfiup aningaasaataanut qaavatigullu naliliussanut akilerneqanngitsunut” suliffeqarfiup nuussavai. Pissamaatit taakku suliffeqarfiup amigartooruteqarneratigut nungutinneqarsinnaanngillat, allatigulluunniit annikillisinneqarsinnaanatik. Suliffeqarfiulli aningaasaataasa qaavatigullu naliliussat suliffeqarfimmut akilerneqartarnerat ilutigalugu, pissamaatit atorunnaarsinneqarsinnaapput ikilisinneqarsinnaallutilluunniit.

*Imm. 3.* Ilanngaaseeriikkat saqqummiunneqarneranni, tak. imm. 1, nr. 2, suliffeqarfiup aningaasaataasa qaavatigullu naliliussat akilerneqanngitsut nalingisa annertoqataat allattuiffimmit ”Sinneqartoorutit nuunneqartut”-nit imaluunniit allattuiffimmit allamit, nammineq aningaasaatit ataanni iluanaarutinut atorsinnaasumit allattuiffimmut ”Suliffeqarfiup aningaasaataanut qaavatigullu naliliussanut akilerneqanngitsunut” suliffeqarfiup nuussavai. Pissamaatit taakku suliffeqarfiup amigartooruteqarneratigut nungutinneqarsinnaanngillat, allatigulluunniit annikillisinneqarsinnaanatik. Suliffeqarfiullianingaasaataasa qaavatigullu naliliussat suliffeqarfimmut akilerneqartarnerat ilutigalugu, pissamaatit atorunnaarsinneqarsinnaapput ikilisinneqarsinnaallutilluunniit.

**§ 35 c.** Aallarnisaasut piginneqatigiiffiat, suliffeqarfiup aningaasatigut tunngaviata annertusiartortinnisaanut pissamaatinut pittugaasunut suliffeqarfiup sinneqartoorutaasa minnerpaamik 25 procentii ukiumut immikkoortittassavai, pissamaatit taakku piginneqatigiiffiup aningaasaataanut kattullugit minnerpaamik 50.000 kr.-nik annertussuseqalernissaat tikillugu. Pissamaatit taakku suliffeqarfiup amigartooruteqarneratigut nungutinneqarsinnaanngillat, allatigulluunniit annikillisinneqarsinnaanatik. Suliffeqarfiulli aningaasaataasa amerliartornerat ilutigalugu, pissamaatit atorunnaarsinneqarsinnaapput ikilisinneqarsinnaallutilluunniit.

**§ 36.** Naliliutit pisussaaffiillu naatsorsuutinut siullermeersumik ilanngunneqarneranni nioqutissap nalerpaa tunngavigalugu annertussusiliisoqassaaq. Siullermeersumik naatsorsuutinut ilanngussereermermi naliliutit nioqutissap nalerpiaanun annertussusilerneqassapput pisussaaffiillu tunisaqarnermi ilanngaattissat ilanngaatigereerlugit naliusunut annertussusilerneqarlugit, inatsit manna allanik malitassiisimassanngippat.

*Imm. 2.* Suliffeqarfimmik pioreersumik tigusinermi §§ 121-123 assigisaanik atorneqassapput.

**§ 37.** Suliffeqarfiup naatsorsuutinut siullermeersumik ilanngussereernikkut aningaasanut tunngassutillit naliliutit ingerlaavartumik iluarsiivigisassavai, taamaattoq tak. imm. 2, kiisalu aningaasatigut pisussaaffiit, niueqatigiissutissanut ilaasut imaluunniit aningaasatigut sakkussamaatit pilersitaat, iluarsiivigisassavai ullormi tassani naliusumut. Taanna annertussusilerneqassaaq tunisat nalingannut, niuernerup ingerlanerani naliliutini pisussaaffinniluunniit pineqartuni paasinarsinnaasumut. Naliliutinut imaluunniit pisussaaffinnut tunngatillugu tunisat nalingat imaaliinnaq paasineqarsinnaanngippat naliliutit pisussaaffiilluunniit ilaanni ataasiakkaanik niuernermi tunisat nalingannut annertussusiliineqassaaq. Taakkununga tunngatillugu aamma niuerluartoqarsimannngippat, atuuttut naliusooq annertussusilerneqartassaaq tunisat nalingat qanillillugu naliliummot pisussaaffimmulluunniit tunngatillugu aningaasaatit nalingat naleqquttoq atorlugit, nalinginnaasumik nalileeriaatsit akuersaarneqarsinnaasut atorlugit taanna naatsorsorneqarsinnaassappat. Tunisat nalingat qanillattuutaasumik naatsorsorneqarsinnaanngippat naliliut imaluunniit pisussaaffik nioqutissap akerpiaanun annertussusilerneqassaaq.

*Imm. 2.* Suliffeqarfiup naatsorsuutinut siullermeersumik ilanngussereernikkut nioqutissap akerpiaanun makku piffissalersukkamik iluarsiivigisassavai:

- 1) Taarsigassarsiarititat akiitsulinniillu pisassat, sulliviup nammineq sulissuteqarneranut tunngassutillit, niuernermermi atugassamaatinut ilanngunneqarsimangitsut,



- 2) aningaasanut tunngassutilittut naliliutit allat, aningaasatigut atugassamaatineersuunngitsut, aammalu naanissaannut pigineqartussat, kiisalu
- 3) aningaasanut tunngasutigut pisussaaffiit, imm. 1-imi oqaaseqatigiinni siullerni taaneqartut pinnagit.
- Imm. 3.* Imm. 1-imi 2-milu aalajangersakkat atortuutinneqassanngillat

- 1) pigisatut suliffeqarfinni aningaasaliissutinit pisassanut,
- 2) suliffeqarfinni ataatsimut aqutani attuumassuteqarfigisanilu aningaasaliissutinit pisassat,
- 3) nammineq aningaasaliissutinit pisassat,
- 4) nammineq aningaasaatinut sakkussat suliffeqarfimmit suliarineqartut,
- 5) suliffeqarfiit imminnut kattutsinnerannut atatillugu suliffeqarfimmik pigisaqalernermit piumasaqaati-talimmik aningaasarsiaqartitaaneq pillugu isumaqatigiissutit,
- 6) tunisassiassanik tunngaveqartunik isumaqatigiissutit, illuatungeriit aningaasat imaluunniit aningaasa-qarnikkut sakkussat allat atorlugit akiitsunik isumannaareqatigiinnissaannut pisinnaatitaaffiliisut, taa-maattumillu aningaasaqarnikkut sakkussatut saniatigut pilersutut isigineqarsinnaasut, aammalu
  - a) pisineq, tunisineq atuinerluunniit eqqarsaatigalugit suliffeqarfiup piumasaqaatissatut naatsorsuutigi-sai qulakkeerniarlugit isumaqatigiissutaasut sulilu qulakkeerinnittuullutik,
  - b) aallaqqaataaniilli tamanna siunertaralugu isumaqatigiissutaallutik aammara
  - c) tunisassiassap tunniunneqarneratigut akiitsunik isumannaareqatigiittoqarnissaa naatsorsuutigineqar-luni, aamma
- 7) aningaasaqarnikkut sakkussat allat, immikkut ittumik imatut piginnaasallit, sakkussat nalinginnaasumik akuersarneqartutut aningaasaqarnikkut sakkussanit allanit allaanerusumik naatsorsorneqartarlutik nalilerneqartarlutillu.

*Imm. 4.* Imm. 1-3 apeqqutaatinnagit, aningaasaatinut piginneqatigiissutit ullormi naligitat atorlugit niuerfinni ingerlasuni niuerutissanngortitaanngitsut naatsorsornissaat suliffeqarfiup pinngitsoorsinnaavaa.

*Imm. 5.* Suliffeqarfiup imm. 1-4 apeqqutaatinnagit, nunat tamat akornanni naatsorsuuserinermi pitsaassus-iliussat, nunat tamat akornanni naatsorsuuserinermi pitsaassusiliussat atorneqarnissaat pillugu Europa-Parla-mentip Rådillu peqqussutaat (EF) nr. 1606/2020, 19. juli 2002-meersoq naapertorlugu Europa-Kommis-sionimi akuersissutigineqartut, kingornalu allannguutit peqqussut taaneqartoq naapertorlugu Europa-Kommis-sionimi akuersissutigineqartut naapertorlugit aningaasatigut naliliutit piussaaffiillu naatsorsorinnaavai nali-lerlugillu. Suliffeqarfiup periarfissaq tamanna atorpagu, aningaasaqarnikkut naliliutit pisussaaffiillu pillugit paasissutissat, pitsaassusiliinerni taaneqartuni piumasaqaatigineqartut tunniunneqassapput.

**§ 37 a.** Aningaasatigut naliliutit pisussaaffiillu taakkualuunniit agguaallugit ilaat § 37, imm. 2 apeqquta-tinnagu, qularnaveeqqusiinermut sakkussaq § 37, imm. 1, malillugu ullormut nalinga atorlugu nalilerne-qartussaq atorlugu angusaqarfiulluurtumik qulakkeerneqarsimappat,

**§ 38.** Illuutit aningaasaliiffigisat siullermeertumik aallaqqaammut nalilerneqarnermik kingorna ullormut naliminnut ataavartumik naleqqussarneqartarsinnaapput.

*Imm. 2.* Suliffeqarfiit, uumasunik suli uumasunik naasunilluunniit tunisinissaq, suliarinninnissaq, atui-nissaq, uumasunik naasunillu amerliartortitsiniarluni kinguaassiortitsinissaq siunertaralugu uumassusilinnik allanngortitsisartut, siullermeertumik aallaqqaammut nalilersuinerup kingorna, naliliutit taakku ullormut nalinginut ataavartumik naleqqussaasarsinnaapput.

*Imm. 3.* § 37, imm. 1, oqaaseqatigiit aappaannit tallimaannut imm. 1-imi 2-milu assigisaanik atorneqas-sapput.

**§ 39.** Naatsorsuutit oqimaaqatigiissinneranni nunat allat aningaasaanniit ukiumoortumik nalunaarusiami ulloq taanna aningaasat nalingannut naatsorsueqqinnermi naatsorsuutini naliliutinut pisussaaffinnullu tun-ngatillugu atorneqassaaq oqimaaqatigiissitsinermi nunat allat aningaasaasa nalingat. Oqimaaqatigiissitanut allatani allani aammalu nuussinerni atorneqartassaaq ullormi nuussiviusumi nunat allat aningaasaasa nalingat. Taamaattorli naliliutit pisussaaffiillu, qaffatat imaluunniit ikililat taamatullu qummut imaluunniit ammut iluarsiivigisat, pillugit atorneqassaaq piffissami nalileeqqiffiusumi nunat allat aningaasaasa nalingat.

*Imm. 2.* Sulissuteqarneq, nunat allat aningaasaanni naatsorsuusiuunneqartussaq, suliffeqarfiup aningaa-sarsiornerani ingerlaartumik ilanngullugu naatsorsuutigineqartanngippat oqimaaqatigiissitsinermi allatas-sanik naatsorsueqqinneq pissaaq ullormi oqimaaqatigiissitsiviusumi nunat allat aningaasaasa nalingannut. Nikingassut nammineq aningaasaatinut toqqaannartumik ilanngunneqassaaq.

**§ 40.** Sanaartukkat naliliutit naliviata imarissavai aningaasartuutit tamaasa, naliliutip atornerqalerfissaa tikillugu pissarsinermik tunngaveqartut imaluunniit toqqaannartumik naliliutit pilersitamut tutsinneqarsinnaasut. Tamatuma saniatigut sanaartukkanik naliliutinut aningaasartuutit katinnerat, aningaasartuutinik sanaartukkamut naliliutimut toqqaannartuunngitsumik innersuunneqarsinnaasunik ilaqarsinnaavoq, aningaasartuutit piffissamut pilersitsiffiusumut tunngasuuppata. Tamatuma saniatigut aningaasaat, nioqutissiap sanaartukkap aningaasalersornissaanut taarsigassarsiarineqarsimasut erniaat aammalu piffissamut sanaartorfiusumut tunngasut, naliviusumut naatsorsuunneqarsinnaapput.

**§ 41.** Suliffeqarfiup suliffeqarfinni pigisani suliffeqarfinnilu suleqatigisani sanaartukkatigut naliliutit tigussaannngitsut tigussaasullu nalingi ullormi nalinginut qaffatsissinnaavai. Sanaartukkatigulli naliliutit aatsaat niuerfinni ingerlasuni niuerutigineqarunik nalingi qaffatsinneqarsinnaapput.

*Imm. 2.* § 37, imm. 1, oqaaseqatigiit aappaanniit tallimaannut, aalajangersakkat atortuutinneqassapput taamaattorli imaalillugu pissarsiareqqinneranni naliusoq imaluunniit tunisinermi ilanngaattissat peerlugit naliusoq atornerqarsinnaanngorlugu tunisinermi akigitinniagaq anguneqarsinnaanngippat.

*Imm. 3.* Aningaasat qaffaammut naapertuuttut nammineq aningaasaatit ataanni allatani "Qaffaatissatut sillimmatit" toqqaannartumik ilanngullugit naatsorsuutigineqassapput. Sillimmatit taakku suliffeqarfiup amigartoorutaanit nungutinneqarsinnaanngillat imaluunniit allatut iliornikkut ikilineqarsinnaanatik, taamaattoq tak. oqaaseqatigiit tullii. Sillimmatit atorunnaarsinneqarlutilluunniit ikilineqartassapput naliliutit qaffatat

- 1) tunineqaraangata imaluunniit sulissuteqarnermiit peerneqaraangata,
- 2) nalikillineqaraangata iluanaaruteqaqqilernerup nalingata appasinnerunera pissutigalugu, tak. § 42,
- 3) akileraarutinut kinguartitanut, ileqqaarneqartussanut atassuteqaraangata tak. § 47,
- 4) naatsorsuutitigut missingersuinerup allannguuteqarnera pissutigalugu utertillugit allanneqaraangata, tak. § 52, imaluunniit
- 5) nalikillisaanerit kingunerannik nalingatigut annikilliliisoqassaaq.

**§ 42.** Sanaartornermi atortuutit pigisat nalillit, §§ 37. 37 a imaluunniit 38 malillugit taakkua nalingat ullormiit ullormut ingerlaavartumik nalimmassaavigineqarneq ajortut, iluanaaruteqaqqilernermi nalimut nalilikkamut appasinnerusumut nalikilliliivigineqartassapput.

*Imm. 2.* Pigisat nalillit immikkut ataasiakkaarlugit ullormut naleqassusaat iluanaaruteqaqqilernerup nalinga malillugu annertussuilerneqarsinnaanerat periarfissaanngippat, pigisatut eqimattatut ataatsimoor-tumik nalilittut pigisat nalillit minnerpaamik naliliiffigineqartassapput, taamaalilluni pigisat nalillit ataatsimut naleqassusaat iluanaaruteqaqqilernermi nalingat malillugu tutsuiginartumik nalilersorneqarluni aalajangiiffiusinnaaniassammat. Taamatut pigisanik nalilinnik ataatsimut nalikilliliineq pigisanut naliliutinut ataasiakkaanut siammaallugu aaqqissugaasumik agguataarneqartassaaq.

*Imm. 3.* Nalikillisaanermut tunngavilersuut atuukkunnaarpat, nalikinnerutitsineq imm. 1-imi taaneqartoq attatiinneqarsinnaanngilaq. Tutsivigineqarluarnermilli goodwillimik nalikillisaaneq kingumut ingerla-teqqinneqarsinnaanngilaq.

**§ 43.** Sanaartornermi atortut pigisat nalillit takussaannngitsut takussaasullu killilimmik atuuffissallit tunissiatut inaarneranni akiviat (kostpris), ullormi pineqartumi nalingat (dagsværdi) imaluunniit iluanaaruteqaqqilernermi (genindvindingsværdi) nalingat nalikilliliinikkut annikillilerneqartassaaq, pigisat nalillit atorsinnaallutik piusinnaaffiisa qaangiukkiartuaarnerat malillugu aaqqissuusamik nalikilliaruaartinneqarnissaat matumani siunertaralugu. Taamaattorli tamanna pigisanut nalilinnut § 38 naapertorlugu, ullormi nalingat naapertorlugu ingerlaavartumik iluarsivigineqartuuartartussanut tunngatillugu tamanna atuutinngilaq.

*Imm. 2.* Pigisap nalillip piffissami atorsinnaalluni piusinnaaffiata qaangiutereernerani naleqassusaa sinneruttoq eqqarsaatigalugu, piffissamut pigisap nalillip atornerqarlernerata aallartinnerani naleqassusaanut naleqqersuinikkut uuttuullugu nalikillilerneqarnera naatsorsorneqartassaaq.

*Imm. 3.* Pisuni immikkut ittuni, suliffeqarfiup tutsuvigineqarluarnermik ineriartortitsinermullu aningaasartuutinik atuinermi piffissap sivisussusia uppernassusilimmik nalilersinnaanngippagu, taanna ukiunik 10-nik sivisussuseqartutut isigineqassaaq.

**§ 43. a.** Suliffeqarfiup suliffeqarfinnut pigisaminut aamma suliffeqarfinnut kattuteqatigisimasaminut aningaasaliissutit piginneqataassutini, aningaasartuutissat peereerlugit pigisat naliviisut (indre værdi) nalunaarsorlugit suliffeqarfiit taaneqartut naatsorsuutaannut ilanngullugit nalunaarsorsinnaatitaavai.

Taamaattorli taamatut nalunaarsuisoqassappat aalajangersakkani imm. 2-5, taamaattorli tak. imm. 6, aalajangersarneqartut naapertorlugit suliffeqarfiup suliffeqarfinnut piginneqataaffigisaminut tamanut imaluunniit suliffeqarfinnut kattuteqatigisimasaminut tamanut imaluunniit suliffeqarfinnik ingerlatseriaatsini taaneqartuni tamani, aalajangersakkat taaneqartut naapertorlugit, aningaasartuutissat peereerlugit pigisat naliviisut (indre værdi) suliffeqarfiit taaneqartut tamarmik naatsorsuutaannut ilanngullugit nalunaarsorneqartassapput.

*Imm. 2.* Aningaasartuutissat peereerlugit pigisat naliviisa (indre værdi) annertussusaat, suliffeqarfiup nammineq naatsorsuusiaatsini malillugu naatsorsorlugillu nalunaarsugassarai.

*Imm. 3.* Piginneqatigiiffissuit (koncern) naatsorsutaat pillugit §§ 119-121 aalajangersarneqartut aammattaq taamatut atuuttassapput, taamaattorli suliffeqarfinnut kattutanut tunngatillugu aningaasaatinik piginneqataassutinik atorunnaarsitsilluni piginneqataajunnaarnermut taamaallaat tunngatillugu atorneqarsinnaallutik. Taassuma assigisaanik § 116, imm. 2, atorneqartassaaq. Suliffeqarfiup pigisap (dattervirksomhed) naatsorsuutini, piginneqatigiiffissuup piginnittup (koncern) naatsorsuutaanut ilanngullugit naatsorsuusiarippagit, taanna tunngavittut atorneqassaaq. Suliffeqarfiup pigisap aningaasaatini piginneqataassutit suliffeqarfiit pigisat aamma suliffeqarfiit kattutat naatsorsuutaasa inerniviinut (indre værdi) ilannguppagit, pigisat nalillit taakkua tunngavittut atorneqarsinnaapput.

*Imm. 4.* Suliffeqarfiit pigisat aamma suliffeqarfiit kattutat aningaasatigut piginneqataaffigisat angusaasa naleqassusaannik immaqalu aamma taakkua naatsorsuutit tungaasigut inerniviit angusaat, angusamut tamarmiusumut ilaangitsut naleqassusaannik suliffeqarfik nalittorsaa sinnaatitaavoq imaluunniit nalikilisaasinnaatitaavoq. Suliffeqarfiit pigisat aamma suliffeqarfiit kattutat angusaannik aamma naatsorsuutit inerniviinik (indre værdi) aningaasallu ingerlaartinneqarsimaneri, suliffeqarfiit taakkua angusaannut ilaangitsunik, aningaasaatit piginneqataassutit annertoqataannik piginneqataassutinik naatsorsuutinut nalunaarsuisinnaatitaapput.

*Imm. 5.* Ilangaatissat peereerlugit pigisat naliviinik qaffaanerup aningaasanik amerlaqataannik, tak. imm. 4 naapertorlugu, naatsorsuutini aningaasaatit nammineq pigisat ataanni nalunaarsukkanut ilanngullugit nalunaarsorsimassapput imatut; “Ilangaatissat peereerlugit naatsorsuutit inerniviinik periuseq malillugu pigisat naliviinik qaffaatissatut sillimmatit.” Sillimatit aningaasartaqanngitsut naatsorsuutit nalunaarsorneqarnerinut ilanngullugit nalunaarsorneqarsinaanngillat. Sillimmatit taakkua suliffeqarfiup amigartoorutaanut ilanngullugit nungutinneqarsinnaapput, kisiannili allatut iliorluni millisarneqarsinnaanatik. Taamaattorli aningaasaatinik piginneqataassutinik amerlisaanikkut, sillimatinik atorunnaarsitsisoqassaaq imaluunniit millisaasoqassaaq, imaaliornikkut:

1) piginneqataassutinik amerlisaanermik piviusunngortitsinikkut imaluunniit

2) tak. § 52, imm. 1 naapertorlugu, naatsorsuutit tunngavigalugit allatut nalileeqqinneq tunngavigalugu utertitsinikkut.

*Imm. 6.* § 114, imm. 2, nr. 1-3 naapertorlugit, suliffeqarfiup suliffeqarfimmut pigisamut (dattervirksomhed) imaluunniit suliffeqarfimmut kattutamut (associeret virksomhed) piginneqataassutini, naatsorsuuserinermi periuseq – ilangaatissat peereerlugit angusat naliviinik periuseq – paasissutissat tassunga tunngasut pisariaqavissut ilisimanngikkunigit, suliffeqarfiup periuseq taanna periutsitut atunngitsoorsinnaatitaavaa. Taamaattoqartillugu, tak. § 36 naapertorlugu, aningaasatit piginneqataassutit, aningaasartuutit ilanngullugit akiviat aallaavigalugu piginneqataassutit annertussusilerneqassapput. Taamaattorli suliffeqarfinnut piginneqataassutit § 114, imm. 2, nr. 3–mit pineqartut, § 37-mi, imm. 1, oqaaseqatigiit aappaanniit tallimaannut pineqartut naapertorlugit, piginneqataassutit ullormi nalii malillugit nalingi annertussusilerneqarsinnaapput. Aammattaq imm. 4 malillugu suliffeqarfimmut kattutamut piginneqataassutinik nalimmassaaneq, suliffeqarfiup kattutap ukiumoortumik naatsorsuutai kingullerpaat piginneqataassutinik nalimmassaaneq, suliffeqarfiup kattutap taassuma ukiumoortumik naatsorsuutaasa, suliffeqarfiup piginnittup ukiumoortumik naatsorsuutiminik nalunaarusiortarneranut, nikingasumik suliarineqartaraluartut.

#### *Pigisat nalillit kaaviiartitat*

§ 44. Kaaviiartitassatut naliliutinut aningaasartuutit katinnerat, aningaasartuutininik pissarsinermut pissutaasunik, imaluunniit naliliummut pilersinneqartumut toqqaannartumik innersuunneqarsinnaasunik imaqaasaaq.

*Imm. 2.* Tamatuma saniatigut kaaviiartitassatut naliliutinut aningaasartuutit katinnerat aningaasartuutininik kaaviiartitassatut naliliutinut pineqartunut toqqaannartumik innersuunneqarsinnaasunik imaqaarsinnaavoq,

anigaasartuutit piffissamut pilersitsiffiusumut tunngasuuppata. Saniatigullu aningaasat nioqputissanik piffissamut pilersitsiffiusumut tunngasunik pilersitsinerup aningaasalersorneranut attartorneqartut erniaat, anigaasartuutit katinnerannut ilanngunneqarsinnaapput.

*Imm. 3.* Nassiussuinermit anigaasartuutit anigaasartuutit katinnerannut ilanngullugit naatsorsorneqassanngillat, tak. imm. 1 aamma 2.

§ 45. Nioqputissamaatit tunineranni akiusooq naatsorsorneqarsinnaavoq agguaqatigiissitamik akitut oqimaalutakkat tunngavigalugit, „siulliulluni takkuttoq – siulliulluni anisooq“-mik periaaseq (FIFO) imaluunniit periaaseq alla tamatumunnga assingusooq, nioqputissamaatit ullormi oqimaaqatigiissitsiviusumi nalingannik tunngaveqartitaq.

§ 46. Kaaviiartitassatut naliliutit §§ 37-38 malillugit ullormi nalinganut ataavartumik naleqqussagaanngitsut, tunineqarnerminni naligititamut nalikillisarneqassapput.

*Imm. 2.* Nalikillisaanermut tunngavilersuut atuukkunnaarpat, nalikinnerutitsineq imm. 1-imi taaneqartoq attatiinnaarneqarsinnaanngilaq.

#### *Pisussaaffiit kinguartitat*

§ 47. Pisussaaffiit, annertussusaasa imaluunniit piffissap naammassiniarneqarfissaasa tungaasigut ilisimariinngisat, oqimaaqatigiissitsinermit angusanillu naatsorsuinermit pisussaaffittut kinguartitatut naatsorsuunneqassapput. Tamatumani aamma naatsorsuunneqassapput akileraarutit, qularnaveeqqusiissutitigut pisussaaffiit soraarnerussutisiassatigullu pisussaaffiit kinguartitat, sulliviup pisussaaffigisai. Iluarsartuusseqqinnermut pisussaaffiit immikkoortinneqartut ilanngullugit naatsorsorneqassapput, iluarsartuusseqqinnermissaq aalajangiunneqarsimappat, iluarsartuusseqqinnermillu suliaq aallartinneqarsimappat.

*Imm. 2.* Pisussaaffiit kinguartitat, isertitatigut akileraarutitut tunngasuunngitsut, aningaasatigut naliginut nalilerneqarsinnaapput.

§ 48. (Atorunnaarsinneqarpoq)

#### *Angusanik naatsorsuusiorneq*

§ 49. Angusanik naatsorsuusiorneermi isertitat tamarmik tulleriiaarlutik isaatinneqartarnerat najoqqutaralugu, naatsorsuutitut ilanngullugit nalunaarsorneqartassapput. Taamaattorli sulisut suliaminnik ingerlatsinerat nioqputissioriaaserlu ingerlanneqartoq najoqqutaralugit, suliffeqarfik isertaminik nalunaarsuunngitsoorsinnaatitaavoq. § 37, imm. 1 aamma 2, kiisalu § 38, imm. 1 aamma 2 naapertorlugit, isertitat tamatigut iluanaarutitut naatsorsuunneqartassapput. Aammattaaq angusat naatsorsorneqarneranni makku ilanngullugit nalunaarsorneqartassapput;

- 1) Suliffeqarfiit pigisat (dattervirksomhed) aamma suliffeqarfiit kattutat (associeret virksomhed) angusat pigisaat (resultatandele), tak. § 43 a naapertorlugu, naatsorsuutini immikkuullarissumik aningaasaatitut nalunaarsugassat, piigassat peereerlugit angusat naliviisut naatsorsorlugit, naatsorsuutini nalunaarsorneqartassapput,
- 2) anigaasartuutit tamaasa, matumani pisussaaffinnik nalikilliliinerit, naleerutitsinerit, ammut iluarsiiviginninnerit kinguartitsigallarnerillu tamaasa ilanngullugit, aamma
- 3) angusanik naatsorsuinermit naatsorsuutini missingersukkat allannguuteqarnerisa nassatarisaannik ilanngunneqartut, tak. § 52, imm. 1 naapertorlugu, aningaasaatit utertitatut nalunaarsukkat.

*Imm. 2.* Aningaasat, kinguliini taaneqartut nassatarisaattut saqqummersut, angusat naatsorsorneranni ilanngunneqassanngillat, namminerli aningaasaatitut toqqaannartumik ilanngunneqassallutik:

- 1) § 41 malillugu qaffaaneq, taamatut qaffaanermit utertillugit allatat aamma pisussaaffiit kinguartitat aningaasartaannik, taamatut qaffaanermeersunik, akissaatitut inisseeqqinneq,
- 2) nammineq aningaasaatinik piginneqatigiissutinik pisinnermit tunisinnermillu isertitat aningaasartuutillu pigisanut nalilinnut pisussaaffinnullu tunngassutillit,
- 3) isertitat aningaasartuutillu pigisanut nalilinnut pisussaaffinnullu tunngassutillit, sullivimmit naliliutit pisussaaffiillu ilimagisat nalingannik qulakkeerinissamut taamaallaat atorneqartut, aammalu aningaasanik taama ittunik utertitatut allatat
- 4) aningaasat nikingassutaat, suliani oqimaaqatigiissitsinermit allatanik sullivimmi aningaasat ingerlaarneranni ilanngunneqartartussaannngitsunik naatsorsueqqinnermit pinngortut, tak. § 39, imm. 2,
- 5) ilanngussinermit taamatullu annertussusiliinermit kiisalu aningaasanut aalajangersimasumik naliusumik atuinermit periaatsinik tunngavigisanillu allannguuteqartitsineq, tak. § 13, imm. 2,

6) pingaaruteqartunik kukkuluttornerit pissutigalugit utertitatut allatat, tak. § 52, imm. 2, aamma  
7) iluanaarutit annaasallu nalilersuisartumut (aktuar) attuumassuteqartut soraarnerussutisianut pisussaaffiup naatsorsorneranut ilaatinneqassapput.

*Imm. 3.* Aallarniutit, agguagarsisitsineq agguaanerlu, aningaasaatinik pissarsiniarnerup, aningaasaatinut aallarniutitik utertitatut allattuinerup taamatullu sullivimmi peqataasunut sinneqartoorutitik agguaanerup ilaatut pisut, angusanik naatsorsuinermit ilanngunneqarsinnaanngillat, namminerli aningaasaatinut toqqaanartumik ilanngunneqassallutik.

*Imm. 4.* Imm. 3-mi aalajangersagaq piginnittunut pinnani allanut agguaassinerni assigisaanik atorneqassaq, suliffeqarfiup malittarisassai naapertorlugit agguaassisoqarpat.

**§ 50.** Isertitat aningaasartuutillu, naliliutitut pisussaaffinnullu tunngassutillit, nalingat pigisatigut pisussaaffitsigullu allatigut isumannaarluagaq, § 13, imm. 1, nr. 8-mi imminnut ilanngaatigitillugit naatsorsoqquusaannginnerat apeqqutaatinnagu isertitani aningaasartuutitiluni isumannaariniarluni iliutsinut tunngasutilinneersuni ilanngaatigitillugit naatsorsorneqarsinnaapput.

*Imm. 2.* Aningaasat akiliutitut pisassatulluunniit naatsorsorneqartut ilanngaasernagit nalingat allattukkani taaneqassaaq.

#### Naatsorsuutitigut periutsinik allannguuteqartitsineq

**§ 51.** Suliffeqarfiup naatsorsuuseriaaseq allanngortippagu, ukiup naatsorsuiffiusup aallartinnerani allanngunerup nammineq aningaasaatinut sunniutaata naatsorsornerani ukiumoortumik naatsorsuutitini allattukkat tamatumangga kallugaasut suleriaaseq nutaaq naapertorlugu allanngortinneqassapput. Kisitsisit assersuutaasut suleriaaseq nutaaq naapertorlugu allanngortinneqassapput.

*Imm. 2.* Suliffeqarfiup naliliutitini § 41, imm. 1 malillugu naleqarnerulersinniarlugit naatsorsuuserinermi periutsitini allanngortippagu, nammineq aningaasaatinut toqqaannartumik ilanngullugu naatsorsuisoqassaaq. Naleqartitsinerulernerit § 41 imm. 3 malillugu suliarineqassapput. Kisitsisit assersuutaasut tulluarsarneqassanngillat.

*Imm. 3.* Suliffeqarfinnut inatsit manna pinnagu maleruagassalli allat malillugit ukiumoortumik nalunaarusiamik saqqummiussisimasunut, Erhvervsstyrelsi maleruagassanik imm. 1-mik 2-millu avaqqutsisunik aalajangersaasinnaavoq, inatsisip matuma atornissaanut ikaarsaariarneq oqinnerulersinniarlugu tamanna pisariaqarpat.

#### *Naatsorsuutitigut missingersuinerit kukkunerillu kingunerisaattut allannguuteqartitsineq*

**§ 52.** Aningaasat ukiumi naatsorsuusiorfimmi siusinnerusumi ilanngunneqarsimasut naatsorsuutitigut missingersuinerup allannguuteqarnerata kingunerisaanik allanngortinneqassappata allannguuteqartitsinerup sunniutissai aallaqqaamut missingersuinerit iliorluni pineqassapput. Nalikkilliliinerit ukiumi siusinnerusuni pisimasut utertillugit allanneqarsinnaanngillat.

*Imm. 2.* Ukioq naatsorsuiffiusoq siusinnerusoq pillugu ukiumoortumik naatsorsuutit pingaaruteqartunik kukkunertaqarpata, naqqiinerup aningaasatigut sunniutai ukiup naatsorsuiffiusup aallartinnerani nammineq aningaasaatinut toqqaannartumik ilanngullugit naatsorsorneqassapput, kisitsisillu assersuutaasut ukiumi siulianeersut tulluarsarneqarlutik.

**§ 52 a.** Ukiumoortumik naatsorsuutitit allattukkat, angusat allattorsimaffianni oqimaaqatigiissitsinermilu allattukkat pineqartunut tunngasut tullerriaarnerattut tullerriaarlugit saqqummiunneqassapput.

## Kapitali 8

### *Paasissutissat*

#### *Nassuiaatit*

#### *Naatsorsuusiornermi periaaseq atugaq*

§ 53. Ilanngussisarnermi periaatsit aammalu annertussusiliinermi tunngavigisat (naliliineq) oqimaaqatigiis-sitsinermi, angusanik naatsorsuinermi, nassuiaatini aqutsisuusullu nalunaarusiaanni atorneqartut nassuiaate-qarfigineqassapput. Aammattaq takuneqarsinnaassaaq naatsorsuutit klassiat sorleq suliffeqarfiup ukiumoor-tumik nalunaarusiornermini malinneraa. Aningaasat danskit koruuniunngitsunik euro-unngitsuniluunniit, tak. § 16, oqaaseqatigiit aappaat, nunat allat aningaasaannut allanneqarpata, ullormi naligiissaariffimmi danskit koruuniinut naleqqiullugu aamma ukiup naatsorsuusiorfiusup siuliata ullup naligiissaariffiani nunap aningaa-saasa nalingata assinga, nunap allap aningaasaasa allanneqartut nalingat pillugu nalunaarusiortoqassaaq.

*Imm. 2.* Naatsorsuutini allatanut tunngatillugu nassuiaammi minnerpaamik allassimassapput:

- 1) Pigisat nalillit pisussaaffiillu pillugit ilanngussinerni periutsit annertussusiliinernilu tunngavigisat, tamatumani aamma erniat naatsorsuutit suliarineranni akiusuni ilanngunneqarnermut, aammalu periutsit tunngavigisassallu suut malillugit qaffaaneqarnerisoq, ikililerineqarnerisoq naleerutitsineqarnerorlu, nalikilliliineqarnerisoq kiisalu qummut ammullu iluarsiviginnittoqarnerisoq. Tamatumani aamma taaneqassapput:
  - a) Naliliutit pisussaaffiillu ullormi naligitannut naatsorsorneqartillugit, tak. §§ 37-38, nalinginik aalajangeeriaatsit periutsillu atorneqartut, ullormullu nalingat niuerfimmi ingerlasumi alaatsinaan-nerit tunngavigalugit nalilersorneqarsimangippat.
  - b) Sanaartukkatigut naliliutinik nalikillisaanermut atatillugu nalikillileeriaaseq, nalingata sinneruttup missingenera kiisalu piffissaq atorneqarsinnaaffia. Isigineqarluarnermik goodwillimik nalikillisaan- nissamut piffissaliussaq tunngavilersorneqassaaq.
  - c) § 32 naaportorlugu suliffeqarfiup ilanngaattissat peereerlugit kaaviiartitamik paasissutissiinnit- soornera apeqqutaatinnagu, ilanngaattissat peereerlugit kaaviiartitat annertussusiinik naatsorsuinermi nalunaarsuinermilu periaatsit atorneqartut.
- 2) Nunat allat aningaasaannik aningaasat atukkat nalinginut naatsorsueqqinnermi periaatsit.
- 3) Pigisat nalillit pisussaaffiillu nalingannik isumannaarinermi § 50 malillugu periutsit kiisalu pigisanik pisussaaffinnillu sulliviup tigusassatut taamatullu isumagisassatut ilimagisaanik isumannaarinermi periutsit.
- 4) Suliffeqarfiit kattutsinneranni ilanngullugit naatsorsuinermi periutsit nalilersornerannullu tunngaviit.
- 5) Piginneqatigiilluni ingerlatsiviit piginneqataassutilinniit ilassutitut akiliutinik aamma utertitatut akiliutinik suliarinnittarnerat.

§ 54. Naatsorsuutitigut missiliuussineq allannngortinneqarpat, tak. § 52, missiliuussinerit allannguutaat nassuiarneqassapput, soorlulu aningaasatigut naliliutinut, akiitsunut, aningaasatigut inissisimanermut angusanullu sunniutaat ajornangippat paasissutissiisutaasassallutik. Aamma taamaassaaq pigisanik pisussaaffinnillu ilanngussineq annertussusiliinerlu kukkunerit pingaaruteqartut kingunerisaatut allan- guuteqassappata.

§ 55. Suliffeqarfiup suliaasa suunerat ukiup naatsorsuusiorfiusup ingerlanerani allannguuteqarpat, sulif- feqarfiup ukiumiit ukiumut sanilliussuussiviginissaanut pisariaqartinneqartut paasissutissiisutaassapput. Paasissutissiinissarli pinngitsoorneqarsinnaavoq, oqimaaqatigiissitat angusallu naatsorsorneri pillugit kisitsisit sanilliussutissat ukiumi naatsorsuusiorfimmi allannguutaasunut naleqqussarneqarsinnaappata.

*Imm. 2.* Ukiumi naatsorsuusiorfimmi ukiumilu siuliani aningaasat sanilliunneqarsinnaangippata, imaluunniit aningaasat naleqqussagaappata, sanilliussuussisinnaanginneq taamatullu naleqqussaaneq, taaneqarlutillu pissutigisat ataasiakkaatigut sukumiisumillu nassuiaateqarfigineqassapput.

§ 56. (Atorunnaarsinneqarpoq)

*Pigisat nalillit*

§ 57. (Atorunnaarsinneqarpoq)

§ 58. Sanaartukkatigut naliliutit, §§ 37-38 nalillugit ullormut nalinginut ataavartumik naleqqussagaan- ngitsut nalingat suliffeqarfiup qaffappagu, tulliuuttut taaneqassapput:

- 1) § 41, imm. 1 malillugu naleqarnerulersitsisoqarsimangippat, oqimaaqatigiissitsinermi naatsorsuuseri- nermi nalinga ilanngullugu naatsorsorneqartussaagaluaq.
- 2) Nammineq aningaasaatit ataanni allattuiiffik »Naleqarnerulersitsinermut pissamaatit« pillugit:
  - a) Ukiup naatsorsuiffiusup aallartinnerani annertussusaat,
  - b) ukiup naatsorsuiffiusup ingerlanerani ilassutigineqartut,
  - c) ukiumi siuliini naleqarnerulersitsinerniit ukiumi utertinneqartut,

- d) ukiumi nalikillisaanerit,
- e) ukiup naatsorsuiffiup ingerlanerani ilanngaait aamma
- f) ukiup naatsorsuiffiusup naanerani annertussusaat.

**§ 58 a.** Naliliutit pisussaaffiilluunniit ullormut naligititamut nalilerneqartarpata, tak. §§ 37-38, ullormullu naligititaq tunitsivimmi ingerlasumi alaatsinaanneq tunngaviginagu nalilerneqartarpat, naatsorsuinermit qitiusumik aallaavigineqartut oqaatigineqassapput.

*Imm. 2.* Naliliutinik immikkoortitigaasunik ataatsimooqatigiiaanillu ullormut nalinginik naatsorsuinermit qitiusumik piumasaqaait akornaminni assigiinngissutaat annertuallaanngippat, immikkoortitigaasut imaluunniit ataatsimooqatigiiaat pillugit paasissutissat imm. 1-imi taaneqartut ataatsimoortillugit tunniunneqarsinnaapput.

**§ 58 b.** Aningaasarsiornikkut sakkussat saniatigut pilersut ullormut nalingi ataavartumik nalilersorneqartartut pillugit, tak. § 37, imm. 1, sakkussat annertussusaat, qanoq ittuunerat kiisalu piumasaqaait pingaaruteqartut, siunissami aningaasaat kaaviiarnerannut aningaasat annertussusaannut, qaqugukkut pinissaanut qanorlu isumannaatsiginissaannut pingaaruteqarsinnaasut pillugit paasissutissat tunniunneqassapput.

*Imm. 2.* Aningaasarsiornikkut sakkussanut saniatigut pilersunut assigiiaartunut paasissutissat imm. 1-imi taaneqartut ataatsimoortillugit tunniunneqarsinnaapput.

**§ 58 c.** Aningaasaatinik piginneqatigiissutit § 43 a malillugu siullermeerlugit ilanngullugit naatsorsorne-ranni, suliffeqarfiup pitsaasumik pitsaanngitsumillu nikingassutit pillugit paasissutissat tunniutissavai. Aningaasat nikingassutaasut § 121, malillugu naatsorsorneqassapput, tak. §§ 122 aamma 123.

**§ 59.** Suliffeqarfiup erniatigut aningaasartuutit pigisat pissarsiarineranni akiusup ilaatut ilanngutissappagit, erniat aningaasartaat allatanut tamanut immikkut tunngatillugu nalunaarneqassapput.

**§ 60.** Pigisat nalillit suliffeqarfiup nammineq piginngisani, naatsorsuutiminut ilanngullugit nalunaarsorni-arlugit suliffeqarfik aalajangersimappat, pigisat nalillit sorliit suliffeqarfiup pigisarinninnerai nalunaarsor-neqarsimassapput, qanorlu naleqartillugit nalunaarsorneqarnersut naatsorsuutini nalunaarsorneqarsimassal-lutik.

**§ 61.** (Atorunnaarsinneqarpoq)

**§ 62.** Piginneqatigiilluni ingerlatat nalunaassavaat piginneqataassutilinniit ilassutitut akiliutit imaluunniit taakkununga utertitatut akiliutit tamarmiusut.

#### *Pisussaaffiit pisussaaffigilersinnaasallu*

**§ 63.** Suliffeqarfiup tamarmiusumik akiitsuisa ilaat, piffissap oqimaaqatigiissitsiviusup kingornagut ukiut tallimanit amerlanerusunik qaangiunneratigut akilerneqartussanngortussat nalunaarneqassapput.

**§ 64.** Suliffeqarfiup pisussaaffini nalorninartut ataatsimoorlutik annertussussat pillugu paasissutissiisu-tigissavaa, attartukkatigut, akiliussisussamaatitut qularnaveeqqusiisutullu pisussaaffiit kiisalu pisussaaffiit allat nalorninartut oqimaaqatigiissitsinermit ilanngullugit naatsorsorneqanngitsut ilanngullugit.

*Imm. 2.* Suliffeqarfik naliliutiminik qularnaveeqqusiisimappat allatigulluunniit qularnaveeqqusiilluni, tamanna ilisimatitsissutigissavaa qularnaveeqqusiinerillu assigiinngitsut tamarmiullutik annertussusaat taal-lugu, kiisalu naliliutit qularnaveeqqusiisutigineqartut naliliutillu qularnaveeqqusiinermit tunngavigineqartut naatsorsuuserinikkut nalingat taallugu.

*Imm. 3.* Pisussaaffiit imm. 1-imi taaneqartut kiisalu qularnaveeqqusiinerit assigiinngitsut imm. 2-mi taaneqartut suliffeqarfinnut atassuteqarfigisanut sunniuteqarfigisanullu immikkoortillugit paasissutissiisu-tigineqassapput.

**§ 65.** (Atorunnaarsinneqarpoq)

#### *Akissaateqarfimmi immikkoortiterineq*

**§ 66.** Allatat araberit kisitsisaannik immikkoortitaarlugit paasiuminarsakkat, nassuiaatini immikkoor-tillugit taaneqassapput. Ukiumi naatsorsuusiorfiusumi qaangiuttumi aningaasat allatani pineqartut assigi-saat taaneqassapput.

§ 67. Pigisaq imaluunniit akiitsoq skemani allatanut arlalinnut tunngasuussappat, tak. ilanngussaq 2, skema 1 imaluunniit 2, allatanut allanut atassuteqarnera nassuiaatini imaluunniit allatanut atatillugu paasissutissiissutaassaaq.

*Angusat naatsorsornerat*

§ 67 a. Isertitatut aningaasartuutitullu allattukkat, annertussusertik qanorlu ittuunertik pissutigalugu immikkut ittuusut annertussusaat qanorlu ittuunerat suliffeqarfiup paasissutissiissutigissavaa. Ilanngullugu paasissutissiissutigineqassapput ukiup ingerlanerani

- 1) naliliutinik kaaviiartinneqarsinnaasunik utertitsinerit nalikillisaanerillu,
- 2) naliliutinik kaaviiartinneqarsinnaasunik nalikillisaanerit, nalikillisaanerit nalinginnaasunit qaangiisut,
- 3) sanaartukkatigut naliliutinik nalikillisaanerit aamma
- 4) sanaartukkatigut naliliutinik nalikillisaanerit utertitsinerit.

*Qanigisatut peqataasut il.il.*

§ 68. Suliffeqarfiup nalunaassavaa ukiumi naatsorsuusiorfiusumi sulisorisat agguaqatigiissitamik amerlassusaat.

§ 69. Aningaasaateqarfiit, aningaasaateqarfiit inuussutissarsiutitut ingerlat pillugit inatsimmut, kunnigip peqqussutaatigut Kalaallit Nunaannut atuutsinneqalersumut ilaasut, paasisutissanik § 98 b-mi taaneqartunik tunniussissapput.

*Imm. 2.* Aningaasaateqarfik piginneqatigiiffissuarmi §§ 110 aamma 111 malillugit piginneqatigiiffissuarmut naatsorsuutinik suliarinninngitsumut piginnittut suliffeqarfiuppat, aningaasaateqarfiup siulersuisuisa pisortallu piginneqatigiiffissuarmi suliffeqarfinni allani aningaasarsiaasa il.il. katinnerat ukiumoortumik naatsorsuutini ilanngullugu paasissutissiissutigineqassaaq. Aningaasaateqarfik § 114, imm. 2, nr. 4 malillugu piginneqatigiiffissuup naatsorsuutaani nukittorsaanermut ilaatinneqanngippat, assigisaa atuuppoq.

*Imm. 3.* Aningaasaateqarfiup qanimullu peqatigisaasa akornanni nalilinnik nuussisoqarsimappat, tak. § 98 c, imm. 2, aningaasaateqarfiup qanimullu peqatigisat akornanni pissutsit qanoq ittuunerat aningaasaateqarfiup ukiumoortumik naatsorsuutiminni paasissutissiissutigissavaa, kiisalu nalilinnik nuussinerit akornaminnilu akiligassat pillugit paasisutissanik, imminnut attuumassutit ukiumoortumik naatsorsuutitut sunniutigisinnaasaasa paasinissaannut pisariaqartinneqartunik tunniussissalluni. Paasisutissat minnerpaamik tulluuttunik imaqqassapput:

- 1) Nalilinnik nuussinerit qanoq ittuunerat aningaatiigullu annertussusaat.
- 2) Akornaminni akiligassat annertussusaat taakkunungalu piunasaqaatit.
- 3) Qanimut peqatigisanit pisissanik ukiumi pineqartumi nalikillisaanerit pisassanillu atuuttunit nalikillisaanerit katinnerat.

*Imm. 4.* Aqutsisunut ilaasortap, allaffissornikkut ingerlatsisup allalluunniit aningaasaateqarfimmut siunnersuinerimikkut imaluunniit allaffissornikkut ingerlatsinerimikkut assigisaannilluunniit suliaqarnerimikkut ajunngitsorsiaat aningaasarsiaallu pillugit paasisutissanik tunniussisarnissaq, taakkuninngalu tamanut saqqummiussisarnissaq pillugit maleruagassanik annertunerusunik Erhvervsstyrelsi aalajangersaasinnaavoq.

§ 70. Aningaasaateqarfik inuussutissarsiutitut ingerlataq malittarisassatigoortumik isumaqatigiissutitigoortumilluunniit ingerlatseqatigiiffimmut inuussutissarsiortumut aningaasaateqarfimmulluunniit allamut atasuuppat, tamanna pillugu nassuiaasiortoqassaaq.

§ 71. Suliffeqarfiup piginnittup, piginneqatigiiffissuup piginneqatigiiffissuarmut minnermut, suliffeqarfiup suliffeqarfittut pigineqartutut ilaaffigisaatut naatsorsuutinik suliarinnittup aqqa angerlarsimaffigisaalu suliffeqarfiup paasissutissiissutigissavaa.

§ 72. (Atorunnaarsinneqarpoq)

§ 73. Suliffeqarfik aqutsisoqatigiinnut ilaasunit akiligassaqaarfineqarpat, sulliviup akiitsunit pisassat taakkua aqutsisut immikkoortuinut tamanut agguarnerisa ataatsimut katinnerat nalunaassavaa. Immikkoortuni tamani atugassarititat pingaarnerpaat taaneqassapput, tamatumani aamma erniat angissusiat, aningaasallu



ukiup ingerlanerani utertillugit akilerneqarsimasut. Tamatuma saniatigut immikkoortiterinernut ataasiakkaanut tamanut aningaasani ilanngullugit naatsorsukkani nalikillisaanerit, aamma aningaasani ilanngullugit naatsorsukkani taamaatitsisoqarnerisooq, aamma ilaannakortunik taamaatitsisoqarnerisooq paasissutissiissutigineqassaaq. Taarsigassarsiat ukiup ingerlanerani taarsigassarsiarineqarlutillu tamakkerlugit akilerneqarsimappata, tamanna immikkoortillugu taaneqassaaq.

*Imm. 2.* Imm. 1 atortuutinneqassaaq inuit taaneqartut pillugit isumannaallisaasiissutinut.

§ 74. (Atorunnaarsinneqarpoq)

§ 75. (Atorunnaarsinneqarpoq)

§ 76. (Atorunnaarsinneqarpoq)

#### *Aqutsisut nalunaarusiaat*

§ 76 a. Aqutsisut nalunaarusiaanni

- 1) suliffeqarfiup ingerlatai pingaernerit allaaserineqassapput aamma
- 2) suliffeqarfiup ingerlataani aningaasaqarnikkullu atugarisaani allannguutaasinnaasut pingaernerit nassuiaarneqassallutik.

§ 77. Suliffeqarfik aningaasanut piginneqatigiissutinik nammineq piginnittuuppat, tulliuuttut paasissutissiissutigineqassapput

- 1) amerlassusaat nalingatullu allassimasooq, imaluunniit aningaasaatinik piginneqatigiissutit nalingatut allassimasortaqaqqippata, nalissavimminnik nalingisut naatsorsuutitut allattugaasooq, suliffeqarfiup aningaasaataanut naleqqiullugu suliffeqarfiup aningaasaatinik piginneqatigiissutit pigisaasa qassinik procentiunerat taallugu,
- 2) amerlassusaat nalingatullu allassimasooq, imaluunniit aningaasaatinik piginneqatigiissutit nalingatut allassimasortaqaqqippata, nalivissaminnik nalingisut naatsorsuutitut allattugaasooq, suliffeqarfiup aningaasaataanut naleqqiullugu suliffeqarfiup nammineq aningaasaatinik piginneqatigiissutit pigisaasa qassinik procentiunerat taallugu, tamatumani ukiumi naatsorsuiffiusumi pissarsiarineqarsimasunut tunineqarsimasunullu immikkoortinneqassallutik, kiisalu pisinermut aningaasat atorineqartut tunisinermilu pissarsiarineqartut annertussusaat taaneqassalluni, aamma
- 3) ukiumi naatsorsuiffiusumi aningaasaatinik piginneqatigiissutinik pisinermut pissutaasut.

*Imm. 2.* Aningaasaatinik piginneqatigiissutinut, suliffeqarfiup qularnaveeqqusiinermut pisiarisimasaanut imm. 1 assigisaanik atuuppoq.

§ 77 a. Aningaasaateqarfiit, aningaasaateqarfiit inuussutissarsiutitut ingerlatat pillugit inatsimmut, kunngip peqqussutaatigut Kalaallit Nunaannut atuutsinneqalersumut ilaasut, aningaasaateqarfimmik pitsaasumik aqutsineq pillugu nassuiaammik ilanngussaqaqqapput, tak. aningaasaateqarfiit inuussutissarsiutitut ingerlatat pillugit inatsimmi, kunngip peqqussutaatigut Kalaallit Nunaannut atuutsinneqalersumi § 60. Siulersuisut aqutsisut nalunaarutaannik suliaqarpata, nassuiaat aqutsisut nalunaarutaannut inissinneqassaaq.

*Imm. 2.* Aqutsisut nalunaarutaat imaluunniit allattukkat aningaasaateqarfiup qarasaasiakkut nittartagaanut, nassuiaatip tamanut saqqummunneqarfigisaanut innersuummik imaqarpata, imm. 1 malillugu nassuiaatip aqutsisut nalunaarutaannut allattukkanulluunniit ilanngunneqaqqinnissaa Erhvervsstyrelsi aalajangersinnaavaa. Erhvervsstyrelsi tamanna pillugu maleruagassat aalajangersassavai, paasissutissanik aningaasaateqarfiup qarasaasiakkut nittartakkami nutarterisarnera kiisalu paasissutissanut qarasaasiakkut nittartakkakut saqqummiunneqartunut atatillugu kukkunersiuisup pisussaaffii ilanngullugit.

§ 77 b. Aningaasaateqarfiit, aningaasaateqarfiit inuussutissarsiutitut ingerlatat pillugit inatsimmut, kunngip peqqussutaatigut Kalaallit Nunaannut atuutsinneqalersumut ilaasut, aningaasaateqarfiup aggu-aassinermi anguniagaat pillugit nassuiaammik ilanngussaqaqqapput. Ukiumi naatsorsuiffiusumi immikkoortukkuutaani pingaernerit sorliit siulersuisut aggu-aassiffigisimaneraat aningaasaateqarfiup nassuiaammut ilaatillugu paasissutissiissutigissavaa, siulersuisullu ukiumoortumik nalunaarusiami aningaasaateqarfimmit pissarsisut allattorsimaffiannik suliaqarsimanngippata, immikkoortukkuutaanut pingaarnernut aggu-aassat annertussusaat taassallugu. Siulersuisut aqutsisut nalunaarutaannik suliaqarpata, nassuiaat aqutsisut nalunaarutaannut inissinneqassaaq.

*Imm. 2.* Aqutsisut nalunaarutaat imaluunniit allattukkat aningaasaateqarfiup qarasaasiakkut nittartagaanut, nassuiaatip tamanut saqqummunneqarfigisaanut innersuummik imaqarpata, imm. 1 malillugu nassuiaatip aqutsisut nalunaarutaannut allattukkanulluunniit ilanngunneqaqqinnissaa Erhvervsstyrelsi

aalajangersinnaavaa. Erhvervsstyrelsip tamanna pillugu maleruagassat aalajangersassavai, paasissutissanik aningaasaateqarfiup qarasaasiakkut nittartakkami nutarterisarnera kiisalu paasissutissanut qarasaasiakkut nittartakkakut saqqummiunneqartunut atatillugu kukkunerisuiisup pisussaaffii ilanngullugit.

## **Immikkoortoq IV**

### **Naatsorsuutit klassiat C**

#### **Kapitali 9**

##### *Ukiumoortumik nalunaarusiorneq*

##### *Nalinginnaasumik aalajangersakkat*

**§ 78.** Suliffeqarfik naatsorsuuserinermi immikkoortiterinermut klasse C-mut ilaatinneqartoq, ukiumoortumik nalunaarusiamik suliaqassaaq, minnerpaamik aqutsisut oqaaseqaataannik, taamaattoq tak. § 9 a, imm. 1, oqimaaqatigiissitsinermik, angusat allattorsimaffiannik, nammineq aningaasaatit allattorsimaffiannik, aningaasat kaaviiartinneqartut allattorsimaffiannik, allattukkanik aqutsisullu nalunaarutaannik imaqartumik.

*Imm. 2.* Ukiumoortumik naatsorsuutit, taamaattoqarpallu piginneqatigiiffissuup naatsorsuutai kukkunerisiorneqareerpata, kukkunerisuiisut oqaaseqaataat il.il. ukiumoortumik naatsorsuutininut ilaatinneqassaaq, tak. § 135, imm. 1 aamma 5.

*Imm. 3.* §§ 11-17, § 19, imm. 1, 2 aamma 4, § 20, imm. 2, §§ 23-29 aamma 32-39, § 40, oqaaseqatigiit siullit aamma pingajui, §§ 41-43, § 44, imm. 1 aamma 3, aamma §§ 45-64, 66-70, 73, 74, 77-77 b, 78 a aamma 80-101 atorineqassapput.

*Imm. 4.* K§§ 23-29-imi aamma 32-39, § 40, oqaaseqatigiit siullerni aamma pingajuini, §§ 41-43-mi, § 44, imm. 1 aamma 3-mi, aamma §§ 45-64, 66-70, 73, 74, 77-77 b aamma 78 a-imi maleruagassat §§ 80-101-imi maleruagassanut akerliuppata, §§ 80-101-imi maleruagassat salliutinneqassapput.

*Imm. 5.* Suliffeqarfiup ukiumoortumik nalunaarusiani nunat tamalaat akornanni naatsorsuuserinermi pitsaassusiliussat malillugit saqqummiunneqarnissaa kissaatigippagu, § 137 atorineqassaaq.

*Imm. 6.* Piginittutut suliffeqarfiup paasissutissiisutaasa ingerlatseqatigiiffissuup paasissutissiisutai assigiinnarpatigik piginittutut suliffeqarfik ukiumoortumik naatsorsuutimini aamma aqutsisuusut nalunaarusiaanni paasissutissiingitsoorsinnaavoq.

*Imm. 7.* Suliffeqarfik, naatsorsuutit klassianni A-mi imaluunniit B-mi pineqartoq, naatsorsuutit klassianni C-mi malittarisassat malillugit siullermeersumik ukiumoortumik nalunarusiussaguni oqilisaassutinik makkuninnga atuisinnaavoq:

- 1) Aningaasartuutininik, taamaallaat sanaartukkatigut pigisamut imaluunniit kaaviiartitatut pigisanut toqqaannangitsumik tutsinneqarsinnaasunik, tak. § 82, ilanngussinerni suliffeqarfiup tamakku toqqaannangitsumik aningaasartuutit pigisanut ukiumit naatsorsuuseriffiusumiit sananeqartunut ilanngutiinnarsinnaassappagit.
- 2) Pigisanik takussaangitsunik soorlu ineriartortitsiniutinik, tak § 63, ilanngussineq pisinnaavoq, pissutsit ukioq naatsorsuuseriffiusoq aallarnerfigalugu ilanngullugulu pinngortut kisimik ilanngunneqarlutik.
- 3) § 83 a. naapertorlugu, pigisanik nalilinnik, suliffeqarfiup nammineq piginngisaanik nalunaarsuinerit, taamaallaat imatut pisinnaapput, ukiup naatsorsuuseriffiusup ataatsip iluani pilersitat kisimik ilanngunneqarsinnaatitaallutik.
- 4) § 83 b. naapertorlugu, nioqutissioriaaseq malillugu naatsorsuutininut nalunaarsuinerit, taamaallaat imatut pisinnaapput, ukiup naatsorsuuseriffiusup ataatsip iluani pilersitat kisimik ilanngunneqarsinnaatitaallutik.
- 5) Ukiumoortumik naatsorsuutini allatanut, ilanngussisarnermi periutsit aamma annertussusiliinermi tungavigisat allannguuteqarnerannit sunniivigineqartussanut, tunngatillugu § 24 aamma § 101, imm. 1, nr. 2, malillugit kisitsit sanilliussissutissaq ukiunut ukioq naatsorsuuseriffiusoq sioqqullugu ingerlasunut tunngatillugu periaatsit maannamut atorineqartut malillugit naatsorsorneqarsinnaavoq.

§ 78 a. Suliffeqarfiit pigineqartut, § 7 malillugu akunnattumik angissuseqartut, § 7, imm. 1, nr. 3 apequutaatinnagu, naatsorsuuserinermi klasse B, tak. immikkoortoq III-mi aalajangersakkat malillugit ukiumoortumik nalunaarusiatik saqqummiussinnaavaat, §§ 22 a aamma 22 b eqqaassanngikkaanni, imaappat

- 1) suliffeqarfiup naatsorsuutai tamakkiisumik akiliisinnaassuseqartilluni piginneqatigiiffissup naatsorsuutaanut, suliffeqarfimmit piginnittumit saqqummiunneqartunut ilaappata,
- 2) suliffeqarfik piginnittoq nunami maani inatsisit malillugit nunamut EU-/EØS-imut atasuuppaat,
- 3) piginneqatigiiffissuup naatsorsuutai inatsimmi matumani maleruagassat malillugit suliaappata, imaluunniit suliffeqarfik piginnittoq pineqartoq nunanit allamiuppat, Europa-Parlamentetip aamma Rådip peqqussutaat 2013/34/EU-mi kingusinnerusukkat allannguutitalimmi maleruagassat malillugit suliaappata, maleruagassallu taaneqartut malillugit kukkunersiorneqarsimappata tamanullu saqqummiunneqarsimallutik,
- 4) suliffeqarfiup pigineqartup suliffeqarfiit peqataatitai tamarmik ukiumut naatsorsuiffiusumut periutsimik akuersillutik nalunaaruteqarsimappata,
- 5) suliffeqarfiup pigisap pisussaaffii pioreersut pisussaaffiillu piffissami suliffeqarfiup pigisap atuutsitsiffiunngitsussaq atornagu ukiumut naatsorsuiffiusumut kingusinnerusumut ukiumoortumik nalunaarusiaata nassiunneqarfissaata tungaanut pilersut akilerumaarlugit suliffeqarfiup piginnittup nalunaarutigipagu, ukiumoortumillu nalunaarusiaq taanna tiguneqarsimappat kiisalu kapitali 19 aamma 20-mi maleruagassat malillugit tamanut saqqummiunneqarsimappat, aamma
- 6) suliffeqarfik pigisap paragrafi taanna innersuussutugalugu ukiumoortumik nalunaarusiamik saqqummiussisimasoq suliffeqarfiup ukiumoortumik nalunaarusiaani aamma piginneqatigiiffissuup naatsorsuutaani pineqartumi taaneqarpat.

*Imm. 2.* Suliffeqarfiit pigisat, imm. 1-imi atuutsinneqarfiginngisassamik atuisut, ukiumoortumik naatsorsuutitik, taamaattoqarpatllu piginneqatigiiffissuup naatsorsuutai Erhvervsstyrelsen suliffeqarfimmut mikisunut pitsaassusermut nalunaarutaa malillugu kukkunersiorneqarsinnaavaat, tak. § 135, imm. 1, oqaaseqatigiit appaat.

*Imm. 3.* Suliffeqarfiit pigisat, imm. 1-imi atuutsinneqarfiginngisassamik atuisut, ukiumoortumik naatsorsuutitik uppernaarsaattit allakkianik § 146 a-mi taaneqartunik ingiaqateqartillugit nassiutissavaat.

#### *Akissaateqarfimmi immikkoortiterineq inissitsiterinerlu*

### § 79. (Atorunnaarsinneqarpoq)

§ 80. Suliffeqarfiup ingerlatat, ataatsimoortumik pilersaarutit malillugit tunineqartussat, matuneqartussat imaluunniit taamaatiinnagassat, ingerlatat sinnerinit immikkoortinneqarsinnaannginnerat eqqaassanngikkaanni, angusat allattorsimaffianni aamma oqimaaqatigiissitsinermi titarnermi immikkut saqqummiutissavai.

*Imm. 2.* Angusat allattorsimaffianni aamma oqimaaqatigiissitsinermi titarnermi imm. 1 malillugu eqikkarlugit aningaasartuutit allatat, allattukkani ataasiakkaalugit nassuiaatigineqassappat.

§ 81. Ilanngaattissat peereerlugit kaaviiartitat il.il. pillugit paasissutissiinngitsoornissaq pillugu § 32 atuutissanngilaq sullivinnut angisuunut. Tamakkua taamaattumik angusat naatsorsorneranni takutissavaat ilanngaattissat peereerlugit kaaviiartitat, ilanngullugit ilanngussaq 2-mi, skema 5-imi allatassatut naatsorsukkat nr. 2-5 imaluunniit ilanngussaq 2-mi, skema 3-mi allatassatut naatsorsukkat nr. 2-mi, 3-mi aamma 6-mi.

## Kapitali 10

### *Naatsorsuutinut ilanngussisarneq annertussusiliisarnerlu*

#### *Oqimaaqatigiissitsineq*

§ 82. Suliffeqarfiup nioqqutissat nioqqutissiarisimasami uninngasuutigineqartut akiisa katinnerannut aningaasartuutit nioqqutissanut uninngasuutigineqartunut toqqaanngitsumik tunngatinneqarsinnaasut ilanngullugit naatsorsorsinnaavai, aningaasartuutit piffissamut nioqqutissiorfiusumut tunngasuuppaat.

§ 83. Suliffeqarfiit angisuut ineriartortitsinermik suliniutitik, tunisassiamik aalajangersimasumik imaluunniit suleriaatsimik aalajangersimasumik, suliffeqarfiup tunisassiariniagaatut imaluunniit tunisassiornermini atorniagaatut siunertaqartut ilanngullugit naatsorsussavaat. Taakkununga ilaapput nioqqutissianik nutaanik illersuinerit kiisalu naliliutit tigussaangitsut, ineriartortitsinermik suliniuteqarnerup malitsigisai.

*Imm. 2.* I Ineriartortitsinermik suliniutit ilanngullugit naatsorsorneqarpata, tak. imm. 1, aningaasat ineriartortitsinermut aningaasartuutit ilanngullugit naatsorsorneqartut amerlaqataat allattuiffimmut nammineq aningaasaatit ataanniittumut »Ineriartortitsinermut aningaasartuutitut pissamaatit«-nut ilanngullugit naatsorsorneqassapput. § 41, imm. 3, oqaaseqatigiit aappaat aamma pingajui, pissamaatinut taakkununga assigisaanik atorineqassapput.

§ 83 a. Pigisat nalillit suliffeqarfiup piginngisai, pigisanik nalilinnik piginnittusaatitaaffeqarneq pillugu apeqqummut attuumassutillit, suliffeqarfimmit ajunaarutaasinnaanerinut aamma iluanaarutaasinnaanerinut pingaarutillit tamarmik, suliffeqarfiup naatsorsuutaanut ilanngullugit nalunaarsorneqartassapput.

*Naatsorsuutit inernerinik nalunaarusiaq*

§ 83 b. Isumaqatigiissuteqarsimaneq naapertorlugu nunanit allaneersut aningaasalersugaannik suliffeqarfiup sanaartukkanik suliai imaluunniit kiffartuussilluni sullissinera, suliffeqarfimmi suleriaaseq iml. Kiffartuusseriaaseq malillugu suliat inaartitneri aamma aningaasartuutigineqarneri isertitsissutaanerilu najoqqutaralugit naatsorsuutitut nalunaarsorneqartassapput.

§ 84. (Atorunnaarsinneqarpoq)

§ 85. (Atorunnaarsinneqarpoq)

*Aningaasat ingerlaarnerisa nalunaarsornerat*

§ 86. Isertut anisullu naatsorsorneranni isertutut anisutullu akilikkat piffissami akilerneqarfianni ilanngunneqassapput, ilanngussinerup angusat naatsorsorneranni imaluunniit oqimaaqatigiissitsinermi qaqugukkut pinera apequtaatinnagu.

*Imm. 2.* Isertut anisullu naatsorsornerat minnerpaatut takutissavai piffissap ingerlanerani isertut anisullu ingerlatsinermut, aningaasalersukkanut aammalu aningaasaliinikkullu sulissuteqarnernut agguakkatut. Aammattaaq isertut anisullu naatsorsornerata immikkoortillugu takutissavaa ukiumi naatsorsuusiortifiusumi atoriaannartut aningaasaatini nikittoornerit aamma piffissap aallartinnerani naanerani atoriaannartut aningaasaatit.

*Imm. 3.* Ukiumi naatsorsuusiortifimmi siulianiittumi taakkunatulli allatat aningaasartaat taaneqassapput. Allatat ukiumi siulianiittumi allatanut sanilliunneqarsinnaanngippata kingullertut 30taaneqartut naleqqussarneqassapput. Taamaattorli suliffeqarfiup kisitsit sanilliussissutissaq naleqqussanngitsoorsinnaavaa, sanilliussisinnaannginneq pissuteqassappat suliffeqarfiup sulissuteqarnerata allannguuteqarneranik. Isertut anisullu naatsorsorneranni allatat, ukiumi naatsorsuusiortifiusumi aningaasartaqanngitsut, aatsaat ilanngunneqartassapput, ukiumoortumik nalunaarusiap siulia allatamik taama ittumik imaqarpat.

*Imm. 4.* Suliffeqarfik isertut anisullu pillugit nammineerluni naatsorsuinngitsoorsinnaavoq, ingerlatseqatigiiffissuarmut tunngatillugu isertut anisullu naatsorsorneranni ilaariissappata.

*Nammineq aningaasaatit naatsorsornerat*

§ 86 a. Nammineq aningaasaatit naatsorsorneranni allattukkat ataasiakkaat tulliuttunik paasissutissiisapput

- 1) ukiup naatsorsuiffiusup aallartinnerani annertussusaat,
- 2) ukiup naatsorsuiffiusup ingerlanerani ilassutigineqartut,
- 3) ukiup naatsorsuiffiusup ingerlanerani ilanngaaticineqartut, aamma
- 4) ukiup naatsorsuiffiusup naanerani annertussusaat.

*Imm. 2.* Nammineq aningaasaatit naatsorsorneqarfianni ukiup ingerlanerani nikisitsinerit imaat taaguutaannit allattukkanilluunniit takuneqarsinnaassapput.

*Imm. 3.* Imm. 1 malillugu naatsorsuutit allatorneqarsimaffianni »Naleqarnerulersitsinernut pissamaatit«-nut aamma »Ineriartortitsinermut aningaasartuutitut pissamaatit«-nut kiisalu aningaasat § 49, imm. 2, nr. 3

aamma 4 malillugit nammineq aningaasaatinut toqqaannartumik ilanngullugit naatsorsorneqartunut ilanngussat ilanngaatililu immikkut takuneqarsinnaassapput.

*Imm. 4.* Sinneqartoorutit atorneqarnissaannut imaluunniit amigartoorutit matussusernissaannut aqutsisut aalajangernissamut siunnersuutaat naatsorsuutit allattorneqarfianni takuneqarsinnaassapput.

## **Kapitali 11**

### *Paasissutissat*

#### *Nassuiaatit*

#### *Naatsorsuusiornermi periaaseq atorneqartuq*

**§ 87.** Paasissutissat piunasaqaatigineqartut § 53-imi taaneqartut saniatigut naatsorsuuserinermi periuseq atorneqartuq pillugu nassuiaat aningaasat ingerlaarfiisa naatsorsorneranni ilanngullugit naatsorsueriaaseq aamma naliliinermi periutsit atorneqartut pillugit paasissutissanik imaqassaaq, suliffeqarfik sunik aningaasannngortitsilluni naatsorsuisarnerisooq pillugu paasissutissat ilanngullugit. Suliffeqarfik § 86, imm. 4 malillugu aningaasat ingerlaarfiinik naatsorsuisimangippat, tamanna immikkut paasissutissiissutigineqassaaq.

*Imm. 2.* Suliffeqarfiup aqutsisut nalunaarutaanni kisitsisit aaljangiisuutit aqutsisut nalunaarutaannut ilaasut naatsorsorneqartarnerannut periutsit atorneqartut paasissutissiissutigissavai.

#### *Suliffeqarfiup aningaasaatai*

**§ 87 a.** Aningaasaatinik piginneqatigiiffimmi suliffeqarfiup aningaasaatai klassinut assigiinngitsunut atappata, taakku immikkut nassuiaatigineqassapput, tak. imm. 2 aamma 3.

*Imm. 2.* Aktiaatit piginneqatigiissutilluunniit amerlassusaat taakkualu nalingisut allassimasut klassikkaarlugit taaneqassapput. Aningaasaatinut piginneqatigiissutit nalingi allanneqarsimangippata, klassit ataasikkaarlugit nalivii naatsorsuutininut allanneqartut taaneqassapput.

*Imm. 3.* Aktianik piginneqatigiiffinni amerlassusaat taakkualu nalingisut allassimasut imaluunniit nalingisut allassimasooqanngippat, nalivii naatsorsuutininut allanneqartut taaneqassapput.

*Imm. 4.* Aktianik piginneqatigiiffimmi, piginneqatigiiffimmi imaluunniit peqatigiilluni piginneqatigiiffimmi ukiumi naatsorsuiffiusumi aningaasaatinik piginneqatigiissutinik nutaanik pilersitsisoqarsimappat, amerlassusaat taakkualu nalingisut allassimasut imaluunniit aningaasaatinik piginneqatigiissutini nalingisut allassimasooqanngitsuni, nalivii naatsorsuutininut allanneqartut paasissutissiissutigineqassapput.

#### *Pigisat nalillit*

**§ 88.** Sanaartornermi atortuutit pigisat nalillit (anlægsaktiver) naatsorsuutini tamarmik immikkut nalunaarsorneqarnerini, (post) piigassat peereerlugit pigisat ataasiakkaat nalivii iml. akivii, pigisat nalinginik qaffaanerit kiisalu pigisat nalinginik appaanerit - aamma nalikilliliinerit imatut nalunaarsorlugit paasissutissiissutigineqartassapput:

- 1) Pigisap nalivia (kostpris):
  - a) Ukiup matuma siuliani, ukiup ukiumoortumik naatsorsuuseriffiusup naalernerani qaffaanani -, appaanani -nalikilliliinaniluunniit pigisat naliviisa nalunaarsorneqarneri,
  - b) ukiup ingerlanerani allanik pisaartorneq, matumani pitsannngorsaanerit ilanngullugit,
  - c) ukiup ingerlanerani atorunnaarsitat nalunaarsorneqarnerat,
  - d) naatsorsuutini aningaasaatit nalunaarsukkat ukiup ingerlanerani allanut nuutat, aamma
  - e) piffissami naatsorsuutininik naligiissitsivimmi pigisat tamarmik naliviisa katinnerat.
- 2) Pigisat naliinik qaffaanerit:
  - a) Ukiup siuliani ukiumoortumik naatsorsuuseriffiusup naalernerani pigisat naliinik qaffaanerit,
  - b) ukiumi matumani pigisat naliinik qaffaanerit nalunaarsorneqarnerat,
  - c) ukiut siuliani pigisat naliinik qaffaatigisimasaniit ukiumi matumani utertoortutit aamma
  - d) naatsorsuutit inaarlugit oqimaaqatigiissitsinermi pigisat naliinik qaffaatit katinnerat.
- 3) Pigisat naliinik appartitsinerit aamma nalikilliliinerit:
  - a) Ukiup siuliani, ukiup ukiumoortumik naatsorsuuseriffiusup naalernerani pigisat naliinik appartitsinerit aamma nalikilliliinerit,

- h) ukiumi matumani pigisat naliinik appartitsinerit nalunaarsorneqarnerat,
- d) ukiumi matumani pigisanik nalikilliliinerit nalunaarsorneqarnerat,
- d) ukiumi matumani pigisat nalillit pisiaritissimasat atorunnaarsitallu naliinik appaasimanerit aamma nalikilliliisimanerit nalunaarsorneqarneri,
- d) ukiumi matumani pigisat naliinik appartitsinerit kiisalu ukiup ingerlanerani pigisat nalillit pisiarititat imaluunniit atorunnaarsitat nalinginik appartitserisimanerit nalikilliliisimanerillu katillutik nalinginik ukiut siuliiniit utertitat nalunaarsorneqarneri, aamma
- f) piffissami naatsorsuutit inaarlugit oqimaaqatigiissitsiviup nalaani pigisat nalillit naliinik nalikilliliinerit appaanerillu katinnerinik nalunaarsukkat.

*Imm. 2.* Imm. 1 naapertorlugu, sanaartornermi atortuutit pigisat nalillit nalunaarsorsimaffiini aningaasaatit inississimasat tamarmik immikkut, tak. § 38 naapertorlugu ingerlaavartumik nalimmassaavigineqartartut, pisariaqartitat naapertorlugit naleqqussarlugit atorneqartassapput.

**§ 88 a.** Immikkut ittumik piumasaaqaatit, ineriartortitsinermik suliniutit kiisalu naliliutit akileraarutaa-sussat ilanngullugit naatsorsorneranni nalilersornerannilu tunngavigineqartut suliffeqarfiup paasissutis-siissutigissavai.

**§ 88 b.** Suliffeqarfik aningaasaqarnikkut sanaartornermit naliliutinik, akivimminnik naatsorsugaasunik peqarpat, naliliutillu pineqartut ullormi naligititaasunit qaffasinnerusumik nalilerlugit ilanngullugit naat-sorsugaasimappata, naliliutit ullormi nalingi, nalingi ilanngullugit naatsorsorneqartut, kiisalu sooq nalikil-lilisoqarsimannginneranut pissutaasut suliffeqarfiup paasissutissiissutigissavai. Nalingata naatsorsuutitut allanneqartup uterteqqinneqarsinnaaneranut isumaqarnissamut sunik uppernarsaatissaqartoqarnera pillugu ilanngullugu paasissutissiissutigineqassaaq.

*Imm. 2.* Sanaartukkanit naliliutit eqimattani assigiiartuniittunut paasissutissat ataatsimoortunngorlugit tunniunneqassapput.

**§ 89.** § 27, imm. 1 naapertorlugu, naatsorsuutit oqimaaqatigiissinneqarneranni pigisatut nalilittut ilanngunneqartut, aningaasaatitut piffissami aalajangersimasumi killilikkatut nalunaarsorneqartut, suliffeqarfiup nassuiaateqarfigisassarai.

*Imm. 2.* Nioqqutissat uninngasuutit nalingat tikisitseqqinnermi naliusumut naleqqiullugu, nioqqusiap inaernerani akiusumiit §§ 44-mut, 45-mut aamma 82-imut naapertuuttumik, naatsorsukkamiit allaaneruppat, suliffeqarfimmit aningaasat nikingassutaasut tamaasa immikkut paasissutissiissutigineqassapput.

**§ 90.** (Atorunnaarsinneqarpoq)

**§ 90 a.** Pigisat nalillit suliffeqarfiup piginngisai sorliit ilanngullugit naatsorsuutitut nalunaarsorneqarsimanersut, qanoq nalilersorlugit nalunaarsorneqarsimanersut paasissutissiissutigisallugit suliffeqarfiup pisussaaffigaa, tak. § 83 a.

**§ 90 b.** Suliffeqarfiup pigisat nalillit pigisarilersinnaasaasa nalingat suunerilu pillugit paasissutissat suliffeqarfissuarnit angisuunit paasissutissiisutigineqartassapput.

### *Pisussaaffiit*

**§ 91.** Suliffeqarfiup nassuiassavai

- h) piffissanik killiliissutitut inissitat, oqimaaqatigiissitsinermi pisussaaffittut ilanngunneqartut, tak. § 27, imm. 2, aamma
- d) pisussaaffiit kinguartitat, tak. § 47.

**§ 92.** Akiitsutigut pisussaaffiit ataanni inissitanut tamanut immikkut tunngatillugu akiitsut ilaat piffissap oqimaaqatigiissitsiviusup ukiunik tallimanik sinnerlugit amerlassusilinnik qaangiunneratigut akiligassanngortussat paasissutissiissutigineqassapput.

**§ 93.** Suliffeqarfik akiitsut allagartaannik allamut nuunneqarsinnaasumik tunniussaqaarnikkut taarsigasarsisimappat, taarsigassarsianut tamanut immikkut tunngatillugu aningaasanit pisassat, taarsiinermi naliusoq aamma aningaasaliissutitut taarsiinissami piffissaliusaaq, aamma taamaattoqarpat pisinnaatitaaffiit allat, tamatumunnga attuumassuteqartut nalunaarneqassapput. Obligationiliornikkut imaluunniit akiitsut allagartaannik allanik tunniussaqaarnikkut erniaannik, annertussusaat tamakkiisumik ilaannakuusumilluunniit aalajangiivigineqartussanik suliffeqarfiup nalunaarutigisaatut iluanaarutisianik, imaluunniit ukiumut

sinneqartoorutininik, pisassaqaatitalittut taarsigassarsisoqarpat, taarsigassarsianut tamanut immikkut 32 tunngatillugu aningaasanit pisassat kiisalu isumaqatigiissutigisatut ernialiuussassat nalunaarneqassapput.

*Imm. 2.* Pisinnaatitaaffiit sinnerinut suliffeqarfimmit atuutsinneqalersunut, suliffeqarfimmi aningaasaatinut piginneqatigiissutit atuuttut ikilinerannik, imaluunniit suliffeqarfimmut aningaasaatinik piginneqatigiissutinik nutaanik atuutsitsilernerimik kinguneqarsinnaasunut imm. 1, oqaaseqatigiit siulliit assigisaanik atorneqassapput. Paasissutissat pisinnaatitaaffiit ataasiakkaat tamaasa pillugit tunniunneqassapput.

*Imm. 3.* Akiligassaqaarfigisaq nalunaarsimappat suliffeqarfiup akiligassaqaarfigisaanut allanut suliffeqarfimmi aningaasatigut pisassaasa matusiviginissaat siunertaralugu iluaqusiisussamik tunuaannarniarluni, pisussaaffiit tunuarnermi pineqartut tamaasa immikkut pillugit aningaasanit pisassat, piffissaq akilerneqarfissaat immaqalu tunuarnissamut tunngatillugu immikkut ittumik aalajangersagaajunnartut paasissutissiisutaassapput.

#### *Pisussaaffiit kinguartitat*

**§ 93 a.** Akileraarutinut kinguartitaasunut, tak. § 47. minnerpaamik aningaasat annertussusaat taaneqassaaq

- 1) ukiup naatsorsuiffiusup naanerani,
- 2) ukiumi naatsorsuiffiusumi angusat allattorsimaffiannut ilanngullugit naatsorlugit,
- 3) ukiumi naatsorsuiffiusumi nammineq aningaasaatinut toqqaannartumik ilanngullugit naatsorsorlugit, aamma
- 4) piffissami oqimaaqatigiissitsiffiusumi.

#### *Pisussaaffiit nalorninartut il.il.*

**§ 94.** Suliffeqarfik qularnaveeqqusiisimaguni allatulluunniit pigisani isumannaallisaasiisimaguni qularnaveeqqusiunneqartut annertussusiat aammalu pigisat qularnaveeqqusiussat naatsorsuutitigut nalingat nalunaassavai, allatat ataasiakkaat immikkuutaarlugit.

**§ 94 a.** Aaqqissuussinerit oqimaaqatigiissitsinermut ilanngullugit naatsorsugaanngitsut pillugit suliffeqarfik paasissutissiisaaq, suliffeqarfinnik imaluunniit ingerlatanik aningaasaqarnikkut, inatsiseqarnikkut, akileraartarnikkut imaluunniit naatsorsuuserinikkut immikkuullarissumik siunertalinnut atuinerit ilanngullugit, taamatut paasissutissiineq suliffeqarfiup aningaasaqarnikkut inissisimaneranik naliliinissamut pisariqaartinneqarpat.

*Imm. 2.* Imm. 1 malillugu paasissutissiinernut aaqqissuussinerit qanoq ittuunerat kiisalu taakkunatigut niuernermet atatillugu siunertat pillugit paasissutissat ilaassapput. Aarlerinaatit iluaqutissallu aaqqissuussinernut attuumassuteqartut, taakkualu aningaasaqarnikkut sunniutaat pillugit suliffeqarfik aamma paasissutissiisaaq.

**§ 94 b.** Pisussaaffiit nalorninartut pillugit paasissutissat pineqartillugit, tak. § 64, imm. 1, akiliisusamaaatitut qularnaveeqqusiisutullu kiisalu pisussaaffinnut nalorninartunut allanut pisussaaffiit pillugit paasissutissat immikkoortillugit tunniunneqassapput.

*Imm. 2.* Attartornermet isumaqatigiissutit § 64, imm. 1 naapertorlugu paasissutissiisutigineqartunut, isumaqatigiissutit malillugit pisussaaffiit immikkoortillugit paasissutissiisutigineqassapput, pisussaaffiit oqimaaqatigiissitsinermut ilanngullugit naatsorsorneqarsimanngippata.

#### *Angusat naatsorsornerat*

**§ 95.** Isertitat aningaasartuutillu naatsorsuuserinikkut naliliinerup allanngortinneranut tunngasut suliffeqarfiup nassuiaatigissavai, tak. § 52.

**§ 95 a.** Suliffeqarfiup sinneqartoorutaasa atorneqarnissaannut imaluunniit amigartoorutaasa matussusernissaannut aalajangiinissamut aqutsisut siunnersuutaat pillugu suliffeqarfik paasissutissiisaaq. Iluanaarutinut aqutsisut siunnersuutaat nammineq aningaasaatini »Sinneqartoorutit amigartoorutilluunniit nuunneqartut« ataanni immikkut allanneqarluni takuneqarsinnaassaaq, tak. ilanngussaq 2, immersugassaq 1 imaluunniit 2.

*Imm. 2.* Ukiumi naatsorsuiffiusumi iluanaarutinik immikkut ittumik agguaassisoqarsimappat, tamanna paasissutissiisutigineqassaaq. Ukiup naatsorsuiffiusup naareernerata kingorna immikkut ittumik iluanaarutinik agguaassisoqarsimappat, tamanna assigisaanik paasissutissiisutigineqassaaq.

*Imm. 3.* Imm. 1 aamma 2 malillugit paasissutissanik tunniussineq, suliffeqarfiup paasissutissanik § 31-mi piunnaasaqatigineqartunik tunniussisussaanerata atuutinnginneranik kinguneqassanngilaq.

§ 96. Suliffeqarfiit angisuut kaaviiartitat ilanngaasariikkat ingerlatanut nunamilu piffinni suni tunitsivinnut agguaanneqarnerat paasissutissiissutigissavaat, nioqutissanik sullissinerillu tuniniaanerup aaq-qissuunera eqqarsaatigalugu ingerlatat tunitsiviillu akornaminni annertuumik assigiinngissuteqarpata. Taamatut agguaanermi tunisassiat sullissinerillu, suliffeqarfiup nalinginnarmik ingerlatsineranut ilaasut, tuniniarneri qanoq ilillugit aaqqissuunneqarnersut isiginiarneqassaaq. Suliffeqarfimmut annertuumik ajoqusiinermik kinguneqartitsisinnaappata, nalunaarsuinissaraluit pinngitsoorneqarsinnaapput. Allangitsuuineq tunngavilersorneqassaaq. § 11, imm. 2 paasissutissanut oqaaseqatigiit pingajuat malillugu pinngitsoortitanut atuutinngilaq.

*Imm. 2.* Suliffeqarfiup angisuup nalunaassavai kukkunersiuisoqarfimmut, inatsisit pinngitsoorani kukkunersiuisussaasumut, kiisalu kukkunersiuisarfiup pigisatut ingerlataanut ukiumi naatsorsuusiorfimmi aningaasarsiarititat tamarmiusut. Ukiumoortumik naatsorsuutit inatsisitigut pisussaaffigalugu kukkunersi-ornerannut akissarsiat, isumannaallisaanermut atatillugu nalunaaruteqartussaalluni sulissanut allanut akissarsiat, akileraartarnermut siunnersorneqarnermut akissarsiat allatigullu sullissinermut akissarsiat pil-lugit paasissutissat immikkoortillugit allatorneqassapput. Aningaasanut oqaaseqatigiinni siullerni eqqar-torneqartunut tunngatillugu nalunaarneqassapput ukiumi naatsorsuusiorfimmi siuliani aningaasat pineqar-tunut atorsimasat.

*Imm. 3.* Suliffeqarfiup naatsorsuutai tamakkiisumik akiliisinnaassuseqartilluni piginneqatigiiffissuup naatsorsuutaanut ilaappata, paasissutissallu piginneqatigiiffissuaq ataatsimut isigalugu tunniunneqartar-pata, kiisalu piginneqatigiiffissup naatsorsuutai suliffeqarfimmit piginnittumit, nunami maani inatsisinut imaluunniit nunami allami EU/EØS-mut ilaasumi inatsisinut ilaasumit suliarineqarsimappata, suliffeqar-fiup imm. 2 malillugu paasissutissat tunniutinngissinnaavai.

#### *Qanigisatut peqataasut il.il.*

§ 97. Suliffeqarfiup immikkoortutut nalunaassavai pigisatut suliffeqarfiusinnaasut pillugit isumannaal-lisaanerit tamarmiusut, tak. § 94, aammalu suliffeqarfinnut attuumassuteqarfigiunnakkanut allanut tunnga-tillugu isumannaallisaanerit tamarmiusut.

§ 97 a. Suliffeqarfiup suliffeqarfiit pigisat suliffeqarfiillu ilannguffigisimasat, kiisalu soqutigisaqqa-tigiilluni piginneqatigiiffiit imaluunniit ingerlatseqatigiiffiit assigiinngitsunik pisussaataasut ataasikkaat tamaasa aqqi, angerlarsimaffii kiisalu inatsisitigut atugaat paasissutissiissutigissavai, suliffeqarfik soqutigi-saqaqataappat imaluunniit pisussaaqataappat.

*Imm. 2.* Suliffeqarfiup suliffeqarfiit pigisat kiisalu suliffeqarfiit ilannguffigisimasat ataasiakkaat pillugit tulliuuttut paasissutissiissutigissavai,

- 1) piginneqatigiissutit qanoq annertugisut suliffeqarfiup piginerai, aamma
- 2) nammineq aningaasaatit annertussusaat kiisalu ukiumoortumik nalunaarut akuerineqartoq kingullerpaaq malillugu angusat.

*Imm. 3.* Suliffeqarfik pigineqartoq imaluunniit suliffeqarfik ilannguffigisaq ukiumoortumik nalunaarum-minik tamanut saqqummiussinissamut pisussaaffeqanngippat, suliffeqarfiillu nammineq aningaasaatit 50 procentii inorlugit pigippagit imm. 2, nr. 2-mi paasissutissanik tunniussinissaq pinngitsoorneqarsinnaavoq.

*Imm. 4.* Imm. 1-imi paasissutissat suliffeqarfimmut namminermt imaluunniit suliffeqarfinnut imm. 1-imi pineqartunut annertuumik ajoqutaasinnaappata, pinngitsoorneqarsinnaapput. Oqaaseqatigiinnik siullernik atuineq paasissutissiissutigineqassaaq.

§ 97 b. Suliffeqarfiit piginnittut, piginneqatigiiffissuarmut annerpaamut minnerpaamullu, suliffeqarfiup suliffeqarfittut pigineqarfigisaanut piginneqatigiiffissuup naatsorsuutaanik suliarinnittut, aqqi angerlarsimaf-fiilu suliffeqarfiup paasissutissiissutigissavai. Suliffeqarfiit piginnittut nunani allaneersut pineqartut pigin-neqatigiiffissuurtut naatsorsuutaasa sumipiniarneqarsinnaanerit ilanngullugu paasissutissiissutigineqassaaq.

§ 98. Suliffeqarfik suliffeqarfimmi aningaasaliissutit, pigisatut suliffeqarfinnut pigisassatut imaluunniit isumannaallisaatit aningaasaliissutaasut, imaluunniit pigisatut suliffeqarfinnit ukiumi naatsorsuusiorfiu-sumi pissarsiaasimasut tunineqarsimasulluunniit, pillugit § 77 malillugu paasissutissiissaaq.

§ 98 a. Suliffeqarfiup sulisunut aningaasartuutai aningaasarsianut, soraarnerussutisianut, isumaginninnik-kullu isumannaarinermut aningaasartuutit allanut immikkoortinneqassapput, tamanna angusat allattorsi-maffianni takuneqarsinnaanngippat.



**§ 98 b.** Suliffeqarfimmut maannakkut aqutseqataasunut aqutseqataasimasunullu, aqutsinerup immikkoortitigaaneranut ataasiakkaanut tamanut agguaassamik atuuffiit kiisalu suliffeqarfimmiq aqutsisussanik toqqaasoqarsimangippat, suliffeqarfiup piginnittuunut il.il., ukiup naatsorsuuseriusup iluani tamakkiisumik akissarsiaritinneqartut tamarmik katinneri, suliffeqarfiup ukiumoortumik naatsorsuutimini nalunaarsorsimasavai. Suliffeqarfiuttaaq inunnu pineqartunut soraarnerussutisiassaritinneqartussanut tunngatillugu, suliffeqarfiup tamakkiisumik pisussaaffii, naatsorsuutimini nalunaarsorsimassavai. Aqutseqataasunut kajumissaataasinnaasunik pilersaarutinik immikkut aalajangersaasoqarsimappat, pilersaarutit taakku aqutseqataasunut sorlernut atuutissanersut, aningaasat akiliutit pilersaarutinut sorlernut atuunnersut, kiisalu taakkua nalingisa nalilersorsinnaanissaannut suut pisariaqarnersut paasissutissiissutigineqartassapput.

*Imm. 2.* Paasissutissat aningaasaliissutillu taaneqareersut assingi ukiup naatsorsuuseriusup siulianeersut ilanngullugit.

*Imm. 3.* Imm. 1 malillugu paasissutissat aqutsisuni ilaasortamut ataatsimut aningaasatigut takussutissiisoqarnissaanik kinguneqartitsissappata, tamatumunnga taarsiullugu aningaasat

- 1) ataatsimut katillugit assigiinngitsunut marlunnu nalunaarsorneqarsinaapput imaluunniit
- 2) aqutseqataasunut kajumissaataasinnaasutut pilersaarummut immikkut ittumut imaluunniit utoqqalineriassanut assigisaanulluunniit tunngatillugu ajunngitsorsiassaqaartitseriaaseq ataasiinnaappat, naatsorsuutitut nalunaarsunngitsorneqarsinnaatitaavoq.

**§ 98 c.** Suliffeqarfiup taassumalu qanimut peqatigisaasa akornanni nuussisoqarsimappat, tak. imm. 2, suliffeqarfiup qanimullu peqatigisat akornanni pissutsit qanoq ittuunerat pillugu suliffeqarfik paasissutissiissaaq, kiisalu nuussinerit akiligassaqaqarfigeqatigiinnerillu pillugit paasissutissat, peqatigisat akornanni pissutsit ukiumoortumik naatsorsuutitut sunniutigisimasinnaasaasa paasinissaannut pisariaqartinneqartut tunniutissallugit. Paasissutissat minnerpaamik imarissavaat

- 1) nuussinerit qanoq ittuunerat aningaasatigullu annertussusaat,
- 2) akiligassaqaqatigiinnerit aningaasanngorlugit annertussusaat taakkunungalu piumasaqaatit,
- 3) qanimut peqatigisanit pisassanik ukiup ingerlanerani nalikillisaanerit, aamma
- 4) pisassat atuuttut nalikillineqarnerisa katinnerat.

*Imm. 2.* Nunat tamalaat akornanni naatsorsuuserinermut pitsaassusiliussaq IAS 24, nunat tamalaat akornanni naatsorsuuserinermut pitsaassusiliussanik atuneq pillugu Europa-Parlamentip Rådillu peqqussutaat malillugu Kommissionimit akuersissutigineqartutut isikkoqartoq, kiisalu kingornagut nassuiaatit allanngortinneqartut, peqqussut taaneqartoq malillugu Kommissionimit akuersissutigineqartut naapertorlugit qanimut peqatigisat nassuiarneqartarput.

*Imm. 3.* Nuussinerit suliffeqarfiup aamma suliffeqarfiup suliffeqarfiit tamakkiisumik pigisaasa ataatsip arlallilluunniit akornanni nuussinerusimappata, paasissutissat imm. 1-imi taaneqartut pinngitsoorneqarsinnaapput.

*Imm. 4.* Imm. 1 malillugu nuussinerit ataasiakkaat pillugit paasissutissat qanoq ittuunertik malillugu immikkoortunut agguaanneqarsinnaapput, qanimut peqatigisanit nuussinerit suliffeqarfiup aningaasaqarnikkut inissisimaneranut sunniutaasa paasinissaannut paasissutissat immikkuullarissut pisariaqartinneqanngippata.

*Imm. 5.* Paasissutissat imm. 1, oqaaseqatigiit siullerni taaneqartut saniatigut, suliffeqarfik qanimut peqatigisat, suliffeqarfimmut aalajangiisumik sunniuteqartut pillugit paasissutissiissaaq. Suliffeqarfiit eqqarsaatigalugit ateq, angerlarsimaffik kiisalu aalajangiisumik sunniuteqarnermut tunngavioq pillugit paasissutissat ilaassapput.

*Imm. 6.* Aningaasaateqarfimmut, aningaasaateqarfiit inuussutissarsiutitut ingerlatat pillugit inatsimmut, kunngip peqqussutaatigut Kalaallit Nunaannut atuutinneqalersumut ilaasunut, imm. 1 aamma 3-5 atorneqassanngillat.

*Imm. 7.* Imm. 1 malillugu paasissutissat, nuussinernut nalinginnaasumik tunitivinni atugassarititaasut malinnagit piviusunngortinneqartunut killilerneqarsinnaapput. Oqaaseqatigiinnik siullernik atuneq paasissutissiissutigineqassaaq.

**§ 98 d.** Ukiup naatsorsuuseriusup naannginnerani pisut pingaaruteqartut qanoq ittuunerat, taakkualu aningaasaqarnikkut qanoq sunniuteqarnerat allaaserineqassaaq.

*Aqutsisuusut nalunaarusiaat*

**§ 99.** Aqutsisut nalunaarusiaanni

- 1) suliffeqarfiup pingaarnarpaatillugit ingerlatai nassuiaatigineqassapput,
- 2) naatsorsuutitut nalunaarsuinermit imaluunniit naatsorsuinermit annertussusiliinissamut tunngatillugu nalornissutaasimasinnaasunik nassuiaatit, sapinngisamillu aningaasat nalunaarsukkat amerlassusii eq-qoqqissaartut nassuiaatigineqassapput,
- 3) pissutsit immikkut ittut, naatsorsuutitut nalunaarsuinermit imaluunniit naatsorsuinermit, sapinngisamik aningaasat annertussusaannik eqqoqqissaartunik nalunaarsugassanut sunniuteqarsinnaasut nassuiaatigineqassapput,
- 4) suliffeqarfiup sulianut ingerlataanut aningaasaqarnikkullu ineriartorfiuneranut pissutsinut atuuttunut tunngasut pillugit paasissutissat nassuiaatit,
- 5) suliffeqarfiup ineriartorfigisassaattut ilimagisat pillugit nassuiaatit, tassunga pissutsit immikkut ittumik piginnaasaqarfigisariaqakkat nalominartullu pillugit, aqutsisut nassuiaateqarnerminni tunngavilersuutaat ilanngullugit.
- 6) suliffeqarfiup siunissami aningaasanik isertitaqarniarneranut tunngatillugu immikkut ittumik pingaaruteqarsimappata, suliffeqarfiup ilisimasalinnik sulissoqarniarnera pillugu nassuiaat,
- 7) inuussutissarsiummi aalajangersimasumi suliffeqarfiup ingerlataata iluani nalinginnaasumik ajunaarutaaratarsinnaasut saniatigut, pissutsit immikkorluinnaq ittut suliffeqarfimmut navianartorsiortitsisinnasut pillugit, aqutsisut nassuiaataat, tassunga ilanngullugit pissutsit niuernermit aningaasarsiornermullu tunngasut, suliffeqarfimmut sunniuteqarnerloratarsinnaasut,
- 8) avatangiisit suliffeqarfimmut avataaniit sunniuteqarnerlussinnaasut pillugit aamma pinaveersaartinniarlugit, annikillisarniarlugit imaluunniit ajoqusiinnaanerit annikillisarniarlugit, suliffeqarfimmi aqutsisut nassuiaataat,
- 9) suliffeqarfimmi imaluunniit suliffeqarfik sullillugu ilisimatusarnikkut ineriartortitsinikkullu suliniutigineqartut pillugit aqutsisut nassuiaataat, aamma
- 10) nunani allani immikkoortotaqarfiit pillugit aqutsisut nassuiaataat.

*Imm. 2.* Pisariaqarnera naapertorlugu suliffeqarfiup ineriartornera, angusai aningaasalersuinikkullu inisisimanagera pillugit paasinninnissaq pillugu, ingerlatseqatigiiffiit angisuut ilaatigut imm. 1, nr. 4-mi pissutsinik nassuiaataannut tapertaliullugu aammattaaq paasissutissanik aningaasaqarnermut tunnganngitsunik, taamaattorli suliffeqarfimmi suliat ingerlatat immikkut ittut pillugit paasissutissanut tunngasut ilanngut-tassavaat, matumani pissutsit avatangiisinut sulisunullu tunngasut pillugit paasissutissat ilanngullugit.

**§ 99 a.** Suliffeqarfiit angisuut aqutsisut nalunaarutaat inuiaqatigiinnut akisussaassusermut nassuiaammik ilassavaat, tak. imm. 2-9. Ilaatigut inuit pisinnaatitaaffiinik, isumaginninnermut tunngasunik, avatangiisinut silallu pissusianut tunngasunik kiisalu niuernikkut periusissiaminni niuernermillu ingerlataminni akilersittarluni aningaasanik peqquserlunnernik akiuiniarnernermik mianerinninneq suliffeqarfiit akuutitsinissaat inuiaqatigiinnut akisussaassusermik oqarnermi pineqarpoq.

*Imm. 2.* Nassuiaat minnerpaamik tulliuuttunik imaqassaaq, taamaattoq tak. imm. 3, 6 aamma 7:

- 1) Suliffeqarfiup niuernerminut ilusiliussaa pillugu naatsumik allaaserinnittoqassaaq.
- 2) Inuiaqatigiinnut akisussaassuseq pillugu suliffeqarfiup anguniagai paasissutissiissutigineqassapput, inuiaqatigiinnut akisussaassusermut suliffeqarfiup atugaanut taamaattoqarpat pitsaassusiliussat, malerua-gassat tunngaviilluunniit ilanngullugit. Avatangiisit pillugit anguniakkat minnerpaamik ilaassaaputu, suliffeqarfiup ingerlataasigut silap pissusianik sunniinerit annikillisiarnerat, isumaginninnikkut pissutsit sulisutigullu pissutsit, inuit pisinnaatitaaffiinik ataqqinninneq, akilersittarluni aningaasanik peqquser-lunnernik akiuiniarneq kiisalu akiliituni peqquserlutsitsinermik akiuineq ilanngullugit. Anguniagaqar-finnut ataasiakkaanut tamanut paasissutissiissutigineqassaaq suliffeqarfik suliassaqarfimmi pineqartumi anguniagaqarnerseq, taamaattoqarpallu anguniakkat suunersut.
- 3) Anguniagaqarfinnut ataasiakkaanut tamanut, tak. nr. 2, inuiaqatigiinnut akisussaassuseq pillugu suliffeqarfiup anguniakkani qanoq iliuuseqarnermigut piviusunngortittarneraa oqaatigineqassaaq, tama-tumunngalu periutsinik suleriaatsinilluunniit atuisoqartarnerseq oqaatigineqassalluni. Tamatuma sania-tigut suliffeqarfik suleriaatsimik taamatut ittumik atuisimappat, pisariaqartitamik peqqissaarussinermik («due diligence»), tamanna ilanngullugu oqaatigineqassaaq.
- 4) Suliffeqarfiup niuernikkut ingerlataanut atatillugu aarlerinartorsiutit pingaarnarpaat oqaatigineqassapput, suliffeqarfiup niuernikkut attaveqarfigisaanut, tunisassiaanut sullissineranullu, nr. 2-mi taaneqartuni pitsaanngitsumik sunnerneqarsinnaanermut atatillugu qanoq attuumassuteqartiginerseq atsikkutigiissitsi-nerlu ilanngullugit. Aarlerinaatit pineqartut suliffeqarfiup qanoq passuttarnerai ilanngullugu oqaatigine-qassaaq. Paasissutissat anguniagaqarfinnut ataasiakkaanut tunniunneqassapput.

- 5) Suliffeqarfiup qanoq ingerlalluartigineranut nalilersuutunik, aningaasaanngitsunik, niuerneramik aalajangersimasunik ingerlatsinermut attuumassuteqartunik suliffeqarfik atuippat, taakku oqaatigineqassapput.
- 6) Ukiumi naatsorsuiffiusumi suliffeqarfiup inuiaqatigiinnut akisussaassuseqarnermik sulissutiginninneratigit suut anguneqarsimanerannik, siunissamilu sulinikkut suut angusassatut naatsoorsuutigineqarnerannik suliffeqarfiup naliliinera oqaatigineqassaaq, paasissutissat anguniaqarfinnut ataasiakkaanut tunngasut paasissutissiissutigineqassapput, tak. nr. 2.

*Imm. 3.* Suliassaqarfinni imm. 2, nr. 2-mi taaneqartuni suliffeqarfik anguniagaqanngippat, tamanna suliassaqarfinnut ataasiakkaanut tamanut tamatumunnga pissutaasoq taallugu aqutsisut nalunaarusiaanni paasissutissiissutigineqassaaq.

*Imm. 4.* Nassuiaat aqutsisut nalunaarusiaannut atatillugu tunniunneqassaaq. Suliffeqarfiulli nassuiaat tulliuttutigut tunniutissallugu toqqarsinnaavaa

1) ukiumoortumik nalunaarusiamut ilassutaasumik nalunaarutikkut, tak. § 14, tassani aqutsisut nalunaarusiaat innersuussutigineqassalluni, maleruagassat imm. 8, oqaaseqatigiit siulliit malillugit atuutsinnetalersut naapertorlugit, imaluunniit

2) suliffeqarfiup qarasaasiakkut nittartagaani, tassani aqutsisut nalunaarutaat innersuussutigineqassalluni, maleruagassat imm. 8, oqaaseqatigiit aappaat naapertorlugit.

*Imm. 5.* Suliffeqarfinnut piginneqatigiiffissuup naatsorsuutaanik suliarinnittartunut, imm. 1-3 malillugit paasissutissat suliffeqarfissuarmut ataatsimut isigalugu tunniussinissaat naammappoq.

*Imm. 6.* Suliffeqarfiup piginnittup imm. 1-3 malillugit paasissutissiinissamut piumasaqaatit eqqortip-pagit, suliffeqarfiup pigineqartup, suliffeqarfissuarmut ilaasup paasissutissat aqutsisut nalunaarusiaanut ilanngutinngissinnaavai.

*Imm. 7.* Suliffeqarfiup inuiaqatigiinnut akisussaassutsini pillugu anguniakkani nunat tamalaat akornanni maleruagassat imaluunniit pitsaassusiliussat malillugit paasissutissanik imm. 2 taaneqartunik imaqartumik saqqummiuppagit, suliffeqarfiup imm. 2 malillugu inuiaqatigiinnut akisussaassutsini pillugu nassuiaammik suliaqarnissaq pinngitsoorsinnaavaa. Paasissutissat anguniagaqarfinnut imm. 2-mi taaneqartunut tunngasuunngippata, imm. 3 assigisaanik atorneqassaaq.

*Imm. 8.* Ukiumoortumik nalunaarusiamut ilassutaasumik nalunaarusiami inuiaqatigiinnut akisussaassuseq pillugu nassuiaatip tamanut saqqummiunneqarnissaa, aamma paasissutissanut tassani tamanut saqqummiunneqartunut atatillugu kukkunersuiusup pisussaaffii pillugit Erhvervsstyrelsi maleruagassanik erseqqinnerusunik aalajangersaassaaq, tak. imm. 4, nr. 1. Inuiaqatigiinnut akisussaassuseq pillugu nassuiaatip suliffeqarfiup qarasaasiakkut nittartagaatigit tamanut saqqummiunneqarnissaa pillugu maleruagassat erseqqinnerusut Erhvervsstyrelsi aalajangersassavai, paasissutissat qarasaasiakkut nittartakkami nutarterneqartarnissaat kiisalu paasissutissanut qarasaasiakkut nittartakkami saqqummiunneqartunut atatillugu kukkunersuiusup pisussaaffii pillugit maleruagassat ilanngullugit, tak. imm. 4, nr. 2.

*Imm. 9.* Suliffeqarfiup inuiaqatigiinnut akisussaassutsiminik piumasaqaatit suut atorlugit nunat tamalaat akornanni maleruagassat imaluunniit pitsaassusiliussat malillugit saqqummiussisinaanera pillugu maleruagassat erseqqinnerusut Erhvervsstyrelsi aalajangersassavai.

**§ 99 b.** Suliffeqarfiit angisuut, qullerpaatut aqutsisuminni suaassutsinut ikinnerussuteqartunut anguniakkatut kisitsisiliussaminnut killiffitsik nassuiaatigissavaat, suliffeqarfiullu anguniagaq angusimanngippagu, sooq anguneqannginnerusooq nassuiaatigalugu, taamaattoq tak. imm. 3. Nassuiaammut § 99 a, imm. 4-9, assigisaanik atorneqassapput.

*Imm. 2.* Suliffeqarfiit angisuut, suliffeqarfimmi aqutsisut sinnerisa inissisimaffiini suaassutsit ikinnerussuteqartut amerlinissaannik anguniagaqarnissamut pisussaaffeqartut, anguniagartik nassuiaatigissavaat, taamaattoq tak. imm. 4. § 99 a, imm. 2-9, assigisaanik atorneqassapput.

*Imm. 3.* Qullerpaatut aqutsisuni suaassutsit arlaannik ikinnerussuteqartoqanngippat, aqutsisut nalunaarusiaanni tamanna pillugu paasissutisiinissaq naammappoq, nassuiaammut § 99 a, imm. 4, assigisaanik atorneqassaaq.

*Imm. 4.* Suliffeqarfimmi aqutsisut sinnerisa inissisimaffiini suaassutsit arlaat ikinnerussuteqartoqanngippat, aqutsisut nalunaarusiaanni tamanna pillugu paasissutisiinissaq naammappoq, nassuiaammut § 99 a, imm. 4, assigisaanik atorneqassaaq.

**§ 99 c.** Suliffeqarfiit angisuut aatsitassanik, uuliamik gassimillu il.il. peqarfinni misissuineramik, piler-saarusioqqissaarnermik, paasiniaanermik, ineriartortitsineramik kiisalu piiiaanermik suliaqartut, imaluunniit orpippassuaqarfitoqqani orpiiiaanermik suliaqartut, aqutsisut nalunaarusiaat oqartussanut akiliisarnertik pillu-

gu nalunaarusiamik aqutsisut nalunaarusiaat ilassuteqartissavaat, taamaattoq tak. imm. 4. Oqartussanik oqarnermi Kalaallit Nunaanni nunaniluunniit allani nunamut tamarmut, nunap immikkoortuini imaluunniit najukkami oqartussat tamatumunnga atatillugu pineqarput, atorfeqarfik, suliaqarfik imaluunniit suliffeqarfik, suliffeqarfiup pigineqartup suliffeqarfimmit piginnittumit nakkutigineqarneratut ittumik oqartussamit pineqartumit nakkutigineqartut ilanngullugit.

*Imm. 2.* Nalunaarusiaq akiliinerit ukiumi naatsorsuiffiusumi akilerneqartut pillugit paasissutissanik imaqqassaaq, taamaattoq tak. imm. 4, 6 aamma 7:

- 1) Oqartussanut ataasiakkaanut akiliutit katinnerat.
- 2) Oqartussanut ataasiakkaanut tulliuuttut pillugit akiliutit qanoq ittuunerannut ataasiakkaanut akiliutit katinnerat
  - a) tunisassiornissamut pisinnaatitaaffiit,
  - b) suliffeqarfiup isertitaanit, tunisassiorneranit sinneqartoorutaannilluunniit akileraarutit akitsuutillu, atuinnermut akileraarutit akitsuutillu pinnagit,
  - c) royalties,
  - d) iluanaarutit,
  - e) atsiornernit, paasisaqarnernit tunisassiornermillu bonusisiassat,
  - f) pisinnaatitsissutinut akitsuutit, attartornermut akiliutit, tikitsisinnaanermut akiliutit, kiisalu pisinnaatitsissutinut akuersissutinullu akissarsiat allat, aamma
  - g) attaveqaatinik pitsanngorsaaneremut akiliutit.

*Imm. 3.* Akiliutit suliniummumut aalajangersimasumut nuunneqaraangata, imm. 2, nr. 2-mi taaneqartutut suliniutinut tamanut ataasiakkaanut akiliutit qanoq ittuunerannut tamanut akiliutit katinnerat ilanngullugu paasissutissiissutigineqassaaq. Suliniutinut ataasiakkaanut tamanut akiliutit katinnerat ilanngullugu paasissutissiissutigineqassaaq.

*Imm. 4.* Suliffeqarfiup akiliutit 750.000 kr.-init ikinnerusut nalunaarusiamut ilaatinggissinnaavai. Akiliutit ataasiaannarluni akiliutaasimappata, imaluunniit tulleriinnik imminnut attuumassuteqartunik akiliutaasimappata, tamanna atuutissaaq, tulleriinnik akiliinerit katinnerat ukiumi naatsorsuiffiusumi 750.000 kr.-init amerlanerunngippata.

*Imm. 5.* Oqartussanut akiliutit pillugit nalunaarusiaq aqutsisut nalunaarusiaannut atatillugu saqqummiunneqassaaq. Suliffeqarfilli oqartussanut akiliutit pillugit nalunaarusiamik saqqummiussisinnaavoq

- 1) ukiumoortumik nalunaarusiamut ilassutaasumik nalunaarusiami, tak. § 14, tassani maleruagassat imm. 9 malillugu atuutilersitaasut malillugit aqutsisut nalunaarusiaat innersuussutigineqassalluni, imaluunniit
- 2) suliffeqarfiup qarasaasiakkut nittartagaani, tassani maleruagassat imm. 9 malillugu atuutilersitaasut malillugit aqutsisut nalunaarusiaat innersuussutigineqassalluni.

*Imm. 6.* Suliffeqarfiit piginneqatigiiffissuup naatsorsuutaanik suliaqartartut, imm. 1-3 malillugu paasissutissat piginneqatigiiffissuaq ataatsimut isigigalugu tunniuppatigit naammappoq.

*Imm. 7.* Suliffeqarfik imm. 1-imut ilaasoq, suliffeqarfimmullu piginnittumut nunami maani inatsisinut imaluunniit nunami EU-/EØS-imut ilaasortaasumi inatsisinut ilaasumut atasoq, paasissutissat imm. 1-3-mi piumasagaatigineqartut suliffeqarfiup piginnittup oqartussanut akiliutit pillugit nalunaarusiaanun ilaappata, oqartussanut akiliutit pillugit nalunaarusiamik suliarinningissinnaavoq.

*Imm. 8.* Suliffeqarfiit imm. 1-imut imaluunniit § 128, imm. 1-imut ilaasut, oqartussanullu akiliutitik pillugit nalunaarusiamik, inatsimmilu matumani piumasagaatinut naapertuuttutut nalilerneqartumik suliarinnittartut tamanullu saqqummiussisartut, imm. 1-7-imi piumasagaatinut ilaatitaannginnissaat pillugu maleruagassanik Erhvervsstyrelsi aalajangersaassaaq.

*Imm. 9.* Oqartussanut akiliutit pillugit nalunaarusiap ukiumoortumik nalunaarusiamut ilassutaasumiittup tamanut saqqummiunneqarnissaa pillugu maleruagassat erseqqinnerusut, aamma paasissutissanut tassani saqqummiunneqartunut atatillugu kukkunersiusup pisussaaffii pillugit maleruagassat erseqqinnerusut Erhvervsstyrelsip aalajangersassavai, tak. imm. 5, nr. 1. Oqartussanut akiliutit pillugit nalunaarusiap suliffeqarfiup qarasaasiakkat nittartagaatigut tamanut saqqummiunneqarnissaat pillugu maleruagassat erseqqinnerusut aamma paasissutissanik qarasaasiakkut nittartakkamiittunik suliffeqarfiup nutarterisarnissaa pillugu maleruagassat, kiisalu saqqummiunneqartunut atatillugu kukkunersiusup pisussaaffii pillugit maleruagassat Erhvervsstyrelsip aalajangersassavai, tak. imm. 5, nr. 2.

§ 100. Aqutsisuusut nalunaarusiaani allaaserineqassapput ukiumoortumik nalunaarusiatut kingullermik saqqummiussaq naapertorlugu ingerlaassissatut ilimagisamut sanilliullugu ukiumoortumik angusat aam-  
malu tamatumunnga naleqqiullugu angusatigut allaassutinut pissutaasut.

§ 101. Aqutsisuusut nalunaarusiaat imaqassaaq makku pillugit nalunaarsuummik

1) ilanngaatisat peereerlugit ukiumoortumik kaaviiartitat, pisarnertut ingerlatsinermit angusat, aningaa-  
sanut tunngassutilittut allatanit angusat, ukiumoortumik angusat, oqimaatigitiissitat katinnerat, sanaar-  
tukkanik pigisani atortunut aningaasalersuinerit, nammineq aningaasaatit aamma kisitsisit najoqqu-  
tassat, sullivimmi pissutsit malillugit pinngitsoorneqarsinnaanngitsut, aamma

2) kisitsisit nr. 1-imi taaneqartut ukiumut naatsorsuusiortimmuq qaangiuttumut tunngasut.

*Imm. 2.* Imm. 1 malillugu nalunaarsuusiamut § 24, imm. 1, oqaaseqatigiit aappaanni pingajuinilu, aamma §  
55, imm. 1-imi 2-milu aalajangersakkat taamatulli atortuutinneqassapput. Sullivinnutakunnattumik  
angissusilinnut tunngatillugu § 32 atortuutinneqassaaq imm. 1, nr. 1-imi ilanngaatisat peereerlugit  
kaaviiartitanut tunngatillugu.

*Imm. 3.* Imm. 2-mi taaneqartut apeqqutaatinnagit ingerlatseqatigiiffiup imm. 1 malillugu takussutissiami  
kisitsisit naleqqiussissutit ukiut naatsorsuusiortifiusut siuliisa aappaanniit sisamaannut naleqqussanngit-  
soorsinnaavai, suliffeqarfik naatsorsuusiortiaatsiminik allannguisimappat. Taamaaliortoqassappat tamatu-  
minnga paasissutissiisoqassaaq takussutissiamut atasumik pingaartinnerutitamik eqqartorlugu naatsor-  
suusiortiaatsip allanngortinnerata kisitsisinut naleqqiussissutinut qanoq ililluni sunniuteqartussaana.

*Imm. 4.* Suliffeqarfissuup (koncernip), suliffeqarfinnik piginnittut inissisimasup, ukiumoortumik  
naatsorsuutit pillugit malittarisassani imm. 1 naapertorlugu, suliffeqarfissuup ukiumoortumik naatsor-  
suutiminik saqqummiinnerminut atatillugu naatsorsuutitut nalunaarsuut ilanngussimappagu, nalunaar-  
suut imm. 1-mi taaneqartoq taanna, suliffeqarfissuup (koncernip) ukiumoortumik naatsorsuutiminik  
saqqummiinnerminut atatillugu saqqummiutinngitsoorneqarsinnaatitaavaa.

## **Immikkoortoq V**

### **Naatsorsuutit klassiat D**

#### **Kapitali 12**

##### *Ukiuortumik nalunaarusiorneq*

##### *Nalinginnaasumik aalajangersakkat*

§ 102. Suliffeqarfik naatsorsuuserinermi klasse D-mut ilaatinneqartoq, ukiumoortumik nalunaarusiussaaq,  
minnerpaamik aqutsisut oqaaseqaataannik, oqimaatigitiissitsinermik, angusat naatsorsorneqarfiannik, nam-  
mineq aningaasaatit naatsorsorneqarfiannik kiisalu aningaasat ingerlaarfiisa naatsorsorneqarfiannik, allattuk-  
kanik aqutsisullu nalunaarusiaannik imaqartumik.

*Imm. 2.* Ukiumoortumik naatsorsuutit taamaattoqarpallu piginneqatigiiffissuup naatsorsuutai kukkunersi-  
orneqareeripata, kukkunersiuisut oqaaseqaataat il.il. ukiumoortumik naatsorsuutitut ilaassaaq, tak. § 135,  
imm. 1 aamma 5.

*Imm. 3.* §§ 11-17, § 19, imm. 1, 2 aamma 4, § 20, imm. 2, §§ 23-29 aamma 32-39, § 40, oqaaseqatigiit  
siulliit aamma oqaaseqatigiit pingajui, §§ 41-43, § 44, imm. 1 aamma 3, §§ 45-64, 66-70, 73, 74, 77-77 b  
aamma 80-95 a, § 96, imm. 1 aamma 2, aamma §§ 97-101 aamma 103-108 atorneqassapput, taamaattoq tak. §  
137.

*Imm. 4.* §§ 23-29-mi aamma 32-39-mi, § 40, oqaaseqatigiinni siullerni oqaaseqatigiillu pingajuanni, §§  
41-43-mi, § 44, imm. 1-imi aamma 3-mi, aamma §§ 45-64-imi, 66-70-imi, 73-imi, 74-imi aamma 77-77 b-  
mi maleruagassat §§ 80-95 a-mi, § 96, imm. 1-imi aamma 2-mi, aamma §§ 97-101-imi maleruagassanut  
akerliuppata, §§ 80-95 a-mi, § 96, imm. 1-imi aamma 2-mi, aamma §§ 97-101-imi maleruagassat  
salliutinneqassapput.

*Imm. 5.* §§ 23-29-mi aamma 32-39-mi, § 40, oqaaseqatigiit siullianni pingajuannilu, §§ 41-43-mi, § 44,  
imm. 1-imi aamma 3-mi, §§ 45-64-imi, 66-70-imi, 73-imi, 74-imi, 77-77 b-mi aamma 80-95 a-mi, § 96,  
imm. 1-imi aamma 2-mi, aamma §§ 97-101-imi maleruagassat §§ 103-108-mi maleruagassanut akerliuppata,  
§§ 103-108-mi maleruagassat sallitutinneqassapput.

*Imm. 6.* §§ 80-95 a-mi, § 96, imm. 1-imi aamma 2mi, aamma §§ 97-101-imi maleruagassat suliffeqarfinnut akunnattumik angissusilinnut aamma suliffeqarfinnut angisuunut piumasqaatit assiginngissuteqarpata, suliffeqarfiup naatsorsuuserinermi klasse D-mut ilaasup, suliffeqarfiup nammineq angissusaa apeq-qutaatinnagu suliffeqarfinnut angisuunut maleruagassat malissavai.

*Imm. 7.* Aktianik piginneqatigiiffiit naalagaaffiup aktianik piginneqatigiiffiutaannut maleruagassanik malinnittut, tak. piginneqatigiiffiit pillugit inatsimmi, kunngip peqqussutaatigut Kalaallit Nunaannut atuut-sinneqalersumi § 351, aamma Kalaallit Nunaanni imaluunniit nunami allami EU-/EØS-imut ilaasortaasumi tunitsivimmi maleruagassaartitaasumi pappialanik nalilinnik niuerutigitaqartut, pineqartuni maleruagassat inatsimmi matumani naalagaaffiup aktianik piginneqatigiiffiit maleruagassanik allaaneruppata, suliffeqarfinnut Kalaallit Nunaanni imaluunniit nunami allami EU-/EØS-imut ilaasortaasumi niuerfimmi maleruagassaartitaasumi pappialanik nalilinnik niuerutigitaqartunut maleruagassat malissavaat.

*Imm. 8.* Suliffeqarfiup piginnittup paasissutissaatai piginneqatigiiffissuup paasissutissaataasa assigip-patigut, suliffeqarfiup piginnittup paasissutissat nammineq ukiumoortumik naatsorsuutiminut aamma aqutsi-sut nalunaarusaannut ilaatinggissinnaavai.

#### *Akissaateqarfimmi immikkoortiterineq inissitsiterinerlu*

**§ 103.** Suliffeqarfiup angissusaa apequtaatinnagu angusanik naatsorsukkat takutissavaat ilanngaatisat peereerlugit kaaviiartitat ilanngullugit ilanngussaq 2-mi, skema 5-imi, allatassatut naatsorsukkat nr. 2-5, imaluunniit ilanngussaq 2-mi, skema 6-imi, allatassatut naatsorsukkat nr. 2-mi, 3-mi aamma 6-mi.

#### *Paasissutissat*

**§ 104.** Aqqit tamaasa najukkallu suliffeqarfiup paasissutissiissutigisassavai, suliffeqarfimmullu tunnga-tillugu suliffeqarfiup sumi angerlarsimaffeqarnera, kiisalu kikkulluunniit suliffeqarfimmi aktiaateqartut tamaasa, qanoq annertutigisumik aktianik pigisaqarnerisut taasisinnaatitaanersullu, aktianillu pigisaqarneq tunngavigalugu taasisinnaatitaasoqarpat, aktiat piginneqataassutit (aktiekapitalip) katilluni tamarmiusup 5 pct.-nik ikinnerpaamik amerlassusilinnik taasisinnaanermut tunngavigineqartunik aktiaateqartoqarpat imaluunniit aktiat piginneqataassutit (aktiekapitalip) katilluni tamarmiusup aningaasanngorlugu nalingata, aktiat pigisat ikinnerpaamik 5 pct.-nik nalilinnik aktiaateqartoqarpat, taamaattorli ikinnerpaamik 100.000 kr.-nik nalilinnik aktiaateqartoqarpat, taakkua tamarmik eqqoqqissaartumik paasissutissiissutigineqartas-sapput.

**§ 105.** Piginnittut suliffeqarfiit, pigisatut suliffeqarfiit ukiumoortumik nalunaarusaat tamarmik pigin-nittut suliffeqarfiup kukkunersiuisuisa ilaannit minnerpaamik ataatsimit, kukkunersiuisut taakkua nuna-ni allani suleqatigisaasa ilaannit ataatsimit imaluunniit kukkunersiuisarfimmit nunani allani akuerisamit, kukkunersiorneqartanngippata tamanna nalunaassavaat.

**§ 106.** § 98 b, imm. 3, apequtaatinnagu suliffeqarfiup paasissutissiissutigisavai aqutsisuusuni ilaasunut akissarsiarititat il. il. § 98 b, imm. 1-imi aamma 2-mi eqqartorneqartut.

**§ 106 a.** (Atorunnaarsinneqarpoq)

#### *Aqutsisut nalunaarusaat*

**§ 107.** Suliffeqarfiit aktianik piginneqatigiiffiup nammineq 100 procentimik pigisai pinnagit suliffeqar-finni inuussutissarsiuutitut ingerlatani allani, aqutsisut ilaasortat aqutsisutut suliaqarfii pillugit paasissutis-siisoqassaaq. Aqutsisutut ilaasortaq pineqartoq piginneqatigiiffimmi piginnittumi allami, aamma piginne-qatigiiffimmi pigisami taassuma 100 procentimik pigisaani ataatsimi arlalinniluunniit aqutsisunut ilaasor-taappat, oqaaseqatigiit siulliit apequtaatinnagit piginneqatigiiffiup piginnittup aqqa piginneqatigiiffillu pigisat, pineqartup aqutsisunut ilaasortaaffigisaasa amerlassusaat paasissutissiissutigisallugu naammappoq.

*Imm. 2.* Ukiup ingerlanerani ingerlaasissatut ilimagisat pillugit paasissutissat tamanut saqqummiunne-qareersimappata, § 100 malillugu paasissutissat kingullermik tamanut saqqummiussatut nassuiaammut naleqqiullugu paasissutissiissutaassapput.

**§ 107 a.** Ingerlatseqatigiiffik børsimi nalunaarsorneqarsimasoq, piginneqataassummik aktieklassimik ataatsimik arlalinniluunniit taasisinnaanermut piginnaatsitsissutitaqartinneqartunik pigisalik nalunaarsuk-katullu akuerisaasimasoq imaluunniit fondsbørsimi niuerutaasinnaasutut akuerisaasoq, aningaasanilluun-niit niuerfusinnaasutut akuerisaasumi tassungaluunniit assingusumi niuerfimmi, nunami EU/EØS-mut

ilaasortaasumi nalunaarsorsimasulluni ingerlatseqatigiiffiup niuersinnaatitaasup aqutsisuisa, aqutsisutut nalunaarusiartik pissutsinik ingerlatseqatigiiffimmut tunngasunik paasiuminarsaataallunilu ersarissaataasunik paasissutissanik ilaqartissatassavaat, ingerlatseqatigiiffiup aktiaataanik kiffaanngissuseqarluni kaaviiartitaqarlunissaq siunertaralugu. Makkua ilanngullugit paasissutissiissutigineqartassapput:

- 1) Paasissutissat ingerlatseqatigiiffiup aningaasatigut aaqqissugaaneranut piginnittoqarneranullu tunngasut, tassunga ilaapput
  - a) aktiat taasisinnaatitaanermut piginnaatitsissutitalit amerlassusaat naleqassusaallu allassimasoq,
  - b) nunami EU/EØS-mut ilaasortaasumi børsimi imaluunniit fondsbørsimi niuerutaasinnaasutut akuerisaanngitsut, aningaasanilluunniit niuerfiusinnaasutut akuerisaasumi tassungaluuunniit assingusumi niuerfimmi niuerutaasinnaasutut nalunaarsorneqarsimanngitsut, aktiat taasisinnaatitaanermut piginnaatitsissutitalinnut piginneqataassutit amerlassusaat,
  - c) § 87 a 1 naapertorlugu ingerlatseqatigiiffik immikkoortitaarlugit nalunaarsorsimasunik aktieklassinik assigiinngitsunik arlalinnik aktiaateqarsimappat, aktieklassiaatinut assigiinngitsunut immikkoortunut nalunaarsuiffiit pillugit paasissutissat, aamma
  - d) § 104-mi taaneqartutuut, kikkut piginnittuunersut qassinillu taasisinnaatitaanersut il.il. pillugit paasissutissat.
- 2) Paasissutissat, ingerlatseqatigiiffimmit ilisimaneqartut, makkua;
  - a) piginnaatitaaffiit pisussaataaaffiillu aktiaklassinut ataasiakkaanut tamanut pituttorsimasut,
  - b) aktiaatit killilimmik tuniuminassuseqarsinnaanerit pillugu aamma
  - c) taasisinnaatitaalluuni pisinnaatitaaffiup killissaqarsinnaanera.
- 3) Ingerlatseqatigiiffiup qullerpaatut aqutsisoqarfianut ilaasortanik toqqaanermi aamma taarsiinermi aamma ingerlatseqatigiiffiup ileqqoreqqusalianik malittarisassaanik allannguinermit malittarisassat.
- 4) Aktianik pilersitsisinnaaneq annerusumik eqqarsaatigalugu, tak. piginneqatigiiffiit pillugit inatsimmi, kunnqip peqqussutaatigut Kalaallit Nunaannut atuutsinneqalersumi § 155, imaluunniit aktianik namminerisamik pigisaqalersinnaanermut aqutsisut piginnaaffii, tak. piginneqatigiiffiit pillugit inatsimmi, kunnqip peqqussutaatigut Kalaallit Nunaannut atuutsinneqalersumi § 198.
- 5) Neqeroorfigineqarnikkut isumaqatigiissuteqarneq tunngavigalugu ingerlatseqatigiiffiup pisiarineqarnera imaluunniit pisinera piviusunngortinneqarpat, tamatumalu kingunerisaanik ingerlatseqatigiiffiup nakkutigisaasumik aqunneqarnera allannguuteqartinneqassappat, ingerlatseqatigiiffiup isumaqatigiissusiarisimasaasa pingaarutillit atortuulersinneqarsimanerat, allannguutaat imaluunniit piffissarititaasup qaangiunnera, kiisalu taakkua kingunerisa sunniutaat paasissutissiissutigineqartassapput. Taamaattorli inatsimmik allamik tunngaveqarluni ingerlatseqatigiiffik paasissutissanik taamaattunik ingerlatitseqqinnissaminut erseqqissumik pisussaaffiligaasimanngikkaangat, paasissutissanik taamaattunik pisortatigoortumik avammut taamatut saqqummiussineq ingerlatseqatigiiffimmut annertuumik ajoquseeratarinnaagaangat, imm. 1 naapertorlugu, ingerlatseqatigiiffik paasissutissanik saqqummiinngitsoorsinnaatitaavoq. Paasissutissanik saqqummiinngitsoorneq, imm. 2 naapertorlugu ilisimatitsissutigineqartassaaq.
- 6) Neqeroorfigineqarnikkut isumaqatigiissuteqarneq tunngavigalugu ingerlatseqatigiiffiup pisiarineqarnera imaluunniit pisinera piviusunngortinneqarpat tamatuma kingunerisaanik aqutsisut imaluunniit sulisut atorfiinik atorunnaarsitsisoqarpat imaluunniit tunngavissaqanngitsumik soraarsitsisoqarpat imaluunniit nammineerluni soraartoqarpat, ingerlatseqatigiiffiup aqutsisullu akornanni imaluunniit ingerlatseqatigiiffiup sulisullu akornanni isumaqatigiissut tunngavigalugu taarsiisoqarpat, taakkua paasissutissiissutigineqartassapput.

*Imm. 2.* Ingerlatseqatigiiffiit imm. 1-mi pineqartut, §§ 87 a aamma 104 naapertorlugit paasissutissanik nalunaarsorsimasaminnik saqqummiinngitsoorsinnaatitaapput.

**§ 107 b.** Suliffeqarfik Kalaallit Nunaanni imaluunniit nunami EU-/EØS-imut ilaasortaasumi niuerfimmi maleruagassaqartumi pappialanik nalilinnik niuerutigisaqartoq, suliffeqarfimmik aqutsineq pillugu nassuiaammik, tulliuuttunik imaqartumik ilanngussissaaq:

- 1) Suliffeqarfik suliffeqarfimmik aqutsineq pillugu maleruagassanut katersanut ilaanersoq pillugu paasissutissat, maleruagassat katersat suliffeqarfiup ilaaffigisai innersuussutigalugit.
- 2) Maleruagassat katersat nr. 1-imi taaneqartut tamanit pissarsiarineqarsinnaanersut oqaatigalugu.
- 3) Maleruagassani katersani nr. 1-imi taaneqartuni immikkoortut sorliit suliffeqarfimmit avaqunneqartarnerat oqaatigalugu, maleruagassallu tamaasa avaqunnissaat suliffeqarfiup toqqarsimappagu, tamatumunnga pissutaasut taallugit.

4) Maleruagassanik katersanik nr. 1-imi pineqartunik atuinnginnissaq suliffeqarfiup toqqarsimappagu, maleruagassanik katersanik atuinnginermut pissutaasut oqaatigalugit.

5) Suliffeqarfimmik aqutsineq pillugu maleruagassat katersat allat, suliffeqarfiup ilassutitutumaluunniit katersanut nr. 1-imi taaneqartunut taarsiullugit atussallugit aalajangiussimasai, imaluunniit suliffeqarfiup nammineq piumassutsiminik atugai innersuussutigalugit, paasissutissat nr. 2-mi aamma 3-mi taaneqartut assigisaat taallugit.

6) Naatsorsuutit saqqummiunnissaannut suleriaatsimut atatillugu suliffeqarfiup iluani nakkutilliinermut aarlerinaatinillu naliliinermut periusaanni pingaernerit allaaserinerat.

7) Suliffeqarfiup aqutsisoqarfiisa ataatsimiititaliaasalu inuttalersugaanerisa, kiisalu taakku suliaasa allaaserinerat.

*Imm. 2.* Suliffeqarfiup imm. 1-imut ilaasup, aamma Kalaallit Nunaanni imaluunniit nunami EU/EØS-imut ilaasortaasumit tunitsivimmi maleruagassaqartumi aktiat pinnagit pappialanik nalilinnik allanik niuerutigisaqartup, paasissutissat imm. 1, nr. 1-5-imi aamma 7-imi taaneqartut tunniunnissaat pinngitsoorsinnaavaa, suliffeqarfik pineqartoq Kalaallit Nunaanni imaluunniit nunami EU/EØS-imut ilaasortaasumi amerlasuut peqataaffigisaannik aktianik niuernissamut periarfissanut peqataangippat. Oqaaseqatigiit siulliit aktianik piginneqatigiiffinnut, naalagaaffiup aktianik piginneqatigiiffiutaannut maleruagassanik malinnittunut atuutinngillat, tak. piginneqatigiiffiit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 351.

*Imm. 3.* Imm. 1 malillugu nassuiaat, aqutsisut nalunaarusiaanni paasissutissanut § 107 a-mi taaneqartunut atatillugu tunniunneqassaaq, taamaattoq tak. imm. 4.

*Imm. 4.* Aqutsisut nalunaarusiaat suliffeqarfiup qarasaasiakkut nittartagaanut, nassuiaatip tamanut saqqummiunneqarfigisaanut innersuussutitaqarpat, imm. 1 malillugu nassuiaatip aqutsisut nalunaarusiaannut ilaannginnissa Erhvervsstyrelsen aalajangersinnaavaa. Tamanna pillugu maleruagassat erseqqinnerusut Erhvervsstyrelsen aalajangersassavai, qarasaasiakkut nittartakkami paasissutissat suliffeqarfimmi nutarterneqartarnissaat kiisalu paasissutissanut qarasaasiakkut tamanut saqqummiunneqartunut atatillugu kukkunerisuiisup pisussaaffii ilanngullugit.

**§ 107 c.** Aktianik piginneqatigiiffiit, piginneqatigiiffiit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 351 malillugu naalagaaffiup piginneqatigiiffiutaannut maleruagassanik malinnittut, suliffeqarfimmik aqutsineq pillugu nassuiaammik, tuliuttunik imaqtumik ilanngussissapput:

- 1) Piginneqatigiiffik suliffeqarfimmik aqutsineq pillugu maleruagassanik katersanik atuinersoq pillugu paasissutissat, atuinngippallu piginneqatigiiffik suliffeqarfinnik pitsaasumik aqutsinermut atatillugu qanoq isummersimanersoq..
- 2) Maleruagassat katersat nr. 1-imi pineqartut immikkoortut sorliit piginneqatigiiffiup avaqquttarnerai taallugu, maleruagassallut katersat ilaasa avaqquttarnissaannik piginneqatigiiffik aalajangersimappat, tamatumunnga pissutaasut taallugit.
- 3) Maleruagassat katersat nr. 1-imi pineqartut saniatigut suliffeqarfinnik aqutsinermut maleruagassat katersat allat suliffeqarfiup atugassatut aalajangiussimasinnaasai taallugit, paasissutissat nr. 2-mi aamma 3-mi taaneqartut assigisaat taallugit..

*Imm. 2.* Aktianik piginneqatigiiffinnut, naalagaaffiup aktianik piginneqatigiiffiutaannut maleruagassanik malinnittunut, tak. piginneqatigiiffiit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 351, § 107 b, imm. 1, nr. 6 aamma 7 assigisaanik atorneqassapput. Aammattaaq § 107 b, imm. 4, piginneqatigiiffinnut taakkununnga atorneqassaaq.

#### *Naalagaaffiup aktianik piginneqatigiiffiutaanut maleruagassat immikkut ittut*

**§ 108.** Aktianik piginneqatigiiffiit, immikkut ittumik maleruagassanik naalagaaffiup aktianik piginneqatigiiffiutaannut atuuttunik malinnittut, tak. piginneqatigiiffiit pillugit inatsimmi, kunngip peqqussutaatigut Kalaallit Nunaannut atuutitsinneqalersumi § 351, immikkut maleruagassanut ilaannginnissaat pillugu aalajangersakkanik inuussutissarsiornermut ineriartortitsinermullu ministeri aalajangersaasinnaavoq, maleruagassat taakku, maleruagassallu assigisaasa, piginneqatigiiffinnut pappialanik nalilinnik Kalaallit Nunaanni imaluunniit nunami EU/EØS-imut ilaasortaasumi niuerutigineqarsinnaasutut ilaatinneqartunik piginnittunut aalajangersagaasut naligiissitaanissaasa qulakkeernissaanut tamanna pisariaqartinneqarpat.



## Immikkoortoq VI

### Ingerlatseqatigiiffissuarnut (koncern) naatsorsuusiortarneq kiisalu suliffeqarfinnik kattutsitsinermi il.il. naatsorsuusiortarneq

#### Kapitali 13

##### *Ingerlatseqatigiiffissuit (koncern) naatsorsuutaannik saqqummiussisussaataaneq*

§ 109. Piginnittut suliffeqarfiit, § 3, imm. 1-imi pineqartut, ingerlatseqatigiiffissuup naatsorsuutaanik saqqummiussisassapput kapitali 14-imi malittarisassanut naapertuuttumik, taamaattoq tak. § 137, §§ 110-112-mi allanik malitassaqaangippat.

*Imm. 2.* Suliffeqarfinnut piginnittunut naatsorsuuserinermi klasse D-mut ilaasunit § 110 atorneqassanngilaq, imaluunniit suliffeqarfinnit piginnittumit suliffeqarfik pineqartoq

1) naatsorsuuserinermi klasse D-mut ilaappat,

2) aningaasanik atorniartarfik, Europa-Parlamentip Rådillu peqqussutaat 2006/48EF-imisulli nassuiagaasoq, aamma peqqussummi artikel 2-mi pineqaangitsoq, imaluunniit

3) sillimasiisarfik, Rådip peqqussutaa 91/674/EØF-imisulli nassuiagaasoq.

*Imm. 3.* Ilanngullugulu suliffeqarfinnut piginnittunut, Kalaallit Nunaanni imaluunniit nunami EU-/EØS-imut ilaasortaasumi tunitsivimmi maleruagassaqaartitaasumi pappialanik nalilinnik niuerutaateqartunut § 112 atorneqassanngilaq.

§ 110. Piginnittut suliffeqarfik ingerlatseqatigiiffissuup naatsorsuutaanik saqqummiussinngitsoorsinnaavoq, taamaattoq tak. § 109, imm. 2, ingerlatseqatigiiffissuuartut suliffeqarfiit piffissami oqimaaqatigiissitsiviusumi katillutik annertussutsinik marlunnik ukuninnga sippuisimassanngippata:

1) Oqimaaqatigiissitsinerup katinnera 44 mio. kr.-iusoq,

2) kaaviiartitat ilanngaaseriikkat 89 mio. kr.-iusut, aamma

3) ukiup naatsorsuusiortarfiusup ingerlanerani piffissaq tamakkerlugu sulisorisat amerlassusiat agguaqatigiissitamik 50-iusoq.

*Imm. 2.* § 7, imm. 3 aamma 4, piginneqatigiiffissuarmut tamarmiusumut assigisaanik atorneqassaaq.

Oqimaaqatigiissitsinerulli katinnera aamma kaaviiartitat ilanngaaseriikkat §§ 119 aamma 120 malillugit naatsorsorneqassapput.

*Imm. 3.* Suliffeqarfiup piginnittup naatsorsueriaaseq imm. 2, oqaaseqatigiit aappaanni taaneqartoq ator-nagu, oqimaaqatigiissitsinerup katinnera, kaaviiartitat ilanngaaseriikkat kiisalu ukiumi naatsorsuiffiusumi piffissami suliffiusussami tamarmi sulisut amerlassusaasa katinnerat piginneqatigiiffissuuartut suliffeqarfiup oqimaaqatigiissitsinerit katinnerisut, kaaviiartitat katinnerisut, kiisalu piffissami suliffiusussami tamarmi sulisut amerlassusaasa katinnerisut naatsorsorsinnaavai. Oqimaaqatigiissitsinerup katinnerata kiisalu kaavii-artitat ilanngaaseriikkat naatsorsorneranni, imm. 1, nr. 1-imi aamma 2-mi aningaasat annertussusaat 20 procentimik qaffanneqassapput.

*Imm. 4.* Imm. 1-imi aalajangersakkamik atuisinnaatitaaneq aatsaat allanngortinneqassaaq, suliffeqarfiit piffissami oqimaaqatigiissitsiviusumi katillutik annertussutsit pingasuusut taakkua ilaannik marlunnik ukiuni naatsorsuusiortarfinni marlunni malittuinnarni sippuisoorsimassappata imaluunniit sippuisuujunnaassappata.

§ 111. Suliffeqarfiup piginnittup (modervirksomhed), suliffeqarfiit pigisai (dattervirksomheder) tamarmik § 114 naapertorlugu aningaasaqarnikkut isumannaallisaavigineqartanngitsut, ingerlatseqatigiiffissuuartut (koncernitut) naatsorsuusiani ilanngutinngitsoorsinnaatitaavai.

*Imm. 2.* Tamatuma saniatigut suliffeqarfik piginnittoq (modervirksomhed), inuussutissarsiutigalugu aningaasaateqarfittut ingerlataaguni, ingerlatseqatigiiffissuuartut (koncernitut) naatsorsuusiani ilanngutinngitsoorsinnaatitaavai, imaassimappat:

1) aningaasaateqarfik taanna suliffeqarfinnik ataasiinnarmik pigisaqarpoq,

2) faningaasaateqarfiup nammineq inuussutissarsiutitut ingerlatai annikitsuinnaappata aamma

3) aningaasaateqarfik, akiitsut allagartaat allanut nuunneqarsinnaasut aammalu iluanaarutisiassat imaluunniit agguagarsiassat akilerneqanngitsut eqqaassanngikkaanni, suliffeqarfik pigisat pisassaqarsimanngippat imaluunniit taanna pillugu isumannaallisaasiisimannngippat.

*Imm. 3.* Aammattaaq suliffeqarfik piginnittoq (modervirksomhed), aningaasaateqarfittut inuutissarsiutitut ingerlanneqartoq, piginneqatigiiffissuuartut (koncern) ukiumoortumik naatsorsuutiminik saqqummiussiunngitsoorsinnaatitaavoq, imaassimappat;

- 1) aningaasaateqarfik suliffeqarfinnik pigisanik arlalinnik pigisaqarpat aamma suliffeqarfiit pigisat taakkua ilaata ataatsip ingerlatseqatigiiffissuuartut (koncernitut) ukiumoortumik naatsorsuutiminik saqqummiinnermini, suliffeqarfik aningaasaateqarfik piginnitsini, naatsorsuutiminut ilanngullugu taasimangippagu,
- 2) ingerlatseqatigiiffissuup (koncernip) naatsorsuutai, ukiumoortumik naatsorsuutit pillugit inatsit malillugu suliarineqarsimappata, Europa-Parlamentip aamma Siunnersuisoqatigiit pequssutaat 2013/34/EU kingusinnerusukkut allannguutitalik, imaluunniit ukiumoortumik naatsorsuutininik isumannaallisaanermi maleruaqqusani taaneqartuni inatsisinut malittarisassianut minnerpaamik assingusunik malittarisassalinnik, aamma nunap inatsisai naapertorlugit inunnit taamatut kukkunersiuinissaminnut ilinniagaqarsimasunit kukkunersiorneqarsimassallutik, tassungalu suliffeqarfiup pigisap (dattervirksomhed) ingerlatseqatigiiffissuarmut (koncernimit) pigineqartutut ukiumoortumik naatsorsuutai ilanngullugit kukkunersiorneqarsimassallutik,
- 3) aningaasaateqarfik nammineq immineq annikitsuinnarmik inuutissarsiortutut ingerlataqarpat,
- 4) aningaasaateqarfiup suliffeqarfiup pigisami ilaanut qularnaveeqqusiisimangippat imaluunniit tassanga pissamaateqarsimangippat imaluunniit iluanaarutininik imaluunniit agguagarsiassanik akiliinngitsoorsimappat aamma akiitsunut allagartaatinik (konvertible gældsbreve) allamut nussorneqarsinnaasunik peqarsimangippat.
- 5) ukiumoortumik naatsorsuutininik saqqummiinngitsoorsinnaatitaaneq pisinnaatitaaffik taanna tunngavigalugu, aningaasaateqarfiup ukiumoortumik naatsorsuutininik saqqummiussinnginnera, aningaasaateqarfiup ukiumoortumik nalunaarusiaani paasissutissiissutigineqarsimappat, aamma
- 6) nr. 1-mi taaneqartutut, aningaasaateqarfiup nammineq ukiumoortumik nalunaarusiaminut ilanngullugit, ingerlatseqatigiiffissuuartut (koncernitut) ukiumoortumik naatsorsuutit kukkunersiortitat, Erhvervs- & Selskabstyrelsemut nassiuppagit.

**§ 112.** Suliffeqarfik piginnittoq ingerlatseqatigiiffissuuartut (koncern) naatsorsuutiminik saqqummiussinngitsoorsinnaatitaavoq imaassimappat, taamaattoq tak. § 109, imm. 2, nammineq suliffeqarfissuarmik suli qulliunerusumik piginnitseqarsimaguni nunamilu maani, nunami EU-mut ilaasortaasumi imaluunniit nunami allami, Fællesskabip isumaqatigiissuteqarfisaaani, imaluunniit Kalaallit Nunaannit isumaqatigiissuteqarfiusumi, inatsisinit illersugaaguni, aamma

- 1) suliffeqarfissuaq piginnittoq suli qulliunerusoq (modervirksomhed)
  - a) pigisaqarpat piginnittutut sullivimmi appasinnerusumi aningaasaliissutaatit minnerpaamik 90 pct.-annik aammalu ikinnerussutilittut peqataasut piginnittutut suliffeqarfiup taassuma qullersatut aqutsisunut akuersissutigisimappassuk ingerlatseqatigiiffissuaq pillugu naatsorsuutininik saqqummiussisannngitsoq, imaluunniit
  - b) pigisaqarpat piginnittutut suliffeqarfimmi appasinnerusumi aningaasaliissutaatit 90 pct.-annit annik innerusunik taassumalu qullersatut aqutsisui ukiup naatsorsuusiortarfiusup naanissaa kingusinnerpaamik qaammatinik arfinilinnik sioqqullugu ikinnerussuteqartutut peqataasuniit, minnerpaamik suliffeqarfiup aningaasaataasa 10 pct.-iannik piginnittuniit, tigusaqarsimangippata ingerlatseqatigiiffissuaq pillugu naatsorsuutininik saqqummiussinissaq pillugu piumasaqaammik, aamma
- 2) piginnittutut suliffeqarfik qulliunerusoq taanna ingerlatseqatigiiffissuaq pillugu naatsorsuusiortarpat aamma aqutsisut nalunaarusiaannik isumannaatsunngortitamik suliaqartarpat naalagaaffimmi EU-mut ilaasortaasumi inatsisinut, piginnittutut suliffeqarfiup qulliunerusup attavigisaanut, naapertuuttumik, aammalu ingerlatseqatigiiffissuaq pillugu naatsorsuutit kukkunersiorneqartarpat inunnit, naalagaaffiup ilaasortaasup taassuma inatsisai naapertorlugit akuerisaasunit.

*Imm. 2.* Piginnittutut suliffeqarfik aammattaaq ingerlatseqatigiiffissuaq pillugu naatsorsuutininik saqqummiussinngitsoorsinnaavoq, taamaattoq tak. § 109, imm. 2, nammineq tassaaguni piginnittutut suliffeqarefimmit qulliunerusumik, nunami, imm. 1-imi taaneqartutut inatsisinut attaveqartuunngitsumi, inatsisinut attaveqartumit pigineqartoq, aamma

- 1) piginnittutut suliffeqarfiup appasinnerusup qullersatut aqutsisui ukiup naatsorsuusiortarfiusup naanissaa kingusinnerpaamik qaammatinik arfinilinnik sioqqullugu ikinnerussuteqartutut peqataasuniit tigusaqarsimangippat ingerlatseqatigiiffissuup naatsorsuutaasa saqqummiunneqarnissaat pillugu piumasaqaammik, aamma

- 3) suliffeqarfik piginnittoq qaffasinnerusumik inissisimasoq tulliuuttut naapertorlugit piginneqatigiiffissuup naatsorsuutaanik aamma aqutsisut nalunaarusiaannik isumannaatsunnngortitamik suliaqassaaq
  - a) Europa-Parlamentip aamma Rådip peqqussutaat 2013/34/EU kingusinnerusukkut allannguutitalik,
  - b) maleruagassat. Europa-Parlamentip aamma Rådip peqqussutaat 2013/34/EU kingusinnerusukkut allannguutitalimmi maleruagassat minnerpaamik naleqatigisaat,
  - c) nunat tamalaat akornanni naatsorsuuserinermut pitsaassusiliussat, nunat tamalaat akornanni naatsorsuuserinermut pitsaassusiliussanik atuneq pillugu Europa-Parlamentip aamma Rådip peqqussutaat naapertorlugu Europa-Kommissionimit akuerisaasut, kiisalu kingusinnerusukkut allannguutit, peqqussut taaneqartoq naapertorlugu Europa-Kommissionimit akuerisaasut, imaluunniit
  - d) maleruagassat, nunat tamalaat akornanni naatsorsuuserinermut pitsaassusiliussani ukiumoortumik naatsorsuutinut isumannaatsunnngortitanut naleqatigiissutut Europa-Kommissionimit nalilerneqarsimasut, aamma

3) piginneqatigiiffissuup naatsorsuutai, inunnit naalagaaffimmi suliffeqarfiup piginnittup qaffasinnerusumik inissisimasup angerlarsimaffigisaani inatsisit malillugit akuerisaasunit kukkunersiorneqarsimassapput.

*Imm. 3.* Imm. 1-imi aamma 2-mi eqqartorneqartutut atuinngitsoorutissat pillugit aammattaq piumasari-neqassaaq,

- 1) suliffeqarfiup piginnittup appasinnerusumik inissisimasup nammineeerluni naatsorsuutai taassumalu suliffeqarfiit pigisaasa naatsorsuutaat tamakkiisumik isumannaatsunnngortitsinermi suliffeqarfiup piginnittup qaffasinnerusumik inissisimasup piginneqatigiiffissuarmut naatsorsuutaanut ilaassapput, taamaattoq tak. § 114,
- 2) piginnittutulliviuup appasinnerusup ukiumoortumik naatsorsuutimini nalunaassagaa, imm. 1 taamatullu imm. 2 naapertorlugu nammineq ingerlatseqatigiiffissuurtut naatsorsuusiunngitsoornini, aammalu nalunaassagai piginnittutullivik qulliuenerusoq pillugu aqqit, angerlarsimaffik immaqalu CVR-normu imaluunniit nalunaarsorneqarnermi normu, aamma
- 3) piginnittutulliviuup suliffeqarfik appasinnerusoq Erhvervs- og Selskabsstyrelsimut nassitsissasoq ingerlatseqatigiiffissuup naatsorsuutaanik imm. 1-imi taamatullu imm. 2-mi taaneqartunik aammalu styrelsip piunmasaqaatigisinnaasaanik paasissutissiissasoq, tak. § 147.

**§ 113.** Piginneqatigiiffissuit atorunnaarsitaanermik kingorna, tak. § 120, suliffeqarfinnut akunnattumik angissuteqartunut angissutsimut killiliussanik eqqortitsisut, tak. § 7, imm. 2-4, piginneqatigiiffissuup naatsorsuutaat minnerpaamik suliffeqarfinnut akunnattumik angissusilinnut naatsorsuuserinermi klasse C-miittunut maleruagassat malillugit suliarissavaat.

*Imm. 2.* Piginneqatigiiffissuit atorunnaarsitaanermik kingorna, tak. § 120, suliffeqarfinnut angisuunut killiliussanik eqqortitsisut, tak. § 7, imm. 2-4, piginneqatigiiffissuup naatsorsuutai minnerpaamik suliffeqarfinnut angisuunut naatsorsuuserinermi klasse C-miittunut maleruagassat malillugit suliarissavaat. Suliffeqarfissuarnut, atorunnaarsitaanermik kingorna, tak. § 120, suliffeqarfinnut mikisunut killiliussanik eqqortitsisunut, tak. § 7, imm. 2-4, kisiannili § 110 malillugu piginneqatigiiffissuup naatsorsuutaanik suliarinningitsoorsinnaanngitsunut oqaaseqatigiit siulliit assigisaanik atorneqassapput.

*Imm. 3.* Suliffeqarfik piginnittoq naatsorsuuserinermi klasse D-mut ilaappat, piginneqatigiiffissuup angissusaa apeqqutaatinnagu piginneqatigiiffissuup naatsorsuutai naatsorsuuserinermi klasse D-mi maleruagassat malillugit suliarineqassapput.

*Imm. 4.* Suliffeqarfik piginnittoq piginneqatigiiffissuup naatsorsuutaanik suliarinnittariaqanngitsoq piginneqatigiiffissuup naatsorsuutaanik suliffeqarfiup nammineq kisimi atugassarinnigisaanik saqqummiussippat, piginneqatigiiffissuit naatsorsuutaat pillugit aalajangersakkani kapitali 14-miittut atorneqassapput. Suliffeqarfiulli piginnittup § 110 malillugu ukiumoortumik naatsorsuutinik suliarinnittariaqanngikkaluarluni suliarinnikkuni, ukiumoortumik naatsorsuutinut naatsorsuuserinermi klasse B-miittunut maleruagassat atorinnaavai. Suliffeqarfinnili suleqatigisani aningaasaatinik piginneqatigiis-sutit piginneqatigiiffissuup naatsorsuutaani § 43 a, imm. 2-6-imi aalajangersakkat atornerisigut suliffeqarfiit taakku namminneq nalinganut ilanngullugit naatsorsorneqassapput nalilerneqarlutillu.

## Kapitali 14

### *Ingerlatseqatigiiffissuup naatsorsuutaasa imarisaat*

#### *Isumannaallisaasiinerup annertussusia*

§ 114. Paragraffi manna naapertorlugu allanik malitassaqaassanngippat, ingerlatseqatigiiffissuup sulliviu-taasa tamarmik naatsorsuutaat tamakkiisumik isumannaallisaaviginninnikkut ingerlatseqatigiiffissuup naat-sorsuutaani ilaatinneqartassapput.

*Imm. 2.* Ingerlatseqatigiiffissuup suliffeqarfiutaa isumannaallisaavigineqanngitsoorsinnaavoq, imaappat

1) tassaappat pigisatut suliffeqarfik aammalu piginnittutut suliffeqarfiup pigisami pigisai imaluunniit aqutsisui pillugit piginnaatitaaffimminik atuiniarnera annertuumik ataavartumillu akornuserneqartar-pata,

2) tassaappat pigisatut suliffeqarfik, paasissutissallu pisariaqartitat naammaginartumik piffissaliussaq naatinnagu imaluunniit naleqqutinngitsumik aningaasaajarujussuaqqaartinnani pissarsiariniarneqarsin-naanngippata,

3) tassaappat pigisatut suliffeqarfik, ingerlatseqatigiiffissuup naatsorsuutaani isumannaallisaaviginnin-nikkut ilaatinneqareersimanngitsoq, aammalu piginnittutut suliffeqarfik pigisatut suliffeqarfiummini taamaallaat aningaasaliissutinik pigisaqarpat kingusinnerusukkut suliffeqarfimmik taassuminnga alla-nut tunniussinissaq siunertaralugu imaluunniit

4) tassaappat piginnittutut aningaasaateqarfik inuussutissarsiutitit ingerlatsisoq, nammineq inuussutis-sarsiutitit sulissuteqarnera annikitsuinnaasoq aammalu akiitsut allagartaat nuunneqarsinnaasut iluanaa-rutisiassallu akilernerneqanngitsut eqqaassanngikkaanni pigisatut suliffeqarfiummi arlaanni pisassaqaate-qanngitsoq taakkualuunniit arlaat pillugu isumannaallisaasiisimanngitsoq.

*Ingerlatseqatigiiffissuup naatsorsuutaanut nalinginnaasumik piumasaqaatit*

*(isumannaallisaaneq)*

§ 115. Ingerlatseqatigiiffissuup naatsorsuutaasa takutissavaat suliffeqarfiit isumannaallisaavigisat pigisaat akiitsuilu, aningaasatigut inissisimanerat kiisalu suliffeqarfittut ataasiinnaasutut isigalugit ataatsimut katil-lutik angusaat.

§ 116. Ingerlatseqatigiiffissuup naatsorsuutai ullormi piginnittutut suliffeqarfiup ukiumoortumik naatsor-suutaanik oqimaaqatigiissitsiviusumi oqimaaqatigissinneqartassapput.

*Imm. 2.* Pigisatut suliffeqarfiup ulloq oqimaaqatigiissitsisarfia ullormit piginnittutut suliffeqarefiup oqi-maaqatigiissitsisarfianiit qaammatinik pingasunik inorlugilluunniit siusinnerusumiippat kingusinnerusumiil-luniluunniit, pigisatut suliffeqarfik ukiumoortumik naatsorsuutini tunngavigalugit isumannaallisaanermi ilaatinneqarsinnaavoq. Pigisatut suliffeqarfiup isumannaallisaavigisap ulloq oqimaaqatigiissitsisarfia ullor-mit piginnittutut suliffeqarfiup oqimaaqatigiissitsisarfianiit qaammatinik pingasunik amerlanerusunik siusin-nerusumiippat kingusinnerusumiilluniluunniit, pigisatut suliffeqarfik ingerlatseqatigiiffissuup naatsorsuu-taanut ilanngunneqassaaq ulloq piginnittutut suliffeqarfiup oqimaaqatigiissitsivia killigalugu inatsimmi matumani aalajangersakkat malillugit immikkut ittumik naatsorsuusiat tunngavigalugit.

*Ataatsimut eqikkaaneq*

§ 117. Isumannaallisaanikkut naatsorsuutit ataatsimut eqikkarneqassapput, taamaasilluni isertitat aningaa-sartuutillu kiisalu pigisat akiitsuillu assigiiaarnerusut ataatsimut katigunneqassallutik. Pissutsit immikkut ittut, ukiumoortumik naatsorsuutit assignagit ingerlatseqatigiiffissuup naatsorsuutaanut atuuttut tunngaviga-lugit pisariaqartitanik naleqqussaaneqassaaq.

*Imm. 2.* Ingerlatseqatigiiffissuup suliffeqarfiutai, ukiup naatsorsuusiorfiusup ingerlanerani ingerlatseqati-giiffissuarmut attaveqalersitat, taamaallaat nuussatigut isertitanik aningaasartuutinillu aammalu pissutsinik ingerlatseqatigiiffissuarmut attaveqalernerq sioqqullugu pisunik ataatsimut eqikkaanermi ilaatinneqarsinnaap-put.

*Imm. 3.* Ingerlatseqatigiiffissuup suliffeqarfiutai, ingerlatseqatigiiffissuarmut attaveqarnerat ukiup naatsor-suusiorfiusup ingerlanerani atorunnaartoq, taamaallaat nuussatigut isertitanik aningaasartuutinillu aammalu pissutsinik ingerlatseqatigiiffissuarmut attaveqarnerup atorunnaarnissaa tikillugu pisunik ataatsimut eqikkaa-nermi ilaatinneqarsinnaapput.

*Akissaateqarfimmi immikkoortiterineq*

§ 118. Ingerlatseqatigiiffissuup naatsorsuutaanik oqimaaqatigiissitsineq, angusanik naatsorsuineq, nam-mineq aningaasaatit allattorsimaffiannik aamma aningaasat ingerlaarnerannik inissitsiterisoqassaaq ukiu-moortumik naatsorsuutitut naatsorsuutit klassianni C-miittunut malittarisassat malillugit, tak. § 78,

oqaaseqatigiit aappaanni imaluunniit imm. 2-4-mi allatut allassimasoqassanngippat. Piginnittut sulliviup ukiumoortumik naatsorsuutitut naatsorsuutit klassianni D-miittunut malittarisassat malissappagit, tak. § 102, ingerlatseqatigiiffissuup naatsorsuutaasa malittarisassat taakkua aamma malissavai, imm. 2-4- mi allatut allassimasoqanngippat.

*Imm. 2.* Pigisatut suliffeqarfinni isumannaallisaavigisaanngitsuni taamatullu suliffeqarfinni attuumassuteqarfignisani aningaasaliissutaatit, taakkunannga pisassat imaluunniit taakkununga akiitsut ingerlatseqatigiiffissuup naatsorsuutaasa oqimaaqatigiissinneranni inissitatut immikkoortutut allanneqassapput.

*Imm. 3.* Nammineerluni aningaasaatit isumannaallisaavigisat inissinneqarsinnaapput § 11, imm. 1-imi taaneqartutut eqqortunik takutitsinissaq anguniarlugu allanneqartariaqartut kisiisa takutillugit.

*Imm. 4.* Suliffeqarfiit pigisat nammineq aningaasaataannut ikinnerussuteqarlutik soqutigisallit piginneqatigiissutaat »Nammineq aningaasaatit« ataanni immikkoortillugu pingaarnertut allattukkatut ilanngunneqassaaq. Ikinnerussuteqarlutik soqutigisallit suliffeqarfiup pigisap angusaanut naleqqiullugu piginnittuussutaat, suliffeqarfiup sinneqartoorutaasa atorneqarnissaannut imaluunniit amigartoorutit matussuserneqarnissaannut aqutsisut siunnersuutaanni immikkut allattukkatut ilanngunneqassaaq.

#### *Ilanngussuineq annertussusiliinerlu*

**§ 119.** Pigisat akiitsullu aammalu isertitat aningaasartuutillu isumannaallisaanermi pineqartunut ilaasut ilanngunneqarlutillu annertussusilerneqartassapput ukiumoortumik naatsorsuutitut naatsorsuutit klassianni C-miittunut malittarisassanut naapertuuttumik periutsit assigiit malillugit, tak. §§ 33-52, 78 aamma 82-83. Taamaattorli § 43 a, imm. 2-6 aalajangersakkat naapertorlugit, suliffeqarfinnut kattutanut tunngatillugu (associerede virksomheder) piginneqataassutit periuseq pigisat nalivii (indre værdi) periuseralugu annertussusilerneqarlutillu nalunaarsorneqartassapput.

*Imm. 2.* Ingerlatseqatigiiffissuup naatsorsuutaani ajornanngippat periutsit ilanngussisarnermut annertussusiliisarnermullu tunngatillugu piginnittutut suliffeqarfiup ukiumoortumik naatsorsuutaani atorneqartut assingi atorneqassapput. Pigisatut suliffeqarfiit isumannaallisaavigisat periutsinik tunngavigisassanillu allanik nammineq ukiumoortumik naatsorsuutiminni atuippata, ingerlatseqatigiiffissuup naatsorsuutaanut ilanngussinermi annertussusiliinermilu periutsinut tunngavigisanullu atorneqartunut naapertuuttunik nutaanik naatsorsuusiortoqassaaq.

#### *Nungutsitsisarneq*

**§ 120.** Allatassat makku nungutinneqarsinnaapput:

- 1) Suliffeqarfiit isumannaallisaavigisat akornanni pisassat pisussaaffiillu,
- 2) suliffeqarfiit isumannaallisaavigisat akornanni nuussat kingunerisaattut isertitat aningaasartuutillu aamma
- 3) suliffeqarfiit isumannaallisaavigisat akornanni nuussat kingunerisaattut iluanaarutit annaasallu, allatassat naatsorsuutitut allanneranni naliusunut ilanngunneqartut.

#### *Ingerlatseqatigiiffissuuartut pilersitsineq*

**§ 121.** Allanik allassimasoqartinnagu suliffeqarfiit marluk akornanni ingerlatseqatigiiffissuuartut pilersitsineq suliarineqartassaaq tigusinermi periaaseqarnertut, tak. § 122.

*Imm. 2.* Ingerlatseqatigiiffissuuartut pilersitsinermi suliffeqarfiit taakku marluk tamarmik ingerlatseqatigiiffissuuartut pissutsini piginnittutut suliffeqarfimmik malinnittussaataappata, imaluunniit ilaatigut tamarmik marluullutik soqutigisap taassuma aalajangiisinnassuseqarneranut malinnittussaataappata, ingerlatseqatigiiffissuuartut pilersitsineq suliarineqassaaq ataatsimut katigussinermi periuseq malillugu, tak. § 123.

#### *Suliffeqarfimmik tigusineq*

**§ 122.** Suliffeqarfimmik tigusinikkut ingerlatseqatigiiffissuuartut pissutsinik pilersitsoqassappat, suliffeqarfimmi pissarsiaasumi piffissami pissarsiviusumi pigisat pisussaaffiillu ingerlatseqatigiiffissuup naatsorsuutaanut ilanngunneqarlutillu annertussusilerneqassapput pisut pineranni naliusumik nalilerlugit, pissarsineq sioqqullugu suliffeqarfiup oqimaaqatigiissitsinerani ilanngunneqarsimannginnerat apeqqutaatinnagu.

*Imm. 2.* Suliffeqartuup sorliup pissarsisutut nalilerneqarnerani, pissutsit piviusut aallaavigineqassapput. Kina pissusiviusutigut pissarsisuunersoq erseqqivinngikkaangat.

*Imm. 3.* Suliffeqarfiup isumannaallisaavigisap pigisatut suliffeqarfimmi isumannaallisaavigisami aningaasaliissutinit pisassai, isumannaallisaanerup pinerani akiusunut annertussusilikkat, nalimmassaavigineqassapput suliffeqarfiit isumannaallisaavigisat pigisatut suliffeqarfiup ilanngaatisat peereerlugit pigisaanit angeqqatigiikkuutaatut pisassaannik, pisut pineranni naliliussatut annertussusilikkanik, tak. imm. 1. Nalimmassaaneq pissaaq piffissami ingerlatseqatigiiffissuarmik pilersitsiviusumi.

*Imm. 4.* Imm. 3 malillugu aningaasat assigiinngissutaat iluanaarfiusutut saqqummersoq ajunngitsorsiasatut isigineqassaaq. § 43. Imm. 3 malillugu aningaasat assigiinngissutaat annaasaqarfiusutut saqqummer-soq angusat allattorsimaffianni isertitatut allatorneqassaaq.

*Imm. 5.* Piginnittutut suliffeqarfimmi aningaasaliissutaatit, sullivinnit isumannaallisaavigisanit pigineqartut, nalimmassarneqassanngillat, namminerli aningaasaliissutaatitut pineqassallutik.

#### *Suliffeqarfinnik ataatsimut katigutsitsineq*

**§ 123.** Kattunnermut periuseq malillugu piginneqatigiiffissuup naatsorsuutai piffissaq kattunnerup piffigisaa pillugu saqqummiunneqassapput, piffissaq naatsorsuiffiusoq siusinnerpaaq naatsorsuutini ilaasoq aallartiffigalugu kattuttoqarsimasutut isikkoqartillugu.

*Imm. 2.* Kattunnerulli piffissami pissarsiffiusumi pisimanera suliffeqarfiup taarsiullugu toqqarsinnaavaa.

*Imm. 3.* Aningaasat suliffeqarfiup aningaasaataatut akilerneqartut, aamma nalinga qaangerlugu nalilius-saasinnaasut akissarsiatut aningaasanngorlugit tunniunneqarsimasinnaasunik ilallugit, suliffeqarfiullu pigisap naatsorsuuserinikkut nammineq nalingata assigiinngissutaat pissamaatini amigartoorutinik matus-susiinissamut atorneqarsinnaasuni erseqqissumik nalunaaqutserlugit ilassutigineqassapput ilanngaatigineqarlutilluunniit.

#### *Pisussaaffinnik akisussaaffigisanik patajaallisaaneq*

**§ 124.** Suliffeqarfik ataaseq suliffeqarfimmit suliffeqarfik alla ataaseq arlallilluunniit peqatigalugit aqunneqartoq, pisussaaffinnik akisussaaffigisanik patajaallisaanikkut ingerlatseqatigiiffissuup naatsorsuutaani ilanngunneqarsinnaavoq.

*Imm. 2.* Suliffeqarfimmi ataatsimut aqutami allatassat ilanngunneqassapput suliffeqarfiit patajaallisakkat namminneq aningaasaatiminnit angusaminnillu pisassaannut naleqqiullugit. Aamma §§ 115-122-mi patajaallisaasarneq il. il. pillugit malittarisassat atortuutinneqassapput pisariaqarneratut naleqquttunngorsaaserlugit.

#### *Nassuiaatit*

##### *Naatsorsuusiordermi periuseq atugaq pillugu nassuiaatit*

**§ 125.** Ingerlatseqatigiiffissuit naatsorsuutaasa naatsorsuinermi periuseq nassuiaatillu atukkat pillugit nassuiaataat ingerlatseqatigiiffissuaq pillugu paasissutissiissutaassapput, suliffeqarfiit patajaallisakkat ataatsimut katillutik suliffeqarfittut ataasiusutut isigalugit, §§ 53-55 aamma 87 atortuutinneqassapput ingerlatseqatigiiffissuup naatsorsuutaani ingerlatseqatigiiffissuaq pillugu paasissutissanut. Suliffeqarfimmi ataasiakkaani aningaasat pillugit paasissutissanut taarsiullugu takutinneqassapput suliffeqarfimmi patajaallisakkani aningaasat ataatsimut katillugit, ingerlatseqatigiiffissuup naatsorsuutaanut atuuttutut periutsit malillugit patajaallisakkat.

*Imm. 2.* Aammattaaq naatsorsuutini periuseq atugaq pillugu nassuiaammi takuneqarsinnaassaaq:

- 1) Ingerlatseqatigiiffissuup suliffeqarfiutaanik ilanngussinngitsoorneq aalajangersimasutigut tamakkiisumillu pissuteqartinneqassaaq.
- 2) Pigisatut suliffeqarfiup patajaallisakkap ulloq oqimaaqatigiissitsiviata piginnittutut suliffeqarfimmiit allaanerunera, tak. § 116, imm. 2, oqaaseqatigiit siulliit. Ullut oqimaaqatigiissitsiviusut marluk taakku akornanni pingaarutilinnik pisoqarsimappat, pigisatut suliffeqarfiup pigisaanut akiitsuinullu, aningaasatigit inissisimaneranut angusaanulluunniit sunniuteqarsimasumik tamanna nassuiarneqassaaq.
- 3) Ilanngussinissamut aamma annertussusiliinermi tunngavigisassatigit periutsinik allanik piginnittutut suliffeqarfiup ukiumoortumik naatsorsuutaani atorneqartuniit allaanerusunik atuisimaneq kiisalu periutsinik allanik taamatut atuisimanermut aalajangersimasutigut tamakkiisumillu pissutigisat.

*Imm. 3.* Naatsorsuusionermit periuttip atukkap nassuiaataata ilaani immikkoortumi takuneqarsinnaasapput:

- 1) Suliffeqarfiup § 114, imm. 2, nr. 4-mi atuinngitsoorutissat atorsimassappagit. Taamatut pisoqartillugu ingerlatseqatigiiffissuup angusai namminerlu aningaasaatai nalunaarneqassapput.
- 2) §§ 122 aamma 123 malillugit aningaasat nikingassutit annerusut ikinnerusullu sinneruttut kiisalu periuttip naatsorsuionermit atorineqarsimasut. Ukiumut siulianut naleqqiullugu aningaasani nikingassutini allannguuteqarsimaneq nassuiarneqassaaq.

#### *Nassuiaatit allat*

**§ 126.** Piumasaqaatit tulliuuttut piginneqatigiiffissuup naatsorsuutaani assigisaanik atorineqassapput:

- 1) Kaaviiartitat ilanngaasariikkat ingerlatanut aamma nunami immikkoortuukkuutaaraluni agguaannerat pillugu paasissutissat, tak. § 96, imm. 1.
- 2) Kukkunersuisut akissarsiaat pillugit paasissutissat, tak. § 96, stk. 2.
- 3) Isertitatut imaluunniit aningaasartuutitut immikkut ittumik allattukkat pillugit paasissutissat, tak. § 67 a.
- 4) Suliffeqarfiup sinneqartoorutaasa sumut atorineqarnissaannut imaluunniit amigartoorutaasa qanoq matussusernissaannut aqutsisut siunnersuutaat pillugu paasissutissat, tak. § 95 a.
- 5) Sanaartukkat naliliutigineqartut pillugit paasissutissat, tak. §§ 58-58 c aamma 88-88 b.
- 6) Pisussaaffiit immikkoortinneqarallartut pillugit paasissutissat, tak. § 90 b.
- 7) Suliffeqarfiup aningaasaatai pillugit paasissutissat, tak. § 87 a.
- 8) Pisussaaffiit pillugit paasissutissat, tak. §§ 92-93 a.
- 9) Pisussaaffiit immikkoortinneqarallartut il.il. pillugit paasissutissat, tak. §§ 64 aamma 94-94 b.
- 10) Qanimut peqatigisat il.il. pillugit paasissutissat, tak. § 68, § 69, imm. 3 aamma 4, §§ 73, 97 b aamma 98 a aamma § 98 c, imm. 1, 2, 4 aamma 6.
- 11) Pisut pingaaruteqartut, ukiup naatsorsuiffiusup naareernerani pisimasut pillugit paasissutissat, tak. § 98 d.

*Imm. 2.* Aqutsisunut ilaasortanit pisassat taakkunungalu qularnaveeqqusiinerit taakkulu sinnerlugit qularnaveeqqusiinerit pillugit paasissutissaqarnissaanik § 73-imi piumasaqaat aamma taakku akissarsiaat il.il. pillugit paasissutissaqarnissaanik § 69, imm. 1-imi, aamma § 98 b-mi piumasaqaat, suliffeqarfimmi piginnittumi, piginneqatigiiffissuarmi aqutsisunut ilaasortanut suliffeqarfimmilu peqataasunut assigiinngitsunut aalajangersakkani pineqartunut, suliffeqarfiit ataatsimoorlutik akilersimasaannut assigisaanik atuutisapput.

*Imm. 3.* § 106-imi piumasaqaat atortuutinneqassaaq § 98 b malillugu akiliutit pillugit paasissutissanut, tak. siuliini imm. 2, piginnittutut suliffeqarfik naatsorsuutit klassianni D-mi pineqartunut ilaappat.

*Imm. 4.* Ikinnerussuteqartumik soqutigisallit pigisatut suliffeqarfiit namminneq aningaasaataanni angeqqatigiikkuutaamik pisassaanni nikittoornerit paasissutissiissutaassapput.

*Imm. 5.* Paasissutissat, tak. imm. 1, angusat allattorsimaffianni oqimaaqatigiissitsinermilu allattukkani imminnut tunngasuni tulleriiaarneqarnermissut tulleriiaarneqarlutik saqqummiunneqassapput.

*Imm. 6.* Suliffeqarfimmi iluanaarutitigut pisussaaffitsigullu piginneqataaffigisani sulisut agguaqatigiissillugit amerlassusaat immikkuutaarlugit paasissutissiissutigineqassapput.

*Imm. 7.* § 123-p atorneratigut pissamaatini allannguutit, aamma suliffeqarfiit ukiup ingerlanerani § 123 malillugu ilanngullugit naatsorsorneqarsimasut nalilerneqarsimasullu aqqi najugaallu paasissutissiissutigineqassapput.

**§ 127.** Pigisatut suliffeqarfiit patajaallisakkat taamatullu patajaallisagaanngitsut tamaasa immikkut pillugit nalunaarneqarsimassapput:

- 1) ateq angerlarsimaffillu,

2) nammineq aningaasaatinit aningaasaliissutit qanoq annertutigisut ingerlatseqatigiiffissuup suliffeqarfiutaanit katillutik pigineqarnersut,

3) ingerlatseqatigiiffissuuartut pissuseqarnermi tunngavigisat, tak. ilanngussaq 1, B, nr. 4, nr. 4-mi taaneqartumi immikkoortoq 1 (taasisinnaatitaanerit amerlanersaat) malinneqarsimassanngippat, aammalu ingerlatseqatigiiffissuup sulliviutaasa pigisatut suliffeqarfiit suliffeqarfimmi aningaasaataanni taasisinnaatitaanernilu peqataassutaat assigiissanngippata,

4) suliffeqarfik patajaallisaavigineqartanngippat, tak. § 114, imm. 2, pissutigisat aalajangersimasukkuutaanut tunngasut tamakkiisuusullu, aamma

5) § 123-mi eqqartorneqartutut aningaasaliissutinik nalimmassaasarnermi periuseq atorneqarsimanersoq.

*Imm. 2.* Attuumassuteqarfigisatut suliffeqarfiit tamaasa immikkut pillugit nalunaarneqassapput:

1) ateq angerlatsimaffillu

2) nammineq aningaasaatinit aningaasaliissutit qanoq annertutigisut ingerlatseqatigiiffissuup suliffeqarfiutaanit katillutik pigineqarnersut, aamma

3) suliffeqarfik, tak. § 119, imm. 1, oqaaseqatigiit aappaat, aamma tak. § 43 a, imm. 6 napertorlugit, piigassat peereerlugit naatsorsuusereriaatsimit (indre værdis metode) allaanerumik periuseqarluni naatsorsuutit nalunaarsorneqarlutillu naatsorsorneqarsimanersut paasissutissiissutigineqassaaq.

*Imm. 3.* 124 naapertorlugu, suliffeqarfiup sulluunniit naatsorsuutaanik pissutsinut atukkanut naleqqusaalluni patajaallisaanermi ilanngunneqartut tamarnik paasissutigineqartassapput, makkuusut

1) ateq angerlarsimaffillu,

2) nammineq aningaasaatinit aningaasaliissutit qanoq annertutigisut suliffeqarfimmi patajaallisakkanit katillutik pigineqarnersut, aamma

3) ataatsimoortumik aqutsinermi tunngavigisat.

*Imm. 4.* 1-3-mi paasissutissat nalunaanngitsoorneqarsinnaapput, suliffeqarfimmut namminermut imaluunniit imm. 1-3-mi eqqartorneqartutut suliffeqarfimmut annertuumik ajoqusiiinnaassappata.

#### *Aqutsisut nalunaarusiaat*

**§ 128.** Ingerlatseqatigiiffissuup aqutsisuisa nalunaarusiaat ingerlatseqatigiiffissuup pillugu paasissutissiissaaq, ingerlatseqatigiiffissuarmi tassani suliffeqarfiit ataatsimut ataasiusutut isigalugit. Suliffeqarfiit ataasiakkaat aningaasaataat pillugit paasissutissanut taarsiullugu takutinneqassapput suliffeqarfiit patajaallisakkaat aningaasaataat ataatsimut, periutsit ingerlatseqatigiiffissuup naatsorsuutaanut atuuttut malillugit patajaallisakkaat.

*Imm. 2.* §§ 76 a, 77, 99-99 b, 100 aamma 101 assigisaanik atorneqassapput. § 99, imm. 1, nr. 10-li malillugu paasissutissat ilanngutinnginneqarsinnaapput.

*Imm. 3.* Suliffeqarfik piginnittoq naatsorsuuserinermi klasse D-mi maleruagassanut ilaappat, § 107 aamma § 107 b, imm. 1, nr. 6, aamma imm. 3 aamma 4, piginneqatigiiffissuup naatsorsuutaanut assigisaanik atorneqassapput, taamaattoq tak. imm. 5.

*Imm. 4.* Suliffeqarfik piginnittoq §§ 110-112 malillugit suliffeqarfissuup naatsorsuutaanik saqqummiussimangitsoq, siullermeerluni suliffeqarfissuup naatsorsuutaanik saqqummiussippat, suliffeqarfiup § 101, imm. 1, nr. 2-mi aalajangersagaq apequtaatinnagu, ukiuni naatsorsuiffiusuni siuliini marlunniit sisamaanut kisitsisinik assersuutaasunik saqqummiussinissaq pinngitsoorsinnaavaa.

*Imm. 5.* Suliffeqarfiup piginnittup aamma piginneqatigiiffissuup aqutsisut nalunaarusiaataat ataatsimoortinneqarsinnaapput, inatsimmi matumani paasissutissat piumasaqaatigineqartut, ataatsimoortunngortitsinerup kinguneranik pisariaqarunnaarsimanngitsut ajornartorsiuteqarani nassaarineqarsinnaappata, taamaattoq tak. § 22, imm. 4, § 78, imm. 6, aamma § 102, imm. 8. § 107 b malillugu suliffeqarfik piginnittoq pillugu paasissutissat aamma § 107 b, imm. 1, nr. 6 malillugu piginneqatigiiffissuup pillugu paasissutissat ataatsimoortunngorlugit saqqummiunneqassapput. Aktianik piginneqatigiiffimmut, naalagaaffiup aktianik piginneqatigiiffiutaannut maleruagassanik malinnittunut, tak. piginneqatigiiffiit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 351, oqaaseqatigiit siulliit assigisaanik atorneqassapput, tak. § 107 c.



§ 128 a. Suliffeqarfiit piginnittut angisuut, § 7, imm. 2, nr. 3-mut ilaatinneqartut, aamma suliffeqarfiit piginnittut naatsorsuuserinermi klasse D-mut ilaasut, akiliisarnertik pillugu oqartussanut nalunaarusiusapput, tak. § 99 c, imm. 2, suliffeqarfik nammineq imaluunniit suliffeqarfik pigisaq § 99 c, imm. 1-imut ilaasunik ingerlataqarpat. Suliffeqarfiit nukittorsaqatigiittut suliffeqarfittut ataasiinnaasutut isigalugit nalunaarusiaq suliarineqassaaq.

*Imm. 2.* Suliffeqarfinnut ataatsimoortumik aquanneqartunut peqataanermi suliffeqarfiup piginnittup akiligassanut imminut akisussaattittut ilanngullugu naatsorsortarpagu, tak. § 124, suliffeqarfinnut akiliutit imm. 1-imut ilaasut nalunaarusiami imminut akisussaattittut ililluni naatsorsuutitut ilanngunneqassapput.

*Imm. 3.* Oqartussanut imm. 1 malillugu akiliutit pillugit nalunaarusiamut § 114. imm. 2 assigisaanik atorineqassaaq.

*Imm. 4.* Suliffeqarfik piginnittoq § 99 c, imm. 1-imut ilaasunik ingerlataqartoq, imm. 1 malillugu nalunaarusiornissamik pinngitsuuisinnaavoq, nammineq suliffeqarfimmit qaffasinnerusumik inissisimasumit, nunami maani imaluunniit nunami EU/EØS-imut ilaasortaaSUMI inatsisinut atasumit suliffeqarfiuguni pigineqartoq.

*Imm. 5.* Suliffeqarfik piginnittoq, imm. 1-imut ilaasoq, aamma piginneqatigiiffissuup naatsorsuutaanik suliarinninngitsoq, nammineq ukiumoortumik nalunaarusiamini nalunaarusiaq suliarissavaa.

## Kapitali 15

### *Ataatsimut kattunnermut naatsorsuutit il.il.*

§ 129. Inatsisit imaluunniit isumaqatigiissutit naapertorlugit suliffeqarfiit kattutat pigisaasa akiitsuisalu ataatsimut eqikkakkat naatsorsorneqartussaattillugit (kattunnermut naatsorsuutit), §§ 115-123-mi, taamaallaat § 118, imm. 3, pinnagu, aalajangersakkat taamatulli atortuutinneqassapput kattutitap, nangittussap imaluunniit kattunnermi sulliviulersup naatsorsuutai aallarnerlugit qimaaqatigiissitsinermut. Suliffeqarfimmut piginnittumut maleruagassat suliffeqarfimmut pissarsisumut atorineqassapput, suliffeqarfimmullu pigineqartumut maleruagassat suliffeqarfimmut pissarsiarineqartumut atorineqassallutik.

*Imm. 2.* Inatsimmit isumaqatigiissumilluunniit allanik allasimasoqanngippat, kattunnermut naatsorsuutit tassaassapput kattuttumut, ingerlaqqittussamut imaluunniit kattunnermi sulliviulersumut tunngatillugu naatsorsuutit aallartinneranni oqimaaqatigiissitsineq, suliffeqarfiit kattuttut pillugit ukiup naatsorsuusiortiusup naanerani oqimaaqatigiissitanik ilallugit aammalu kattunneq pissutigalugu aningaasartuutit isertitallu imaluunniit kattunnissamik isumaqatigissutip nassatarisaanik atuinerit pinngitsoorneqarsinnaanngitsutut naatsorsornerannik. Naatsorsuutit aallartinneranni oqimaaqatigiissitsineq ilaqartinneqassaaq nassuiaatinik, suliffeqarfimmik ingerlaqqittussamik imaluunniit kattunnikkut pilersitamik eqqortumik takutitsinissamut pisariaqartunik, kiisalu ilassutitut nalunaarusianik kattunneq pillugu isumaqatigiissummi aalajangersarneqarsimasinnaasunik.

§ 130. § 130. § 129-mi malittarisassat taamatulli atortuutinneqassapput suliffeqarfiit avinneqarnermut atatillugu pigisanik pisussaaffinnillu tigusinissaannut avitsisarnerit immikkut ittumik pissuseqarnerisa nassatarisaannik naleqquttunngorsaaserlugit.

## Immikkoortoq VII

### **Naalagaaffiup aktianik piginneqatigiiffiutaasa aamma suliffeqarfiit Kalaallit Nunaanni imaluunniit nunami EU/EØS-mut ilaasortaaSUMI tunitsivimmi maleruagassaqartitaasumi pappialanik nalilinnik niueruteqartut ukiup ilaanut nalunaarusiaat**

## Kapitali 16

*Ingerlatseqatigiiffiit aktieselskabit naalagaaffimmit pigineqartut inatsisaat malillugit aktieselskabit ingerlanneqartut ukiup affakkaartumik nalunaarusiaasa suliarineqartarnissaat*

### *Aalajangersakkat nalinginnaasut*

§ 131. Aktiaateqarluni ingerlatseqatigiiffiit, naalagaaffiup aktianik piginneqatigiiffiutaannut maleruagassanik malinnittut, tak. piginneqatigiiffiit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 351, ukiup affaanoortumik, piginneqatigiiffiup ukiumi naatsorsuiffigi-

saani qaammatinut siullernut arfinilinnut tunngasumik, nalunaarusiussapput. Aktiaateqarluni ingerlatseqatigiiffik naalagaaffiup pigisaa taanna piginnittut suliffeqarfiuppat, ukiup affaanoortumik nalunaarusiaq suliaassaq suliffeqarfiit patajaallisakkat katillutik suliffeqarfittut ataasiinnaasutut isigalugit.

*Imm. 2.* Aktiaateqarluni ingerlatseqatigiiffik naalagaaffimmit pigineqartoq aammattaaq piffissat allat pillugit taamatulli nalunaarusiorsinnaavoq.

### *Ilanngussineq annertussusiliinerlu*

**§ 132.** Ukiup affaanoortumik nalunaarusiaq suliarineqassaaq ukiumoortumik nalunaarusiaq pillugu tunngaviumik piunasaqaatit assingi tunngavigalugit, tak. kapitali 3.

*Imm. 2.* Ukiup affaanoortumik nalunaarusiap imarissavai ukiup affaanut qaangiuttumut tunngatillugu paasissutissat paasissutissanut § 101, imm. 1, nr. 1, malillugu piunasaqaataasunut naapertuuttut. Kisitsisit tamarmik immikkut avataanni taagorneqassapput ukiumi qaangiuttumi piffissami tassanissaaq taagukkanut naapertuuttut. § 24, imm. 1, oqaaseqatigiit aappaat pingajuilu, aamma § 55 taamatulli atortuutsinneqassapput.

**§ 133.** (Atorunnaarpoq)

### *Aqutsisuusut nalunaarusiaat*

**§ 134.** Ukiup affaanoortumik nalunaarusiaq paasissutissanik makkuninnga imaqassaaq:

- 1) Ingerlatseqatigiiffiup sulissuteqaataani atugarisaanilu ingerlaatsimut nassuiaat,
- 2) ingerlatseqatigiiffimmi ingerlaasissatut ilimagisamut nassuiaat,
- 3) immikkut ittumik naatsorsuutigisassajunnartut, ingerlatseqatigiiffimmi aqutsisuusut ingerlaasissatut ilimagisamik eqqartuinnermut tunngavigisimasaasa nassuiaataat, aamma
- 4) aalajangiinerit pingaarutillit, ukiup affaani pineqartumik piginneqatigiiffiup aqutsisuinit qullerpaanit aalajangiinerusimasut pillugit paasissutissat.

### Kapitali 16 a

#### *Suliffeqarfiit Kalaallit Nunaanni imaluunniit nunami EU/EØS-imut ilaasortaasumi tunitsivimmi maleruagassaqartitaasumi pappialanik nalilinnik niueruteqartut ukiup ilaanut nalunaarusiortarnerat*

**§ 134 a.** Ingerlatseqatigiiffiit børsimi nalunaarsorsimasut, naatsorsuuserisarnermi klassi D-mi pineqartut, aamma Kalaallit Nunaanni imaluunniit nunami EU/EØS-imut ilaasortaasumi tunitsivimmi maleruagassaqartitaasumi pappialanik nalilinnik niuerutaateqartut, ukiuni naatsorsuusiorfiusuni tamani qaammatinut siullernut 6-nut ukiup ilaanoortumik nalunaarusiornissaat (ukiup affaanoortumik nalunaarusiaq) pillugu Erhvervs- og Selskabsstyrelsi maleruagassanik aalajangersaasinnaavoq. Matumanilu ukiup affaanoortumik nalunaarusiap qanoq imaqarnissaa pillugu maleruagassanik styrelsi aalajangersaasinnaavoq, aamma taakkunanga paasissutissat qanoq ilillugit saqqummiunneqassanersut. Ilaatigut aamma aalajangersarneqarsinnaavoq ukiup ilaanoortumik nalunaarusiat, qaammatit 6-t ataallugit piffissamut sivikinnermut nammineq kajumissutsimik inaarsarneqartut, ukiup affaanoortumik nalunaarusianut maleruagassat assigalugit inaarsarneqassasut.

*Imm. 2.* Ilanngullugulu ukiup ilaanut nalunaarusiat, suliffeqarfinit naatsorsuuserinnermi klasse A-mut ilaatinneqartunit, aamma Kalaallit Nunaanni imaluunniit nunami EU/EØS-imut ilaasortaasumi tunitsivimmi maleruagassaqartitaasumi pappialanik nalilinnik tuniagaateqartunit suliarineqartut pillugit aalajangersakkanik aalajangersaasoqarsinnaavoq.

*Imm. 3.* Suliffeqarfinnut, taamaallaat akiitsoqarnermut sakkusanik, Kalaallit Nunaanni imaluunniit nunami EU/EØS-imut ilaasortaasumi tunitsivimmi maleruagassaqartitaasumi niuerutaasinnaasunik suliaqartartunit imm. 1-imi aamma 2-mi aalajangersakkat atuutissanngillat, annertussutsimut ataatsimut naligititaq minnerpaamik 100.000 euronik naleqarpat, imaluunniit akiitsunut sakkussat euro atornagu aningaasat allat nalingat atorlugu suliarineqarsimappata, ullormi suliarineqarfimminni annertussutsimut ataatsimut minnerpaamik 100.000 euronik naleqarpata, taamaattoq tak. imm. 4.

*Imm. 4.* Suliffeqarfinnut, taamaallaat akiitsoqarnermut sakkusanik, Kalaallit Nunaanni imaluunniit nunami EU/EØS-imut ilaasortaasumi tunitsivimmi maleruagassartitaasumi niuerutaasinnaasunik ulloq 31. januar 2010 sioqqullugu suliaqarsimasunut imm. 1 aamma 2 atuutissanngillat, annertussutsimut ataatsimut naligititaq minnerpaamik 50.000 euronik naleqarpat, imaluunniit akiitsunut sakkussat euro atornagu aningaasat allat nalingat atorlugu suliarineqarsimappata, ullormi suliarineqarfimminni annertuutsimut ataatsimut minnerpaamik 50.000 euronik naleqarpata. Akiitsunut sakkussat atuuffiini tamarmiusumi oqaaseqatigiit siulliit atuutissapput.

## Immikkoortoq VIII

### Ukiumoortumik nalunaarusiamik kukkunersiuineq

#### Kapitali 17

##### *Kukkunersiuineq il.il.*

§ 135. Suliffeqarfiup naatsorsuuserinermi klasse B, C imaluunniit D-mut maleruagassat malillugit ukiumoortumik nalunaarusiamik suliarinninnissamut pisussaaffeqartup ukiumoortumik naatsorsuutini taamaattoqarpallu piginneqatigiiffissuarmut naatsorsuutini kukkunersiuusumit ataatsimit arlalinnilluunniit kukkunersuortissavai, taamaattoq tak. imm. 3. Suliffeqarfiup naatsorsuuserinermi klasse B-mut ilaatinneqartup, oqaaseqatigiit siulliit malillugit kukkunersiuinerup Erhvervsstyrelserip suliffeqarfiit mikisut pillugit pitsaassusiliussatut nalunaarutaa malillugu ingerlanneqarnissaa toqqarsinnaavaa, taamaattoq tak. imm. 2 aamma 3. Suliffeqarfiup, naatsorsuuserinermi klasse B-mut ilaatinneqartup ukiumoortumik naatsorsuutini kukkunersuortinngissinnaavai, suliffeqarfik ukiuni naatsorsuiffiusuni tulleriinni marlunni piffissami oqimaaqatigiissitsiffiusumi annertussutsini tulluuttuni marluk qaanginnikkunigit, taamaattoq tak. imm. 2 aamma 3:

- 1) Oqimaaqatigiissitsinerup inerneru 4 mio. kr.,
- 2) kaaviiartitat ilanngaaseriikkat 8 mio. kr. aamma
- 3) ukiup naatsorsuiffiusup ingerlanerani sulisut piffissaq suliffiususaaq tamakkerlugu sulisut agguaqatigiissillugit 12-iuppata.

*Imm. 2.* Imm. 1, oqaaseqatigiit aappaanni aalajangersagaq aamma imm. 1, oqaaseqatigiit pingajuanni pineqanngittussaaneq aningaasaateqarfinnut inuussutissarsiutitut ingerlatanut atuutinnigilaq, tak. § 3, imm. 1, nr. 3.

*Imm. 3.* Suliffeqarfinnut, suliffeqarfiit allat aningaasaatinik piginneqatigiissutaannik piginnittunut, aamma suliffeqarfiit taakku ingerlatsinikkut aningaasaqarnikkullu aqunneqarnerannut annertuumik sunniuteqartunut, suliffeqarfiup suliffeqarfiillu annertuumik sunniuteqarfignissaasa ukiuni naatsorsuiffiusuni tulleriinni marlunni piffissami oqimaaqatigiissitsiffiusumi ataatsimoorlutik § 7, imm. 2, nr. 1-imi aamma imm. 1, nr. 1-3-mi annertussutsit qaangerpatigit, imm. 1, oqaaseqatigiit aappaanni aalajangersagaq atuutissanngilaq. § 110-mi naatsorsuinerumut maleruagassat oqaaseqatigiit siulliit malillugit naatsorsuinerumut assigisaanik atorpeqassapput.

*Imm. 4.* Imm. 1, oqaaseqatigiit pingajuanni annertussutsinik naatsorsuinerum § 7, imm. 3 aamma 4, atorpeqassapput.

*Imm. 5.* Paasissutissat ukiumoortumik naatsorsuutitigut imaluunniit piginneqatigiiffissuup naatsorsuutaasigut tunniunneqartussat, pineqartut ukiumoortumik naatsorsuutini imaluunniit piginneqatigiiffissuup naatsorsuutaani innersuunneqarfignissaannut uppersaataatitut allakkiani il.il. allani allatut tunniunneqarnissaat inatsisitigut akuerisaatillugu, uppersaataatitut allakkiani il.il. paasissutissat imm. 1, oqaaseqatigiit siulliit malillugit kukkunersiuisoqarnissaanik pisussaaffimmut ilaassapput. Imm. 1, oqaaseqatigiit siulliit malillugit kukkunersiuisoqarnissaanik pisussaaffimmut aqutsisut nalunaarusiaat ilassutaasumillu nalunaarusiat ilaangillat, tak. § 2, imm. 1 aamma 2. Aqutsisulli nalunaarusiaani paasissutissat ukiumoortumik naatsorsuutininut taamaattoqarpallu piginneqatigiiffissuup naatsorsuutaanut naapertuunnerat pillugu kukkunersiuisoq oqaaseqaateqassaaq. Paasissutissanut, aqutsisut nalunaarusiaannut inissinneqartunut, aamma paasissutissanut inatsit manna, imaluunniit maleruagassat inatsit manna malillugu atuutilersitaasut, malillugit allani aqutsisut nalunaarusiaanni innersuunneqarfignissaminni tamanut saqqummiunneqarsimasunut oqaaseqatigiit aappaat aamma pingajuat atorpeqassapput. Suliffeqarfiit naatsorsuuserinermi klasse C-mut aamma D-mut ilaasut pillugit ilassutaasumik nalunaarusiat, ukiumoortumik nalunaarusiamut ilaasut tamar-mik imaluunniit taakku ilaasa kukkunersuortinngissinnaannut piumasaqaammik Erhvervsstyrelsi aalajangersaasinnaavoq.

*Imm. 6.* Suliffeqarfimmut, imaluunniit kimulluunniit suliffeqarfimmut aalajangiisumik sunniuteqartumut akiliisitaanermut akuersaartumut, imaluunniit pinerluttulerinermik suliamut atatillugu piginneqatigiiffiit pillugit inatsimmik, naatsorsuuserineq pillugu inatsimmik imaluunniit akileraartarneq akitsuutillu pillugit inatsimmik unioqquutissimasutut eqqartuunneqartumut imm. 1, oqaaseqatigiit pingajuanni atuut-sitsiffineqannginnissaq atorpeqarsinnaanngilaq. Suliffeqarfiup ataqtisap akiliisitaaneq akuersaarpagu, imaluunniit pinerluttulerinermik suliamut atatillugu piginneqatigiiffiit pillugit inatsimmik imaluunniit akileraartarneq akitsuutillu pillugit inatsimmik unioqquutissimasutut eqqartuunneqartup, suliffeqarfiup

imm. 1, oqaaseqatigiit pingajuanni atuutsitsiffigineqannginnissaq atorsinnaangilaaq. Pisuni taamatut ittuni suliffeqarfiup ukiumoortumik naatsorsuutai ukiuni naatsorsuiffiusuni tulliuuttuni pingasuni kukkunerisiorneqassapput. Piffissaq ukiumoortumik naatsorsuutit kukkunerisiorneqarfissaat Erhvervsstyrelsi ukiut naatsorsuiffiusut pingasut tikillugit sivitsorsinnaavaa.

*Imm. 7.* Erhvervsstyrelsi § 159 malillugu ukiumoortumik nalunaarusiamik misissuinermini, piginneqatigiiffiit pillugit inatsimmut imaluunniit naatsorsuuserineq pillugu inatsimmut atatillugu kukkunernik amigaatinilluunniit pingaaruteqartunik paasisaqaruni, imm. 1, oqaaseqatigiit pingajuanni atuutsiffigineqannginnissaq suliffeqarfimmit ukiumi naatsorsuuseriffiusumi matumani tulliuuttunilu marlunni atorneqarsinnaanginnera styrelsi aalajangersinnaavaa. Suliffeqarfimmulli peqataasunut aqutsisunullu attartortitsinernut piginneqatigiiffiit pillugit inatsimmi inerteqqutaasunut ilaasunik attartortitsisoqarsimappat, aamma attartortitat pingaaruteqanngitsuunngitsumik annertussuseqarpata, imaluunniit piginneqatigiiffiit pillugit inatsimmi inerteqqummik arlaleriarluni unioqquitsisoqarpat, atuutsitsiffigineqannginnissap atorneqarsinnaanginnera styrelsi tamatigut aalajangersinnaavaa. Imm. 1, oqaaseqatigiit aappaanni aalajangersakkap suliffeqarfimmit atorneqarsinnaanginnera styrelsi peqatigisaanik aalajangersinnaavaa. Piffissaq suliffeqarfiup ukiumoortumik naatsorsuutaasa kukkunerisiorneqarfissaata suli ukiumik naatsorsuiffiusumik ataatsimik sivitsorneqarnissaa Erhvervsstyrelsi pisuni immikkut ittuni aalajangersinnaavaa.

**§ 135 a.** Taamaallaat kukkunerisuisut, kukkunerisuisut pillugit inatsit malillugu tamatumunnga akuerisaasut, ukiumoortunik naatsorsuutunik aamma piginneqatigiiffisut naatsorsuutaannik § 135, imm. 1, oqaaseqatigiit siulliit malillugit kukkunerisiorneqartussatut pisussaaffeqarfiusut kukkunerisiorsinnaavaat, aamma § 135, imm. 5, oqaaseqatigiit pingajui sisamaallu malillugit aqutsisut nalunaarusiaannut il.il. oqaaseqaateqarsinnaallutik. Suliffeqarfiup § 135, imm. 1, oqaaseqatigiit pingajui malillugit kukkunerisuititsinissamut pisussaaffimmut ilaatitaanngitsup ukiumoortumik naatsorsuutimi kukkunerisortinnissat toqqarpagu, imaluunniit kukkunerisuisoq allanik ukiumoortumik naatsorsuutinut atasumik nalunaaruteqarnermik kinguneqartumik suliaqartippagu, oqaaseqatigiinni siullerni aalajangersagaq assigisaanik atorneqassaq.

*Imm. 2.* Ukiumoortumik naatsorsuutunik, naatsorsuuserinermini klasse D-mi maleruagassat malillugit suliarineqartussanik kukkunerisuinermi, minnerpaamik kukkunerisuisoq ataaseq naalagaaffimmit piginnaatitaalluni kukkunerisuisuussaaq.

## **Immikkoortoq IX**

### **Nunami maani naatsorsuutunik aaqqissuussiviginnineq**

#### **Kapitali 18**

##### *Aaqqissuussaasumik naatsorsuuserinermini il.il. pitsaassusissatut najoqqutassiat*

**§ 136.** Erhvervs- & Selskabsstyrelsi isumagisassaraa pitsaassutsinik suliaqartoqarnissaa inatsimmik matumunnga pisariaqartitsineq naapertorlugu immersuisuusussanik ikorfartuisussanillu. Pitsaassutsit Europa-Parlamentip aamma Rådip peqqussutaat 2013/34/EU kingusinnerusukkut allannguuteqartinneqartuni killisarititaasut iluanni, aalajangersakkanik § 11, imm. 3 malillugu saneqqutsitsinissamik piumasaqaatinut ilaasunit, pinngitsuuisinnaanerit aalajangersarsinnaavai, saneqqutsitsinerlu aalajangersakkanik piviusorpalaartumik siunertaqarluartumillu atuinissamut pisariaqartinneqartutut isigineqarpat. Pitsaassutsit takutissavaat ingerlatseqatigiiffiit eqimattakkaat sorliit pitsaassutsinik atuisinnaanersut atuisussaasullu.

*Imm. 2.* Erhvervs- & Selskabsstyrelsi kattuffissuarnik pituttorsimasuunngitsunik ataatsimik arlalinnilluunniit isumaqatigiissuteqarsinnaavoq, taakkua tamakkiisumik ilaannakortumilluunniit suliassanik imm. 1-mi malitsigitinneqartussanik isumagisaqarnissat pillugu. Suliassap suliarineqarnissaanut aaqqissuunneqarnissaanullu erseqqinnerusumik aalajangersakkanik Erhvervs- & Selskabsstyrelsi aalajangersaasinnaavoq, matumanilu pisortat oqartussaasuisa pitsaassutsit, atuutsilinnginneranni, oqaaseqaateqarsinnaanissat akuersissuteqarsinnaanissaalluunniit pillugu. Erhvervs- & Selskabsstyrelsi kattuffissuaq, oqaaseqatigiit siulliit malillugit isumaqatigiissuteqarfigisani, naalakkiuteqarfigisinnaavaa susassaqarfimmut, iluar-siiveqarfigisassatut pisariaqartitsinermik takutitsisunut, pitsaassutsinik immikkut ittunik inaarsaaqqullugu.

*Imm. 3.* Erhvervs- & Selskabsstyrelsi naatsorsuusiornermut siunnersuisoqatigiinnik pilersitsisinnaavoq, taakkununga styrelsi naatsorsuusiornermut pissutsit nalinginnaasut pillugit isumasioqateqarsinnaassal-

luni, aamma imm. 1-mi taaneqartutuut suliaassani styrelsimut ikiorsiisinnaaqullugit. Allatseqarfittut atuuffik Erhvervs- & Selskabsstyrelsimit isumagineqassaaq.

§ 137. Suliffeqarfiit Kalaallit Nunaanni imaluunniit nunami EU/EØS-mut ilaasortaasumi tunitsivimmi maleruagassaqartitaasumi pappialanik nalilinnik niuerutigisaqartut, taamaattoqarunik piginneqatigiiffissuarmut naatsorsuutimik suliarineranni, nunat tamalaat akornanni naatsorsuuserinermut pitsaassusiliussat, nunat tamalaat akornanni naatsorsuuserinermut pitsaassusiliussat atorneqarnissaat pillugu Rådip peqqusutaa nr. 1606/2002, 19. juli 2002-meersumi artikel 4-mi taaneqartut, atussallugit pisussaaffeqarput. Suliffeqarfiit tamatumunnga pisussaaffeqanngitsut, ukiumoortumik naatsorsuutitik imaluunniit suliffeqarfissuarmut naatsorsuutitik pitsaassusiliussat taaneqartut malillugit suliarissallugit namminneq piumassut-siminnik toqqarsinnaavaat, taamaattoq tak. imm. 2.

*Imm. 2.* Suliffeqarfiilli, Kalaallit Nunaanni imaluunniit nunami EU/EØS-imut ilaasortaasumi tunitsivinni maleruagassaqartitaasuni pappialanik nalilinnik niuerutigisaqartut, taamaallaallu ukiumoortumik naatsorsuutimik suliaqartartut, naatsorsuuserinermi pitsaassusiliussanik imm. 1-imi taaneqartunik atuinissamut pisussaaffeqarput.

*Imm. 3.* Suliffeqarfiit imm. 1 imaluunniit 2 malillugu pitsaassusiliussanik imm. 1-imi taaneqartunik malinnittut, pitsaassusiliussat akuerineqartut tamaasa malissavaat. Inatsimmi matumani aalajangersakkat pissut-sinik pitsaassusiliussaniittut assigisaannik maleruagassiippata, suliffeqarfiit taakku inatsimmi aalajangersakkat pinnagit pitsaassusiliussaniittut atussavaat. sisamanik sapaatillu akunnerinik pingasunik sivilissuseqassaaq.

*Imm. 4.* Kalaallit suliffeqarfiisa naatsorsuuserinermi pitsaassusiliussanik imm. 1-imi taaneqartunik atuinerat pillugu maleruagassanik erseqqinnerusunik Erhvervsstyrelsi aalajangersaasinnaavoq.

§ 137 a. Inatsimmi matumani aalajangersakkat ilaasa avaqqunneqarsinnaanerat pillugu maleruagassanik Erhvervsstyrelsi aalajangersaasinnaavoq, nunat tamalaat akornanni naatsorsuuserinermut pitsaassusiliussat, suliffeqarfiit mikisut akunnattumillu angissusillit pisariaqartitaannut immikkut naleqqussagaasut atornissaannut tamanna pisariaqarpat.

## **Immikkoortoq X**

### **Ukiumoortumik nalunaarusianik il.il. tamanut saqqummiussisarneq misissuisarnerlu**

#### Kapitali 19

##### *Erhvervs- & Selskabsstyrelsimut nassitsineq*

##### *Ukiumoortumik nalunaarusiamik nassitsisarnissaq*

§ 138. Suliffeqarfiit naatsorsuuserinermi klasse B, C aamma D-mut ilaasut, ukiumoortumik naatsorsuutit akuerineqarnerisa kingorna, tunngavissaqanngitsumik utaqeqqaaratik taakku Erhvervsstyrelsimut nassiutis-savaat, tak. § 3, imm. 1, aamma § 7. Ukiumoortumik nalunaarusiat ukiup naatsorsuiffiusup naaneraniit kingusinnerpaamik qaammatit tallimat sapaatit akunnerilu pingasut qaangiunneranni styrelsimit tiguneqa-reersimassaaq, suliffeqarfinnillu naatsorsuuserinermi klasse D-mut ilaatinneqartunut piffissaliussaq qaamma-tinik sisamanik sapaatit akunnerinillu pingasunik sivilissuseqarpoq. Piffissaliussanit taakkunanga immik-kut akuersissuteqartoqarsinnaanngilaq, taamaattoq tak. §§ 140 aamma 141.

*Imm. 2.* Ukiumoortumik nalunaarusiaq nassiunneqartoq minnerpaamik naatsorsuuserinermi klasseni ataa-siakkaani pinngitsoorani imarisassaminik, kiisalu taamaattoqarpat kukkunersiuisut oqaaseqaataannik ima-luunniit nalunaarummik allamik kukkunersiuisumeersumik imaqassaaq, tak. § 135, imm. 1 aamma 5, aamma § 135 a, imm. 1. Suliffeqarfiup ilassutaasumik nalunaarusiat § 2, imm. 2-mi taaneqartutut tamanut saqqum-miunneqarnissaat kissaatigippagu, taakku ukiumoortumik nalunaarusiap pinngitsoorani imassai peqatigalugit nassiunneqassapput, taamaasilluni pinngitsoorani imassai aamma ilassutaasumik nalunaarusiat uppernarsaa-titut allakkiatut ataasiusutut »ukiumoortumik nalunaarusiamik« taagorneqartutut saqqummersinneqassam-mata.

*Imm. 3.* Ukiumoortumik nalunaarusiat uppernarsaatitullu allakkiat allat, inatsit manna malillugu styrel-simut nassiunneqartussaasut danskisut tuluttulluunniit oqaasertalersugaassapput, taamaattoq tak. § 157.«

*Imm. 4.* Suliffeqarfik § 4, imm. 7, oqaaseqatigiit siulliit malillugit ukiumoortumik nalunaarusiamik namineq kajumissutsiminik nassitsissaguni, nalunaarusiarlu taanna kukkunersiugaappat, suliffeqarfiup qularnaassavaa kukkunersiuisup oqaaseqaasiussaata allakkiamut ilanngunneqarnissaa.

*Imm. 5.* Styrelsip tamanut nalunaarutigippagu, ukiumoortumik nalunaarusiaq § 154 malillugu tamanit misissuataarneqarsinnaalersoq, taanna nutaamik ukiumoortumik nalunaarusiak allannngortinneqarsinnaangilaq, styrelsi tamatumunnga akuersisimangippat.

*Suliffeqarfiit matuneqartussannngortut imaluunniit aaqqissuussivigeqqitat nassitsisarnerat*

**§ 139.** Suliffeqarfiit matuniarneqalersut, styrelsimut § 138 naapertorlugu ukiumoortumik nalunaarusiamik nassitsisarnerminnik ingerlatsiinnarallassapput, suliffeqarfiup matuneqarluni atorunnaarsinneqaranik suliap naammassinissaa tikillugu.

*Imm. 2.* Taassuma saniatigut suliffeqarfiup Erhvervs- & Selskabsstyrelsimut nassitutissavai atorunnaarsitsiniarnerup aallartinnerani naammassineranilu naatsorsuutit, tamanna suliffeqarfik pillugu inatsisini immikkut ittumik atuuttuni peqqussutaasimappat.

**§ 140.** Suliffeqarfinnut, akiliisinnaajunnaarnermut inatsit, Kunngip peqqussutaatigut Kalaallit Nunaannut atortuulersinneqartoq malillugu akiliisinnaajunnaalersunut, Erhvervs- & Selskabsstyrelsip akuersissutigisinaavaa, ukiumoortumik nalunaarusiaq § 138, imm. 1-mi oqaaseqatigiit aappaanni piffissarititaasoq apeqqu-taatinagu, aatsaat nassiunneqarsinnaasoq akiisinnaajunaareernerup kingorna kingusinnerpaamik qaammat ataaseq sapaatit akunnerilu pingasut qaangiunneranni styrelsimut tiguneqarnissaa qulakkeerlugu. Piffissaluisaq tamanna qaangerneqarpat, §§ 150-152 assigisaanik atorneqassapput, akiliisinnaajunnaarnerup atorunnaarnerata kingorna qaammatip ataatsimi sapaatillu akunnerisa pingasut qaangiunnerannit naatsorsorneqassamata.

*Imm. 2.* Suliffeqarfik akiliisinnaajunnaartut nalunaarutigineqarpat § 141-mi aalajangersakkat atuutissapput.

*Imm. 3.* Suliffeqarfinnut, akiliisinnaajunnaarnermut inatsit, Kunngip peqqussutaatigut Kalaallit Nunaannut atortuulersinneqartoq, malillugu akkorderluni sulinissamik isumatigiinniarfiusunut, imm. 1 aamma 2 assinganik atuutissapput. Ukiumoortumik nalunaarusiaq nassiunneqassaaq taamaalilluni styrelsimut tigineqareersimassalluni akkorderluni sulinissap akuersissutigineqareernerata kingorna kingusinnerpaamik qaammat ataaseq qaangiuppat.

**§ 141.** Suliffeqarfiit, akiliisinnaajunnaaqasut, pillugit ukiumoortumik nalunaarusiaq Erhvervs- og Selskabsstyrelsimut nassiunneqassangilaq.

*Imm. 2.* Suliffeqarfik ilannguteqqinneqarpat, ukiumoortumik nalunaarusiaq piffissamut ukiumoortumik nalunaarusiap kingullermik nassiunneqartup ullormit oqimaaqatigiissitsivianiit akiliisinnaajunnaarnerup suliarinerata naammassineqarnera sioqqullugu suliffeqarfiup ukioq naatsorsuusiorfiata kingulliup naanissaa tikillugu tunngasoq suliffeqarfiup nassitutissavaa, taamaasilluni taakku styrelsimi tiguneqareersussannngorlugit akiliisinnaajunnaarnerup suliarineqarnerata naammassereernerani kingusinnerpaamik qaammatip ataatsip sapaatillu akunnerisa pingasut qaangiunneranni. Oqaaseqatigiinni siullerni ukiumoortumik nalunaarusianut taarsiullugu styrelsip akuersinnaavaa, suliffeqarfiup nassitutissagaa ukiup naatsorsuusiorfiulersup aallartinnerani oqimaaqatigiissitaq, ulloq akiliisinnaajunnaarnerup suliarineqarnerata naammassineqarfia killigalugu suliaasoq. Ukiumoortumik naatsorsuutit taamaattoqarpallu piginneqatigiiffissuarmut naatsorsuutit, ukiumoortumik nalunaarusiani oqaaseqatigiinni siullerni taaneqartuni imaritinneqartut, kiisalu ammaanermi oqimaaqatigiissitsineq oqaaseqatigiit aappaanni taaneqartoq kukkunersiorneqarsimassapput, suliffeqarfik kukkunersiuisitsinissamut pisussaaffimmut ilaappat, tak. § 135, imm. 1, oqaaseqatigiit siulliit. Ukiumoortumik naatsorsuutininik nalunaarusiaq pkt. 1-mi taaneqartoq aamma ukiup naatsorsuusiorfiulersup aallartinnerani naatsorsuutit oqimaaqatigiissitat, pkt. 2-mi taaneqartut, tak. § 135, imm. 1, pkt 1 naapertorlugu, suliffeqarfik kukkunersiuisitsinissamik pisussaaffeqarsimappat, taava naatsorsuutit kukkunersiorneqareersimassapput. Suliffeqarfik kukkunersiuisitsinissamik pisussaaffiligaasimangippat, § 9, imm. 6, aamma § 10 a, aamma § 135 a, imm. 1 pkt. 2, taamatut atuutsinneqalissapput. Piffissaq nassitsivissaq qaangerneqarpat §§ 150-152 taamatulli atortuutinneqassapput, akileraarutissarli naatsorsorneqassalluni akiliisinnaajunnaarnerup suliarineqarnerata naammassereerneraniit qaammatip ataatsip sapaatillu akunnerisa pingasut qaangiunneranniit.

§ 142. Suliffeqarfimmik §§ 140-mi aamma 141-mi taaneqartuniit allaanerumik aaqqissuussivigin-ninniarnit suliffeqarfiup § 138, imm. 1-imi piffissaliussa q naatinnagu ukiumoortumik nalunaarusiamik nassitsinissamut pisussaananit sanioqqutsissutaasinnaangillat.

*Nunani allamiut suliffeqarfii nunami maani immikkoortortallit sinnerlugit nassitsisarneq*

§ 143. Immikkoortortaarfimmi, Erhvervs- og Selskabsstyrelsimi nunani allamiut suliffeqarfiaa immikkoortortaataut nalunaarsukkami, siulersuisut nassiuissavaat nunami allami sulliviup ukiumoortumik nalunaarusiaat kukkunerisugaq, taamaasilluni styrelsimi tiguneqareersimassalluni ukiup naatsorsuusiorfiu-sup naareerneranit kingusinnerpaamik qaammatit tallimat sapaatillu akunnerisa pingasut qaangiunneranni. Piffissarititaq pillugu immikkut akuersissuteqartoqarsinnaangilaq. Immikkoortortaarfifiup nammineq naatsorsuutai taakkununga taarsiullugit nassiuunneqarsinnaangillat.

*Imm. 2.* Ukiumoortumik nalunaarusiaq nassiuunneqartoq naalagaaffimmi suliffeqarfiup attaveqarfisaa ni malittarisassat malillugit suliaallunilu tamanut saqqummiussaasimassaaq.

*Imm. 3.* Suliffeqarfiup nunamit allameersup ukiumoortumik naatsorsuutiminik nalunaarusiani, nunami maani, nunami EU-mut ilaasortaasumi imaluunniit nunami allami, Fællesskabip isumaqatigiissusiorfigisimasaani, imaluunniit Kalaallit Nunaata isumaqatigiissusiorfigisimasaani, suliffeqarfiup inatsimmit pineqartup, kukkunerisiorteqqaanngikkaluarlugu nassiuusinnaatitaavaa, tamanna inatsit pineqartoq naapertor-lugu suliffeqarfiup pisinnaatitaaffigippagu.

§ 144. Nunami allami suliffeqarfik pigisatut suliffeqarfiuppat, immikkoortortaarfimmi siulersuisut ukiu-moortumik nalunaarusiamut § 143-mi taaneqartumut taarsiullugu piginnittutut suliffeqarfiup ingerlatseqati-giiffissuaq pillugu naatsorsuutai § 146 imm 5 naapertorlugu Erhvervs- & Selskabsstyrelsimut nassius-sinnaavaat, imaappat

- 1) suliffeqarfiuguni pigisaa suliffeqarfiuguniluunniit piginnittoq nunami maani, nunami EU-mut ilaasortaasumi imaluunniit nunami allami, Fællesskabip isumaqatigiissusiorfigisimasaani, imaluunniit Kalaallit Nunaata isumaqatigiissusiorfigisimasaani, inatsimmit pineqaruni,
- 2) ingerlatseqatigiiffissuup naatsorsuutai suliarineqarsimappata Europa-Parlamentip aamma og Rådip peqqussutaat 2013/34/EU kingusinnerusukkut allannguutitalimmut naapertuuttumik aammalu kukkuner-siorneqarlutillu tamanut saqqummiunneqarsimappata malittarisassat taaneqartut malillugit, taamaattoq tak. § 143, imm. 3,
- 3) pinngitsuuisinnaaneq inatsisinut suliffeqarfimmut tunngasunut naapertuuppoq,
- 4) suliffeqarfik taassumalu pigisatut suliffeqarfiutai pillugit naatsorsuutit piginnittutut suliffeqarfiup ingerlatseqatigiiffissuaq pillugu naatsorsuutaani ilanngussaasimappata tamakkiisumik patajaallisaanikkut imaluunniit naatsorsuutitigoortumik nalilerlugit ilanngussinikkut annertussusiliinikkullu ingerlatseqati-giiffissuup naatsorsuutaanut ilanngunneqarsimappata.
- 5) suliffeqarfimmi peqataasut tamarmik ukiumi naatsorsuusiorfiusumi pineqartumi periutsimut isumaqa-taallutik nalunaarsimappata,
- 6) piginnittutut suliffeqarfik nalunaarsimappat suliffeqarfiup pisussaaffii akisussaaffigiumallugit sivikin-nerpaamik qaammatinik pingasunik piffissaliinikkut akisussaaffiginnikkumanerup utertinneqarnerata tamanut saqqummiunneqarnissaa tikillugu imaluunniit immikkoortortaarfifiup peqataajumanginnerata imaluunniit styrelsip nalunaarsuiffianiit piarneqarnerata taamatuttaaq piffissalikkamik tamanut nalunaarutigineqarnissaa tikillugu aamma
- 7) piginnittutut suliffeqarfik ukiumoortumik nalunaarusiamini paasisutissiippat pigisatut suliffeqarfik nam-minerisaminik ukiumoortumik nalunaarusiuunngitsoorsimasooq suliarinninngitsoornissamik aalajangersa-gaq atugaq nalunaarlugu.

*Imm. 2.* Nunami allamiut suliffeqarfiaa inatsisinut imm. 1-imi eqqartorneqartunut attaveqartuunngippat, immikkoortortaarfifiup siulersuisui nunami allami suliffeqarfiup ukiumoortumik nalunaarusiaaanut taarsiul-lugu Erhvervs- og Selskabsstyrelsimut nassiuusinnaavaat piginnittutut suliffeqarfiup ingerlatseqatigiiffissuaq pillugu § 146, imm. 5, naapertorlugu naatsorsuusiai

- 1) ingerlatseqatigiiffissuaq pillugu naatsorsuutit peqqussummut imm. 1, nr. 2-mi eqqartorneqartumut naapertuuttumik suliaassappata imaluunniit peqqussummi taaneqartumi malittarisassanut nallersuunne-qarsinnaassappata aamma inunnit nunagisami inatsisit, piginnittutut sulliviup malitassarisai, naapertor-lugit akuerisaasunit kukkunerisugaappata, aamma
- 2) imm. 1, nr. 3-7- imi patsisissaatitat naammassineqarsimappata.

*Suliffeqarfiit atuutsitsiffigineqannginnissamik §§ 4-6-mi, 78 a-mi, 112-imi aamma 144-mi aalajangersakkanik atuisut atuutsitsiffigineqannginnissamik nalunaarutinik aamma uppernarsaatitut allakkianik ilassutaasunik il.il. nassiussisarnerat*

**§ 145.** Suliffeqarfiit § 4-mi sanioqqutsissutissamik atuisut, sanioqqutsineq pillugu nalunaarummik nassit-sissapput, tassani aqutsisuusut

- 1) paasissutissiissallutik sanioqqutsisinnaaneq pineqartoq atorneqarsimasoq, aamma
- 2) sanioqqutsisinnaanermik atuinissamut patsisissaatitat naammassineqarnerat akisussaaffigiumagitsik.

*Imm. 2.* Ukiut naatsorsuusiorfiit tamaasa sanioqqutsinermik nalunaarut nassiunneqartassaaq. Nalunaarut Erhvervs- og Selskabsstyrelsimi tiguneqareersimasassaaq § 138, imm. 1, oqaaseqatigiit aappaanni piffissaliussaq naatinnagu. Piffissaliussaq taanna qaangerneqarpat §§ 150-152 taamatulli atortuutinneqassapput.

**§ 146.** Suliffeqarfiit, § 5, imm. 1-imi sanioqqutsisinnaanermik atuisut, Erhvervs- og Selskabsstyrelsimut nassiuttassavaat § 145 naapertorlugu sanioqqutsineq pillugu nalunaarut, ukuninnga ilallugu:

- 1) § 5, imm. 1-imi taaneqartutut ingerlatseqatigiiffissuup naatsorsuutaanik,
- 2) ingerlatseqatigiiffissuup naatsorsuutaanut, ukiumoortumik nalunaarusiami imarineqartunut, tamanut saqqummiussassatut styrelsimi tiguneqareersunut, innersuussinermik, imaluunniit
- 3) ingerlatseqatigiiffissuup naatsorsuutaasa inatsisinut nunami allamiut sulliviannut atuuttunut naapertuuttumik tamanut saqqummiunneqarnerat pillugu pisortatigoortumik uppernarsaatitut allakkiamik.

*Imm. 2.* Suliffeqarfiit, § 5, imm. 2-mi sanioqqutsisinnaanermik atuisut, styrelsimut nassiuttassavaat sanioqqutsineq pillugu nalunaarut, ukuninnga ilallugu:

- 1) § 5, imm. 2-mi taaneqartutut ukiumoortumik nalunaarusiamik imaluunniit
- 2) ukiumoortumik nalunaarusiamut suliffeqarfiup naatsorsuutaanik ilanngussiviusumut styrelsimiillu tamanut saqqummiussassatut tiguneqareersumut innersuussummik.

*Imm. 3.* Suliffeqarfiit, § 5, imm. 3-mi sanioqqutsisinnaanermik atuisut styrelsimut nassiuttassavaat § 145 naapertorlugu sanioqqutsineq pillugu nalunaarut ilanngussivigalugu

- 1) § 5, imm. 3-mi taaneqartutut ukiumoortumik nalunaarusiamik imaluunniit
- 2) ukiumoortumik nalunaarusiap inatsisinut nunami allamiut suliffeqarfiannut atuuttunut naapertuuttumik tamanut saqqummiunneqarneranut pisortatigoortumik uppernarsaatitut allakkiamik.

*Imm. 4.* Suliffeqarfiit, § 6, imm. 1-imi sanioqqutsisinnaanermik atuisut, styrelsimut nassiuttassavaat § 145 naapertorlugu sanioqqutsineq pillugu nalunaarut ilanngussivigalugu

- 1) § 6, imm. 1-imi taaneqartutut ingerlatseqatigiiffissuup naatsorsuutaanik, imaluunniit
- 2) ingerlatseqatigiiffissuup naatsorsuutaanut, ukiumoortumik nalunaarusiami imarineqartunut styrelsimi tamanut saqqummiussassatut tiguneqareersunut innersuussummik. Tamatuma saniatigut § 6, imm. 1, nr. 4-mi aamma 5-imi nalunaarutit taaneqartut nassiunneqassapput. Nalunaarut kingullertut taaneqartoq ukiumut naatsorsuusiorfimmuut siullermut sanioqqutsinermik atuiiffiusumut tunngatitatut nassiunneqassaaq.

*Imm. 5.* § 144-mi sanioqqutsissutaasinnaasut atorneqassappata, immikkoortortaqarfinni siulersuisut Erhvervs- og Selskabsstyrelsimut nassiutissavaat § 145 naapertorlugu sanioqqutsineq pillugu nalunaarut ilanngussivigalugu

- 1) § 144, imm. 1-imi imaluunniit 2-mi taaneqartutut ingerlatseqatigiiffissuup naatsorsuutaanik aamma
- 2) § 144, imm. 1, nr. 5-imi 6-imilu taaneqartutut nalunaarutit, kingullertut taaneqartumik nalunaarut taamaallaat ukiumut naatsorsuusiorfimmuut siullermik sanioqqutsisinnaanermik atuiiffiusumut tunngatitatut nassiunneqassalluni.

**§ 146 a.** Suliffeqarfiit pigineqartut § 78 a, imm. 1-imi atuutsitsiffigineqannginnissamik atuisut, ukiumoortumik nalunaarusiaq § 138 malillugu Erhvervsstyrelsimut nassiutissavaat tulliuuttunik ilallugu

- 1) piginneqatigiiffissuup naatsorsuutai § 78 a, imm. 1-imi taaneqartut, imaluunniit
- 2) piginneqatigiiffissuup naatsorsuutaanut, ukiumoortumik nalunaarusiap styrelsip tamanut saqqummiussassatut tigiiriigaata imarisaanut innersuussut.

*Imm. 2.* Nalunaarutit § 78 a, imm. 1, nr. 4-mi aamma 5-imi taaneqartut nassiunneqassapput.



*Imm. 3.* Imm. 2 malillugu nalunaarutit ukioq naatsorsuiffiusoq siulleg, nalunaarutit tunniunneqarfigisaat pillugu taamaallaat nassiunneqassapput.

**§ 147.** Suliffeqarfik, ingerlatseqatigiiffissuarmi piginnittut suliffeqarfik qulliunerusoq pillugu § 112-imut naapertuuttunik ingerlatseqatigiiffissuup naatsorsuutaanik nassitsisussaq, allatigut sukumiinerusunik paasisutissanik, styrelsip tamanut saqqummiussinissaq siunertaralugu piumasarimasinnaasaanik nassitsisussaq, tamatumani ingerlatseqatigiiffissuup naatsorsuutaani inatsit manna malillugu imaritinneqareersimasussat saniatigut paasisutissiinissaq piumasarineqarsinnaanani, taamaattoq tak. § 160.

*Aktiaateqarluni ingerlatseqatigiiffiit naalagaaffimmit pigineqartut ukiup affaanoortumik nalunaarusiamik nassitsisarnerat*

**§ 148.** Aktianik piginneqatigiiffiit, naalagaaffiit aktianik piginneqatigiiffiutaannut maleruagassanik malinnittut, tak. piginneqatigiiffiit pillugit inatsimmi, kunngip peqqussutaatigut Kalaallit Nunaannut atuut-sinneqalersumi § 351, piginneqatigiiffiup ukiup affaanoortumik nalunaarusiaa, piffissap qaammatinik arfi-nilinnik sivisussuseqartup pineqartup naaneraniit kingusinnerpaamik qaammatit pingasut sapaatillu akun-neri pingasut qaangiunneranni Erhvervsstyrelsimit tiguneqarsimasussanngorlugu nassitutissavaat.

*Imm. 2.* Ukiup affaanoortumik nalunaarusiamik nassitsinngitsoornermi styrelsi § 162, imm. 1, nr. 1, naapertorlugu pingitsaaliissutinik akiliisitsisalersinnaavoq.

*Suliffeqarfiit Kalaallit Nunaanni imaluunniit nunami EU/EØS-imut ilaasortaasumi tunitsivimmi maleruagassaqartitaasumi pappialanik nalilinnik niuerutaateqartut ukiup ilaanut nalunaarusiamik nassiussisarnerat*

**§ 148 a.** Suliffeqarfiit Kalaallit Nunaanni imaluunniit nunami EU/EØS-imut ilaasortaasumi tunitsivimmi maleruagassaqartumi pappialanik nalilinnik niuerutaateqartut ukiup affakkaartumik nalunaarusiaat tamanut saqqummiunneqarnissaat aamma Erhvervs- & Selskabsstyrelsimut nassiunneqarnissaat pillugit Erhvervs- og Selskabsstyrelsi maleruagassanik aalajangersaasinnaavoq. Tamanna aamma atuuppoq ukiup ilaanoortumik nalunaarusianut, § 134 a, imm. 1 tunngavigalugu qaammatini 6-nit sivikinnerusumut atuuttumik piffissami sivikinnerusumut nammineq piumassuseq naapertorlugu suliarineqartunut. Matumani styrelsip aalajanger-sinnaavaa suliffeqarfiup aqutsisui oqaaseqatigiit siulliit aappaallu malillugit ukiup ilaanoortumik nalunaarusiamik nassiussinngitsoornermi pinngitsaaliissummik akiliisitaanissaasa naalakkuitiginissaa pillugu.

*Suliffeqarfiup ukiumut nalunaarusiamik nammineerluni tamanut saqqummiussisarnera*

**§ 149.** Suliffeqarfiup ukiumoortumik nalunaarusiaq tamakkiisuutilugu nammineq tamanut saqqummiu-tissappagu, tamanna pissaaq inatsit malillugu pisussaaffiusumik ilusiliinikkut oqaasertaliinikkullu imaluun-niit nammineq kajumissutsimik kukkunerisuisitserenikkut.

*Imm. 2.* Suliffeqarfik ukiumoortumik nalunaarusiamik tamakkiisuunngitsumik tamanut saqqummiussis-sappat, tamanut saqqummiussanit ersarissumik takuneqarsinnaassaaq ukiumoortumik nalunaarusiap naali-sagaanera, aammalu ukiumoortumik nalunaarusiap tamakkiisuusup Erhvervs- & Selskabsstyrelsimi atuar-neqarsinnaanera, imaluunniit taamaasiortoqarsinnaanngippat ukiumoortumik nalunaarusiap styrelsimut nassiunneqarsimannginnera. Kukkunerisuisut atsiugaat tamanut saqqummiussami naalisakkami ilaatinne-qartariaqanngilaq, tamanulli saqqummiussamit ersarissumik takuneqarsinnaassaaq kukkunerisuisup nangaassuteqarsimanissaa imaluunniit kukkunerisuiueq pillugu ilassutitut paasisutissalikkamik oqaaseqaa-siisimanissaa.

**§ 149 a.** Paasisutissat ukiumoortumik nalunaarusiami tunniunneqartussaasut, ukiumoortumik nalunaaru-siami pinnani uppersaatitut allakkiani il.il. tunniunneqarsinnaanerat inatsitigut akuerisaatillugu, uppersaatitut allakkiat il.il. taakku ukiumoortumik nalunaarusiap peqatigisaanik naatsorsuutinik atuisunit pissarsiarineqarsinnaassapput.

*Ukiumoortumik nalunaarusiamik imaluunniit atuutsitsiffigineqannginnissamik nalunaarummik tigusaqannginneq imaluunniit kingusinaartumik tigusineq*

**§ 150.** Ukiumoortumik nalunaarusiaq imaluunniit sanioqqutsineq pillugu nalunaarut § 138, imm. 1, oqaa-seqatigiit aappaanni piffissarititaaq naareersoq Erhvervs- & Selskabsstyrelsimi tiguneqarsimanngippat styrelsi suliffeqarfimmi aqutsisunut allakkatigut piumasaqaateqassaaq suliffeqarfiup ukiumoortumik nalu-naarusiaa imaluunniit sanioqqutsineq pillugu nalunaarutaa nassitequllugu. Allakkatigut piumasaqaatit taamatuttaaq ittut immikkoortorqarfiup siulersuisuinut nassiunneqassapput, nunami allamiut suliffeqarfiu-

taat nunami maani nalunaarsukkamik immikkoortortalik pillugu ukiumoortumik nalunaarusiaq imaluunniit sanioqqutsineq pillugu nalunaarut § 143, imm. 1-imi piffissarititaq naareersoq tiguneqarsimassanngippat.

*Imm. 2.* Allakkatigut piumasaqaammi nalunaarneqassaaq ukiumoortumik nalunaarusiamik nassitsinissamut piffissaliussaq allakkat ullulerneqarneranniit sapaatit akunnerinik pingasunik ulluinnarnillu arfineq pingasunik sivisussusiligaq. Ukiumoortumik nalunaarusiaq imaluunniit sanioqqutsineq pillugu nalunaarut piffissaliussaq taanna naatinnagu styrelsimi tiguneqassappat, styrelsi kingusinaarnerup nassatarisaatut iliuuseqaqqissanngilaq.

*Imm. 3.* Allakkani piumasaqaatitalinni aammattaq taaneqassaaq piffissaliussaq allakkat ulluanniit sapaatit akunnerinik arfineq marlunnik sivisussusilik. Tamanna pereerpat ukiumoortumik nalunaarusiaq imaluunniit sanioqqutsineq pillugu nalunaarut piffissaliussaq taanna naatinnagu tiguneqanngippat, styrelsi aalajangiisinaavoq Kalaallit Nunaanni Landsreti qinnuigineqassasoq suliffeqarfimmik atorunnaarsitsinialeqqullugu tamanna pillugu inatsisit suliffeqarfimmuut atuuttut naapertorlugit. Allakkat piumasaqaatit nunami allamiut suliffeqarfiaata immikkoortortaanut tunngasuussappata, aammalu piffissaliussaq oqaaseqatigiinni siullerni pineqartoq naatinnagu ukiumoortumik nalunaarusiaq tiguneqanngippat styrelsi aalajangersinnaavoq immikkoortortaqarfik nalunaarsuiffimmiit peerneqassasoq tamanna pillugu inatsisinut immikkoortortaqarfimmuut atuuttunut naapertuuttumik. Soqutigisaqaqatigiilluni piginneqatigiiffimmit imaluunniit kommanditselskabimit ukiumoortumik nalunaarusiaq imaluunniit atuutsitsiffigineqannginnissamut nalunaarut, tak. § 3, imm. 1, nr. 2, piffissaliussaq oqaaseqatigiinni siullerni taaneqartoq naatinnagu tiguneqarsimannngippat, suliffeqarfii inuusutissarsiutitut ingerlatat pillugit inatsimmi, kunngip peqqussutaatigut Kalaallit Nunaannut atuutsinneqalersumi tamanna pillugu aalajangersakkat malillugit piginneqatigiiffinnik ingerlasunik styrelsip nalunaarsuiffianiit soqutigisaqaqatigiilluni piginneqatigiiffiup imaluunniit kommanditselskabip peerneqarnissaa Erhvervsstyrelsip aalajangersinnaavaa.

**§ 151.** Piumasaqaatit allakkat ulluanniit sapaatit akunnerinik pingasunik ulluinnarnillu arfineq-pingasunik piffissarititaasup, tak. § 150, imm. 2, naareerneratigut ukiumoortumik nalunaarusiaq imaluunniit sanioqqutsineq pillugu nalunaarut tiguneqarpat Erhvervs- & Selskabsstyrelsip suliffeqarfimmi taamatullu immikkoortortaqarfimmi aqutsisuni qullerpaani ilaasortaata tamaasa immikkut akileraarusissavai.

*Imm. 2.* Akileraarusiussaq naatsorsorneqassaaq § 138, imm. 1, oqaaseqatigiit aappaanni piffissaliussap naaneraniit.

*Imm. 3.* Akileraarusiussaq aqutsisuni taamatullu immikkoortortaqarfiup siulersuisuini ilaasortamut ataatsimut qaammatip siulliup aallartinnerani 500 kr.-iussaaq, qaammatit aappassaata aallartinnerani katillugit 2.000 kr.-iulluni qaammatillu pingajussaata aallartinnerani katillugit 3.000 kr.-iulluni. Akileraarusiussaq aqutsisuusuni taamatullu immikkoortortaqarfiup siulersuisuini ilaasortamut ataatsimut annerpaamik 3.000 kr.-iusinnaavoq.

*Imm. 4.* Akileraarusiussaq tamarmiisoq appariartinneqartassaaq, aqutsisuusuni taamatullu immikkoortortaqarfimmi siulersuisuini ilaasortaata pineqartoq piffissami tassanissaaq ukiumoortumik nalunaarusiamik imaluunniit sanioqqutsineq pillugu nalunaarummik nassiusaqanngitsoorneq pillugu § 162, imm. 1, nr. 1, naapertorlugu pinngitsaaliissummik akiliisitsissummik akiliisimagaangat.

*Imm. 5.* Imm. 3 malillugu akitsuutit naalagaaffiup karsianut nakkartinneqassapput.

**§ 152.** Pissutsini immikkut illuinnartuni aqutsisuusuni taamatullu immikkoortortaqarfimmi siulersuisuini ilaasortaata Erhvervs- & Selskabsstyrelsip § 151 malillugu akileraarusiussamik tamakkiisumik ilaana-kortumilluunniit akiliisussaajunnaarsissinnaavaa, pineqartup taassuma styrelsimut uppenarsarsinnaas-sappagu, nammineq nassitsinissaq il. il. siuarsarniarsimagaluarini, taamaattumillu kingusinaarnek immi-nut nammagassanngortinneqarsinnaanngitsoq.

*Imm. 2.* Pissutsit akisussaaffiginnilersitsissutaasut suliffeqarfimmi atorfilinnik, siunnersortinik assigi-saannilluunniit pisuuffigineqartut aqutsisuusuni ilaasortat akisussaaffiginnitsitaanissaannut sakkuginiarne-qarsinnaanngillat.

#### *Piffissaliussanik naatsorsuineq*

**§ 153.** Pisimasup erseqqinnerusumik taaneqartup pineraniit, ullut, sapaatit akunneri, qaammatit ukiul-luunniit aalajangersimasumik amerlassusillit qaangiutsinnagit iliuutsip iliuuserineqarnissaa inatsimmi, ima-luunniit najoqqutassani inatsit malillugu atuutsinneqalersuni aalajangersagaatillugu, iliuutsip iliuuserinis-saanut piffissaliussaq pisimasup pinerata aqaguaniit naatsorsorneqassaaq, tak. imm. 2-4.

*Imm. 2.* Piffissaliussaq, tak. imm. 1, sapaatit akunnerinik taaneqarsimappat, iliutsip iliuserinissaanut piffissaliussaq sapaatip akunnerata ulluani, pisimasup piffigisaani naassaaq.

*Imm. 3.* Piffissaliussaq, tak. imm. 1, qaammatinik taaneqarsimappat, iliutsip iliuserinissaanut piffissaliussaq qaammatip ulluani, pisimasup piffigisaani naassaaq. Pisimasooq qaammatip ulluani kingullermi pisimappat, imaluunniit piffissaliussaq qaammatip ulluani piunngitsumi naappat, qaammatip qassinik ulloqarnera apeqqutaatinnagu piffissaliussaq qaammatip ulluani kingullermi tamatigut naasassaaq.

*Imm. 4.* Piffissaliussaq, tak. imm. 1, ukiunik taaneqarsimappat, iliutsip iliuserinissaanut piffissaliussaq ukiup ulluani pisimasup piffigisaani naassaaq.

*Imm. 5.* Piffissaliussaq sapaatip akunnerata naaneranni, nalliuttumi, inatsisitaarfimmi, juulliaqqami ukiutoqqamiluunniit naappat, tak. imm. 1, iliuseq kingusinnerpaamik ulluinnarmi siullermi takkuttumi iliuserineqassaaq.

## Kapitali 19 a

### *Attaveqatigiinneq*

**§ 153 a.** Pissutsit inatsimmut matumunnga imaluunniit maleruagassanut inatsit manna malillugu atuutsin-eqalersunut ilaasut pillugit styrelsimut aamma styrelsimit allakkatigut attaveqatigiinnerit digitalimik pinis-saat pillugu maleruagassanik Erhvervsstyrelsi aalajangersaasinnaavoq.

*Imm. 2.* Digitalimik attaveqatigiinneq pillugu maleruagassanik erseqqinnerusunik Erhvervsstyrelsi aalaja-ngersaasinnaavoq, it-mik periutsit aalajangersimasut, digitalimik ilusiliussat immikkut ittut kiisalu digitali-mik atsiorderit assigisaasalu atorineqarnissaat ilangullugit.

*Imm. 3.* Digitalimik nalunaarut, nalunaarummik tigusisussamit tigureqarsinnaaleraangami apuussimasutut isigineqassaaq.

**§ 153 b.** Inatsit manna imaluunniit maleruagassat inatsit manna malillugu atuutilersinneqartut malillugit aalajangiinernik uppersaaititullu allakkianik allanik atsiorneqanngitsunik, maskinamik assigisaanilluunniit iliorluni atsiorderup assileneqarneranik atsiornilinnik, imaluunniit periutsimik aalajangiinermik imaluunniit uppersaaititullu allakkianik nassiussisup kinaanerata paatsuugassaannngitsumik paasinissaanut qulakkeerin-nittumik atuilluni atsiornilinnik, styrelsip saqqummiussisinnaanera pillugu maleruagassanik Erhvervsstyrelsi aalajangersaasinnaavoq. Aalajangiinerit uppersaaititullu allakkiat taamatut ittut aalajangiinernut uppersaaititullu allakkianut inummit atsiugaasunut naligiissinneqartut.

*Imm. 2.* Aalajangiinerit uppersaaititullu allakkiat, taamaallaat elektronik atorlugu paasissutissanik sulia-rinnineq tunngavigalugu aalajangigaasut imaluunniit saqqummiunneqartut, taamaallaat Erhvervsstyrelsi nassiussisutut taallugu nassiunneqarsinnaanerat pillugu maleruagassanik Erhvervsstyrelsi aalajangersaasin-naavoq.

**§ 153 c.** Uppersaaititullu allakkianik, Erhvervsstyrelsimit pinnani allanit suliarineqartup atsiorneqarsima-nissaa inatsit manna imaluunniit maleruagassat inatsit manna malillugu atuutilersitaasut malillugit piumasa-qaataappat, periutsimik uppersaaititullu allakkianik suliarinnittup kinaanerata paatsuugassaannngitsumik paasinissaanut qulakkeerin-nittumik atuinikkut, piumasaqaat taanna eqqortinneqarsinnaavoq, taamaattoq tak. imm. 2. Uppersaaititullu allakkiat taamatut ittut uppersaaititullu allakkianut inummit atsiugaasunut naligiissinneqassapput.

*Imm. 2.* Atsiorneqarsimanissaanut piumasaqaatip avaqqunneqarnera pillugu maleruagassanik erseqqinne-rusunik Erhvervsstyrelsi aalajangersaasinnaavoq. Uppersaaititullu allakkianik ilaasa aalajangersimasut inuttut atsiorneqarsimanissaannik piumasaqaatip avaqqunneqarsinnaannginnera ilanngullugu aalajangerneqarsin-naavoq.

## Kapitali 20

### *Tamanut saqqummiussineq.*

*Nassitsisarneq tamanullu saqqummiussineq il. il. pillugit malittarisassat  
sukumiinerusut*

*Aktieselskabit naalagaaffimmit pigineqartut pillugit annertusisamik  
paasisaqarsinnaaneq*

*Tamanut saqqummiussineq*

**§ 154.** Erhvervsstyrelsen aktianik piginneqatigiiffinit, naalagaaffiup aktianik piginneqatigiiffiutaannut maleruagassanik malinnittunit, tak. piginneqatigiiffiit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 351, ukiumoortunik nalunaarusianik, atuutsitsiffigineqannginnissamik nalunaarutunik il.il. tamatumunnga taarsiullugit nassiunneqartunik, akiliisinnaajunnaarnermi inaarutaasumik naatsorsuutunik kiisalu ukiup affakkaartumik nalunaarusianik tigusinini ingerlaannaq nalunaarutigissavaa.

*Imm. 2.* Allakkiat kikkunnit tamanit takuneqarsinnaassapput.

*Nassitsisarneq tamanullu saqqummiussineq il. il. pillugit erseqqinnerusumik maleruagassat*

**§ 155.** Ukiumoortunik nalunaarusiat, atuutsitsiffigineqannginnissamut nalunaarutit il.il. taakkununnga taarsiullugit nassiunneqartut aamma akiliisinnaajunnaarnermi inaarutaasumik naatsorsuutit, tak. § 139, imm. 2, aktianik piginneqatigiiffinit, naalagaaffiup aktianik piginneqatigiiffiutaannut maleruagassanik malinnittunit nassiunneqartut, tak. § 148, kiisalu suliffeqarfinit Kalaallit Nunaanni imaluunniit nunami EU/EØS-imut ilaasortaasumi tunitsivimmi maleruagassaqartumi pappialanik nalilinnik niuerutaateqartunit nassiunneqartut, tak. § 148 a, nassiunneqartarnissaat pillugu maleruagassanik Erhvervsstyrelsi aalajangersaassaaq.

**§ 155 a.** (Atorunnaarsinneqarpoq)

**§ 155 b.** Ukiumoortunik nalunaarusiat, atuutsitsiffigineqannginnissamut nalunaarutit il.il. taakkununnga taarsiullugit nassiunneqartut aamma akiliisinnaajunnaarnermi inaarutaasumik naatsorsuutit tamanut saqqummiunneqartarnissaat aamma ukiup ilaanut nalunaarusiat, aktianik piginneqatigiiffinit, naalagaaffiup aktianik piginneqatigiiffiutaannut maleruagassanik malinnittunit, tak. piginneqatigiiffiit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 351, kiisalu suliffeqarfinit Kalaallit Nunaanni imaluunniit nunami EU/EØS-imut ilaasortaasumi tunitsivimmi maleruagassaqartumi pappialanik nalilinnik niuerutaateqartunit nassiunneqartut tamanut saqqummiunneqartarnissaat pillugu maleruagassanik Erhvervsstyrelsi aalajangersaassaaq.

*Imm. 2.* Uppernarsaatit allakkianut styrelsen tamanut saqqummiussaanut naatsorsuutunik atuisut elektrokimik attaveqaatit atorlugit isersinnaanerit pillugu maleruagassanik styrelsi aalajangersaasinnaavoq.

*Imm. 3.* Ukiumoortunik nalunaarusianik tamanut saqqummiunneqareersunik allanngortitsinerit, tamatumalu kingunissai pillugit maleruagassanik styrelsi aalajangersaassaaq.

**§ 156.** Erhvervs- og Selskabsstyrelsi maleruagassiorsinnaavoq allagaatit il. il., inatsit manna naaper-torlugu tamanit atuarneqarsinnaasut, nuutinnerinut styrelsen edb-kkoortitaanik atuinermut, sullissinerit ilaannut immikkut akitigut aalajangersaavigineqanngitsunut kiisalu kingusinaartumik akiliinerni eqqaasit-sissutitut allakkanut il. il. akiliuteqarnissaq pillugu.

*Imm. 2.* Styrelsi maleruagassiorsinnaavoq inatsimmik matumunnga aqutsiviginninnermut tamatumun-galu atasumik misissuisarnernut, aningaasaatinit annaasat pillugit ingerlatseqatigiiffiit maleruagassaannik aammalu ukiumoortunik nalunaarusianik misissuiffiginninnermut atasumik suliffeqarfimmi peqataasunut allanullu inatsisinik unioqqutitsisunut taarsigassarsiarititanik aqutsiviginninnermut kiisalu naatsorsuutit pillugit assigiaanik pitsaassusiliernerup nunallu tamalaat pitsaassusiliaasa akuersissutigineqartarnerisa aqutsivigineqarnerannut ukiumoortunik akiliuteqarnissaq pillugu, tak. § 136.

*Imm. 3.* Suliffeqarfiit Kalaallit Nunaanni tunitsivimmi maleruagassaqartitaasumi pappialanik nalilinnik niuerutaateqartut, inatsimmut atasumik nakkutilliinermik ingerlaqarneq pillugu ukiumoortunik akiliute-qartarnissaat pillugu maleruagassanik Erhvervsstyrelsi aalajangersaasinnaavoq, tak. § 159 a. Akiliutit annertussusaat aamma akileqquneqartarnerat kiisalu kingusinaartumik akiliinermi nukingisaaruteqarner-mut akiliutit pillugit maleruagassat erseqqinnerusut ilanngullugit aalajangersarneqarsinnaapput.

**§ 157.** Uppernarsaatit allakkiat danskisut tuluttulluunniit allanneqarsimanissaannut § 138, imm. 3-imi piumasaqaatip aalajangersimasunut atuutsinneqannginnissaa pillugu maleruagassanik erseqqinnerusunik Erhvervsstyrelsi aalajangersaasinnaavoq. Styrelsi naliliippat tamanna pisariaqartoq, uppernarsaatit allakkiat taamatut ittut danskisunngorlugit tuluttunngorlugilluunniit akuerisamik nutserneqarsimatil-lugit suliffeqarfimmit kingusinnerusukkut nassiunneqarnissaat pillugu piumasaqaatinik styrelsi aalaja-ngersaasinnaavoq.

*Imm. 2.* Suliffeqarfiit Kalaallit Nunaanni imaluunniit nunami EU/EØS-imut ilaasortaasumi tunitsivimmi maleruagassaqartitaasumi pappialanik nalilinnik niuerutissaateqartut ukiumoortunik nalunaarusiaminnik aamma ukiup ilaanut nalunaarusiaminnik, inatsimmut matumunnga ilaasunik Erhvervsstyrelsimut qanoq nassitsisarnissaat pillugu maleruagassanik Erhvervsstyrelsi aalajangersaasinnaavoq.

*Imm. 3.* Ukiumoortumik nalunaarusiap imaluunniit uppernarsaatit allakkiat allat, inatsit manna malillugu Erhvervsstyrelsimut nassiunneqartussat imaat pillugit suliaassiissut Kalaallit Nunaanni eqqartuussivimmuq tunniunneqarpat, ukiumoortumik nalunaarusiap imaluunniit uppernarsaatit allakkiat eqqartuussinissaq siunertaralugu nutserneqarnerannut aningaasartuutit akilernissaannut akisussaaffik, Kalaallit Nunaanni inatsisit malillugit aalajangiivigineqassaaq.

*Naalagaaffiup aktieselskabiutai pillugit tamanut ammatitsinerunissaq*

**§ 158.** Piginneqatigiiffiit pillugit inatsimmi, kunngip peqqussutaatigut Kalaallit Nunaannut atortusannngortinneqartumi, tak. § 351, naalagaaffiup aktieselskabiutaasa malitarsissaat malillugit aktieselskabit ingerlanneqartut, ataatsimeersuarnissaq kingusinnerpaamik ullunik 14-inik sioqqullugu tusagassiuisunut tamatuminnaga kissaateqartunut nassiuttassavaat selskabip ukiumoortumik nalunaarusiaata naqinnera ataaseq, kiisalu selskabip pingaarnertut allaffiani taama ittoq kikkunnulluunniit kissaateqartunut tunniuttassallugu.

Kapitali 21

*Ukiumoortumik nalunaarusianik il. il. misissuiffigininneq*

*Misissugassanik tiguisarneq*

**§ 159.** Ukiumoortumik nalunaarusiat, taamaattoqarpallu kukkunersuiusumit oqaaseqaatit taakkununga attuumassuteqartut, atuutsitsiffigineqannginnissamik nalunaarutit il.il., ukiumoortumik nalunaarusiamut taarsiullugit nassiunneqartut, kiisalu aktianik piginneqatigiiffiit, naalagaaffiup aktianik piginneqatigiiffiutaannut maleruagassanik malinnittut, tak. piginneqatigiiffiit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 351, ukiup affakkaartumik nalunaarusiaat tiguneqartut Erhvervsstyrelsip taamungaannaq tigussiffigisarlugit misissorsinnaavai, inatsimmik matuminnaga, naatsorsuuserineq pillugu inatsimmik, kunngip peqqussutaatigut Kalaallit Nunaannut atuutsinneqalersumik, piginneqatigiiffiit pillugit inatsimmik, kunngip peqqussutaatigut Kalaallit Nunaannut atuutsinneqalersumik, suliffeqarfiit inuussutissarsiutitut ingerlatat aalajangersimasut pillugit inatsimmik, kunngip peqqussutaatigut Kalaallit Nunaannut atuutsinneqalersumik, aningaasaateqarfiit inuussutissarsiutitut ingerlatat pillugit inatsimmik, kunngip peqqussutaatigut Kalaallit Nunaannut atuutsinneqalersumik, kukkunersuiusut naalagaaffimmit piginnaatitat aamma nalunaarsukkat pillugit inatsimmik, kunngip peqqussutaatigut Kalaallit Nunaannut atuutsinneqalersumik imaluunniit aalajangersakkanik inatsisit pineqartut malillugit aalajangersagaasunik erseqqivissumik unioqqutitsinerit paasiniarlugit. Ukiumoortumik nalunaarut nunat tamalaat akornanni naatsorsuuserisarnermi periutsit atorlugit saqqummiunneqarsimappat, tak. § 137, Erhvervs- og Selskabsstyrelsep aammattaaq misissussavaa ilumut ukiumoortumik nalunaarut periusissaasut malillugit saqqummiunneqarsimanersoq. Ingerlatsiviit, taakku tuniniarneqarsinnaasunik pappialanik naliliutillit pigisaat Kalaallit Nunaanni niuerfusinnaasuni niuerutaasinnaasut tiguneqarsimasut, pitsaassusissaasa aamma ukiumut nalunaarutini aamma ukiup ilaanut nalunaarutini aningaasalersuinermut tunngasuni malittarisassanik eqqortitsinersut misilittanernerit Fondsrådimit isumagineqassapput, tak. § 159 a.

*Imm. 2.* Styrelsi ukiumoortumik nalunaarusianik il. il. misissugassatut toqqartuineri tunngavigisassanik allanik aammattaaq atuisinnaavoq.

*Suliffeqarfiit Kalaallit Nunaanni tunitsivimmi maleruagassaqartumi pappialanik nalilinnik niuerutigisaqartut ukiumoortumik nalunaarusiaannik aamma ukiup ilaanut nalunaarusiaannik nakkutilliineq*

**§ 159 a.** Suliffeqarfiit nunami ER/EØS-imut ilaasumi tunitsivimmi maleruagassaqartitaasumi pappialanik nalilinnik niuerutissaateqartut, ukiumoortumik nalunaarusiani aamma ukiup ilaanortumik nalunaarusiani aningaasaqarnikkut paasissutissinermi pitsaassutsimut naliliussat maleruagassallu imm. 2-mi 3-milu taaneqartut malinneqarnerat Aningaasaqarnermut Nakkutilliisut nakkutigissavaat. Suliat suliffeqarfinnut inatsimmut matumunnga ilaasunut tunngasut suliarineranni, Erhvervsstyrelsi Aningaasaqarnermut Nakkutilliisut inissisimaffiannut inississaaq, tak. pappialanik nalilinnik il.il. niuerneq pillugu inatsimmi § 83, imm. 2 aamma 3. Oqaaseqatigiit siulliit malinneqarnerat Aningaasaqarnermut Nakkutilliisut siulersuisuisa nakkutigissavaat, aningaasaqarnermik suliaqarneq pillugu inatsimmi § 345 malillugu siulersuisut piginnaatitaanerit naapertorlugu.

*Imm. 2.* Suliffeqarfiit naatsorsuuserinermi klasse D-mut ilaasut, Kalaallit Nunaanni tunitsivimmi maleruagassaqartitaasumi pappialanik nalilinnik niuerutigisaqartut ukiumoortumik nalunaarusiaat aamma ukiup ilaanut nalunaarusiaat nunani tamalaani naatsorsuuserinermut pitsaassusiliussani aningaasaqarner-

mik paasissutissiinissamat maleruagassanik malinninersut imm. 1 malillugu nakkutilliinermut oqartussat misissussavaat, tak. nunat tamalaat akornanni naatsorsuuserinermut pitsaassusiliussat atorneqarnerat pillugu Rådip peqqussutaa aamma inatsimmi matumani § 137, kiisalu inatsimmi matumani imaluunniit inatsit manna malillugu maleruagassat aalajangersagaasut.

*Imm. 3.* Suliffeqarfiit naatsorsuuserinermi klasse A-mut ilaasut, Kalaallit Nunaanni tunitsivimmi maleruagassaqartitaasumi pappialanik nalilinnik niuerutigisaqartut ukiumoortumik nalunaarusiaat aamma ukiup ilaanut nalunaarusiaat imm. 1 malillugu nakkutilliinermut aamma ilaapput, ukiumoortumik nalunaarusiat imaluunniit ukiup ilaanut nalunaarusiat taamaallaat suliffeqarfiup nammineq atugassarinnigipagit, tak. § 3, imm. 2.

*Imm. 4.* Imm. 1-3 malillugit nakkutilliinermi nassiussinissamat killissaritinneqartut il.il. eqqortinneqarnerinik Erhvervs- og Selskabsstyrelsimi saqqummiunneqarnissaannut tunngasuni nakkutilliineq ilaatinneqanngilaq.

*Imm. 5.* Imm. 2 aamma 3 malillugu nakkutillinnermut tunngatillugu, nakkutilliisutut oqartussat ingerlatissavaat piginnaatitaaffiit, Erhvervs- og Selskabsstyrelsimut tunniunneqarsimasut §§ 160 aamma 161 aamma 162, imm. 1 nr. 2 aamma 3-mi, taamatullu pappialanik nalilinnik il.il. niuerneq pillugu inatsimmi § 83, imm.2 malillugit. Taamatutaaq nakkutilliinermut oqartussat piginnaatitaaffiit ingerlatissavai Aningaasaqarnermut Nakkutilliisunut tunniunneqarsimasut, pappialanik nalilinnik il.il. niuerneq pillugu inatsisimmi § 83, imm. 3 malillugu.

*Imm. 6.* Suliffeqarfiup Kalaallit Nunaanni tunitsivimmi maleruagassaqartitaasumi pappialanik nalilinnik niuerutigisartup inatsit manna malillugu pisussaaffini malinnigipagit, imm. 1 malillugu nakkutilliinermut oqartussat suliffeqarfik pissutsinik allanngueqqullugu peqqusinnaavaat, paasissutissat allanngortinneqartut imaluunniit ilassutaasut tamanut saqqummiunneqarnissaannik ilanngullugu peqqusinnaallugu. Tamanna naapertuuttut nalilernerqarpat, Nakkutilliinermut Oqartussat, tak. imm. 1, paasissutissat pineqartut namminneq tamanut saqqummiussinnaavaat imaluunniit peqqusinerit tamanut saqqummiullugu. Pappialat nalillit kallugaasut Kalaallit Nunaanni tunitsivimmi maleruagassaqartitaasumi niuerutigineqarsinnaanerit Nakkutilliinermut Oqartussat, tak. imm. 1, ilanngullugu atorunnaarsissinnaavaat imaluunniit pineqartut peersillugit. Oqaaseqatigiit siulliit malillugit peqqusinerit suliffeqarfiup eqqortinnigipagit, suliffeqarfiup Nakkutilliinermut Oqartussanit tak. imm. 1, pinngitsaaliissutit suliffeqarfiup aqutsisuinut ilaasortanut ullukkaartunik sapaatit akunnikkaartumilluunniit pinngitsaaliissummik akiliisitsinnaapput.

*Imm. 7.* Pinngitsaaliissummik akiliisitsissutit naalagaaffiup karsianut nakkartinneqassapput.

#### *Paasissutisseeqqusineq*

**§ 160.** Erhvervs- og Selskabsstyrelsip suliffeqarfik, taassuma aqutsisui imaluunniit kukkunerisuisua piumafigisinnavaai paasissutisseeqqullugit § 159, imm. 1-imi taaneqartutut inatsinik suliffeqarfiullu malittarisassaanik unioqqutitsisoqarsimasinnaanerata imaluunniit unioqqutitsisimanerup atuukkunnaarsimanerata isummerfiginiar-nissaannut pisariaqartinneqartunik. Aammattaaq Erhvervs-og Selskabsstyrelsi, ingerlatsivimmit, taassumap pappialanik aningaasanik nalilinnik pigisaanik Kalaallit Nunaanni niuerfinni niuerutaasinnasutut tiguneqarsimasumit, taassuma aqutsisunit imaluunniit kukkunerisuisuanit paasissutissat piumasinnavaai, qularnaarumallugu ukiumoortumik nalunaarutit, nunat tamalaat akornanni naatsorsuusereriaatsit malillugit saqqummiunneqarsimanerit pisimanersut qularnaar-nissaannut pisariaqartinneqartut, saqqummiunneqarsimanersut pitsaassusissamik piumasaqaatit naapertorlugit, tak. § 137.

#### *Inatsinik unioqqutitsinerit qisuariarfigineqarnerat*

**§ 161.** Inatsimmi § 159, imm. 1-imi taaneqartunik eqqortumik malinninnissaq qulakkeerniarlugu Erhvervs- & Selskabsstyrelsi:

- 1) ilitsersuisarsinnaavoq,
- 2) unioqqutitsinerit avoqqaarisinnaallugit aamma
- 3) kukkunerit iluarsineqarnissaat unioqqutitsinerillu unitsinneqarnissaat peqqussutigisinnavaa kiisalu § 135, imm. 6, oqaaseqatigiit pingajuanni aamma imm. 7-mi taaneqareersut tunngavigalugit aalajangiisinnatitaalluni.

### **Immikkoortoq XI**

**Pinngitsaaliissummik akiliisitsinerit. Naammagittaaliorsinnaaneq. Pineqaatissiissutit.**

## Atuutilersitsineq

### Kapitali 22

#### *Pinnngitsaaliissummik akiliisitsinerit*

§ 162. Sulliffeqarfiup aqutsisuini ilaasortat Erhvervs- og Selskabsstyrelsimit pinnngitsaaliissummik akiliisittassannngortinneqarsinnaapput ullormoortunik imaluunniit sapaatit akunneranoortunik,

- 1) allakkianik piffissaliusseq eqqorlugu aammalu §§ 138-148-mut imaluunniit inatsit manna naapertorlugu aalajangersakkanut naapertuuttunik sulianik nassitsinngitsoorpata,
- 2) § 160 naapertorlugu piumasamik paasissutissiinnngippata imaluunniit
- 3) § 161, nr. 3 naapertorlugu peqqussutigisaanik naammassinninngippata.

*Imm. 2.* Sulliffeqarfiup kukkunersiuisua taamatuttaaq pinnngitsaaliissutitut akiliisussannngortitaasinnaavoq, angutaaguni/arnaaguni § 160 naapertorlugu paasissutissiinnngitsoorsimaguni.

*Imm. 3.* Pinnngitsaaliissummik akiliisitsissutit naalagaaffiup karsianut nakkartinneqassapput.

### Kapitali 23

#### *Naammagittaalliorsinnaaneq*

§ 163. Inatsit, nalunaarutit inatsit malillugu atuutilersinneqartut kiisalu §§ 136 aamma 137 malillugit naatsorsuutitut pitsaassusiliussat malillugit Erhvervs- & Selskabsstyrelsi aalajangiigai Erhvervsankenævni-mut naammagittaalliutigineqarsinnaapput, aalajangiinerup pineqartup nalunaarutigineqarneraniit kingusinnerpaamik sapaatit akunneri arfineq marluk qaangiutsinnagit naammagittaalliutiginiagaq tunniunneqartassaq, taamaattoq tak. imm. 2 aamma 3.

*Imm. 2.* § 150, imm. 3, aamma §§ 159 aamma 160 naapertorlugit aalajangiikkat kiisalu piffissaliussamik sivitsuiniarluni kissaatinik itigartitsissutit ingerlatsinermi oqartussanut qulliunerusunut ingerlateqqinneqarsinnaanngillat.

*Imm. 3.* Najoqqutassat § 153 a naapertorlugu atuutilersinneqartut malillugit aalajangiinerit ingerlatsinermi oqartussanut allanut ingerlateqqinneqarsinnaanngillat.

*Imm. 4.* § 159 a malillugu aalajangiinerit, § 160 malillugu aalajangiinerit pinnagit Erhvervsankenævni-mut suliaannngortinneqarsinnaapput, aalajangiinerup pineqartumut nalunaarutigineranit kingusinnerpaamik sapaatit akunneri arfineq marluk qaangiutsinnagit, tak. pappialanik nalilinnik il.il. niuerneq pillugu inatsimmi § 88, imm. 1.

### Kapitali 24

#### *Pineqaatissiissutit*

§ 164. Kalaallit Nunaanni pinerluttulerinermik inatsit naapertorlugu nammineq pisuuneq tunngavilugu allatut pineqaatissiisoqarsimannngippat, §§ 4-6- mik, 8-16-mik, §§ 18-134, § 137, imm. 1 aamma 3-mik aamma § 158-mik unioqqutitsinerit akiliisitaanermik kinguneqartassapput. Aamma taamaassaaq, suliffeqarfik, nunat tamalaat akornanni naatsorsuusereriaatsit § 137, imm. 2 naapertorlugu suliat, atussallugit aalajangersimasup pitsaassusissamik piumasaqaatit unioqqutippagit imaluunniit § 137, imm. 3 unioqqutippagu.

*Imm. 2.* Pinerluttulerinermik inatsit naapertorlugu pisuutitaalluni allamik pineqaatissiisoqarsimannngippat, suliffeqarfiup akisussaasutut pisortai, tak. § 8, ukiumoortumik naatsorsuutunik, taamaattoqarpallu suliffeqarfissuup naatsorsuutaanik kukkunersiuititsisimannnginnertik pillugu akiliisitaassapput, tamatumunnga § 135, imm. 1, oqaseqatigiit pingajuanni piumasaqaatit eqqortinneqarsimannngikkaluartut, imaluunniit ukiumoortumik naatsorsuutit taamaattoqarpallu suliffeqarfissup naatsorsuutai pillugit inuk, nalunaaruteqarsinnaatitaanermut § 135-imi piumasaqaatinik eqqortitsinngitsoq nalunaaruteqartissimagunikku. Inuk § 135 a-mi piumasaqaataasunik naammassinnissimannngitsoq, ukiumoortumik nalunaarusiamik kukkunersiuisimalluni uppersaasimasooq, tamatuma assinganik pineqaatissinneqassaaq.

*Imm. 3.* Unioqqutitsineq aktie- imaluunniit anpartselskabimit, andelselskabimit, peqatigiiffimmit, aningaasaateqarfimmit assigisaannilluunniit (inatsitigut pisinnaatitaasumit pisussaataasumillu) unioqqutitsinerusimappat, taava ingerlatseqatigiiffik selskabi, peqatigiiffik, aningaasaateqarfik il.il., pinerluttulerinermik inatsit malillugu pineqaatissinneqarsinnaavoq.

*Imm. 4.* Najoqqutassani, inatsit malillugu atuutsinneqalersuni, najoqqutassanik taakkunangga unioqqutitsineq akiliisitaanermik kinguneqarsinnaasoq aalajangersarneqarsinnaavoq.

*Imm. 5.* Naatsorsuutit pitsaassusissaattut maleruagassiaq, § 136, imm. 1 naapertorlugu atuutilersinneqarsimasumik unioqqutitsinerup akiliisitaanermik kinguneqarsinnaanera pillugu Erhvervs- & Selskabsstyrelsen nalunaarusiornermigut aalajangersarsinnaavaa.

*Imm. 6.* Kinaluunniit nakkutilliinermut oqartussat peqqussinerannik malinninngitsoq, tak. § 159 a, imm. 1, imaluunniit eqqungitsunik imaluunniit paatsiveerussaataasunik taakkununnga paasisutissiisoq, inatsit allat tunngavigalugit qaffasinnerusumik pillaatisinissamut pisuutitaanngikkuni, akiliisitaanermik pillarneqassaaq.

*Imm. 7.* Inatsimmi matumani aalajangersakkanik imaluunniit maleruagassanik inatsit malillugu atuutilersitaasunik unioqqutitsinernut pisoqalisoorinissamut piffissaliussaq ukiut tallimaapput.

## Kapitali 25

### *Atuutilersitsineq ikaarsaariarnerlu*

**§ 165.** Peqqussut 1. august 2008-mi atuutilerpoq, ukiumut naatsorsuiffiusumut, 1. august 2008-mi kingusinnerusukkulluunniit aallaartittumut sunniuteqarluni, taamaattoq tak. imm. 4, 7 aamma 8.

*Imm. 2.* Peqatigisaanillu suliffeqarfiit inuussutissarsiutitut ingerlatat ukiumoortumik naatsorsuutini il.il. saqqummiussisarnissaat pillugu inatsisip Kalaallit Nunaannut atuutsinneqalernissaa pillugu peqqussut nr. 1213, 7. december 2004-meersoq atorunnaarsinneqarpoq (ukiumoortumik naatsorsuutit pillugit inatsit). Imm. 3-8. (Ilaassanngillat)

**§ 166.** Imm. 1-4. (Ilaassanngillat)

*Imm. 5.* Erhvervsstyrelsi inatsimmi matumani ikaarsaariarneq pillugu aalajangersakkanik sanioqqutsinnaavoq ikaarsaariarnermilu aalajangersakkanik allanik aalajangersaasinnaalluni inatsit manna malillugu maleruagassianik atuilernissamut atatillugu aqutsinikkut nammatassat oqilisaaviginissaat pisariaqartinneqassappat.

**§ 167.** Suliffeqarfiup aningaasannorlugit naatsorsuisarnerit, tak. § 16, siullermeersumik allannguiteqartissimmappagit, tamanna § 13, imm. 2-mi patsisissaatit malinnagit pisinnaavoq. Taamaattorli § 11, imm. 3, oqaaseqatigiit aappaanni, tak. § 13, imm. 3, paasisutissiinissamik piumasaqaatit suliffeqarfiup naammassissavai.

**§§ 168-170.** (Ilaassanngillat)

---

Inatsit nr. 1287, 19. december 2012-meersoq atuutilerfia il.il. pillugit aalajangersakkanik tulliuttunik imaqrpoq:

## **§ 17**

*Imm. 1.* Inatsit 1. januar 2014-imi atuutilerpoq, taamaattoq tak. imm. 2-5.

*Imm. 2-6.* (Ilaatinneqanngillat)

---

Peqqussut nr. 487, 14. maj 2018-meersoq atuutilerfia il.il. pillugit aalajangersakkanik tulliuttunik imaqrpoq:

### *Atuutilerfia ikaarsaariarnerlu*

## **§ 3**

*Imm. 1.* Peqqussut ulloq 1. juli 2018-imi atuutilerpoq.



*Imm. 2.* Suliffeqarfinnut il.il. peqqussummut ilaatinneqartunut ikaarsaariarnermi immikkut ittumik aqqissuussinerit pillugit maleruagassanik inuussutissarsiornermut ministeri aalajangersaasinnaavoq.

*Imm. 3.* Ukiumoortumik nalunaarusiat, peqqusutip matuma atuutilerfia sioqqullugu Erhvervsstyrelsimit tiguneqarsimasut, maleruagassat piffissaq taanna sioqqullugu atuuttut malillugit suliarineqassapput.

*Imm. 4.* Nalunaarutit atuuttut, ukiumoortumik naatsorsuutit pillugit inatsisip Kalaallit Nunaannut atuuttussanngortinnera pillugu peqqussut nr. 625, 23. juni 2008-meersoq malillugu atuuttussanngortinneqartut, atorunnaarsinneqarnissamik, allanngortinneqarnissamik imaluunniit peqqussut manna malillugu nalunaarutininik taarserneqarnissamik tungaannut atuutissapput.

*Erhvervsstyrelsi, ulloq 19. juni 2018*

HENNING STEENSIG

/ Susanne Thorhauge

## Nassuiaatit

Inatsimmi matumani ataani allassimasut imatut paasineqassapput

### A. Nalinginnaat

1. Tunitsivik ingerlasoq:

Tunitsivik, naliliutinik pisussaaffinnilluunniit tunisisarnerit naammaginatsumik akulikissusilimmik naammaginatsumillu annertussusilimmik ingerlanneqartarlutik, akinik aalajangersaanissamat paasissutissanik ataavartumik pissarsisoqarsinnaasarluni.

2. Aningaasaatinut piginneqatigiissutit:

Aktianik piginneqatigiiffinni piginneqatigiissutit (aktiat), anpartsselskabini piginneqatigiissutit (anpartit) kiisalu suliffeqarfinni allani nammineq aningaasaatinut piginneqatigiissutit.

3. Ikinnersussteqartut soqutigisaat:

Suliffeqarfinni akiliisinnaassuseqartuni aningaasaatinut piginneqatigiissutit, piginneqatigiiffissuarmi suliffeqarfiumngitsunit allanilli pigineqartut.

4. Aningaasat naatsorsuutitut allattugassat:

Aningaasat tigorianaanaat kiisalu naliliutit pisussaaffiillu, ilanngullugit pisussaaffiit utaqqisitat, aningaasanik aalajangersariikkanik imaluunniit aalajangerneqarsinnaasunik akilersugaasartut.

5. Naalagaaffiup aktianik piginneqatigiiffiutai:

Piginneqatigiiffiit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 351 malillugu, piginneqatigiiffiit suliffeqarfiit piginnittut suliffeqarfimmu pigisamat attuumassutaasa assigisaannik Kalaallit Nunaanni Namminersorlutik Oqartussat attuumassuteqarfigisaat, tak. piginneqatigiiffiit pillugit inatsimmi, kunngip peqqussutaatigut Kalaallit Nunaannut atuutsinneqalersumi §§ 6 aamma 7, piginneqatigiiffiit pillugit inatsimmi, kunngip peqqussutaatigut Kalaallit Nunaannut atuutsinneqalersumi, inatsimmilu matumani naalagaaffiup aktianik piginneqatigiiffiutaanut maleruagassanik immikkut ittunik malitsinissaat pillugu maleruagassanik Erhvervsstyrelsi aalajangersaasinnaavoq, inuiaqatigiit immikkut ittunik soqutigisaasa tamanna pisariaqartippassuk.

6. Suliffeqarfiup aqutsisui:

Aqutsisutut suliaqartitatut akisussaasunut ilaasortat, inatsisit, malittarisassat, isumaqatigiissutit imaluunniit ileqqut suliffeqarfimmu atuuttut malillugit qullerpaatut aqutsinermik aamma ulluinnarni aqutsinermik isumagisaqartut. Suliffeqarfinni nakkutilliinermik suliaqartitaqartuni imaluunniit nakkutilliinermut siunnersuisoqatigeeqartuni, nakkutilliinermut suliaqartitat imaluunniit nakkutilliinermut siunnersuisoqatigiit aalajangersakkanut qullerpaatut aqutsinermik suliaqartunut atuuttunut ilaassapput. Suliffeqarfik aqutsinermik suliaqartaqanngippat, inuttut nammineq piginnittutut akisussaasut aqutsinermik suliaqartitatut akisussaasutut isigineqassapput,

7. Suliffeqarfimmu peqataasoq:

Aktianik piginneqataasoq, anpartinik piginneqataasoq allaluunniit suliffeqarfiup aningaasaataanut piginneqataassutinik peqartoq.

8. Suliffeqarfiup aningaasaatai:

Aningaasat, suliffeqarfimmu peqataasut suliffeqarfimmu aningaasaliissutigisimasaat. Aktianik piginneqatigiiffinni anpartsselskabinilu suliffeqarfiup aningaasaatai tassaapput aktiatigut aningaasaatit aamma anpartitigut aningaasaatit.

## **B. Piginneqatigiiffissuit il.il.**

### 1. Piginneqatigiiffissuaq:

Suliffeqarfik piginnittoq taassumalu suliffeqarfiit pigisai tamarmiusut.

### 2. Suliffeqarfik piginnittoq:

Suliffeqarfik, suliffeqarfimmut pigisamut ataatsimut arlalinnulluunniit aalajangiisutut sunniuteqartoq.

Suliffeqarfik pigineqartoq ataasiinnartumik toqqaannartumik suliffeqarfimmit pigineqarsinnaavoq. Suliffeqarfiit arlaqartut nr. 4-imi aalajangiinermut tunngavimmik ataatsimik arlalinnilluunniit eqqortitsippata, taamaallaat suliffeqarfik suliffeqarfiup aningaasaqarnikkut ingerlatsinikkullu aalajangiinerinut aalajangiisumik aqutsisutut sunniuteqarsinnaasoq, suliffeqarfittut piginnittut isigineqassaaq.

### 3. Suliffeqarfik pigisaaq:

Suliffeqarfik, suliffeqarfimmit piginnittumit aalajangiisumik sunniuteqarfigneqartoq.

### 4, Suliffeqarfimmut pigisamut atatillugu aalajangiisumik sunniuteqarneq:

Aalajangiisumik sunniuteqarneq tassaavoq suliffeqarfiup pigisap aningaasaqarnikkut ingerlatsinikkullu aalajangiinerinut aqutsinissamut piginnaatitaaneq.

Suliffeqarfimmut pigisamut atatillugu aalajangiisumik sunniuteqartoqartarpoq suliffeqarfiup piginnittup suliffeqarfik pigisaaq toqqaannartumik toqqaannangitsumilluunniit aqutugalugu suliffeqarfimmi taasisinnaassutsit affai sinnerlugit pigigunigit, piginnittuussutip aalajangiisumik sunniuteqarnermik kinguneqannginnera pisuni immikkut ittuni erseqqissumik uppersarneqanngippat.

Suliffeqarfiup piginnittup suliffeqarfimmi taasisinnaassutsit affai sinnerlugit piginngippagit, aalajangiisumik sunniuteqartuussaaq suliffeqarfik piginnittoq tulluuttunik eqqortitsippat

1) aningaasaliissuteqartunut allanut isumaqatigiissuteqarnermigut taasisinnaassutsit affai sinnerlugit atuisinnaatitaaguni,

2) suliffeqarfimmi aningaasaqarnikkut ingerlatsinikkullu pissutsinik aqutsinissamut malittarisassat isumaqatigiissulluunniit malillugit piginnaatitaaguni

3) aqutsisutut qullerpaatut suliaqartitaasut amerlanerussuteqartut toqqarnissaannut imaluunniit tunuartinissaannut piginnaatitaaguni, aqutsisutullu suliaqartitat taakku suliffeqarfimmut aalajangiisumik sunniuteqarpata, imaluunniit

4) ataatsimeersuarnermi assigisaanilluunniit suliaqartitani piviusumik taasisinnaassutsini amerlanerussuteqartunik atuisinnaatitaalluni, taamaasiornikkullu suliffeqarfimmut piviusumik aalajangiisumik sunniuteqarluni.

Taasisinnaasutaasinnaasut piunerat sunniutaallu, aningaasaatinut piginneqatigiissutinik suliaqarsinnaaneq pisisinnaatitaanermullu inniminnigaanerit, maanna atorluarneqarsinnaasut imaluunniit allanngortinneqarsinnaasut ilanngullugit, suliffeqarfiup suliffeqarfiup allap aningaasaqarnikkut ingerlatsinikkullu aalajangiinerinut aqutsinissamut piginnaatitaanerata nalilernerani eqqarsaatigineqassapput.

Suliffeqarfimmi pigisami taasisinnaassutsit naatsorsorneranni, taasisinnaassutsit aningaasaatinut piginneqatigiissutinut suliffeqarfiup pigineqartup nammineq pigisaanut imaluunniit taassuma suliffeqarfiit pigisaasa pigisaannut attuumassuteqartut ilaassanngillat.

### 5. Suliffeqarfik piginneqataaffigisaaq:

Suliffeqarfik, suliffeqarfik pigisaanngitsoq, kisiannili suliffeqarfiup allap taassumalu suliffeqarfiit pigisaasa aningaasaatinut piginneqatigiissuteqarfigisaat kiisalu suliffeqarfiup ingerlatsinikkut aningaasaqarnikkullu aqunneqarneranut annertuumik sunniuteqarfigisaat. Suliffeqarfiup taassumalu suliffeqarfiit pigisaasa kattullutik taasisinnaassutsit 20 procentii sinnerlugilluunniit pigippatigit, suliffeqarfik annertuumik sunniuteqartutut ilimagineqassaaq.

### 3. Suliffeqarfik ataqatigisaq:

Suliffeqarfiup suliffeqarfik pigisaa, taassuma suliffeqarfik piginnittua taassumalu suliffeqarfik pigisaa.

### C. Ukiumoortumik nalunaarusiamut akuusut

Suliffeqarfimmi pigisami taasisinnaassutsit naatsorsorneranni, taasisinnaassutsit aningaasaatinut pigineqatigiissutitut suliffeqarfiup pigineqartup nammineq pigisaanut imaluunniit taassuma suliffeqarfiit pigisaa pigisaannut attuumassuteqartut ilaassanngillat.

#### 1. Naliliutit:

Isumalluutit, siusinnerusukkut pisarsimasut kingunerannik suliffeqarfiup nakkutigilersimasai, suliffeqarfiup siunissami aningaasaqarnikkut iluaquserneqarnissaanut aallaaviusussatut naatsorsuutigineqartut.

#### 2. Sanaartukkat naliliutit:

Naliliutit, suliffeqarfiup ataavartumik pigisassaatur atugassaatulluunniit aalajangigaasut.

#### 3. Naliliutit kaaviiartinneqarsinnaasut:

Naliliutit, sanaartukkatut naliliutaanngitsut.

#### 4. Naliliutit sivikitsumik piffissalikkat:

Naliliutit ilanngussaq 2, immersugassaq 2-mi sivikitsumik piffissalikkatut taaneqassapput, aalajangiinermi tunngaviit tulliuuttut ilaat ataaseq eqqortikkunikku:

- a) Aningaasanngortinneqarnissaat naatsorsuutigineqarpoq, imaluunniit tunineqarnissaat imaluunniit suliffeqarfiup nalinginnaasumik ingerlatsinerata ingerlaasianut atatillugu atorneqarneqarnissaat siunertaralugu pigineqarlutik.
- b) Pigineqarput niuernissaq annerusumik siunertaralugu.
- c) Ullormit oqimaaqatigiissitsiffiusumit qaammatit aqqaneq marluk qaangiutsinnagit aningaasanngortinneqarnissaat naatsorsuutigineqarpoq.
- d) Aningaasatut tigoriaannartut pissuseqarput, killilersuiffigineqarsimanngikkunik, tamatumalu kingunerannik ullormit oqimaaqatigiissitsiffiusumit sivikinnerpaamik qaammatini aqqaneq marlunni tunineqarsinnaanatik imaluunniit pisussaaffimmut akiliutitut atorneqarsinnaanatik.

#### 5. Naliliutit siviisuumik piffissalikkat:

Naliliutit naliutitut sivikitsumik piffissalikkatut isigineqarsinnaanngitsut, tak. nr. 4, naliliutitut siviisuumik piffissalikkatut isigineqassapput.

#### 6. Aningaasaqarnikkut naliliutit:

Naliliutit tassaasut

- 1) aningaasat tigoriaannaat,
- 2) inummit pingajuusumit aningaasanik tigoriaannarnik imaluunniit aningaasatigut naliliutinik allanik tigusaqarnissamut pisinnaatitaaffeqarnermik isumaqatigiissut,
- 3) inummit pingajuusumit aningaasatigut naliliutinik pisussaaffinnilluunniit paarlaaqatigiinnissamik pisinnaatitaaffeqarnermik isumaqatigiissut, iluaqutaasinnaasunik atugassaqartitaalluni, imaluunniit
- 4) suliffeqarfiup allap nammineq aningaasaataanut pisinnaatitaaffeqarneq.

#### 7. Pisussaaffiit:

Suliffeqarfimmut pisussaaffiit piusut, siusinnerusukkut pisarsimasut kingunerannik pilersimasut, akilernerqarunik aningaasaqarnikkut iluaqutissat siunissami tunuarfigineqarnerannik kinguneqartussatut naatsorsuutigineqartut.

#### 8. Aningaasaqarnikkut pisussaaffiit:

Pisussaaffiit makkuusut

- 1) inummut pingajuusumut aningaasanik tigoriaannarnik imaluunniit aningaasatigut naliliutinik allanik tunniussinissamik pisussaaffeqarnermik isumaqatigiissutit imaluunniit
- 2) inummut pingajuusumut aningaasatigut naliliutinik pisussaaffinnilluunniit paarlaaqatigiinnissamik pisussaaffeqarnermik isumaqatigiissutit, pitsaanngissinnaasunik atugassaqaqtitaalluni.

#### 9. Pisussaaffiit kinguartitat:

Pisussaaffiit, annertussutsimikkut imaluunniit akilerneqarnissamut piffissalernerneqarnermik nalorninartortallit, ukiumut naatsorsuiffiusumut imaluunniit ukiumut naatsorsuiffiusumut siusinnerusukkumeersumut tunngasuusut.

#### 10. Naliliutit nalorninartortarllit:

Pissutsit, siusinnerusukkut pisarsimasut kingunerannik ullormi oqimaqatigiissitsiffiusumi atuuttut, siunissami aningaasaqarnikkut iluaquserneqarnermik kinguneqarsinnaasut, naliliutilli piunerat aatsaat uppenarsarneqarsinnaavoq siunissami pisussaqaq ataaseq imaluunniit pisussat arlallit nalorninartullit, suliffeqarfiup aqussinnaanngisai aqutugalugit.

#### 11. Pisussaaffiit nalorninartullit:

- 1) Pissutsit, siusinnerusukkut pisarsimasut kingunerannik ullormi oqimaqatigiissitsiffiusumi atuuttut, siunissamilu aningaasaqarnikkut iluaquserneqarnissap atuukkunnaarsinneqarsinnaanerani kinguneqarsinnaasut, pisussaaffiullu piunera aatsaat uppenarsarneqarsinnaalluni siunissami pisussaqaq ataaseq imaluunniit pisussat arlallit nalorninartullit, suliffeqarfiup aqussinnaanngisai aqutugalugit, imaluunniit
- 2) pisussaaffiit, siusinnerusukkut pisarsimasut kingunerannik ullormi oqimaqatigiissitsiffiusumi atuuttut, pigiunnaarnerisigullu siunissami aningaasaqarnikkut iluaquserneqarnissap atortunnaarsinneqarnissaanik kinguneqarnissaa ilimanarani, imaluunniit
- 3) pisussaaffiit, aningaasatigut annertussusaat naammaginaturnik tatiginassusilimmik nalilerneqarsinnaanngitsut.

#### 12. Isertitat:

Piffissami naatsorsuusiorfiusumi aningaasaqarnikkut iluaqutissat amerleriarnarat, naliliutit amerleriarnarisigut imaluunniit naleqarnerulerisigut, imaluunniit pisussaaffiit ikileriarnarisigut, taakkualu nammineq aningaasaatit amerleriarnarannik kinguneqarlutik. Piginnittulli aningaasaliissutaat isertitanut ilaanngillat.

#### 13. Ilanngaatissat ilanngaatigereerlugit kaaviiartitat:

Tunisassiat sullissinerillu il.il. tunineqarnerminni nalingat, piginneqatigiiffiup nalinginnaasumik ingerla-taanut tunngasut, akikilliliinerit, naleqarnerulissutaannut akitsuutit allatigullu akileraarutit, tunisnermi akigitamat toqqaannartumik attuumassutillit ilanngaatigereerlugit.

#### 14. Aningaasartuutit:

Piffissami naatsorsuusiorfiusumi aningaasaqarnikkut iluaqutissat ikileriarnarat, naliliutit ikileriarnarisigut imaluunniit naliisa annikileriarnarisigut imaluunniit pisussaaffiit amerleriarnarisigut, taakkualu nammineq aningaasaatit ikileriarnarannik kinguneqarlutik. Sinneqartoorutinilli agguaassinerit piginnittunulluunniit agguaassinerit aningaasartuutinut ilaanngillat.

### **D. Naliliinissamut tunngaviit il.il.**

#### 1. Akivia ilanngaasariigaq (amortiseret):

Akivia ilanngaasariigaq (amortiseret) tassaavoq nalinga, aningaasatigut naliliutip imaluunniit aningaasatigut pisussaaffiup siullermeertumik naatsorsorneqarnermini tulliuuttunik ilallugu nalisaa

- 1) naafferartumik akiliutit ilanngaatigalugit,
- 2) aningaasat aallaqqaammut naatsorsorneqartut aningaasallu piffissap naanerani akilerneqartussat akornaminni assigiinngissutaannik nalikilliliinerit tamarmiusut ilassuserlugit ilanngaasarlugilluunniit, aamma
- 3) nalikilliliinerit ilanngaatigalugit.

## 2. Ullormut nalinga:

Ullormut nalinga tassaapput aningaasat, naliliutip illuatungeriit imminnut attuumassuteqanngitsut akornanni paarlaaqatigiissutiginnissaannut imaluunniit pisussaaffiup taakku akornanni atorunnaarsinneqarnissaanut atorneqartussat.

## 3. Pisiareqqinnissaanut nalinga:

Naliliummut pisiareqqinnissaanut nalinga, tassaavoq naliliutip assigisaata ullormi oqimaaqatigiissitsiffiusumi pisiarineranut akigititaq akilerneqartussa.

## 4. Pissarsiareqqinneranut nalinga:

Naliliutip pissarsiareqqinneranut nalinga tassaavoq aningaasatigut nalinga aamma tunineqarnermini nalinga qaffasinnerpaat, tunisinermi aningaasartuutaasinnaasutut naatsorsuutigisat ilangaatigalugit.

## 5. Aningaasatigut nalinga:

Naliliutip aningaasatigut nalinga tassaavoq siunissami ilanngaatisat peereerlugit akiliutit, naliliutip ullormi oqimaaqatigiissitsiffiusumi isertitarisinnaasaatut naatsorsuutigineqartut nalinga utimoortunik naliliussaasoq (maannakkorpiaq nalinga), maannakkorpiaq atuuffiata atortuarneratigut. Pisussaaffiup aningaasatigut nalinga tassaavoq siunissami ilanngaatisat peereerlugit, pisussaaffiup suli atuukkallarnerani akiliutaajumaartussanut utimoortunik naliliussaasoq (maannakkorpiaq nalinga).

## 6. Akivia:

Naliliutip akivia tassaapput aningaasat naliliummut akiliutit atorneqarsimasut, pineqartoq illuatungerisamit avataaneersumit pissarsiarineqarsimagaluarpat, imaluunniit nammineq suliarineqarsimagaluarpat. Pisussaaffiup akivia tassaapput aningaasat, pisussaaffimmu akiliutit tiguneqarsimasut.

## 7. Tunisinermi ilanngaatisat ilanngaatigereerlugit nalinga:

Naliliutip tunisinermi ilanngaatisat ilanngaatigereerlugit nalinga tassaavoq naliliutip ullormi oqimaaqatigiissitsiffiusumi nalinginnaasumik ingerlatsinermut atatillugu siunissami ilanngaatisat ilanngaatigereerlugit isertitariumaagaatut naatsorsuutigineqartut katinnerat. Pisussaaffiup tunisinermi ilanngaatisat ilanngaatigereerlugit nalinga tassaavoq pisussaaffik piugallartillugu siunissami ilanngaatisat ilanngaatigereerlugit akiliutit katinnerat.

## 8. Tunisassiornermi periuseq:

Tunisassiornermi periuseq isertitaqarnermut periusiuvoq, taanna malillugu suliassap suliarineqarnerani ilutigalugu isertitat aningaasartuutillu angusat naatsorsorneqarnerannut ilanngullugit naatsorsorneqassapput. Tunisassiornermi periuseq atorneqartillugu, suliat ingerlanneqartut oqimaaqatigiissitsinermut ilanngullugit nalilersorneqassapput, suliat naammasseriikkat tunineqarnermini nalingat naatsorsorneqartoq atorlugu.

Suliap maanna ingerlanneqartup tunineqarnermini nalinga tassaavoq akip isumaqatigiissutikkut aalajangersagaasup aamma tunineqarnermini akitut naatsorsugaasup atsikkutigiissumik annertussusilerlugu ilaa, suliassap suliassiisutiginneqartup tamarmiusup ilaanut ullormi oqimaaqatigiissitsiffiusumi isertitaasimasoq.

## 9. Tunisinermi nalinga:

Naliliutip tunisinermi nalinga tassaavoq aki, naliliutip ullormi oqimaaqatigiissitsiffiusumi tunineqarneratigut akigitinneqarsinnaasoq. Pisussaaffimmik tunisinermi nalinga tassaavoq aki, ullormi oqimaaqatigiissitsiffiusumi pisussaaffimmik iperaanissamut aki akilerneqartussaasoq.

**Oqimaaqatigiissitsinernut aamma angusat allattorsimaffiit immersugassat**

**1. Kontokkaaraluni oqimaaqatigiissitsinermut immersugassaq (naatsorsuuserinermi klasse B, C aamma D-mut)**

NALILIUTIT

*SANAARTUKKATIGUT NALILIUTIT*

- I. Sanaartukkatigut naliliutit tigussaangitsut
  1. Ineriartortitsinermik suliniutit naammasseriikkat, patentit pisinnaatitaaffillu assigisaat ineriartortitsinermik suliniutineersut ilanngullugit
  2. Akuersissutit, patentit, pisinnaatitsissutit, nioqqtissanut ilisarnaatit pisiarineqartut pisinnaatitaaffillu assigisaat
  3. Tutsuvigineqarneq
  4. Ineriartortitsinermik suliniutit maanna suliarineqartut aamma sanaartukkatigut naliliutinut siumoortumik akiliutit
- II. Sanaartukkatigut naliliutit tigussaasut
  1. Nunaminertat illuutillu
  2. Tunisassiornermut sanaartukkat maskinallu
  3. Sanaartukkat allat, ingerlatsinermut atortussat illumilu pisattat
  4. Sanaartukkatigut naliliutit tigussaasut maanna sanaartorneqartut aamma sanaartukkatigut naliliutinut siumoortumik akiliutit
- III. Sanaartukkatigut naliliutit aningaasanut tunngasut
  1. Suliffeqarfinnut atassuteqarfigisanut aningaasaatinut piginneqatigiissutit
  2. Suliffeqarfinnit atassuteqarfigisanit pisassat
  3. Suliffeqarfinni sunniuteqarfigisani aningaasaatinut piginneqatigiissutit
  4. Suliffeqarfinnit sunniuteqarfigisanit pisassat
  5. Pappialat nalillit aningaasaatinullu piginneqatigiissutit allat
  6. Pisassat allat
  7. Suliffeqarfinnut peqataasunit aqutsisunillu pisassat

*NALILIUTIT TUNINEQARSINNAASUT*

- I. Nioqqtissat uninngasuutigineqartut
  1. Tunisassiassat ikiuutitullu atortussiat
  2. Nioqqtissat maanna suliarineqartut
  3. Nioqqtissat tunisassiallu tunisassiarineqareersut
  4. Nioqqtissanut siumoortumik akiliutit
- II. Pisassat
  1. Tunisinermi sullissinermillu pisassat
  2. Suliffeqarfinnit atassuteqarfigisanit pisassat
  3. Suliffeqarfinnit sunniuteqarfigisanit pisassat
  4. Pisassat allat
  5. Suliffeqarfiup aningaasaataanik qaavatiqullu naliliussanut akiliuteqarnissamut piumasaqaatit
  6. Suliffeqarfinnut peqataasunit aqutsisunillu pisassat
  7. Piffissami killiliiffiusumi allattukkat
- III. Pappialat naliliutit aamma aningaasaatinut piginneqatigiissutit
  1. Suliffeqarfinni atassuteqarfigisani aningaasaatinut piginneqatigiissutit
  2. Pappialat nalillit aningaasaatinullu piginneqatigiissutit allat
- IV. Aningaasat tigorianaat uninngasuutigineqartut

## AKILIGASSAT

### V. *NAMMINEQ ANINGAASAATIT*

- I. Suliffeqarfiup aningaasaatai
- II. Aktianik nutaanik pilersitsinermi qaavatigut naliliussat
- III. Naleqarnerulersitsinernut pissamaatit
- IV. Pissamaatit allat
  1. Nammineq aningaasaatit ingerlatsinikkut nalingat aallaavigalugu ilanngaaseereerluni naleqarnerulersitsinermut pissamaatit
  2. Suliffeqarfiup aningaasaataanut qaavatigullu naliliussanut akilerneqanngitsunut pissamaatit
  3. Aallarnisaasut piginneqatigiiffiut pissamaatit
  4. Ineriartortitsinermut aningaasartuutitut pissamaatit
  5. Inatsisitigut pisussaaffigalugit pissamaatit sinneri
  6. Pissamaatit malittarisassanut attuumassuteqartut
  7. Pissamaatit sinneri
- V. Sinneqartoorutit imaluunniit amigartoorutit nuunneqartut

### *PISUSSAAFFIIT UTAQQISITAT*

1. Soraarnerussutisianut pisussaaffinnullu assigisaannut illikartitat
2. Akileraarutitut utaqqisitanut illikartitat
3. Pisussaaffinnut allanut illikartitat

### *AKIITSUTIGUT PISUSSAAFFIIT SIVISUUMIK PIFFISSALIKKAT*

1. Akiitsut, obligationinik pilersitsinikkut akiitsorilikkat
2. Akiitsoqarnermik allakkiat allanngortinneqarsinnaasut iluanaarutaasullu
3. Aningaasanik attartortitsisarfinnut akiitsut
4. Pisisartunit siumoortumik akiliutit tiguneqareersut
5. Nioqutissanik sullissinernillu pilersuisut
6. Akiitsukkanut uppersaatitigut akiitsut
7. Suliffeqarfinnut atassuteqarfigisanut akiitsut
8. Suliffeqarfinnut sunniuteqarfigisanut akiitsut
9. Akiitsut allat, akileraarutit akiitsorineqartut aamma isumaginninnikkut isumannaarinerimut tapiisutitut akiitsut ilanngullugit
10. Piffissami killiliiffiusumi allattukkat

### *AKIITSUTIGUT PISUSSAAFFIIT SIVIKITSUMIK PIFFISSALIKKAT*

1. Akiitsut, obligationinik pilersitsinikkut akiitsorilikkat
2. Akiitsoqarnermik allakkiat allanngortinneqarsinnaasut iluanaarutaasullu
3. Aningaasanik attartortitsisarfinnut akiitsut
4. Pisisartunit siumoortumik akiliutit tiguneqareersut
5. Nioqutissanik sullissinernillu pilersuisut
6. Akiitsukkanut uppersaatitigut akiitsut
7. Suliffeqarfinnut atassuteqarfigisanut akiitsut
8. Suliffeqarfinnut sunniuteqarfigisanut akiitsut
9. Akiitsut allat, akileraarutit akiitsorineqartut aamma isumaginninnikkut isumannaarinerimut tapiisutitut akiitsut ilanngullugit
10. Piffissami killiliiffiusumi allattukkat

**2. Kontokkaaraluni oqimaaqatigiissitsinermut immersugassaq – naliliutit akiitsullu sivisuumik aamma sivikitsumik piffissalikkanut agguallugit (naatsorsuuserinermi klasse B, C aamma D)**



## NALILIUTIT

### *NALILIUTIT SIVISUUMIK PIFFISSALIKKAT*

- I. Naliliutit tigussaangitsut
  1. Ineriartortitsinermik suliniutit naammasseriikkat, patentit pisinnaatitaaffillu assigisaat ineriartortitsinermik suliniutineersut ilanngullugit
  2. Akuersissutit, patentit, pisinnaatitsissutit, nioqqutissanut ilisarnaatit pisiarineqartut pisinnaatitaaffillu assigisaat
  3. Tutsuvigineqarneq
  4. Ineriartortitsinermik suliniutit maanna suliarineqartut aamma sanaartukkatigut naliliutinut siumoortumik akiliutit
- II. Naliliutit tigussaasut
  1. Nunaminertat illuutillu
  2. Tunisassiornermut sanaartukkat maskinallu
  3. Sanaartukkat allat, ingerlatsinermut atortussat illumilu pisattat
  4. Sanaartukkatigut naliliutit tigussaasut maanna sanaartorneqartut aamma sanaartukkatigut naliliutinut siumoortumik akiliutit
- III. Naliliutit aningaasanut tunngasut
  1. Suliffeqarfinnut atassuteqarfigisanut aningaasaatinut piginneqatigiissutit
  2. Suliffeqarfinnit atassuteqarfigisanit pisassat
  3. Suliffeqarfinni sunniuteqarfigisani aningaasaatinut piginneqatigiissutit
  4. Suliffeqarfinnit sunniuteqarfigisanit pisassat
  5. Pappialat nalillit aningaasaatinullu piginneqatigiissutit allat
  6. Pisassat allat
  7. Suliffeqarfimmud peqataasunit aqutsisunillu pisassat

### *NALILIUTIT SIVIKITSUMIK PIFFISSALIKKAT*

- I. Nioqqutissat uninngasuutigineqartut
  1. Tunisassiassat ikiuutitullu atortussiat
  2. Nioqqutissat maanna suliarineqartut
  3. Nioqqutissat tunisassiallu tunisassiarineqareersut
  4. Nioqqutissanut siumoortumik akiliutit
- II. Pisassat
  1. Tunisinermi sullissinermillu pisassat
  2. Suliffeqarfinnit atassuteqarfigisanit pisassat
  3. Suliffeqarfinnit sunniuteqarfigisanit pisassat
  4. Pisassat allat
  5. Suliffeqarfiup aningaasaataanik qaavatigullu naliliussanut akiliuteqarnissamut piunasaqaatit
  6. Suliffeqarfimmud peqataasunit aqutsisunillu pisassat
  7. Piffissami killiliiffiusumi allattukkat
- III. Pappialat naliliutit aamma aningaasaatinut piginneqatigiissutit
  1. Suliffeqarfinni atassuteqarfigisani aningaasaatinut piginneqatigiissutit
  2. Pappialat nalillit aningaasaatinullu piginneqatigiissutit allat
- IV. Aningaasat tigorianaat uninngasuutigineqartut

## AKILIGASSAT

### *NAMMINEQ ANINGAASAATIT*

- I. Suliffeqarfiup aningaasaatai
- II. Aktianik nutaanik pilersitsinermi qaavatigut naliliussat
- III. Naleqarnerulersitsinernut pissamaatit

IV. Pissamaatit allat

1. Nammineq aningaasaatit ingerlatsinikkut nalingat aallaavigalugu ilanngaaseereerluni naleqarne-rulersitsinermut pissamaatit
2. Attartortitsinermut qularnaveeqqusiinermullu pissamaatit
3. Suliffeqarfiup aningaasaataanut qaavativullu naliliussanut akilerneqanngitsunut pissamaatit
4. Aallarnisaasut piginneqatigiiffiit pissamaatit
5. Ineriartortitsinermut aningaasartuutitut pissamaatit
6. Inatsisitigut pisussaaffigalugit pissamaatit sinneri
7. Pissamaatit malittarisassanut attuumassuteqartut
8. Pissamaatit sinneri

V. Sinneqartoorutit imaluunniit amigartoorutit nuunneqartut

*PISUSSAAFFIIT SIVISUUMIK PIFFISSALIKKAT*

1. Soraarnerussutisiat pisussaaffiillu assigisaat
2. Akileraarutit kinguartitat
3. Pisussaaffiit allat kinguartitat
4. Akiitsut, obligationinik pilersitsinikkut akiitsorilikkat
5. Akiitsoqarnermik allakkiat allanngortinneqarsinnaasut iluanaarutaasullu
6. Aningaasanik attartortitsisarfinnut akiitsut
7. Pisisartunit akiliutit siumoortumik tiguneqareersut
8. Nioqqutissanik sullissinermillu pilersuisut
9. Akiitsukkanut uppersaartitigut akiitsut
10. Suliffeqarfinnut atassuteqarfigisanut akiitsut
11. Suliffeqarfinnut sunnuteqarfigisanut akiitsut
12. Akiitsut allat, akileraarutit akiitsorineqartut aamma isumaginninnikkut isumannaarinermit tapiis-sutinut akiitsut ilanngullugit
13. Piffissami killiliiffiusumi allattukkat

*PISUSSAAFFIIT SIVIKITSUMIK PIFFISSALIKKAT*

1. Soraarnerussutisiat assigisaannillu pisussaaffiit
2. Pisussaaffiit allat kinguartitat
3. Akiitsut, obligationinik pilersitsinikkut akiitsorilikkat
4. Akiitsoqarnermik allakkiat allanngortinneqarsinnaasut iluanaarutaasullu
5. Aningaasanik attartortitsisarfinnut akiitsut
6. Pisisartunit siumoortumik akiliutit tiguneqareersut
7. Nioqqutissanik sullissinermillu pilersuisut
8. Akiitsukkanut uppersaartitigut akiitsut
9. Suliffeqarfinnut atassuteqarfigisanut akiitsut
10. Suliffeqarfinnut sunnuteqarfigisanut akiitsut
11. Akiitsut allat, akileraarutit akiitsorineqartut aamma isumaginninnikkut isumannaarinermit tapiis-sutinut akiitsut ilanngullugit
12. Piffissami killiliiffiusumi allattukkat

**3. Angusat allattorsimaffianut nalunaarusiatut ilusilikkamut immersugassaq, suuneri aallaavigalu-git immikkoortiterlugit (naatsorsuuserinermit klasse B, C aamma D)**

(Allattukkap saniani \*-mik ilisarnaasiinerup takutippaa suliffeqarfiit mikisut akunnattumillu angissusillit allattukkat katinnerat allassinnaagaat, tak. §§ 32 aamma 81. Taamaappat iluanaarutit/amigaartoorutit ilanngaaserneqanngitsut ungaluutiniittut taarsiullugit inissinneqassapput)

1. Kaaviiartitat ilanngaasariikkat \*
2. Nioqqutissat naammasseriikkat uninngasuutigineqartut nioqqutissallu tunisassiarineqartut allan-guutaat \*

3. Nammineq akilikkamik sulineq aamma naliliutit ataanni allattugaasoq \*
4. Ingerlatsinermit isertitat allat \*
5. Suliffeqarfiup avataani aningaasartuutit \*
  - a) Tunisassiassanut ikiuutitullu atortussanut aningaasartuutit \*
  - b) Suliffiup avataani aningaasartuutit allat \*
  - c) (Iluaaarutit/Amigartoorutit ilanngaaserneqanngitsut)
6. Sulisunut aningaasartuutit
  - a) Aningaasasiat
  - b) Soraarnerussutisiat
  - c) Isumaginninnikkut isumannaarinermit aningaasartuutit allat
7. Sanaartukkatigut naliliutinik tigussaasunik tigussaannigitsunillu nalikillisaanerit naleqarnerulersitsinerillu
8. Naliliutinik tunineqarsinnaasunik nalikillisaanerit, nalinginnaasumik nalikillisaanernik qaangiisut
9. Ingerlatsinermit aningaasartuutit allat
10. Suliffeqarfinni atassuteqarfigisani sunniuteqarfigisani aningaasaatinut piginneqatigiissutitigut isertitat
  - a) Suliffeqarfinni atassuteqarfigisani aningaasaatinut piginneqatigiissutitigut isertitat
  - b) Suliffeqarfinni sunniuteqarfigisani aningaasaatinut piginneqatigiissutitigut isertitat
11. Aningaasaatinut piginneqatigiissutinit, pappialanit nalilinniit kiisalu pisassanit sanaartukkatigut naliliutaasunit allanit isertitat
12. Suliffeqarfinnit atassuteqarfigisani aningaasatigut isertitat allat
13. Aningaasatigut isertitat allat
14. Aningaasatigut naliliutinik nalikillisaaneq
15. Aningaasaqarnikkut aningaasartuutit sinneri
  - a) Aningaasaqarnikkut aningaasartuutit, suliffeqarfinnut atassuteqarfigisanut tunngasut
  - b) Aningaasaqarnikkut aningaasartuutit allat
16. Ukiumi angusanit akileraarutit
17. Akileraarutit allat
18. Ukiumi angusat

**4. Angusat allattorsimaffiannut nalunaarusiatut ilusilikkamut immersugassaq, sulianut immikkoortiterlugit (naatsorsuuserinermit klasse B, C aamma D)**

1. Kaaviiartitat ilanngaaseriikkat \*
2. Tunisassiormermit aningaasartuutit \*
3. Angusat ilanngaaserneqanngitsut \*
 

(Iluaaarutit ilanngaaserneqanngitsut/Amigartoorutit ilanngaaserneqanngitsut)
4. Nassiussuinermit aningaasartuutit
5. Allaffissornermit aningaasartuutit
6. Ingerlatsinermit isertitat allat \*
7. Suliffeqarfinni atassuteqarfigisani aamma sunniuteqarfigisani aningaasaatinut piginneqatigiissutinit isertitat
  - a) Suliffeqarfinni atassuteqarfigisani aningaasaatinut piginneqatigiissutinit isertitat
  - b) Suliffeqarfinni sunniuteqarfigisani aningaasaatinut piginneqatigiissutinit isertitat
8. Aningaasaatinut piginneqatigiissutinit, pappialanit nalilinnit kiisalu pisassanit sanaartukkatigut naliliutaasunit allanit isertitat
9. Suliffeqarfinnit atassuteqarfigisani aningaasaqarnikkut isertitat allat
10. Aningaasaqarnikkut isertitat allat
11. Aningaasaqarnikkut naliliutinik nalikillisaaneq
12. Aningaasaqarnikkut aningaasartuutit sinneri
  - a) Aningaasaqarnikkut aningaasartuutit, suliffeqarfinnut atassuteqarfigisanut tunngasut
  - b) Aningaasaqarnikkut aningaasartuutit allat
13. Ukiumi angusanit akileraarutit

14. Akileraarutit allat
15. Ukiumi angusat.

**Ilanngussaq 3**  
(Atorunnaarpoq)

Nunani tamalaani naatsorsuutitut pitsaassutsit atorneqarnerat pillugu Europa-Parlamentetip aamma Rådip peqqussutaat (EF) Nr. 1606/2002, 19. juli 2002-meersoq imatut oqaasertaqarpoq:

### »Artikel 1

#### **Anguniagaq**

Peqqussummi matumani siunertaavoq EU-mi nunani tamalaani naatsorsuuserinermi pitsaassutsinik akuersissuteqartarnissaq atuisarnissarlu, piginneqatigiiffiit artikel 4-mi taaneqartut aningaasaqarnikkut paasissutissiinerisa assigiissaarnissaat siunertaralugu, taamaasiornikkullu ukiumoortunik naatsorsuutitut atatillugu annertuumik paasiuminartuunissaat imminnullu assersuunneqarsinnaanerit anguniarlugu, taamaasilluni EU-mi aningaasanik niuerfiit EU-llu iluani niuerfiit angusaqarfiulluatumik ingerlanissaat qulakkeerlugu.

### Artikel 2

#### **Nassuiaatit**

Peqqussummi matumani »nunani tamalaani naatsorsuuserinermut pitaassusiliussat«-ni pineqarput International Accounting Standards (IAS), International Financial Reporting Standards (IFRS) taakkunungalu atatillugu isumasiuinerit, (SIC/ IFRIC-mik isumasiuinerit), pitsaassutsinillu taakkuninnga kingorna allannguinerit taamaasillunilu isumasiuinerit taakkununnga atasut, siunissami pitsaassusissat taakkunungalu atatillugu isumasiuinerit International Accounting Standards Board (IASB)-mit suliarineqartatut akuersissutigineqartarlutillu.

### Artikel 3

#### **Nunani tamalaani naatsorsuuserinermut pitsaassusiliussat akuersissutigineqartarnerat atorneqartarnerallu**

1. Artikel 6, imm. 2-mi suleriaaseq malillugu nunani tamalaani naatsorsuuserinermut pitsaassusiliussat EU-mi atorneqarnissat Kommissionip aalajangertarjaa.
2. Nunani tamalaani naatsorsuuserinermut pitsaassusiliussat aatsaat akuersissutigineqarsinnaapput, imaappat:
  - peqqussut 78/660/EØF-imi artikel 2, imm. 3-mi, aamma peqqussut 83/349/EØF-imi artikel 16, imm 3-mi tunngavinnut naapertuuppata, kiisalu europami inuit soqutigisaannut naapertuuppata, aamma
  - aningaasaqarnikkut paasissutissanut, aaningaasaqarnikkut aalajangiinermut suliffeqarfiullu aqutsisuisa nalilersornissaannut pisariaqartinneqartunut atatillugu piumasaqaatigineqarjata.
3. Nunani tamalaani naatsorsuuserinermut pitsaassusiliussat, piffissami peqqussutip matuma atuutilerfiani pigineqartut, EU-mi atorneqassanersut artikel 6, imm. 2-mi suleriaatsit malillugit kommissioni 31. december 2002 nallertinnagu aalajangiissaaq.
4. Nunani tamalaani naatsorsuuserinermut pitsaassusiliussat akuersissutigineqartut Kommissionip peqqussutaatut De Europæiske Fællesskabers Tidendemi EU-mi oqaatsit atorneqartut tamaasa atorlugit saqummiunneqartassapput.

### Artikel 4

#### **Piginneqatigiiffiit børsini niuerfinni niuerutaasinnaasut piginneqatigiiffissuurtut naatsorsuutaat**

Ukiunut naatsorsuiffiusunut tamanut, 1. januar 2005-imi kingusinnerusukkulluunniit aallartittunut, piginneqatigiiffiit naalagaaffiup ilaasortaasup inatsisaanik maleruagassaqartitaasut nunani tamalaani naatsorsuuserinermut pitsaassusiliussat, artikel 6, imm. 2-mi suleriaatseq malillugu akuersissutigineqartut malillugit piginneqatigiiffissuarminnut naatsorsuusiussapput, piffissami oqimaaqatigiiffissiffiusumi pappialat naliliutaat pappialanut nalilinnut atatillugu aningaasaliissuteqarnermut sullissineq pillugu Rådip peqqus-

sutaa 93/22/EØF, 10. maj 1993-imeersumi artikel 1, nr. 13-imi nassuiarneqartut nalagaaffimmi ilaasortaasumi tuniniarneqartarpa.

#### *Artikel 5*

### **Ukiumoortumik naatsorsuutitut atatillugu periarfissat aamma piginneqatigiiffiit pappialanik nalilinnik niuerfinni nalunaarsugaanngitsut**

Naalagaaffiit ilaasortaasut akuersissutigisinnaavaat piunasaqaatigisinnaalluguluunniit

- a) piginneqatigiiffiit artikel 4-mi pineqartut ukiumoortumik naatsorsuutitik suliarissagaat
- b) piginneqatigiiffiit allat artikel 4-mi pineqanngitsut piginneqatigiiffissuarmut naatsorsuutitik aamma /imaluunniit ukiumoortumik naatsorsuutitik suliarissagaat nunani tamalaani naatsorsuuserinermut pitsaasusiliussat, artikel 6, imm. 2-mi suleriaaseq malillugu akuersissutigineqartut naapertorlugit.

#### *Artikel 6*

### **Ataatsimiititaliami suleriaaseq**

1. Kommissioni naatsorsuutitik nakkutilliinermut ataatsimiititaliamit, kingorna »ataatsimiititaliaq«-mik taagorneqartumit ikiorneqassaaq.
2. Immikkoortumut matumunnga innersuussisoqartillugu, aalajangiinermi 1999/468/EF-imi artikel 5 aamma 7 atorneqassapput, tak. tassani artikel 8. Aalangiinermi 1999/468/EF-imi artikel 5, imm. 6-imi piffisaliussaq qaammatinut pingasunut aalajangersarneqarpoq.
3. Ataatsimiititaliap malittarisassani nammineq akuersissutigissavai.

#### *Artikel 7*

### **Nalunaaruteqarneq aamma ataatsimut aqqissuussineq**

1. IASB-mik suliniutit killiffii kiisalu pitsaassutsit, suliniutit allakkiallu kingunerisinnaasaasa akuersissutigineqartarnerat pillugu isummiussat ataqatigiissaarniarlugit kiisalu taakku pillugit oqallinnerit siuarsarnialugit IASB-p tamatumunnga atatillugu suliarisarsagai pillugit kommissioni ataatsimiititaliamik atavartumik suleqateqassaaq.
2. Kommissionip pitsaassutsimik akuersinissaq siunnersuutiginiangikkuniuk, ataatsimiititaq sapinngisamik sukkanerpaamik ilisimatissavaa.

#### *Artikel 8*

### **Nalunaaruteqarneq**

Naalagaaffiit ilaasortaasut artikel 5 naapertorlugu iliuuseqarunik, kommissioni naalagaaffillu ilaasortat sinneri erniinnarluinnaq nalunaarfigissavaat.

#### *Artikel 9*

### **Ikaarsaariarnermi aalajangersakkat**

Artikel 4 apeqqutaatinnagu naalagaaffiit ilaasortaasut aalajangersinnaavaat artikel 4-mi piunasaqaatit aat-saat ukiunut naatsorsuiffiusunut januar 2007-imi kingusinnerusukkulluunniit aallartittunut atuutissasut, piginneqatigiiffinni imaappat:

- a) obligationiutai taamaallaat tunitsivimmi maleruagassaqaarttaasumi tuniniarneqarsinnaappata, peqqussut 93/22/EØF-imi artikel 1, nr. 13-imi nassuiarneqartut, imaluunniit
- b) pappialanik naliliutai nunami pingajuusumi pappialanik nalilinnik niuerfimmi niuerutaasinnaappata, tamannalu siunertaralugu ukiumi naatsorsuiffiusumi, peqqussutip matuma De Europæiske Fælleska-

bers Tidendemi tamanut saqqummiunneqarnera sioqqullugu nunani tamalaani naatsorsuuserinermut pitsaassusiliussat akuerisaasut atorneqarsimappata.

*Artikel 10*

**Paasissutissiineq misissuinerlu**

Peqqussutip matuma sunniuteqarsinnaassusia kommissionip misissussavaa, tamannalu pillugu 1. juli 2007 nallertinnagu Europa Parlamentimut Rådimmullu nalunaarusiamik saqqummiussissalluni.

*Artikel 11*

**Atuutilerfia**

Peqqussut manna De Europæiske Fælleskabers Tidendemi saqqummiunneqarnerminit ullut pingajuanniit atuutilissaaq. Peqqussut manna ataasiakkaani tamani pituttuisuuvoq, naalagaaffinnilu ilaasortaasumi tamani atuutissalluni.